

CHRONIQUES  
DE  
J. FROISSART

PUBLIÉES POUR LA SOCIÉTÉ DE L'HISTOIRE DE FRANCE

PAR SIMÉON LUCE

---

TOME PREMIER

1307-1340

(DEPUIS L'AVÈNEMENT D'ÉDOUARD II JUSQU'AU SIEGE DE TOURNAY)

II<sup>e</sup> PARTIE

---

*Reproduction par le procédé anastatique exécutée en 1888*



A PARIS

CHEZ M<sup>me</sup> V<sup>e</sup> JULES RENOUARD

LIBRAIRE DE LA SOCIÉTÉ DE L'HISTOIRE DE FRANCE

RUE DE TOURNON, n<sup>o</sup> 6

---

M DCCC LXIX

N<sup>o</sup> 148

**CHRONIQUES**  
**DE**  
**J. FROISSART**

---

REPRODUCTION À CENT EXEMPLAIRES DE L'ÉDITION  
ORIGINALE PAR LE PROCÉDÉ ANASTATIQUE DANNENBERG

---

**CHRONIQUES**  
**DE**  
**J. FROISSART**

**PUBLIÉES POUR LA SOCIÉTÉ DE L'HISTOIRE DE FRANCE**

**PAR SIMÉON LUCE**

---

**TOME PREMIER**

**1307-1340.**

**(DEPUIS L'AVÈNEMENT D'ÉDOUARD II JUSQU'AU SIÈGE DE TOURNAY)**

**II<sup>e</sup> PARTIE**



**A PARIS**

**CHEZ M<sup>me</sup> V<sup>e</sup> JULES RENOUARD**

**LIBRAIRE DE LA SOCIÉTÉ DE L'HISTOIRE DE FRANCE**

**RUE DE TOURNON, N<sup>o</sup> 6**

**M DCCC LXIX**



# CHRONIQUES DE JEAN FROISSART.

---

## PROLOGUE.

Afin que les grans merveilles et li biau fait d'armes, qui sont avenu par les grans guerres de France et d'Engleterre et des royaumes voisins, dont li roy et leurs consaulz sont cause, soient notablement registré et ou tamps present et à venir veu et cogneu, je me voel ensonniiier de l'ordonner et mettre en prose selonch le vraie information que j'ay eu des vaillans hommes, chevaliers et escuiers, qui les ont aidiés à acroistre, et ossi de aucuns rois d'armes et leurs mareschaus, qui par droit sont et doivent estre juste inquisiteur et rapporteur de tels besongnes. 5 10

Voirs est que messires Jehans li Biaux, jadis cannonnes de Saint Lambert de Liège, en fist et cronisa à son tamps aucune cose à se plaisance; et j'ai ce livre hystoriïet et augmenté à le mienne, à le relation et conseil des dessus dis, sans faire fait, ne porter 15 partie, ne coulourer plus l'un que l'autre, fors tant

que li biens fais des bons, de quel pays qu'il soient, qui par proèce l'ont acquis, y est plainnement veus et cogneus, car de l'oublier ou esconser, ce seroit pechiés et cose mal apertenans, car exploït d'armes  
5 sont si chierement comparet et achetet, che scèvent chil qui y travaillent, que on n'en doit nullement mentir pour complaire à autrui, et tollir le gloire et renommée des bienfaisans, et donner à chiaus qui n'en sont mies digne.

10 Or ai je mis, ou premier chief de mon proïsme, que je voel parler et trettier de grans mervelles. Voirement se poront et deveront bien tout chil qui ce livre liront et veront, esmervillier des grans aventures qu'il y trouveront. Car je croi que, de puis le  
15 creation dou monde, et que on se commença premierement à armer, on ne trouveroit en nulle hystoire tant de merveilles ne de grans fais d'armes, selonch se quantité, comme il sont avenu par les guerres dessus dittes, tant par terre com par mer, et  
20 dont je vous ferai ensievant mention. Mais ançois que j'en commence à parler, je voel un petit tenir et demener le pourpos de proèce, car c'est une si noble vertu, et de si grant recommandation, que on ne le doit mies passer trop briefment, car elle est mère  
25 matériële et lumière des gentilz hommes, et, si com la busce ne poet ardoir sans feu, ne poet li gentilz homs venir à parfaite honneur ne à le gloire dou monde, sans proèce.

Or doivent donc tout jone gentil homme, qui se  
30 voellent avancier, avoir ardent desir d'acquerre le fait et le renommée de proèce, par quoi il soient mis et compté ou nombre des preus, et regarder et con-

siderer comment leur predicesseur, dont il tiennent  
 [leurs<sup>1</sup>] hyretages et portent espoir les armes, sont  
 honnoré et recommandé par leurs biens fais. Je sui  
 seurs que, se ilz regardent et lisent en ce livre, que  
 il trouveront otant de grans fais et de belles apertises 5  
 d'armes, de durs rencontres, de fors assaus, de fières  
 batailles et de tous autres maniemens d'armes qui se  
 descendent des membres de proèce, que en nulle  
 hystore dont on puist parler, tant soit anchiienne ne  
 nouvelle. Et ce sera à yaus matère et exemples de 10  
 yaus encoragier en bien faisant, car la memore des  
 bons et li recors des preus atisent et enflament par  
 raison les coers des jones bacelers, qui tirent et ten-  
 dent à toute perfection d'onneur, de quoi proèce  
 est li principaus chiés et li certains ressors. 15

Si ne voel je mies que nulz bacelers soït excusés  
 de non li armer et sievir les armes par defaute de  
 mise et de chavance, se il a corps et membres ables  
 et propisses à ce faire, mès voel qu'il les aberde de  
 bon corage et prende de grant volenté. Il trouvera 20  
 tantost des haus signeurs et nobles qui l'ensonnie-  
 ront, se il le vaut, et le aideront et avanceront, se il  
 le dessert, et le pourveront selonch son bien fait.  
 Ossi en armes aviennent tant de grans merveilles et  
 de belles aventures que on n'oseroit ne poroit pen- 25  
 ser ne imaginer les fortunes qui s'i boutent, se com  
 vous verés et troverés en ce livre, se vous le lisiés,  
 comment pluisieur chevalier et escuier se sont fait et  
 avanciet, plus par leur proèce que par leur linage.  
 Li noms de preu est si haus et si nobles et la vertu 30

1. Ms. de Gaignières, f° 1. — Ms. 6477, f° 2 v° : « le ».

si clère et si belle que elle resplendist en ces sales et  
en ces places où il a assamblée et fuison de grans  
signeurs, et se remoustre dessus tous les autres, et  
l'ensengn'on au doi et dist on : « Velà cesti qui mist  
5 ceste cevaucie ou ceste armée sus, et qui ordonna  
ceste bataille si faiticement et le gouverna si sage-  
ment, et qui josta de fier de glave si radement, et  
qui trespërça les conrois de ses ennemis par deus ou  
par trois fois, et qui se combati si vassaument ou  
10 qui entreprist ceste besongne si hardiement, et qui  
fu trouvés entre les mors et les bleciés navrés moult  
durement, et ne daigna onques fuir en place où il  
se trovast. »

De telz grains et de telz semences sont servi et  
15 alosé li vaillant homme et li preu par leur vaillance.  
Encores avant on voit le preu baceler seoir à haute  
honneur à table de roy, de prince, de duch et de  
conte, là où plus nobles de sanch et plus rices d'a-  
voir n'est mies assis. Car, si com li quatre ewange-  
20 liste et li douze apostele sont plus proçain de Nostre  
Signeur que ne soient li autre, sont li preu plus priès  
d'onneur et plus honnouré que li aultre ; et c'est bien  
raisons, car il acquèrent et conquèrent le nom de  
proèce en grant painne, en sueur, en labeur, en soing,  
25 en villier, en travillier jour et nuit sans sejour. Et  
quant leurs biens fais est veus et cogneus, il est ra-  
menteus et renommés, si com dessus est dit, et es-  
crips et registrés en livres et en cronikes. Car, par les  
escriptures troeve on le memore des bons et des  
30 vaillans hommes de jadis, si com les neuf preus qui  
passèrent route par leur proèce, les douze chevaliers  
compagnons qui gardèrent le pas contre Salehadin

et se poissance, les douze pers de France qui demorèrent en Raincevaus, et qui si vaillamment s'i vendirent et combattirent, et ensi de tous les autres que je ne puis mies tous nommer, ne determiner leurs biens fais ne ramentevoir, car trop poroie ma principal matère empeechief. Ensi se diffère et dissimule li mondes en pluseurs manières. Li vaillant homme travaillent leurs membres en armes, pour avancier leurs corps et acroistre leur honneur. Li peuples parolle, recorde et devise de leurs estas, et de leur fortunes. Li aucun clerch escriisent et registrent leurs avenues et baceleries.

Or ay je eu pluseurs fois imagination sus l'estat de proèce, et penset comment et où elle a regnet et tenu signourie et domination, et salli d'un pays en aultre. Sus ses ordenances meismement, en ay je oy parler et deviser en ma jonèce aucuns vaillans hommes et bons chevaliers, qui otant bien s'en esmerilloient adonc comme je fai maintenant : si vous en voel declarer aucune cose. Verités est, selonch les anciennes escriptures, que, apriès le deliue et que [Noés<sup>1</sup>] et se generation eurent repeuplé le monde, et que on se commença à armer et à courir et à pillier l'un sus l'autre, proèce regna premierement ou royaume de Caldée, par le fait dou roy Ninus qui fist fonder et edefier la grant cité de Ninivée qui contenoit trois journées de lonc, et ossi par la royne Semiramis sa femme qui fu dame de grant valour. Apriès, proèce se remua et vint regner en Judée et en Jherusalem, par le fait de Josué, de David et des

1. Ms. 6477, f° 3 v° : « Noels. »

Machabiens. Et quant elle eut là regné un temps, elle vint demorer et regner ou royaume de Perse et de Mède, par le fait de Cyrus, le grant roy, par As-serus et par Xerses. Après, revint proece regner en  
5 Gresce, par le fait de Hercules, de Tezeus, de Jazon et de Acilles et des aultres preus chevaliers; apriès, en Troies, par le roi Priant, par Hector et par ses frères; apriès, en le cité de Romme et entre les Rom-mains, par les nobles senatours et concilles, tribons  
10 et centurions. Et furent cil et leurs generations en tel poissance, environ cinq cens ans, et firent pries que tout le monde rendre trebus à yaus jusques au tamps Julius Cesar, qui fu li premiers emperères de Romme, et de qui tout li aultre sont descendu et  
15 venu.

Apriès, se tanèrent li Rommain de proèce, et s'en vint demorer et regner en France, par le fait pre-mierement dou roy Pepin et dou roy Charle, son fil, qui fu rois de France et d'Alemagne et emperères  
20 de Romme, et par les autres nobies rois ensievant. Apriès, a regné proèce un grant tamps en Engleterre, par le fait dou roy Edowart et dou prince de Galles, son fil; car, de leur règne, li chevalier Englès et li aultre qui avoech yaus se sont mis et acordé, ont  
25 fait otant de belles apertises d'armes et de grans bacheleries et de hardies emprises que nul chevalier pueent faire, si com il vous sera declaré avant en ce livre.

Or, ne sai je mies se proèce voet encores chemi-  
30 ner outre Engleterre ou reculer le chemin que elle a fait, car, si com chi dessus est dit, elle a cerchiet et environné ces royaumes et ces pays dessus nommés,

et regné et conservé entre les habitans une fois plus  
et l'autre mains, à se ordenance en soit ; mais j'en  
ay un petit touchiet pour les mervilleusetés dou  
monde. Si m'en tairai à tant et me retrairai à le ma-  
tère dont j'ai fait men commencement, et declarrai 5  
assés tost par quel manière et condicion la guerre  
s'esmut premierement entre les Englès et les Fran-  
çois. Et pour che que ou temps à venir on puist sa-  
voir qui a mis ceste hystore sus, et qui en a esté ac-  
tères, je me voel nommer. On m'appelle, qui tant 10  
me voet honnerer, sire Jehan Froissart, net de le  
conté de Haynau et de la bonne, belle et friche ville  
de Valenchienes.

---





## LIVRE PREMIER.

---

§ 1. Premièrement, pour mieus entrer en le matière et hystore dessus ditte, voirs est que, apriès l'apaisement des guerres de Flandres qui furent si grandes, et dont tant de vaillant homme furent mort à Courtrai et ailleurs, et que li biaux rois Phelippes eut 5  
mariet sa fille en Engleterre au roy Edouwart, li quelz rois d'Engleterre ne fu mies de si grant sens ne de si grant proèce plains comme avoit esté li bons rois Edouwars ses pères, qui tant eut à faire as Danois et as Escos et les desconfi par pluseurs fois en bataille, 10  
et ne peurent onques avoir victore à lui; et quant il fu trespasés, ses filz de son premier mariage, qui fu pères au roy Edouwart sur qui ceste hystore est ordenée, pas ne le ressambla de sens ne de proèce. Car, assés tost apriès çou qu'il fu couronnés, li rois 15  
Robers de Brus, qui estoit rois d'Escoce, et qui par pluseurs fois avoit moult donnet à faire au bon roy Edouwart, chevauga tantost efforciement sur lui et reconquist toute Escoce et la bonne cité de Bervich, et ardi et gasta grant partie dou royaume d'Engle- 20  
terre bien quatre journées ou cinq par dedens le pays, et desconfi celi roy et tous les barons d'Engleterre en

une place en Escoce que on dist Struvelin, par bataille rengie et arrestée. Et dura la cace de ceste desconfiture par deus jours et par deus nuis. Et s'en afui li rois englés à moult peu de ses gens jusques à  
5 Londres. Mès, pour ce que ce n'est mies de nostre matère, je m'en tairai à tant.

§ 2. Chilz rois englés, dont je parloie maintenant, qui reçut ce grant damage en Escoce, avoit deus frères de remariage. Si fu li uns nommés li contes  
10 Mareschaus et fu de diverse et de sauvage manière; li autres fu appellés messires Aymes et estoit contes de Kent, moult preudons, douls et debonnares et moult amés des bonnes gens. Chils rois eut de madame sa femme, fille au biau roy Phelippe, deus filz  
15 et deus filles. Des quelz filz li ainsnés eut nom Edouars, et fu rois d'Engleterre par l'acort de tous les barons très le vivant son père, si com vous orés avant en ce livre. Li secons des filz eut nom Jehans de Eltem et morut jones. Li ainsnée des deus filles eut  
20 nom Ysabel et fu mariée au jone roy David d'Escoce, filz au roi Robert de Brus. Et li fu donnée en mariage de jonèce par l'acord de[s] deus royaumes d'Engleterre et d'Escoce et par pais faisant. Li autre fille fu mariée au duch de Guerle. Chilz eurent deus filz et  
25 deus filles, Renault et Edowart; et les filles, li une fu contesse de Blois de par monsieur Jehan de Blois son mari, et li aultre duçoise de Jullers.

§ 3. Li biaus rois Phelippes de France eut trois filz avoeh ceste belle fille ma dame Ysabel qui fu royne  
30 d'Engleterre. Et furent cil troi fil moult bel et grant

chevalier. Si eut à nom li ainnés Loeis, et fu au vivant dou roy son père rois de Navare, et l'appella on le roy Hustin. Li secons eut à nom Phelippes li Biaus, et li tiers Charles. Et furent tout troi roi de France apriès le mort dou roy Phelippe, leur père, 5  
par droite succession, li uns apriès l'autre, sans avoir hoir marles de leurs corps engendrés par voie de mariage: si ques, apriès la mort del daarrain roy Charle, li douze per et li baron de France ne donnèrent point le royaume à le sereur qui estoit royne d'Engleterre, par tant qu'i[l]<sup>1</sup> voloient dire et maintenir, 10  
encores voelent, que li royaumes de France est bien si nobles que il ne doit mies aler ne descendre à fumelle ne par consequense à fil de fumelle. Car, ensi comme il voelent dire et maintenir, li filz de fumelle 15  
ne poet avoir droit ne succession de par sa mère, venant là où sa mère n'a point de droit: si ques, par ces raisons, li douze per et li baron de France donnèrent, de commun acort [le royaume de France<sup>2</sup>], à monsieur Phelippe de Valois, fil jadis à monsieur 20  
Charle le conte de Valois, frères à che biau roy Phelippe deseure dit, et en ostèrent le royne d'Engleterre et son fil qui estoit hoirs marles et neveux au roy Charlon, et li rois Phelippes n'estoit que cousins germains. C'est li poins par quoi les guerres, 25  
les pestilenses et les tribulations sont de puis incurtes et eslevées, et li grant meschief avenü par le cause dou calenge et de le deffense, si com il vous

1. La leçon du ms. de Gaignières, f° 3, autorise à restituer la finale *l* de *il* qui n'est pas figurée dans l'écriture, parce qu'elle ne se faisait pas sentir dans la prononciation devant une consonne.

2. Mss. A — Mss. B (lacune).

sera recordé chi apriès, quant tamps et lieux venront que j'en deverai parler. Mais je m'en tairai encores un petit et me retrairai à le droite matère des Englès, si com je l'ay commencie.

- 5 § 4. Il est bien voirs que cils roys d'Engleterre, pères à ce roy Edouwart sur qui nostre matère est fondée, gouvrena moult diversement son royaume et fist pluseurs diverses justices et pluseurs merveilles par le conseil et enhort de monsieur Huon, c'on  
 10 dist le Despensier, qui avoit esté nouris avecques lui d'enfance. Et avoient tant fait cilz messires Hues et messires Hues ses pères qu'il estoient li plus grant baron d'Engleterre, en tant que de mise et de rikèce. Et par especial messires li filz avoit si mené le roy et  
 15 si atrait à ses oppinions que sans lui n'estoit riens fait, et par lui estoit tout fait, et le creoit li rois plus que tout le monde. Et voloient li doi signeur Despensier mestrier et sormonter tous les signeurs et les barons d'Engleterre. Pour quoi, avinrent de puis  
 20 ou pays et à yaus meismes moult de maulz et de tourmens.

Car, apriès la grande desconfiture de Struvelin, là où li rois Robers de Brus, rois d'Escoce, avoit desconfi che roi d'Engleterre et toutes ses gens, si com  
 25 ci dessus est dit, grant hayne et grant murmure monteplia ou pays d'Engleterre entre les nobles barons et le conseil le roy meismement encontre le dit monsieur Huon le Despensier. Et li mettoient sus que par son conseil il avoit esté desconfi et  
 30 que, par tant qu'il estoit favourables au roi d'Escoce, il avoit tant conseilliet et tenu le roi d'Engleterre en

negligense que li Escot avoient reconquis le bonne cité de Bervich et ars quatre journées ou cinq par deus fois dedens leur pays, et yaus desconfis en bataille et mis en cace, et porté très grant damage. Et sus ce li dit baron d'Engleterre eurent pluseurs fois 5 parlement ensamble pour aviser et regarder qu'il en poroient faire; des quelz li contes Thumas de La[n]-castre estoit chiés et souverains. Et li desplaisoit li usages que li rois avoit empris, et en parla par deus ou par trois fois assés ouvertement au dit Despen- 10 sier. Or, se perchut li dis messires Hues comment on murmuroit sur lui et sus son affaire. Si, se doubta trop fort que maulz ne l'en venist, ensi qu'il fist; mès che ne fu mies si trestos. Ançois eut il fait moult de coses damagables ou pays, si com vous orés chi 15 après.

§ 5. Cilz qui estoit bien dou roy, et si proçains qu'il voloit, et plus creus tous seus que tous li mondes, s'en vint au roy et li dist que cil signeur avoient fait alliance encontre lui, et qu'il le metteroient hors de 20 son royaume, se il ne s'en prendoit garde. Tant fist, par son enhort et par son soubtil pourcach, que li rois fist à un jour prendre tous ces signeurs à un parlement là où il estoient assamblé, et en fist decoler sans delay et sans cognissance de raison jusques à 25 vingt et deus des plus grans barons d'Engleterre, et tout premiers le conte Thumas de Lancastre, qui estoit ses oncles, preudons et sains homs, et fist puis moult de biaux miracles ou lieu où il fu decolés. Pour le quel fait, li dis messires Hues acquist grant 30 hayne de tout le pays, et par especial de la royne

d'Engleterre et dou conte de Kent, qui estoit freres au dit roy.

Encores ne se cessa pas li dis messires Hues de enhorter le roi mal à faire. Car, quant il perchut  
5 qu'il estoit mal de le royne et dou conte de Kent, il mist si grant descort entre le roy et le royne, par son malisce, que li rois ne voloit point venir en lieu où elle fust, et dura cilz descors assés longement. Et fu qui dist à le royne et au conte de Kent tout secrete-  
10 tement, pour les perilz eschiewer où il estoient par le fait dou Despensier, que, se il demoroient longement ens ou pays, li rois, par hastieu conseil et male information, leur feroit souffrir dou corps haschière, si com cil avoient entendu.

15 Dont, quant il avint que la royne et li contes de Kent oïrent ces nouvelles, si se doubterent, car il sentoient le roy hastieu et de diverse manière et che messire Hue si bien de lui qu'il faisoit tout ce qu'il voloit, sans avis et sans regart de nulle raison. Si s'avisèrent la ditte dame et li contes de Kent qu'il se  
20 partiroyent d'Engleterre et s'en iroyent en France veoir le roi Charlon que la royne, qui sa sereur germainne estoit, n'avoit veu de puis que elle fu envoïe en Engleterre; et en menroit avoecques lui son jone fil  
25 Edouwart, et lairoyt couvenir ce roy et le Despensier au sourplus. Espoir, hastement s'amenderoit leurs estas, et y pourveroit Diex de remède et de conseil.

Ce pourpos tinrent la dame et li contes de Kent et ordonnèrent leurs besongnes secretement et en-  
30 voïèrent devant le plus grant partie de leur arroi par le rivière de Tamise en nefes en Flandres. Et prist la ditte dame excusance de venir en pelerinage

à Nostre Dame de Boulongne. Et se parti, si com vous poés oïr, d'Engleterre à petite mesnie, son jone fil avoech lui, le conte de Kent son serourge et monsigneur Rogier de Mortemer. Et montèrent à Douvres et arrivèrent à Boulongne.

5

§ 6. Quant la royne d'Engleterre fu arrivée à Boulongne et toute se route, elle regratia Nostre Signeur et s'en vint tout à piet jusques à l'eglise Nostre Dame en devotion, et fist sen offrande et sen orison devant l'image. Li abbes de laiens et tout li monne le recuellèrent liement; et fu laiens herbergie et toute se mesnie; et s'i reposèrent et rafrescirent par cinq jours. Au sizime, il montèrent tout as chevaus et sus hagenées qu'il avoient amené d'Engleterre, et se partirent de Boulongne o tout leur arroi. Si fu la dame aconvoïe et acompagnie d'aucuns chevaliers de là environ, qui l'estoient venu veoir et festiier, pour la cause de ce que elle estoit soer au roy leur signeur. Tant exploita la dame par ses journees que elle approça Amiens. Chil de la cité vinrent contre lui moult reveramment. Et par tout où elle passoit, as cités et as bonnes villes, on li faisoit feste et honneur, car li rois Charles l'avoit ensi ordonné, qui estoit enfourmés de sa venue.

Et tant chevauçà la ditte dame que elle vint à Paris. Si estoient jà issut contre lui moult de noble gent, pour le recueillir et son jone fil. Et les amenèrent jusques au palais messires Robers d'Artois, li contes de Dammartin, li sires de Couci, li sires de Montmorensi et pluseur aultre. Si descendirent devant le perron et montèrent les degrés dou palais,

30

chil signeur François devant qui menoient la dame,  
son fil et le conte de Kent; et vinrent jusques au roi  
qui se tenoit en une cambre, bien acompagniés de  
prelas et de chevaliers.

- 5 Quant li rois de France vei sa serour qu'i[l] en grant  
tamps n'avoit veu<sup>1</sup>, et elle deut entrer en la cambre,  
il vint contre lui et le prist par le main droite et le  
baisa et dist : « A bien vigne ma belle suer et mes  
biaus niés ! » Si les tint tous deus et les mena avant.
- 10 La dame, qui pas n'avoit trop grant joie fors de ce  
que elle se trouvoit dalés le roy son frère, s'estoit jà  
volue agenoullier par deus ou par trois fois, mais li  
rois ne le laioit et le tenoit toutdis par le main droite,  
et li demandoit moult doucement de son estat et de
- 15 son affaire. Et la dame l'en respondoit très sagement,  
et tant furent les parolles que elle dist : « Monsi-  
gneur, se nous va moy et mon fil assés petitement.  
Car li rois d'Engleterre, mes maris, m'a pris en trop  
grant hayne, et se ne scet pour quoi, fors par l'enhort
- 20 d'un chevalier englès qui s'appelle Hues li Despen-  
siers. Chilz chevaliers a telement atrait le roi à ses  
volentés que tout ce qu'il voet dire et faire il est. Et  
jà ont comparet pluseur haut baron d'Engleterre sa  
mauvesté, car il en fist sus un jour prendre au com-
- 25 mandement dou roy et en fist decoler jusques à  
vingt et deus sans loy et sans cause, et par especial le  
bon conte Thumas de Lancastre, dont ce fu trop  
grans damages, car il estoit preudons et loyaus et  
plains de bon conseil. Et n'est nulz en Engleterre,
- 30 tant soit nobles ne de grant affaire, qui l'ose courou-

1. Ms. de Gaignières, f° 4 : « que de grant temps n'avoit veue. »



cier ne desdire de cose que il voelle faire. Et m'a tellement tourblet devers le roy, et le conte de Kent men frère, que veci qu'il nous fu dit en grant amisté par chiaus qui savoient aucunes coses dou conseil ce dit chevalier, que nous estions en grant peril de nos vies. Si nous sommes parti en grant doubtaunce et venu par deça vous veoir, que je desiroie moult. » Et li rois dist : « Ma belle suer, grant merchis. » 5

§ 7. Quant li rois Charles eut oy et entendu les complaints de sa suer, et comment elle estoit demenee par le fait dou Despensier, si en eut grant pitié et le reconforta moult doucement et li dist : « Ma belle suer, vous demorrés dalés nous ; si ne vous esbahissiés ne desconfortés de riens : nous avons assés pour nous et pour vous. Et si meterons remède et conseil à vos besongnes. » Et la dame s'agenoulla et dist : 15  
« Monsigneur, grans mercis ! » De puis la venue de la dame, de son fil et dou conte de Kent, et que li rois Charles eut recueilliet moult liement les dessus dis, il se tinrent à Paris dalés le roy. Et leur faisoit li dis rois faire leur delivrance de toutes coses ; et estoit souvent la royne d'Engleterre avoech le roy son frère et la royne de France, et ooit à le fois des nouvelles d'Engleterre qui pas trop plaisans ne li estoient. 20 25

Car, cilz messires Hues li Despensiers croissoit tous jours en poissance et en amour devers le roy. Et avoit tellement attret et atournet le dit roy que tous li pays s'en esmervilloit ; et n'avoit nulz que faire en le court dou roy, se il n'estoit de son acord. Si fist il de puis moult de diversetés et de cruaultés as plu- 30

seurs en Engleterre, dont il estoit moult hays. Mais nulz ne li osoit dire ne moustrer, car se il se doubtast de qui que fust, conte ou baron, tantost il le fesist, sus l'ombre dou roy, prendre et decoler sans nule  
5 remède. Si estoit si doubtés, et des pluseurs tant hays, que merveilles. Et regardèrent aucun baron et sage homme dou pays que ce ne faisoit mies à souffrir, et que ses outrages et mauvaistés il ne poroient plus porter. Si se traient tout secretement ensamble  
10 à conseil, et eurent avis et volenté que il remanderoient leur dame la royne d'Engleterre, qui jà avoit demoret en France bien priès par l'espasse de trois ans, et tout dis dedens le cité de Paris. Se li escri-sirent et segnefièrent, se elle pooit trouver voie ou  
15 sens par quoi elle peüst avoir aucune compagnie de gens d'armes de mil armeures de fier ou là environ, et elle vosist ramener son fil et toute se compagnie ou royaume d'Engleterre, il traitoient tantost vers lui et obeiroient à lui et à son fil comme à leur  
20 signeur, car il ne pooient ne voloient plus porter les desrois ne les fais que li rois faisoit ou pays, par le conseil monsigneur Huon, et de chiaus qui de son accord estoient.

Quant la royne entendit ces nouvelles, elle s'en  
25 consilla secretement au roy Charle, son frère, qui bien volentiers l'entendi, et li respondi adonc que elle l'entrepresist hardiement, car il li aideroit et li presteroit de ses gens telz que elle vorroit avoir. Et avoech che il li presteroit de son or et de son argent  
30 ce qu'il l'en besongneroit. Sour ce, la royne se parti de lui, et s'en revint à son hostel et se pourvei si com elle peut. Et pria secretement des plus grans

barons de France ceulz dont elle se fioit le plus, et qui le plus volentrieu estoient pour tel afaire, et en pensoit estre bien certaine. Puis le fist ensi à savoir secretement à ces barons d'Engleterre qui avoient vers lui envoiïet.

5

Mais on ne le peut si celer que li dis messires Hues li Despensiars ne le sceuist. Si fist puis tant, le terme perdant, par ses messages et par dons et promesses, que li rois Charles de France fu si enhortés par son conseil que il manda sa sereur la ditte royne 10 Ysabel, qui se tenoit à son hostel entre ses gens, et li desconsilla et deffendi si haut et si acertes qu'il peut, que elle demorast quoie et se relaïast de ce que elle avoit empris. Et quant la dame entendit le roy son frère, elle fu toute esbahie et abaubie, ce ne fu 15 point de merveilles. Si perchut bien que ses frères estoit mal infourmés, car riens que elle peuwist dire à l'encontre ne li pooit valoir ne aidier. Si se parti adonc de lui moult triste et esmarie, et revint arrière a son hostel, et ne se relaia point pour ce à appareillier. Li rois ses frères le sceut; s'en fu courrouciés, quant sus sa deffense elle voloit ouvrer. Si fist, par le conseil qu'il eut, commander, sus corps et sus avoir, que nulz de son royaume ne se meuist, ne alast avoech la ditte royne, sa suer. 25

Quant la dame seut ce, elle fu assés plus triste que devant, ce fu bien raisons. Si ne sceut que faire ne que penser, car toutes ses besongnes li venoient au contraire, et estoient venues de lonch tamps. Et se li falloit, ce li sambloit, par mauvais conseil, cilz qui 30 mieus li devoit aidier à son besoing. Et si approçoit li termes que elle avoit mandet à chiaus que elle te-

noit pour ses amis en Engleterre. Si demora moult esgarée, sans nul confort, comme celle qui ne savoit que elle peüst faire ne que devenir. Et requeroit souvent Dieu estreitement en soi meismes, et li prioit  
5 que il le vosist aidier et consillier.

§ 8. Ne demora pas gaires de temps que on li dist, fiablement et par grant bien, que, se elle ne se gardoit sagement, li rois, ses frères, le feroit prendre et mener en Engleterre, pour relivrer à son mari, le roi  
10 d'Engleterre, et detenroit son fil avoecques lui, car il ne li plaisoit plus que elle eslongast ensi son mari. De ces nouvelles fu la dame plus esbahie que devant, car elle amast mieus estre morte et desmembrée que venir ou pooir ne ou dangier son mari ne le Des-  
15 pensier. Si eut bien mestier d'avoir bon conseil. Si s'avisa que elle vuideroit France et s'en avaleroit en Haynau, pour veoir le conte et monsieur Jehan de Haynau son frère, qui estoient signeur plain de toute honneur et de grant recommandation. Espoir, trou-  
20 veroit elle en yaus tout confort et bonne adrèce, et si estoit lor cousine moult proçainne.

Si ordonna la ditte dame ses besongnes, et fist ses gens sages de son departement, et comptèrent et paièrent par tout. Adonc, se parti au plus tost et au  
25 plus quoiement que elle peut de son hostel, avoech li ses filz en l'eage de quinze ans ou environ, li contes de Kent, li sires de Mortemer, et tout li aultre chevalier d'Engleterre, qui estoient afuioit apriès lui. Et fist tant par ses journées que elle passa France,  
30 Vermendois et Cambresis, et vint en Ostrevant, en Haynau, en un chastiel que on appelle Buignicourt,

dont messires Nicoles d'Aubrecicourt estoit sires. Et li quelz bachelers et sa femme rechurent liement et bellement en leur hostel la ditte royne d'Engleterre et son fil et leurs gens; et trouvèrent apparilliet tous les biens de laiens.

5

Ces nouvelles furent tost venues à Valencienes, ou li contes de Haynau et messires Jehans de Haynau ses frères estoient, que la royne d'Engleterre estoit herbergie à Buignicourt chiés le chevalier. Et quant li doi signeur dessus dit oïrent ce, si furent tantost consilliet quel cose il en apertenoit à faire. Premièrement, messires Jehans de Haynau se parti de Valenchienes, li moult bien acompagniés de chevalier et d'escuiers, et chevaucha tant qu'il vint à Buignicourt, en Ostrevant, et trouva la dessus ditte dame, à qui il fist toute l'onneur et reverense qu'il peut, car bien le savoit faire. La dame, qui estoit moult triste et esgarée, et en sus de tous consaulz, fors de Dieu et de lui, commença à complaindre au dit signeur de Byaumont, en plorant moult piteusement, ses besongnes, et recorder ses dures avenues, de cief encor, tout ensi que avenu li estoit jusques à ores : premierement, comment elle estoit dechacie d'Engleterre, et ses filz, et venue en France sus le fiance de son frère le roy; et comment elle cuidoit [estre<sup>1</sup>] pourveue de gens d'armes par le conseil de son frère, pour aler plus poissamment et en mener son fil en son royaume, si com si ami d'Engleterre li avoien mandet; et comment ses frères, puissedi, fu tellement conseilliés qu' il avoit brisiet tout ce voiage et

10

15

20

25

30

1. Ms. de Gaignières, fo 5 v°. — Ms. 6477, fo 8 v°: « est »

deffendu à tous gentilz hommes que nulz ne se messist avoech lui, sus à perdre leurs terres et le royaume. Et li compta comment, et à quel meschief, elle estoit là afeue à tout son fil, comme celle qui ne  
5 voit à cui ne en quel pays trouver confort ne sous-tenance.

§ 9. Et quant li gentils chevaliers messires Jehans de Haynau eut oy la dame complaindre si tenrement, et que toute fondoit en larmes et en plours, si en  
10 eut grant pitié et li dist, pour lui reconforter, moult doucement : « Certes, dame, veés ci vostre chevalier qui ne vous faurront pour morir, se tous li mondes vous falloit. Ains, ferai tout mon pooir de vous et de vostre fil conduire, et de vous et de lui remettre  
15 tre en vostre estat en Engleterre, en l'ayde de vos amis qui delà le mer sont, ensi que vous dittes. Et je, et tout cil que je porai prier, y inventurons les vies, ançois que vous ne soiés au dessus de vos besongnes. »

20 Et quant la dame l'eut oy parler une si haute et si noble parolle, et si reconfortans ses besongnes, elle qui seoit, et messires Jehans de Haynau devant lui, se dreça en estant et se volt engenoullier, de le grant joie et de le grasse qu'il li offroit; mès li  
25 gentilz chevaliers ne l'eüst jamais souffert; ains se leva moult apertement, et prist la dame entre ses bras et dist : « Ne place jà à Dieu que la royne d'Engleterre face ce, ne ait empenset à faire, que de li engenillier devant son chevalier ! Mais, dame, reconfortés  
30 vous, et vostre gent ossi, car je vous tenrai vo promesse. Vous venrés veoir monsigneur mon frère et

ma dame ma suer, vostre cousine, la contesse de Haynau, qui vous en prient; et en sui cargiés de vous dire, et de vous mener par devers yaus. » Et la dame li ottrie et dist : « Certes, sire, je trueve en vous plus de confort et d'amour que en tout le monde. Et, de ce que vous me dittes et offrés, cinq cens mille mercis. Jamais ne l'arons desservi moy ne mes filz; mès, se li tamps vient que nous soions en nostre estat, si com jou espoire bien, par le confort et grasse de Dieu et de vous, il vous sera grandement remuneret. » 5 10

Assés tost après oes parolles, prist li sires de Byaumont congiet de la ditte dame, de son fil et dou conte de Kent et des autres chevaliers, et s'en vint ce soir herbergier à Denaing. Et la royne demora à Buignicourt, grandement reconfortée, et bien y avoit raison, en le pourveance de monsieur Nicole d'Aubrecicourt, qui en faisoit ce qu'il pooit. Et tant en fist que la royne l'en sceut grant gré. Et demora tous jours de puis ses chevaliers, et si enfant et leur generation ossi, si com vous orés recorder en avant en ceste hystore. 15 20

§ 10. Quant ce vint au matin, après messe et boire, messires Jehans de Haynau se parti de Denaing, et chevaucha de rechief à Buignicourt; si trouva que la royne estoit jà toute apparillie et ses gens ossi. Si se partirent tout ensamble, et ses filz et leur route, ou conduit le signeur de Byaumont, qui les amena adonc à Valenciennes. Et y furent liement e bellement rechut; et estoit la Salle dou Conte toute appareillie pour la ditte dame et ses gens. Car, à ce donc, 25 30

li contes se logoit en l'ostel de Hollandes, et tous ses  
hosteulz. Si descendi la royne d'Engleterre à le Salle,  
et y fu logie et herbergie bien et aisiement. Et le  
vint là veoir la contesse de Haynau, qui li fist toute  
5 honneur et reverense, car bien le savoit faire. Et  
ossi fist li contes Guillaumes de Haynau, mais il es-  
toit maladieus de gouttes, si ne chevaucōi[t] mies à  
sen aise. Toutes fois, i[l] l'honnoura et festia grande-  
ment, le terme que elle sejourna à Valenciennes, en-  
10 viron trois sepmainnes.

Entroes, elle fist apparillier son oirre et ses beson-  
gnes. Et li dis messires de Byaumont fist escrire  
lettres moult affectueuses as chevaliers et as compa-  
gnons de cui il se fioit le plus, en Haynau, en Has-  
15 baing et en Braibant; et les prioit, tant qu'il pooit,  
et cescun sur toutes amistés, qu'il venissent avoech  
lui en ceste emprise. Si en y eut grant plenté, de  
l'un pays et de l'autre, qui y aloient pour l'amour  
de li, et ossi grant plenté qui n'i alèrent mies, com-  
20 ment qu'il en fuissent priet. Et meismement li dis  
messires Jehans en fu durement repris de son frère,  
et de aucuns de son propre conseil, pour tant qu'il  
leur sambloit que li entrespresaure estoit si haute et si  
perilleuse, selonch les descors et les grandes haynes  
25 qui adonc estoient entre les haus barons et les com-  
muns d'Engleterre, et selonch ce que li Englês sont  
communement envieus sour toutes estragnes gens,  
quant il sont à leur deseure et meismement en leur  
pays, que cescuns avoit paour et doubtaunce que li  
30 dis messires Jehans ne nulz de ses compagnons peüst  
jamais revenir. Mais, quoi que on li blasmast ne  
desconsillast, li gentilz chevaliers ne s'en volt onques



relaiier. Ains, dist que il n'avoit que une mort à souffrir, qui estoit en le volenté de Nostre Seigneur; mais il avoit prommis à celle gentilz dame de lui conduire jusques en son royaume; si ne l'en fauroit pour morir. Et ossi chier avoit il à prendre le mort 5 avoecques celle noble dame, qui ensi estoit dechacie, se morir y devoit, que autre part. Car tout chevalier doivent aidier à leur loyal pooir toutes dames et pucelles à leur besoing, especialment quant il en sont requis. 10

§ 11. Ensi se parti la royne d'Engleterre de le ville de Valencienes, quant elle et ses gens furent appareiliet de che qu'il leur falloit; et prist congiet au gentil conte Guillaume de Haynau et ma dame Jehane la contesse, sa femme, et les remercia grandement, 15 humblement et doucement de le bonne, lie cière et de la belle recueilloite que il li avoient fait Si se mist à voie sus le segureté et conduit del gentil chevalier, le dit monsigneur de Byaumont. Si fisent tant par leurs journées que il vinrent à Dourdresk, en 20 Hollandes. Là endroit se pourveirent de naves et de vaissiaus grans et petis, ensi qu'il les peurent trouver, et misent dedens leurs chevaux, leurs harnas et leurs pourveances. Et quant il eurent par avis vent bon pour eulz, il se commandèrent en le garde de 25 Nostre Seigneur, et entrèrent en leurs vaissiaus, et desanacrèrent et se misent en mer. Et n'estoient non plus de trois cens armeures de fier.

Or, considerés le hardie et haute emprise que li sires de Byaumont faisoit, que de aler conquerre et 30 entrer en un royaume par force où il ne [cognis-

soit ']' nullui, et ne savoit qu'il y trouveroit, mais il le faisoit de si grant corage et avoit tel esperance en Dieu, qu'il li estoit avis que bien furniroit et à sen honneur le voiage. Si estoit il adonc ou commence-  
 5 ment de son venir, et en le droite fleur de se jon-  
 nèce; si l'entreprendoit plus volentiers et plus hardiement.

Or vous nommerai aucuns des chevaliers de Hay-  
 nau qui alèrent avoecques lui, et à se prière, en ce  
 10 voiage : premierement, messires Henris d'Antoing,  
 messires Robers de Bailluel, qui puis fu sires de  
 Fontainnes, messires Fastrés dou Rues, messires Mi-  
 kieux de Ligne, messires Sausses de Boussoit, mes-  
 sires Perchevaus de Semeries, messires Sanses de  
 15 Biauriu, li sires de Wargni, li sires de Potelles,  
 li sires de Montegni, li sires de Gommegnies, li sires  
 d'Aubrecicourt, et aucun aultre baceler, qui se vo-  
 loient inventurer avoech le dit chevalier et leurs  
 corps avancier. Si y eut aucuns Braibençons et Hes-  
 20 begnons, mès ce ne fu pas gramment.

Si singlèrent par mer. Et avoient entendu et avisé  
 qu'il prenderoient terre à un port où il avoient en-  
 tente d'arester, mais il ne peurent. Car uns grans  
 tourmens les prist en mer, qui les mist hors de leur  
 25 chemin, qu'il ne sceurent dedens deus jours là où il  
 estoient. De quoi Di[e]x leur fist grant grasce, et leur  
 envoya belle aventure. Car, se il fuissent embatu à  
 ce port que il avoient chuesi ou auques priès, il es-  
 toient perdu davantage, et escheu ens ès mains de  
 30 leurs ennemis, qui bien savoit leur venue et les

attendoient là endroit, pour yaus mettre tous à mort et le jone roy et la royne ossi; mais Di[e]x ne le volt mies adonques consentir. Si les fist, ensi que par droit miracle, destourner, ensi que vous avés oy.

Or avint que, au chief des deus jours, cilz tourmens cessa, et veirent li maronnier terre en Engleterre. Si se traient celle part moult joiant, et prirent terre sus le sablon et sus le rivage de le mer, sans havene et sans droit port. Si demorèrent sus cel sablon par trois jours, à petit de pourveances de vivres, en descargant leurs chevaux et leurs harnas; et si ne savoient en quel endroit d'Engleterre il estoient arrivet, ou pooir d'amis ou d'anemis. Au quatrime jour, il se misent à le voie, à l'aventure de Dieu, comme cil qui avoient eu toute mesaise de fain et de froit par nuis, avoecques les grandes paours qu'il avoient ewes et avoient encores. Si chevaucièrent tant amont et aval qu'il trouvèrent aucuns petis hamelés, et puis apriès si trouvèrent une grande abbeye de noirs monnes, que on claimme Saint Aymon. Si se herbergièrent et rafreschirent en ceste abbeye par trois jours. Et fisent penser de leurs chevaux bien et fort, car il en pensoient temprement avoir à faire. 5 10 15 20

§ 12. Nouvelles s'espandirent par le pays tant que elles parvinrent à ceulz par qui seureté et mandement la ditte dame estoit rapassée. Si se apparillièrent, dou plus tost qu'il peurent, de venir vers li et vers son fil qui il voloient avoir à signeur. Et li premiers qui vint encontre lui, et qui plus grant confort donna à chiaus qui estoient venu avoecques lui, che fu li 25 30

contes Henris de Lancastre au Tors Col, qui fu frères  
au conte Thumas de Lancastre qui fu decolés, si com  
vous avés oy par dessus, et fu pères au duch de Lan-  
castre qui fu si bons chevaliers et si recommandés,  
5 si com vous porés oïr en ceste hystore, ains que vous  
venés à le conclusion. Chilz contes Henris de Lan-  
castre dessus dis vint à grant compagnie de gens  
d'armes. Apriès, tant d'uns et d'autres vinrent con-  
tes, barons, chevaliers et escuiers, à tout gens d'ar-  
10 mes, qu'il leur sambla bien qu'il fussent hors de  
tous perilz. Et tous les jours croissoient gens d'armes,  
ensi qu'il aloient avant.

Si eurent conseil entre yaus ma dame la royne, et  
li baron, chevalier et escuier, qui venu estoient en-  
15 contre li, que il iroient droit à Bristo, à tout leur  
pooir, là où li rois se tenoit adonc et li Despensier,  
qui estoit bonne ville, grosse et rice et fortement  
fremée, seans sus un bon port de mer. Et si y a un  
chastiel trop durement fort, seant sus mer, si ques li  
20 mers flote tout au tour. Là endroit se tenoit li rois,  
messires Hucs li Despensiers, li pères, qui estoit  
priès en l'eage de quatre vins et dis ans, messires  
Hues, li filz, li mestres consillières le roy, qui tous  
les mauvais consaulz et mauvais fais li enhortoit, li  
25 contes d'Arondiel, qui avoit à femme la fille monsi-  
gneur Huon le Jone, et ossi pluseur chevalier et es-  
cuier, qui repairoient entours le roy et entours le  
court, ensi que gens d'estat repairent volentiers en-  
tours leurs signeurs. Si se misent ma dame la royne  
30 et toute sa compagnie, messires Jehans de Haynau,  
chil conte et chil baron d'Engleterre et leurs routes,  
au dit chemin, pour aler celle part. Et par toutes les

viles là où il entroient, on leur faisoit feste et honneur. Et toutdis leur venoient gens, à destre et à senestre, de tous costés. Et tant fisent par leurs journées qu'il parvinrent devant le ville de Bristo. Si le assegièrent à droit siège fait.

5

§ 13. Li rois et messires Hues li Despensiars li filz se tenoient ou chastiel. Li vielles messires Hues li pères et li contes d'Arondiel se tenoient en le ville de Bristo, et pluseur aultre qui estoient de leur acord. Quant cil aultre et cil de le ville veirent le pooir le dame si grant et si enforciet, et priès que toute Engleterre estoit de leur acord, et veoient le peril et le damage si apparant, il eurent conseil qu'il se renderoient et le ville avoech, salve leurs vies, leurs membres et lor avoir. Si envoièrent trettier et parlemen- 15 ter devers la royne et son conseil, qui ne s'i veurent mies acorder ensi, se la dessus ditte ne pooit faire dou dit monsigneur Huon et dou conte d'Arondiel sa volenté, car pour yaus destruire estoit elle là venue. 20

Quant li homme de le ville de Bristo veirent que autrement il ne pooient venir à pais ne sauver leurs biens ne leurs vies, au destroit il s'i acordèrent et ouvrèrent les portes, si ques ma dame la royne, messires Jehans de Haynau et tout li baron, cheva- 25 lier et escuier entrèrent ens, et prisent leurs hosteulz dedens la ville de Bristo. Et cil qui ne s'i peurent logier, se herbergièrent dehors. Là fu pris li dis messires Hues li pères, et li contes d'Arondiel, et amené par devant le royne, pour faire d'yaus se pure vo- 30 lenté. Et ossi li furent amené li sien aultre jone en-

fant, Jehans ses filz et ses deus fillètes, qui furent là trouvées en le garde monsigneur Huon. De quoi la dame eut grant joie, quant elle vei ses enfans que veus n'avoit de grant tamps, et ossi eurent tout cil  
5 qui point n'amoient les Despensiars. Et s'il avoient grant joie entre yaus, selonc ce pooient avoir grant duel li rois et messires li Despensiars li filz, qui estoient en ce fort chastiel enclos, et qui veoient leur meschief si grant, qui leur couroit seure si apparam-  
10 ment. Et veoient tout le pays tourner avoecques le royne et avoecques son ainnet fil, et dreciet et esmeut encontre yaus. Dont, se il eurent dolour et paour et assés à penser, ce ne fait point à demander.

§ 14. Quant la royne et tout li baron et li aultre  
15 furent herbergiet à leur aise, il assegièrent le chastiel, au plus priès qu'il peurent. Et puis fist la royne ramener monsigneur Huon le Despensier le vielle et le conte d'Arondiel devant son ainsnet fil, et devant tous les barons qui là estoient, et leur dist que elle  
20 et ses filz leur feroient droit et loy et bon jugement, selonch leurs fais et leurs œuvres. Adonc respondi messires Hues et dist: « Ha! dame, Diex nous voelle donner bon juge et bon jugement; et se nous ne le poons avoir en ce siècle, si le nous doinst en l'autre! » Adonc se leva messires Thumas Wage, bons  
25 chevaliers, sages et courtois, qui estoit mareschaus de l'ost, et leur racompta tous leurs fais par escript, et tourna en droit sus un viel chevalier qui là estoit, afin qu'il raportast sus se feauté que à faire avoit de  
30 telz personnes, par jugement, et de telz fais. Li chevaliers se consilla as autres barons et chevaliers, et

raporta par plainne sieute que il avoient bien mort desservie, par pluiseurs horribles fais qu'il avoient là endroit oys racompter, et les tenoient pour vrais et tous clers. Et avoient desservi, par le diversité de eurs fais, à estre justiciés en trois manières, c'est à 5 savoir, premiers traynés, et puis decolés, apriès pendus à un gibet. Tout en tel manière qu'il furent jugiet, furent il tantost justicier par devant le chastiel de Bristo, veant le roy, et veant le dit monsieur Huon le fil, et tous ceulz de laiens qui grant despit 10 en eurent. Et puet çascuns savoir que il estoient à grant meschief de cuer. Ceste justice fu faite l'an de grasce mil trois cens vingt et six, le jour saint Denis, en octobre.

§ 15. Apriès ce que ceste justice fu faite, si com 15 vous avés oy, li rois et messires Hues li Despensiens, qui se veoient assegiet à tèle angousse et à tel meschief, et ne savoient nul confort qui leur peuist là endroit de nulle part venir, se misent à une matinée, entre yaus deus, à peu de mesnie, en un petit batiel, en 20 mer, par derrière le chastiel, pour aler ou royaume de Galles, s'il peuissent, comme cil qui volentiers se fussent sauvé. Mais Diex ne le volt mies souffrir, car leurs pechiés les encombra. Si lor avint grant merveille et grant miracle, car il furent onze jours 25 tous plains en ce batelet, et s'efforçoient de nagier tant qu'il pooient, mais il ne pooient si lonch nagier que tous les jours li vens, qui leur estoit contraires par le volenté de Dieu, les ramenoit çascun jour, une fois ou deus, à mains de le quarte partie d'une 30 lieue priès dou dit chastiel dont il estoient parti; si

ques tous les jours les veoient bien cil de l'ost le royne.

Au daarrain, avint que messires Henris de Byaumont, filz au visconte de Byaumont en Engleterre,  
5 entra en une barge, et ossi avoec lui aucuns compaignons, et se fist nagier devers ceulz, et nagierent tant et si fort que onques li maronnier le roy ne peurent tant fuir devant yaus que finablement il ne fuissent rataint, et pris à tout leur batiel, et ramenet  
10 en le ville de Bristo, et livrés à ma dame la royne et à son fil comme prisonniers, qui moult en eurent grant [joye<sup>1</sup>], et ossi eurent tout li aultre, et à bonne cause, car il avoient acomplit et achievet leur desir, à l'ayde de Dieu, tout à leur plaisir.

15 § 16. Ensi reconquist la ditte royne tout le royaume d'Engleterre pour son ainsné fil, sour le confort et conduit de monsieur Jehan de Haynau et de se compaignie. Par quoi ilz et tout si compaignon, qui en ce voiage furent avoec lui, furent tous tenus  
20 pour preus, par le raison de le haute emprise que fait avoient. Car il ne furent tout comptet, quant il entrèrent en mer à Dourdresch, si com vous avés oy, que trois cens armeures de fier, qui fisent si hardie entrepresure, pour l'amour de le ditte royne, comme  
25 d'entrer en naves et passer mer à si peu de gens, pour conquerre tel royaume comme est Engleterre, maugré le propre roy et tous ses aidans.

§ 17. Ensi com vous avés oy, fu celle haute et har-

1. Ms. de Guignières, f° 8. — Ms. 6477, f° 12 (lacune).



die emprise achievée; et reconquist ma dame la royne  
Ysabel tout son estat, par le confort et conduit del  
gentil chevalier monsieur Jehan de Haynau et de  
ses compagnons, et mist à destruction ses ennemis.  
Et fu pris li rois meismes par tèle mescheance et 5  
fortune que vous poés entendre. Dont tous li pays  
communalment eut grant joie, lors mis aucuns qui  
estoit de le faveur le dit monsieur Huon le Des-  
pensier. Quant li rois et li dis messires Hues li  
Despensiers furent amené à Bristo par le dessus dit 10  
monsieur Henri de Byaumont, li rois fu envoiés,  
par le conseil de tous les barons et les chevaliers,  
ens ou fort chastiel de Bereler, seant sus le grosse  
rivière de Saverne, et recommandés au signeur dou  
dit chastiel de Bereler que il en fesis bonne garde; 15  
et il dist que ossi feroit il; et fu ordonné à lui ser-  
vir et garder bien et honnestement, et gens d'estat  
entours lui, qui bien savoient que on en devoit faire,  
mais point ne le devoient laisser partir dou pour-  
pris. Ensi fu il enjoint et commandé. Et li dis mes- 20  
sires Hues fu tantost livrés à monsieur Thumas  
Wage, mareschal de l'host.

Apriès çou, se partirent la royne et toute son host  
pour venir droit à Londres, qui est li chiés d'Engle-  
terre, et se misent au chemin. Li dis messires Thu- 25  
mas Wage fist bien et fort loier monsieur Huon  
le Despensier sour le plus petit magre et chetif che-  
val qu'il pot trouver, et li fist faire à viestir un ta-  
bar et afubler par dessus son abit le dit tabar, semet  
de telz armeures qu'il soloit porter, et le faisoit ensi 30  
mener par derision apriès le route et le conroi le  
royne, par toutes les villes où il devoient passer, à

trompes, à trompètes et flahutes, pour lui faire plus grant despit, tant qu'il vinrent à Harfort, une bonne cité. Là fu la royne moult reveramment recheue et à grant solennité, et toute li compagnie ossi. Et tint  
5 là sa feste de le Toussains moult grande et moult bien estoffé[e], pour l'amour de son fil et des signeurs estragniers qui estoient avoecques lui.

§ 18. Quant li feste fu passée, li dis messires Hues qui point n'estoit amés, là endroit fu amenés par de-  
10 vant le royne et tous les barons et chevaliers, qui là estoient assamblét. Là li furent recordet tout si fet par escript, que onques ne dist riens à l'encontre : si ques là endroit il fu jugiés, par plainne sieute, de tous les barons et chevaliers, à mort, et à justicier,  
15 en tel manière com vous orés. Premièrement, il fu traynés sour un bahut, à trompes et à trompètes, par toute la ville de Harfort, de rue en rue. Et puis fu amenés en une grant place, en le ville, là où tous li peuples estoit assamblés. Là endroit fu il loiiés haut  
20 sus une eschielle, si ques çascuns, petis et grans, le pooient veoir. Et avoit on fait en le ditte place un grant feu. Quant il fut ensi loiiés, on li copa tout premiers le vit et les coulles, par tant qu'il estoit herites et sodomites, ensi que on disoit meismement  
25 del roy. Et pour ce avoit decaciet li rois la royne ensus de lui et par son enhort. Quant li vis et les coulles li furent coppées, on les getta ou feu, et furent arses. Apriès, on li fendi le ventre, et li osta on tout le coer et le coraille, et le getta on ou feu pour  
30 ardoir, par tant qu'il estoit faulz de coer et traittes, et que, par son traitte conseil et enhort, li rois avoit

honne son royaume et mis à meschief, et avoit fait  
decoler les plus grans barons d'Engleterre, par les  
quels li royaumes devoit estre soustenus et deffendus.  
Et avoech ce il avoit si enhortet le roy qu'il ne pooit  
ou ne voloit veoir la royne sa femme, ne son ains- 5  
net fil, qui devoit estre leurs sires; ains les avoit de-  
caciés, par doubtaunce de leurs corps, hors dou  
royaume. Apriès, quant li dis messires Hues fu ensi  
atournés, comme dit est, on li coppa le teste, et fu  
envoïie en le chité de Londres; et puis fu il decopés 10  
en quatre quartiers. Et furent tantost envoïiet as qua-  
tre milleurs cités d'Engleterre apriès Londres.

§ 19. Apriès ceste justice faite, si com vous avés oy,  
la royne et tout li signeur, et grant fuison dou com-  
mun dou pays, se misent au chemin vers Londres, et 15  
fisent tant par leurs petites journées qu'il y parvin-  
rent à grant compaignie. Et issirent communement  
tout cil de Londres, grans et petis, encontre le royne  
et son ainsnet fil, qui devoit estre leurs drois sires,  
et lor fisent grant feste et grant reverense, et à toute 20  
leur compaignie ossi. Et donnèrent cil de Londres  
grans dons à le ditte royne, et à ceulz là où il leur  
sambloit mieus emploïiet.

Quant il furent ensi receu et si grandement fes-  
tiïet, si que dit est, et il eurent là sejourne environ 25  
quinze jours, li compaignon qui passet estoient avoech  
monsigneur Jehan de Haynau, eurent grant talent de  
retourner cescuns en se contrée, car il leur sambloit  
qu'il avoient bien fait le besongne et acquis grant  
honneur, si qu'il avoient. Si prisent congiet à ma 30  
dame la royne et as signeurs dou pays. Ma dame la

royne et li signeur leur prièrent assés de demorer  
encores un petit de tamps, pour veoir que on vor-  
roit faire dou roy, qui en prison estoit, ensi que oy  
avés; mais il avoient si grant desir de retourner ces-  
5 cuns en se maison que prière n'i valu riens. Quant  
la royne et ses consaulz veirent chou, il prièrent de  
coste à monsieur Jehan de Haynau qu'il vosist  
encores demorer jusques apriès le Noel, et qu'il de-  
tenist de ses compagnons avoech lui ceulz qu'il en  
10 poroit detenir. Li gentils chevaliers ne volt mies  
laisier à parfaire sen service, et otria courtoisement  
le demorer jusques à le volenté de ma dame le royne.  
Si detint de ses compagnons ce qu'il en peut dete-  
nir; mais petit fu, car li aultre ne vorrent nullement  
15 demorer, dont il fu moult courouciés. Toutes fois,  
quant la royne et ses consaulz veirent que cil com-  
pagnon ne voloient demorer pour nulle prière, il  
leur firent toute l'onneur et le reverense qu'il peu-  
rent. Et leur fist la royne donner grant argent pour  
20 leurs frès et pour leur service, et grans joiaus, et  
cescun selonch son estat, si grandement que tout  
s'en tinrent à bien content. Et avoech ce elle leur  
fist rendre l'estimation de leurs chevaus qu'il vor-  
rent laissier, si haut que cescuns voloit estimer les  
25 siens, sans debat et sans dire ne trop ne peu. Et  
tout furent paiiet en deniers appareilliés.

Si demora messires Jehans de Haynau, à le prière  
de le royne, à petite maisnie et à peu de compa-  
gnons, entre les Englès qui li faisoient toutdis toute  
30 l'onneur et le compagnie qu'il pooient. Ossi faisoient  
les dames dou pays, dont il y avoit grant fuison,  
contesses et autres grandes et gentilz dames et pu-

celles, qui venues estoient compaignier ma dame la royne, et venoient de jour en jour, car il leur sembloit que li gentilz chevaliers l'eust bien deservi, si com il avoit.

§ 20. Apriès ce que li plus des compaignons de Hay- 5  
nau se furent parti et li sires de Byaumont demorés,  
la royne d'Engleterre donna congiet as gens de son  
pays, que çascuns s'en ralast à se maison et en ses  
besongnes, hors mis aucuns barons et chevaliers que  
elle detint pour lui consillier; et lor commanda que 10  
tout revenissent à Londres, au jour dou Noel, à une  
grant court que elle voloit tenir. Et tout cil qui se  
partirent li eurent en couvent, et encores pluseur  
autre à qui la feste fu mandée. Quant ce vint au  
Noel, elle tint une grant court, ensi que elle l'avoit 15  
dit. Et y vinrent tout li conte, baron et chevalier et  
tout li noble d'Engleterre, et li prelat et li consaulz  
des bonnes villes. A ceste feste et à ceste asssemblée  
fu ordonné, par tant que li pays ne pooit longement  
demorer sans signeur, que on metteroit en escript 20  
tous les fais et les oevres, que li rois qui en prison  
estoit avoit fait par mauvais conseil, et tous ses usa-  
ges et ses mauvais maintiens, et comment il avoit  
gouvrenet son pays, par quoi on le peuist lire, en  
plain palais, par devant tout le pays, et que li sage 25  
dou pays peussent sur ce prendre bon avis et acord  
comment et par cui li pays seroit gouvrenés de dono  
en avant. Ensi que ordonné fu, il fu fait. Et quant  
tout li cas et li fait, que li rois avoit fais et consen-  
tis à faire, et tout si maintien et si usage furent leu 30  
et bien entendu, li baron et li chevalier et tous li

consaulz dou pays se trairent ensamble à conseil. Et se acordèrent li plus saine partie, et meismement li grant baron et li noble avoech les consaulz des bonnes villes, selonch ce que il avoient là oy lire, et  
5 qu'il en savoient le plus grant partie de ces fais et de ces maintiens, de certain et par pure verité. Et dirent que telz hons n'estoit mies dignes de jamais porter couronne, ne d'avoir nom de roy. Mais il s'acordèrent à che que ses ainnés filz, qui estoit ses  
10 drois hoirs, fust couronnés et tantost ou lieu dou père, mais que il presist bon conseil et sage entours lui et feable, par quoi li royaumes et li pays fust, de donc en avant, mieus gouvrenés que esté n'avoit; et que li pères fust bien gardés et honnestement tenus,  
15 tant que vivre poroit, selonch son estat.

§ 21. Ensi que acordé fu par les plus haus barons et par les consaulz des bonnes villes, fu il fait. Et fu adonc couronnés de couronne royal, ens ou palais de Wesmoustier, dalés Londres, li jones rois Edowars,  
20 qui tant fu de puis ewireus et fortunés en armes. Ce fu l'an de grasce Nostre Seigneur mil trois cens vingt et sis, le jour dou Noel. Et pooit avoir adonc environ seize ans; il les eut à le Conversion saint Pol. Et là fu très grandement servis et honnourés li gentilz  
25 chevaliers messires Jehans de Haynau de tous les princes et de tous les nobles et non nobles dou pays. Et là [lui<sup>1</sup>] furent donnet grans joiaus et très rices, et à tous les compagnons qui demoret estoient dalés lui. Et demora de puis il et si compagnon, en gran-

1. Ms. de Gaignières, fo 9. — Ms. 6477, fo 14 (lacune).

des festes et en grans solas des signeurs et des dames qui là estoient, jusques au jour des Trois Rois que il oy dire que li rois de Behagne, li contes de Haynau, ses freres, et grant plenté de signeurs de France se ordonnoient, pour estre à Condet sour Escaut, à un tournoi qui là estoit criés. 5

Adonc ne volt messires Jehans de Haynau plus demorer, pour prière que on li peuist faire, pour le grant desir qu'il avoit de venir à ce tournoi, et de veir son gentil frere, le conte de Haynau, et les autres signeurs qui là devoient estre, et especialment le plus noble et le plus gentil roy en larghèce qui regnast à ce temps, le gentil roy Charlon de Behagne. Quant li jones rois Edowars, ma dame la royne sa mère et li baron, qui là estoient, veirent que il ne voloit plus demorer, et que prière ne pooit valoir, il li donnèrent congiet moult à envis. Se li donna li jones rois, par le conseil de ma dame sa mère, quatre cens mars d'estrelins, un estrelin pour un denir, de rente, hyretablement, à tenir de lui en fief, et à paier çascun an en le ville de Bruges. Et donna encores à Phelippe de Castiaus, son mestre escuier et son souverain consilleur, cent mars de rente à l'estrelin, et ensi à paier d'an en an que dit est. Et li fist avoech ce delivrer grant somme d'estrelins, pour paier les frès de lui et de toute se compagnie, pour revenir en leur pays. Et le fist conduire, à grant compagnie de chevaliers, jusques à Douvres; et li fist apparillier et delivrer tout son passage. Et les dames meismes, la contesse de Garanes, qui estoit suer au conte de Bar, et aucunes des autres dames li donnèrent grant fuison de biaux jeuiaus et riches au departir. 30

Quant li dis messires Jehans de Haynau et se compagnie furent venu à Douvres, il montèrent tantost en naves pour passer oultre, pour le desir qu'il avoient de venir à temps et à point à ce tournoy, 5 qui devoit estre à Condet. Et en mena avoech lui quinze jones et preus chevaliers d'Engleterre, pour estre à ce tournoy avoech lui, et pour yaus acointier as signeurs et as compagnons qui là devoient estre. Si leur fist toute l'onneur et le compagnie qu'il peut, 10 et tournièrent deus fois celle saison à Condet, puis qu'il furent venu. Or, me voel taire de monsieur Jehan de Haynau jusques à tant que poins sera, et revenrai au jone roy Edouwart d'Engleterre.

§ 22. Apriès chou que messires Jehans de Haynau se 15 fu partis dou jone roi et de ma dame sa mère, li dis rois et la royne gouvrenèrent le pays par le conseil dou conte de Kent, oncle au dit roy, et par le conseil ossi monsieur Rogier de Mortemer, qui tenoit grant terre en Engleterre bien siept mille livrées de 20 revenue, un estrelin pour un denir. Et avoient tout doi esté bani et escaciet hors d'Engleterre avoech le royne et le dit roy, si com avés oy. Et usèrent ossi assés par le conseil de monsieur Thumas Wage, et [par le conseil de plusieurs autres'] que on 25 tenoit les plus sages dou royaume, comment que aucun aultre en euissent envie. Car on dist ensi que envie ne poet morir en Engleterre. Ossi règne elle et voet regner en pluseurs aultres pays. Ensi passa li yviers et li quaresmes jusques à Pasques. Et furent li

1. Ms. de Gaignières, f° 9 v°. — Ms. 6477, f° 15 (lacune).



rois, ma dame se mère et li pays tous en pais, che terme.

Avint que li rois Robers d'Escoce, qui avoit esté moult preus, et qui moult avoit souffiert contre les Englès, et moult de fois avoit esté decaciés et des- 5  
confis au tamps le bon roy Edowart, tasyon à ce jone roy Edowart, estoit devenus moult vieux et malades de le grosse maladie, ce disoit on. Quant il sceut les avenues d'Engleterre, comment li rois avoit esté pris et desposés de se couronne, et ses consaulz justiciés 10  
et mis à destruction, si com vous avés oy, il se pourpensa qu'il deffieroit ce jone roi; car, par tant qu'il estoit jones et que li baron del royaume n'estoient mies bien d'acord, si com il cuidoit, et que on li avoit fait entendant par aventure de par au- 15  
cuns des ennemis et dou linage les Despensiars, il poroit bien faire se besongne et conquerre partie d'Engleterre. Ensi qu'il le pensa, il le fist; et, environ Pasques, l'an mil trois cens vingt et sept, fist il deffier le jone roy Edouwart et tout le pays, et leur 20  
manda qu'il enteroit ens ou pays et gasteroit et arderoit ossi avant qu'il avoit fait autre fois, dou tamps que li desconfiture fu au chastiel de Struvelin, où li Englès rechurent si grant damage.

§ 23. Quant li jones rois se senti deffiés et ses con- 25  
saulz ossi, il le fissent savoir par tout le royaume et commander que tout noble et non noble fuissent apparellié cescuns selonch son estat, et venist çascuns à tout son pooir au jour de l'Ascension apriès ensiewant à Evruich, une bonne cité qui siet ou north. 30  
Et envoya devant grant fuison de gens d'armes pour

garder les frontières par devers Escoce. Et puis envoia grans messages par devers monsigneur Jehan de Haynau, en priant moult affectueusement qu'il le vosist venir secourir et tenir compagnie à ce besoing, 5 et que il vosist estre dalés lui à Evruich, au jour de l'Ascension, à tout tel compagnie qu'il poroit avoir de gens d'armes. Quant li sires de Byaumont oy che mandement, il envoia ses lettres et ses messages par tout là où il cuidoit recouvrer de bons compagnons, 10 en Flandres, en Haynau, en Braibant et en Hasbaing; et leur prioit, si acertes qu'il pooit, que cescuns le vosist siewir, au mieus montés et apparillies qu'il poroit, devers Wissant, pour passer outre en Engleterre. Cescuns le sievi volentiers selonc son pooir, 15 chil qui furent mandet et moult d'aulture qui ne furent point mandet, pour tant que cescuns cuidoit rapporter otant d'argent que li aulture avoient raportet, qui avoient estet en l'autre chevaucie en Engleterre avoech lui si ques, avant que li sires de Byaumont 20 venist à Wissant, il eut assés plus de gens qu'il ne cuidoit avoir, mais tous les rechut liement et leur fist grant chière.

Quant il et se compagnie furent venu à Wissant, il trouvèrent les naves et les vaissiaus tous prés que 25 on leur avoit amenet d'Engleterre, et misent ens au plus tost qu'il peurent chevaus et harnas, et passèrent outre et vinrent à Douvres. Et ne cessèrent de chevaucier ne d'errer de jour en jour tant qu'il vinrent, à trois jours priés de le Pentecouste, à le bonne 30 cité de Evruich, là où li rois et ma dame sa mère estoient et grant plenté de grans barons, pour le jone roy consillier et compaignier. Et attendoient là

endroit la venue de monsieur Jehan de Haynau et de se compagnie. Et ossi attendoient il que toutes les gens d'armes, li arcier et les communes gens des bonnes villes et des villiaus fuissent oultre passet. Et ensi qu'il venoient par grans routes, on les faisoit logier ès villages, à deus lieues priès ou trois de Evruich, et là environ sus le plat pays, et les faisoit on oultre passer par devers les frontières. 5

§ 24. Droit à ce point, vint à Evruich messires Jehans de Haynau dessus dis et se compagnie. Si furent bien venu et grandement festiïet dou jone roy, de ma dame la mère et de tous les barons. Et leur fist on livrer le plus biel fourbouch de le cité, pour yaus herbergier entirement sans nul entredeus. Et fu delivrée à monsieur Jehan de Haynau une abbeye de blans monnes, pour son corps et pour son tinel tenir. 10 15

En le compagnie dou dit chevalier vinrent, dou pays de Haynau, li sires d'Enghien qui estoit appelés messires Gautiers, li sires d'Antoing, messires Henris, li sires de Fagnuelles, messires Fastrés dou Rues, messires Robers de Bailluel et messires Guillaume de Bailloel, ses frères, li sires de Havrech, chastellains de Mons, messires Alars de Brifuel, messires Fastrés de Brifuel, messires Mikieus de Ligne, messires Jehans de Montegni li jones et ses frères, messires Sausses de Boussoit, li sires de Gommegnies, messires Perchevaus de Semeries, li sires de Floion. 20 25

Dou pays de Flandres y vinrent messires Hectors Villains, messires Jehans de Rodes, messires Wauflars de Ghistelles, messires Guillaume de Strates, messires Gossuins de Le Muele et pluseur aultre. 30

Dou pays de Braibant y vinrent li sires de Duffle,  
messires Thieris de Wallecourt, messires Rasses de  
Grés, messires Jehans de Casebèke, messires Jehans  
Pili[s]re, messires Gilles de Coterebbe, li troi frère de  
5 Harlebèke, messires Gautiers de Hoteberge et plu-  
seur aultre.

Des Hesbegnons y vinrent messires Jehans li Biaus  
et messires Henris ses frères, messires Godefrois de  
Le Capelle, messires Hues [d'Ohay<sup>1</sup>] et messires Je-  
10 hans de Libines, messires Lambers [d'Oppey<sup>2</sup>], mes-  
sires Gillebers de Hers.

Et si y vinrent aucun chevalier de Cambresis et  
d'Artois de leur volenté, pour leurs corps avancier,  
tant que li dis messires Jehans de Haynau eut bien  
15 en se compagnie cinq cens armeures de fier, tous  
bien estoffés et bien montés.

Apriès ens ès festes de le Pentecouste, vinrent  
messires Guillaumes de Jullers, qui puis fu dus de  
Jullers apriès le dechiès de son père, et messires  
20 Thieris de Heinsberge qui puis fu contes de Los, à  
belle route, et tout pour faire compagnie au gentil  
chevalier dessus dit.

§ 25. Li jones rois d'Engleterre, pour miex festiier  
ces signeurs et toute leur compagnie, tint une grande  
25 court au jour de le Trinité, à le maison des Frères  
Meneurs, là où il et ma dame sa mère estoient her-  
bergiet. Et tenoient leur tinel, cescuns par li, c'est à  
savoir li rois de ses chevaliers, et la royne de ses da-

1. Ms. d'Amiens, f° 6 v°. — Ms. 6477, f° 16 : « de Hay. »

2. Ms. de J. Le Bel, f° 14 v°. — Ms. 6477, f° 16 : « dou Pelz. »

mes, dont elle avoit grant fuison en se compagnie. A celle court, eut bien li rois six cens chevaliers, seans en salle et en l'enclostre. Et y eut à ce jour fais quinze nouviaux chevaliers. Et ma dame la royne tint sa court ou dortoir; et eut bien seans à 5 table soixante dames que elle avoit priies et mandées, pour mix festiier le dit monsigneur Jehan de Haynau et ces aultres signeurs. Là peut on veoir grant noblèce de bien servir de grant plenté de mès et d'entremès estragnes et si desghisés, que on ne 10 les poroit deviser. Là peut on veoir dames noblement parées et richement achemées, qui eüst loisir.

Mais adonc ne peut on avoir loisir ne lieu de danser, ne de plus festiier. Car, tantost apriès dîner, uns grans hustins commença entre les Hay- 15 nuiers garçons et les arciers d'Engleterre, qui entre yaus estoient herbegiet, en l'ocquison dou jeu de dés, de quoi grans mauls vint, si com vous orés. Car ensi que cil garçon se combatoient à aucuns de ces Englès, tout li aultre arcier qui estoient en le 20 ville, et cil qui s'estoient herbegiet en celi fourbouch entre les Haynuiers, furent tantost ensamble à tous leurs ars apparilliés, et se boutèrent ou hahai, et navrèrent à ce commencement tout plain des garçons des Haynuiers : si les couvint retraire en leurs 25 hostelz. Li plus des chevaliers et de leurs mestres estoient encores à court, qui de ce ne savoient ricns. Et tantost qu'il oïrent nouvelles de ce hustin, il se traissent au plus tost qu'il peurent, cescuns vers son hostel, qui peut ens entrer. Et qui n'i peut entrer, 30 il le couvint demorer dehors en grant peril. Car cil archier, qui estoient bien doi mille, avoient le dya-

ble ou corps et trai[oi]lent despersement, pour tous tuer, signeurs et varlès.

Et veult on dire et supposer que c'estoit tous fais, avisés et pourparlés de aucuns des amis les Despensiers et le conte d'Arondiel, qui avoient esté mis à fin par monsigneur Jehan de Haynau, si com vous avés chi dessus oy recorder. Si s'en voloient contre-vengier as Haynuiers, et meismement à monsigneur Jehan de Haynau, se il peussent; et bien s'en misent en painne, si com vous orés. Car encores li Englès et les Englesses, de qui li hostel estoient, clooient et baroient leurs huis et leurs fenestres au devant des Haynuiers, et ne les laissoient ens rentrer. Toutes fois, il en y eut aucuns qui y rentrèrent par derrière leurs hosteulz, et s'armèrent moult vistement. Quant il furent armet, il n'osèrent issir hors par devant pour les saiettes; ains issirent hors par derrière, par les courtilz, et rompirent les enclos et les paufis. Et attendirent li uns l'autre, en une place qui là estoit, tant qu'il furent bien cent ou plus, tout armet, et bien otant tous desarmet, qui ne pooient rentrer en leurs hostelz.

Quant cil armé furent ensi assamblé, il se hastèrent pour secourre les aultres compaignons, qui defendoient leur hostelz en le grande rue, au mieus qu'il pooient. Et passèrent cil armet parmi l'ostel au signeur d'Enghien, qui avoit grandes portes derrière et devant sour le grande rue, et se ferirent estoutement en ces archiers. Dou trait y eut fuison des Haynuiers navrés et blechiés. Et là furent bon

chevalier messires Fastrés dou Rues, messires Perchevaus de Semeries et messires Sausés de Boussoit. Car cil troi chevalier ne peurent onques rentrer en leurs hostelz pour yaus armer; mais il y fissent otant d'armes que tel [qui'] estoient armet. Et tenoient grans lons leviers et gros de kesne, qu'il avoient pris en le maison d'un carlier. Et donnoient les horions si grans que nulz ne les osoit approcier, et en abatirent plus de soixante ce jour, si com on dist. Finablement, li arcier qui là estoient furent desconfi. Et en y eut bien mors, en le place que as camps, trois cens ou environ, qui tout estoient de l'eveskiet de Lincolle. 10

Si croi que Diex ne envoia onques si grant fortune à nulle gent, qu'il fist à monsigneur Jehan de Haynau et à se compagnie. Car ces gens ne tenoient fors toutdis à yaulz mourdrir et desrober, comment qu'il fuissent là venu pour la besongne le roy; ne onques gens ne furent ne ne demorèrent en si grant peril ne en tel angousse, ne paour de mort qu'il fissent, le terme qu'il sejournerent à Evruich. Et encores ne furent il onques bien aseur, jusques à tant qu'il se trouvèrent à Wissant. Car il escheirent, pour ce fait, en si grant hayne et malivolence de tout le remanant des arciers, qu'i[l] les haioient plus assés que les Escos, qui tous les jours leur ardoient leur pays! Et disoient bien li aucun chevalier et baron d'Engleterre as signeurs de Haynau, qui point ne les haioient, pour yaus aviser et mieus garder, que chil maleoit arcier et aultre commun d'Engle- 30

terre estoient cueilliet et alloiet plus de six mil ensemble, et mançoient les Haynuiers que d'yaus venir tous ardoir et occire en leurs hosteulz, de nuit ou de jour; et ne trouveroient personne de par le roy  
5 ne des barons, qui les osast aidier ne souscourre. Dont, se il estoient en grant mesaise de coer et en grant hideur, quant il ooient ees nouvelles, ce ne fait point à demander. Ne ilz ne savoient que penser, ne que aviser que il peussent faire selonc ces  
10 nouvelles; ne il n'avoient esperance nulle de retourner en leur pays, ne il n'osoient eslongier le roy ne les haus barons; et si ne pooient sentir nul confort, pour yaus aidier ne garantir. Si n'avoient aultre entente, fors que d'yaus bien vendre et leurs corps  
15 deffendre, et cescuns aidier li uns l'autre.

Si fisent li chevalier de Haynau et leurs consaulz pluseurs bonnes ordenances, par grant avis, pour yaus mix garder et deffendre, par les quèles il couvenoît toutdis jesir par nuit armés, et par nuit get-  
20 tier par connestables les camps et les chemins d'entours le ville et les fourbours, et envoiier aucunes escoutes demi lieue ensus de le ville, pour escouter se ces gens venroient, ensi que enfourmet estoient et que on leur raportoît. Et leur disoient çascun  
25 jour gens creable, chevalier et escuier, qui bien le cuidoient savoir. Par quoi, si ces escoutes oïssent gens esmouvoir pour traire par devers le ville, il se devoient retraire viers chiaus qui gardoient les camps, pour yaus manthe[n']ir et aviser, par quoi il

1. La leçon du ms. 6477, qui semble mauvaise, est : *manchevir* ou *manthevir*. — Ms. de Gaignières, f° 11 : « pour leur *garder* et *adviser*. »



fuissent plus tost montet et apparilliet et venu ensamble, cescuns à se banière, en une place qui pour ce faire estoit avisée.

§ 26. En celle tribulation, demorèrent il en ces fourbours, par l'espasse de quatre sepmainnes, que tous 5  
les jours on leur raportoit telz nouvelles ou pieurs assés, et telz fois pires un jour que l'autre. Et en veirent pluseurs apparans, qui durement les esbahissoit. Car, au voir dire, il n'estoient que une pui-  
gnie de gens ens, ou regard de le communauté 10  
d'Engleterre qui là estoit asssemblée. Ne il n'osoient eslongier leurs hosteulz ne leurs armeures, ne entrer en le cité, hors mis les signeurs qui aloient veoir le roy et le royne et leur conseil, pour festiier et pour aprendre des nouvelles, ne com longement on les 15  
tenroit en cel estat ne en celle angousse.

Et, se li meschief de le mesaventure et li perilz ne fust, il sejournoient assés aisiement. Car li cités et li pays d'entours yaus estoit si plentiveus que, dedens 20  
plus de six sepmainnes, que li rois et tout li signeur d'Engleterre et li estragnier et leur gens, dont il y avoit plus de soixante mille hommes, sejournerent là, onques ne renchierirent li vivre, que on n'eüst la denrée pour un denir, ossi bien que on  
[avoit<sup>1</sup>] en avant qu'il y venissent, bons vins de 25  
Gascongne, d'Aussay et de Rin, à très bon marchiet, poullalle et toutes manières de aultres vivres ensi. Et leur amenoit on devant leurs hostelz le fain, l'avainne et le litière, dont il estoient bien servi, et à bon marchiet. 30

1. Ms. de Gaignières, f° 11 v°. — Ms. 6477, f° 18 : « n'avoit. »

§ 27. Quant il eurent là sejourné par l'espace de trois sepmaines après le bataille, on leur fist à savoir de par le roy et les mareschaus que cescuns se pourveist, dedens celle aultre sepmainne, de charètes et  
5 de tentes pour gesir as camps, et de tous aultres hostilz necessaires, pour aler oultre par devers Escoce, car li rois ne voloit là plus sejourner. Adonc se pourvei cescuns, au mieulz qu'il peut, selonch son estat. Quant on fu apparilliet, li rois et tout si baron se  
10 traient hors, et alèrent logier six lieues en sus de le ditte cité. Et messires Jehans de Haynau et se compagnie furent logiet toutdis au plus près del roy pour honneur, et par tant aussi que on ne voloit mies que li archier, qui tant les haioient, euissent  
15 nul avantage sus yaus. Si sejournerent li rois et ces premières routes deus jours, pour attendre les daar-rains, et pour miex aviser cescun, se il li falloit riens.

Au tierch jour apriès, toute li hos qui estoit là se  
20 desloga et se traist avant de jour en jour, tant que on vint oultre le cité de Durem, une grande journée à l'entrée d'un pays que on claimme Northombrelande, qui est sauvages pays, plains de desiers et de grandes montagnes, et durement povres pays de  
25 toutes coses fors que de bestes. Si keurt parmi une rivière, plainne de cailliaus et de grosses pières, que on nomme Thin. Sus celle rivière, siet d'amont li ville et li chastiaus que on claimme Carduel en Galles, qui fu jadis au roy Artus, et où il se tenoit moult  
30 volentiers. Et d'aval la ditte rivière, siet là une bonne ville, que on claimme le Noef Chastiel sur Thin. Là estoit li mareschaus d'Engleterre, à tout grant gent

d'armes, pour garder le pays contre les Escos, qui gisoient as camps pour entrer en Engleterre. Et à Carduel gisoient ossi grant fuison de Gallois, dont li contes de Herfort et li sires de Montbrai estoient conduiseur et gouvreneur, pour deffendre le passage 5 de le rivière. Car li Escot ne pooient entrer en Engleterre sans passer le ditte rivière.

Et ne peurent savoir li Englès certainnes nouvelles des Escos, jusques adonc que il vinrent à l'entrée de ycelui pays. Mès adonc peut on veoir apparamment 10 les fumières des hamelés et des villiaus, qu'il ardoient en vallées de celui pays. Et avoient passet celle rivière si paisieusement que onques cil de Carduel ne cil dou Noef Chastiel sur Thin n'en seurent nouvelles, ce disoient. Car, entre Carduel et le Noef 15 Chastiel, poet avoir environ vingt et quatre liewes englesces. Mès, pour mieus savoir le manière des Escos, je me tairai un petit des Englès, et deviseray aucune cose de le manière des Escos, et comment il sèvent guerrier. 20

§ 28. Li Escot sont dur et hardit durement, et fort travaillant en armes et en guerre. Et à ce temps de donc il amiroient et prisoient assés petit les Englès, et encores font il au temps present. Et quant il voelent 25 entrer ou royaume d'Engleterre, il mainnent bien leur host vingt ou vingt et quatre liewes loing, que de jour que de nuit, de quoi moult de gens se poroient esmervillier, qui ne saroient leur coustume.

Certain est, quant il voelent entrer en Engleterre, il sont tout à cheval uns et aultres, fors mis li ribaudaille qui les sièvent à piet. Assavoir, sont chevalier 30

- et escuier bien montés sour bons gros roncins, et les aultres communes gens del pays tout sour petites hagenées. Et si ne mainnent point de charoy, pour les diverses montagnes qu'il ont à passer, et parmi
- 5 che pays dessus dit que on claimme Northombrelande. Et si ne mainnent nulles pourveances de pain ne de vin, car leurs usages est telz en guerres et leur sobrietés, qu'il se passent bien assés longement de char cuite à moitiet, sans pain, et de boire aigue de
- 10 rivière, sans vin. Et si n'ont que faire de chaudières ne de chaderons, car il cuisent bien leurs chars ou cuir des bestes meismes, quant il les ont escorcies. Et si sèvent bien qu'il trouveront bestes à grant fuison ou pays là où il voellent aler. Par quoi il n'en
- 15 portent aultre pourveance que cescuns emporte, entre le selle et le peniel, une grande plate pière. Et se tourse derrière lui unes besaces plainne de farine en celle entente que, quant il ont tant mangiet de char mal quitte que leur estomach leur samble estre
- 20 wape et afoiblis, il jettent celle plate pière ou feu et destemprunt un petit de leur farine d'yawe. Quant leur pière est cauffée, il jettent de ceste clère paste sus ceste chaude pière, et en font un petit tourtiel à manière de une oublie de beghine, et le menguent
- 25 pour conforter l'estomach. Par ce n'est point de merveilles se ilz font plus grandes journées que aultres gens, quant tout sont à cheval hors mis le ribaudaille. Et si ne mainnent nul charoi ne aultres pourveances, fors ce que vous avés oy.
- 30 En tel point estoient il entré en oeli pays dessus dit. Si le gastoient et ardoient, et trouvoient tant de bestes qu'il n'en savoient que faire. Et avoient bien

trois mille armeures de fier, chevaliers et escuiers, montés sus bons roncins et bons coursiers, et vingt mille hommes armés à leurs guises, appers et hardis, montés sus ces petites hagenées qui ne sont ne loïies ne estrillies; ains les envoi-on tantost paistre c'on en 5 est descendu, en prés, en fries et en bruières. Et si avoient deus très bons chapitaines, car li rois Robers d'Escoce, qui estoit moult preus, estoit adonc durement viex et chargiés de le grosse maladie. Si leur avoit donnet à chapitaines un moult gentil prince 10 et vaillant en armes, c'est assavoir le conte de Moret qui portoit un escut d'argent à trois orilliers de geules, et monsieur Guillaume de Douglas, que on tenoit pour le plus hardi et le plus entreprenant de tout les deus pays, et portoit un escut d'asur à un 15 chief d'argent et trois estoilles de geules dedens l'argent. Et estoient cil doi signeur li plus haut baron et li plus poissant de tout le royaume d'Escoce, et li plus renommé en biaux fais d'armes et en grans proèces. Or voel jou revenir à nostre matère. 20

§ 29. Quant li rois englès et ses gens veirent les fumières des Escos, si que dit est par devant, il sceurent bien que c'estoient li Escot qui entré estoient en leur pays. Si fisent tantost crier as armes, et commander que cescuns se deslogast et siewist les ba- 25 nières. Ensi fu fait. Et traist cescuns armés sus les camps, si que pour tantost combatre. Là endroit furent ordonnées trois grosses batailles à piet, et cescune bataille avoit deus èles de cinq cens armeures de fier qui devoient demorer à cheval. Et saciés que 30 on disoit que il y avoit bien huit mille armeures de

fier, chevaliers et escuiers, trente mille hommes armés, li moitiés montés sur petites hagenées, et l'autre moietier sergans à piet, envoiés par election de par les bonnes villes à leurs gages, qascune bonne ville  
 5 pour se rate. Et si y avoit bien vingt et quatre mille arciens à piet, sans le ribaudaille.

Tout ensi que les batailles furent ordonnées, on chevaucha tous rengiés apriès les Escos, à l'assent des fumières, jusques à basses viespres. Adonc se loga li  
 10 hos en un bois, sus une petite rivière, pour yaus aaisier, et pour attendre le charoi et les pourveances. Et tout le jour avoient ars li Escot, à cinq lieues priès de leur host, et ne les pooient raconsiewir. L'endemain, au point dou jour, cescuns fu armés,  
 15 et trairent les banières as camps, cescuns à se bataille et desous sa banière, si com ordonné estoit. Si chevaucièrent les batailles ensi rengies, tout le jour, sans desrouter, par montaignes et par vallées; ne onques ne peurent approcier les Escos, qui ar-  
 20 doient devant yaus, tant y avoit de bois, de marès, de desiers sauvages et malaisiés, montaignes et vallées. Et si n'estoit nuls qui osast, sus le tieste à copper, fourpasser ne chevaucier devant les banières, fors mis les mareschaus.

25 § 30. Quant ce vint apriès nonne sus le viespre, gens, cheval et charoi, et meismement gens à piet, estoient si travilliet que il ne pooient mès avant [aller<sup>1</sup>]. Et li signeur se perçurent et veirent clerement qu'il se travilloient en tel manière pour nient. Et fust enco-

1. Ms. de Gaignières, f° 12 v°. — Ms. 6477, f° 19 v° (lacune).

res ensi que li Escot les vosissent attendre, si se met-  
teroient il bien sour tel montagne, ou sour tel pas,  
qu'il ne se poroient à yaus combatre, sans trop grant  
meschief. Si fu commandé, de par le roy et les ma-  
reschaus, que on se logast là endroit, cescun ensi 5  
qu'il estoit, jusques à l'endemain, pour avoir conseil  
comment on se maintenroit. Ensi fu toute li hos lo-  
gie ceste nuit en un bois, sour une petite rivière. Et  
li rois fu logiés en une povre court d'abbeye qui là  
estoit. Ses gens d'armes, uns et aultres, chevaus, 10  
charoi et li hostes sieuwans furent logiet moult en-  
sus, travilliet oultre mesure.

Quant cescuns eut pris pièce de terre pour logier,  
li signeur se traisent ensamble pour avoir conseil  
comment il se poroient combatre as Escos, selonch 15  
le pays là où il estoient. Et leur sambla, selonch ce  
qu'il veoient, que li Escot en raloient leur voie en  
leur pays, tout ardent; et que nullement il ne se po-  
roient combatre à yaus entre ces montagnes, fors  
que à grant meschief; et si ne les poroient raconsie- 20  
wir, mais passer leur couvenoit celle rivière de Thin.  
Et fu là dit en grant conseil que, se on se voloit le-  
ver devant mienuit, et l'endemain un petit haster,  
on lor torroit le passage de le rivière; et couvenroit  
que il se combatissent à leur meschief, ou il demor- 25  
roient tous cois en Engleterre, pris à le trappe.

A celle entente que dit vous ay, fu adonc ordon-  
net et acordet que cescuns se traisist à se loge, pour  
souper et boire ce qu'il pooit avoir, et desist ches-  
cuns à ses compagnons que, si tost que on oroit le 30  
trompète sonner, cescuns mesist ses selles et appa-  
reillast ses chevaus; et, quant on l'oroit le seconde

fois, que cescuns s'armast; et à le tierce fois que cescuns montast sans atargier et se traisist à se banière, et que cescuns presist sans plus un pain et le tour-sast derrière lui à guise de brakenier; et ossi que  
5 cescuns laissast là endroit tous harnas, tous charois et toutes pourveances, car on se combateroit l'endemain, à quel meschief que ce fust : si aroit on ou tout perdut ou tout gaegniet. Ensi que ordonné fu, ensi fu fait. Et fu cescuns armés et montés à le droite  
10 mienuit. Petit y eut de chiaus qui dormirent, comment que on eust durement travilliet le jour.

Ançois que les batailles fuissent à leur droit ordonnées et assamblées, commença li jours à apparoir. Lors commencièrent les banières à chevaucier  
15 en haste desparsement par bruières, par montagnes, par vallées et par rokaille malaisies, sans point de plain pays. Et par dessus des montaignes et ou plain des vallées estoient crolières et grans marès, et si divers passages que merveilles estoit que cescuns n'i  
20 demoroit. Car cescuns chevaugoit toutdis avant, sans attendre signeur ne compaignon. Et sachiés que qui fust enrolés en ces crolières, il trovast à malaise qui li aidast. Et si y demorèrent grant fuison de banières, à tout les chevaus, en pluseurs lieux, et grant  
25 fuison de sommiers et de chevaus, qui onques puis n'en issirent. Et moult souvent on cria celi jour as armes, et disoit on que li premier se combatoient as eunemis; si ques cescuns, qui cuidoit que ce fust voirs, se hastoit quanqu'il pooit parmi marès, parmi  
30 pières et cailliaus, et parmi valées et montaignes, le hyaume apparilliet et l'escut au col, le glave ou l'espée ou poing, sans attendre père ne frère ne compa-



gnon. Et quant on avoit ensi courut demi lieue ou plus, et on venoit au lieu dont chilz hus ou cilz oris naissoit, on se trouvoit deceu. Car ce avoient esté chierf ou bisces ou ours, ou aultres bestes sauvages, de quoi il y avoit grant fuison en ces bos et en ces bruières et en ce sauvage pays, qui s'esmouvoient et fuioient devant ces banières et ces gens à cheval, qui ensi chevauçoient, et que onques n'avoient veu. Adonc huioit cescuns apriès ces bestes, et on cuidoit que ce fust aultre cose.

10

§ 31. Ensi chevauçà li jones rois englès celi jour et tous ses hos parmi ces montagnes et ces desers, sans chemin tenir, sans voie et sans sentier, et sans villes trouver, fors que par avis, selonch le soleil. Et quant ce vint à basses vespres, que on fu venu sus celle rivière de Thin, que li Escot avoient passet et leur couvenoit rapasser, ce cuidoient et disoient li Englès, il s'arrestèrent un petit si travilliet et si fourmenet que cescuns poet penser, et puis passèrent outre le ditte rivière à gués, moult à malaise, pour les grandes pières qui dedens gisent. Et quant il furent passet, cescuns s'ala logier selonch celle rivière, ensi qu'il pot prendre terre. Mais ançois qu'il eussent pris pièce de terre pour logier, solaus commença à esconser. Et si y avoit petit de chiaus qui eussent happes ne cuignies, ne fierement ne estrumens, pour logier ne pour coper bois. Et s'en y avoit plusieurs qui avoient perdus leurs compagnons, et ne savoient qu'il estoient devenu; dont, s'il estoient mesaisié, ce n'est point de merveille. Et meismement les gens de piet estoient derrière demoret; et si ne savoient en

15

20

25

30

quel lieu ne à cui demander leur chemin, dont il estoient tout fourmesaisiet. Et disoient cil qui le miex cuidoient cognoistre le pays, qu'il avoient cheminé celi jour vingt et huit lieues Englesses, ensi  
5 courant com vous avés oy, sans arrester, fors que pour pissier, ou son cheval recengler. Ensi travilliés hommes et chevaus les couvint là le nuit gesir sour celle rivière tous armés, cescuns son cheval en sa main par le frain, car il ne le savoit à quoi loier, par de-  
10 faute de jour, et pour deffaute de leur charoi qu'il ne peussent avoir menet parmi tel pays que deviset vous ay. Ensi ne mengièrent toute le nuit li cheval, ne le jour devant, de avainne nulle ne de fourage. Et eulz meismes ne goustèrent, tout le jour ne le  
15 nuit, que cescun son pain qu'il avoit derrière lui tourset, ensi que dit vous ay, qui estoit de le sueur dou cheval tous soulliés et ordes; ne il ne burent d'autre buvrage que de le rivière qui là couroit, fors mis aucuns signeurs qui avoient boutelles, ce leur  
20 porta grant confort. Et n'eurent toute le nuit ne feu ne lumière, et ne le savoient de quoi faire, hors mis aucuns signeurs qui avoient tortis aportés sus leurs sommiers.

Ensi que vous oés, et à tel meschief, passèrent il  
25 le nuit, sans oster selles à leurs chevaus, ne yaus desarmer. Et quant li desirés jour fu venus, en quoi il esperoient à avoir aucun confort et aucune adrèce, pour yaus et pour leurs chevaus aisier, pour mengier et pour logier, ou pour combatre as Escos que  
30 il desiroient si, pour le desir qu'il avoient de issir de celle mesaise et povretet là où il estoient; adonc commença à plouvoir et pleut toute le journée si

ouniement et si fort que, anchois nonne passée, la rivière sour la quèle il estoient logiet, devint si grande que nuls ne pooit envoier pour veoir ne savoir là où il estoient cheu, ne où il poroient recouvrer de fourage ne de litière pour leurs chevaux, ne pain, 5 ne vin, ne autre cose, pour yaus soustenir. Si les couvint juner tout le jour ensi que la nuit, et les chevaux mengier terre pour le wason, ou bruière et fuelles d'arbres, et coper plançons de bois à leurs espées et leurs baselaires, tous ploians, pour leurs 10 chevaux loier, et verghes pour faire huttelètes pour yaus mucier. Entours nonne, aucun povre dou pays furent trovvet. Si leur fu demandé là où il estoient cheu et embatu. Chil respondirent qu'il estoient à quatorze liewes englesses priès dou Noef Chastiel sur 15 Thin, à onze liewes priès de Carduel en Galles. Et si n'avoit nulle ville plus priès de là, où on peüst riens trouver, pour yaus aisier. Tout ce fu nonciet au roy et as signeurs. Et envoya cescuns ses messages celle part, et ses petis chevaux et ses sommiers, pour 20 apporter pourveances. Et fist on savoir, de par le roy, à la ville dou Noef Chastiel que, qui vorroit gae-gnier, si amenast pain, vin, avainne et aultres den-rées, on li paieroit tout sech, et le feroit on con-duire à sauf conduit jusques à l'ost. Et leur fist on 25 savoir que on ne se partiroit de là entour, jusques a tant que on saroit que li Escot estoient devenu.

§ 32. A l'endemain, entour heure de nonne, revinrent li message que li signeur et li aultre compagnon avoient envoiées as pourveances, et en raportèrent 30 che qu'il peurent, pour yaus et leurs mesnies : gran-

delement ne fu ce mies. Et avoecques yaus vinrent  
gens pour gaegnier, qui amenoient sous petis che-  
valés et petis mulés, pain mal cuit en paniers, povre  
vin en grans barilz, et aultres denrées à vendre,  
5 dont moult de gens et grant partie de l'host furent  
durement apaisiés; et ensi de jour en jour, tant qu'il  
sejournèrent là huit jours sour celle rive, entre ces  
montagnes, en attendant çascun jour le sourvenue  
des Escos, qui ossi ne savoient que li Englès estoient  
10 devenu, non plus que li Englès savoient d'yaus. Ensi  
furent il trois jours et trois nuis sans pain, sans  
vin, sans candeilles, sans avainne et sans fourage ne  
aultres pourveances; et apriès, par l'espasse de qua-  
tre jours, qu'il leur couvenoit acater un pain mal  
15 quit six estrelins, qui ne deuist valoir qu'un paresis,  
et un galon de vin vingt et quatre estrelins, qui n'en  
deuist valoir que six. Encores y avoit on si grant  
rage de famine que li uns le tolloit hors des mains  
de l'autre, dont pluseur hustin et grant debat vin-  
20 rent des compagnons, des uns as aultres.

Encores avoech tous ces meschiés, il ne cessa point  
de plouvoir toute celle sepmainne. Par quoi leurs  
selles, peniaus, contreçaingles furent tout pouri, et  
tout li cheval ou li plus grant partie quassés sus les  
25 dos. Et ne savoient de quoi chiaus ferrer qui estoient  
defferret, ne de quoi couvrir, fors que de leurs tour-  
nikiaus d'armes. Et ossi n'avoient li plus grant par-  
tie que vestir, ne de quoi couvrir pour plueve, ne  
pour le froit, fors que de leurs auketons et de leurs  
30 armeures. Et n'avoient de quoi faire feu, fors que de  
verde laigne, qui ne poet ardoir fors à grant dur, ne  
durer encontre le plueve.

§ 33. A tel meschief, mesaise et povreté demorèrent il entre ces montaignes et le ditte rivière, sans oïr ne savoir nouvelles des Escos qu'il[i] cuidoient qu'il deussent par là passer ou assés priès, pour retourner en leur pays. De quoi grant murmurations com- 5 mença entre les Englès. Car li aucun voloient amette as autres qui avoient donnet ce conseil de là venir en tel point, que il l'avoient fait, pour le roy trahir et toutes ses gens : si ques pour çou fu ordonné entre les signeurs que on se mouveroit de là, 10 et rapasseroit on la ditte rivière sept lieues par de-seure, là où elle estoit plus aisieule à passer. Et fist on criier que cescuns se apparillast, pour deslogier l'endemain, et siewist les banières. Et si fist on adonc criier que, qui se vorroit tant travillier qu'il 15 peüst rapporter certaines nouvelles au roy là où on poroit trouver les Escos, li premiers qui ce li apor-teroit, il aroit cent livrées de terre à hiretage à l'estrelin, et le feroit li rois chevalier.

Quant ces nouvelles furent esparses par l'ost, toutes gens en furent grandement resjoy. Adonc se departirent de l'host aucun chevalier et escuier englès 20 jusques à quinze ou seize, pour le convoitise de gae-gnier celle promesse, et passèrent le rivière en grant peril, et montèrent sus les montaignes; et puis 25 si se departirent li uns chà et li aultres là; et se mist cescuns à l'enventure par lui. L'endemain, tous li hos se desloga. Et chevaucièrent ce jour assés bellement, car li cheval estoient foulet, et mal livret et mal fieret, et quoissiet as çaingles et sour le dos. Et 30 fisent tant qu'il rapassèrent le rivière en grant malaise, car elle estoit grosse pour le plouviage, par

quoi il en y eut assés de baignés et des Englès noiiés. Quant tout furent rapasset, il se logièrent là endroit, car il trouvèrent fourages ès prés et as camps, pour le nuit passer, dalés un petit village que li Escot  
5 avoient ars à leur passer. Si leur sambla droitement qu'il fuissent cheu à Paris. L'endemain, il se partirent de là et chevaucièrent par montagnes et par vallées toute jour jusques priès de nonne que on trouva aucuns hamelés ars, et aucunes petites cam-  
10 pagnes où il y avoit blés et prés; si ques toute li hose loga là endroit celle nuit. Et le tierch jour, chevaucièrent il en tel manière, et ne savoient li plus où on les menoit, et le quart jour ossi jusques à heure de tierce.

15 Adonc vint uns escuiers devers le roi et dist :  
« Sire, je vous aporte nouvelles. Li Escot sont à trois lieues priès de ci, logiet sus une montagne, et vous attendent là; et y ont bien esté ja huit jours; et ne savoient nouvelles de vous, non plus que vous ne  
20 saviés nouvelles de yaus. Che vous fai je ferme et vrai. Car je m'embati si priès de yaus, que je fui pris et menés en leur host, devant les signeurs, pour prison. Si leur di nouvelles de vous, et comment vous les queriés, pour combatre à yaus. Et tantost li si-  
25 gneur me quittèrent me prison, quand je leur euch dit que vous donriés cent livrées de terre à l'estrelin à celui qui premiers vous rapporteroit certaines nouvelles d'yaus, par tèle condition que je leur creantai que je n'aroie repos, jusques à tant que je vous aroie  
30 dit ces nouvelles. Et dient, ce sachiés, que ossi grant desir ont il de combatre à vous, que vous avés à yaus; et les trouverés là endroit sans faute. »

§ 34. Tantost que li rois entendi ces nouvelles, il fist toute l'ost là endroit arrester en uns blés, pour leurs chevaus paistre et recengler, d'encoste une blanche abbeye, qui estoit toute arse, que on clamoit dou temps le roy Artus le Blance Lande. Là endroit, se confessa et adreça cescuns à son loyal pooir. Et fist là endroit li rois dire grant fuison de messes, pour acumeniier chiaus qui devotion en aroient. Et assena tantost bien et souffissamment à l'escuier les cent livrées de terre que prommis avoit, et le fist chevalier par devant tous. Apriès, quant on fu un peu reposé et desjuné, on sonna le trompète; cescuns ala monter. Et fist on les banières chevaucier, ensi que cis nouviaux chevaliers les conduisoit, et toutdis cescune bataille par lui, sans desrouter par montagne ne par vallée, mès toutdis rengies ensi que on pooit, et que ordonné estoit. Et tant chevaucièrent en celi manière que il vinrent, entours miedi, si priès des Escos que il les veirent tout clerement, et li Escot yaus ossi.

Si tost que li Escot les veirent, il issirent de leurs logeis tout à piet, et ordonnèrent trois bonnes batailles faiticement, sour le devaler de le montagne, là où il estoient logiet. Par desous celle montagne, couroit une rivière forte et rade, plaine de cailiaus et de si grosses pières, que on ne le peust bonnement en haste passer, sans grant meschief, maugret yaus. Et encores, plus avant se li Englès ewissent le rivière passet, si n'avoit point de place entre le rivière et la montagne, là où il peussent avoir rengiet leurs batailles. Et si avoient li Escot leurs deux premières batailles establi sour deux crupes de montagne, c'on entent de roce, là où on ne

pooit bonnement monter ne ramper pour yaus assallir; mès estoient en parti que pour les assallans tous confroissier et lapider de pières, s'il fuissent passet outre le rivière; et ne peussent li Englès nullement retourner.

Quant li signeur d'Engleterre veirent le couvenant des Escos, il fisent toutes leurs gens traire à piet, et oster les esporons, et rengier les trois batailles, ensi que ordonné avoient en devant. Là endroit, furent fait grant fuison de novviaus chevaliers. Quant ces batailles furent rengies et ordonnées, aucun des signeurs d'Engleterre amenèrent le jone roy à cheval par devant toutes les batailles, pour les gens d'armes plus resbaudir. Et prioit moult très gracieusement que cescuns se penast de bien faire, et de garder sen honneur. Et faisoit commander, sus le tieste, que nulz ne se mesist par devant les banières des mareschaus, ne ne se meuist jusques à tant que on le commanderoit. Un petit apriès, on commanda que les batailles alaissent avant par devers les ennemis, tout bellement le pas. Ensi fu fait. Si ala bien cescune bataille en cel estat, un grant bonnier de terre avant, jusques au devaler de le montaigne sus la quèle il estoient. Che fu fait et ordonné pour veoir se li ennemi se desrouteroient point, et pour veoir comment il se maintenroient; mais on ne peut perchevoir qu'il se meuissent de riens, et si estoient si priès li uns de l'autre que il recognissoient partie de leur armoierie.

Adonc fist on arrester tout quoi, pour avoir aultre conseil. Et si fist on aucuns compagnons monter sus coursiers pour escarmucier à yaus, et pour aviser le



passage de le rivière, et pour veoir leur couvenant de plus priès. Et leur fist on à savoir par hiraus que, s'il voloient passer oultre le rivière et venir combatre au plain, on se retrairoit arrière, et leur liveroit on bonne place, pour le bataille rengier, et tantost ou 5 à l'endemain au matin; et, se ce ne leur plaisoit, qu'il volsissent faire le kas parel. Quant il oïrent ces trettiés, il eurent conseil. Yaus consilliet, et tantost il respondirent as hiraus là envoiés, qu'il ne feroient ne l'un ne l'autre. Mais li rois et tout si baron 10 veoient bien comment il estoient en son royaume, et li avoient ars et gasté. S'il l'en anioit, si le venist amender, car là demorroient il, tant qu'il leur plairoit.

§ 35. Quant li consaulz le roy d'Engleterre veirent qu'il n'en aroient aultre cose, il fisent crier et 15 commander que cescuns se logast là endroit où il estoit, sans reculer. Ensi se logièrent il celle nuit, moult à mesaise, sour dure terre et pières sauvages, et toutdis armés. Et à grant meschief li garçon reouvèrent de peulz et de verges pour loier leurs 20 chevaux, ne fourage ne litière, pour yaus aisier, ne laigne pour faire feu. Et quant li Escot aperçurent que li Englès se logoient en tel manière, il fisent demorer aucuns de leurs gens sus les places où il avoient établi leurs batailles, puis se retraisent à 25 leurs logeis, et fisent tantost tant de feus que merveilles estoit à regarder. Et fisent entre nuit et jour si grant bruit de corner de lors grans cors, tout à une fie, et de juper apriès, tout à une vois, qu'il sambloit proprement as Englès que tout li dyable 30 d'infier fussent là venu, pour yaus estrangler. Ensi

furent il logiet celle nuit, qui fu le nuit Saint Pière, à l'entrée d'aoust, l'an de grasce mil trois cens vingt et sept, jusques à l'endemain que li signeur oïrent messe.

Quant ce vint le jour Saint Pière que messe fu  
3 ditte, on fit cescun armer et aler à se banière, et les  
batailles rengier, ensi que le jour devant. Quant li  
Escot perchurent chou, il s'en vinrent rengiet, ossi  
bien comme le jour devant. Et demorèrent les deus  
hos tout le jour ensi rengiet, jusques apriès miedi,  
10 que onques li Escot ne fissent samblant de venir vers  
les Englès, et ossi li Englès d'aler vers yaus, car il  
ne les pooient bonnement approcier sans trop grant  
meschief. Pluseur compaignon englès qui avoient  
chevaus dont il se pooient aidier, passèrent le ri-  
15 vière, et aucun à piet, pour escarmucier à yaus. Et  
ossi se desroutèrent aucun Escot, qui couroient et  
racouroient tout escarmuçant li un à l'autre, tant  
qu'il y eut des mors, des navrés et des prisons des  
uns as autres. Ensi que apriès miedi, li signeur  
20 d'Engleterre fissent à savoir que cescuns se retraisist  
à se loge, car bien leur sambloit qu'il estoient là  
pour nient. Si se retraist cescuns à son logeis.

En cel estat furent il par trois jours, et li Escot  
d'autre part sus leur montagne, sans departir. Tou-  
25 tes fois, tous les jours y avoit gens escarmuçans  
d'une part et d'autre, et souvent des mors et des  
pris. Et toutes les viesprés, à le nuit, li Escot fai-  
soient par coustume si grans feus, et tant, et fai-  
soient si grant bruit de juper et de corner tous à  
30 une vois, qu'il sambloit proprement as Englès que  
ce fust uns drois infiers, et que tout li dyable fuis-  
sent là assamblé par droit avis. Li intention des

signeurs d'Engleterre estoit de tenir ces Escos là endroit comme assegiés, puis qu'il ne se pooient bonnement à yaus combatre. Et les cuidoient bien affamer, car nulle pourveance ne leur pooit venir, et si ne se pooient de là partir, si qu'il cuidoient, 5 pour raler en leur pays. Et si savoient bien li Englès, par les prisons qui pris estoient, que li Escot n'avoient nulle pourveance de pain, de vin ne de sel. Bestes avoient il à grant fuison, qu'il avoient pris ens ou pays. Si en pooient mengier en l'ewe et en 10 rost à leur plaisir, sans pain et sans sel, à quoi il n'acontent nient gramment, mais qu'il ewissent un peu de farine dont il usent, ensi que dit vous ai par deseure. Et ossi en usent bien aucun Englès, quant il sont en leurs chevaucies, et il leur touche. 15

Or, avint que, le quatrime jour au matin que li Englès avoient esté là logiet, il regardèrent par devers le montagne, si ne veirent nullui, car li Escot s'en estoient partit à le mienuit. Si en eurent li 20 signeur grant merveille, et ne pooient apenser qu'il estoient devenu. Si envoièrent tantost gens à cheval et à piet par ces montagnes, qui les trouvèrent, entours heure de prime, logiés sus une aultre montagne plus forte que celle devant n'estoit, sus celle 25 rivière meisme. Et estoient logiet en un bois, pour estre plus repus, et pour plus secretement aler et venir, quant il vorroient. Si tost qu'il furent trovvet, on fist les Englès deslogier et traire celle part tout ordonneement, et logier sus une aultre montagne, 30 droit à [l'encontre<sup>1</sup>] d'yaus. Et fist on les batailles

1. Ms. de Gaignières, f° 15 v°. — Ms. 6477, f° 24 (lacune).

rengier, et faire samblant que d'aler vers yaus. Mais  
 si trestost qu'il veirent l'ordenance as Englès et yaus  
 approcier, il issirent hors de leurs logeis, et s'en vin-  
 rent rengiet faiticement assés priès de le rivière con-  
 5 tre yaus, mais onques ne vorrent descendre, ne venir  
 vers les Englès. Et li Englès ne pooient aler jusques  
 à yaus, qu'il ne fuissent tout mort ou tout perdu da-  
 vantage, ou pris à grant meschief. Si se logièrent là  
 endroit encontre yaus. [Et demourarent dix huit jours  
 10 entiers sur celle froide montaigne, et tous les jours  
 rengé[s] encontre eulx<sup>1</sup>.] Si envoioient li signeur d'En-  
 gleterre bien souvent leurs hirus par devers yaus  
 parlementer, que il vosissent livrer place et pièce de  
 terre, ou on leur liveroit; mais onques à nulles de  
 15 ces pareçons il ne se veurent acorder. Si vous di bien  
 pour verité que li une host et li aultre, en ces se-  
 jours, eurent moult de mesaises.

§ 36. Le première nuit que li Englès furent logiet  
 sus celle seconde montaigne à l'encontre des Escos,  
 20 messires Guillaumes de Douglas, qui estoit moult  
 preus et entreprendans et hardis chevaliers, prist en-  
 tours le mienuit environ deus cens armeures de fier,  
 et passa celle rivière bien loing de leur host, par quoi  
 on ne s'en perchuist; si feri en l'ost des Englès moult  
 25 vassaument en criant : « Douglas! Douglas! vous y  
 morrés tuit, signeur baron englès ». Et en tua il et  
 se compagnie plus de trois cens, et feri des esporons  
 jusques proprement devant le tente le roy, toutdis  
 criant et huant : « Douglas! Douglas! » et copa deus

1. *Ms. de Gaignières et de Mouchy-Noailles, f° 15 v°.*

ou trois des cordes de le tente dou roy, puis s'en parti à tant. Bien puet estre qu'il pierdi aucuns de ses gens à se retraite, mais ce ne fu mies gramment, et retourna arrièrre devers ses compaignons en le montagne.

5

De puis, n'i eut riens fait, mais toutes les nuis li Englès faisoient grans gès et fors, qui se doubtoient dou resvillement des Escos. Et avoient gardes et escoutes en certains lieux par quoi, se cil sentissent ne oïssent riens, il le segnefiassent en l'ost. Et gisoient 10 priès que tout li signeur en leurs armeures. En cel estat furent il vingt et deus jours sus ces deus montagnes, li uns devant l'autre. Et tous les jours y avoit des escarmuces, et escarmuçoit qui escarmucier voloit. Si en y avoit souvent des mors, des pris, des navrés, 15 des blechiés et des mesaisiés des uns et des aultres.

§ 37. Le daarrain jour des vingt et deus, fu pris uns chevaliers d'Escoce à l'escarmuce, qui moult à envis voloit dire as signeurs d'Engleterre le couvenant des leurs. Se fu il tant enquis et examinés qu'il dist que 20 leur souverain avoient entre yaus acordé le matin que cescuns fust armés au vespre, et que cescuns sievist le banière monsigneur Guillaume de Douglas, quel part qu'il vorroit aler, et que cescuns le tenist en secret ; mais li chevaliers ne savoit de certain 25 qu'il avoient empenset. Sur çou eurent li signeur d'Engleterre conseil ensamble et avisèrent que, selonch ces parolles, li Escot poroient bien par nuit venir brisier et assallir leur host à deus costés, pour yaus mettre en aventure de vivre ou de morir, car 30 plus ne pooient endurer leur famine. Si ordonnèrent

li Englès entre yaus trois batailles, et se rengièrent en trois pièces de terre devant leurs logeis, et fissent grant fuison de feus, pour veoir plus cler entour yaus. Et fissent demorer tous les garçons en leurs logeis, pour garder leurs chevaus. Si se tinrent ensi celle nuit tout armé, oescuns desous se banière ou sen penonciel, si com il estoit ordonnés, pour attendre l'aventure. Car il esperoient assés bien, selonch les parolles dou chevalier, que li Escot les resvilleroient, mès il n'en avoient nul talent; ançois fissent par aultre ordenance bien et sagement.

Quant ce vint sus le point dou jour, doi trompeur d'Escoce s'embatirent sus l'un des gés qui gaitoient as camps. Si furent pris et amenet devant les signeurs dou conseil le roy et disent : « Seigneur, que gettiés vous ci? Vous perdés le temps. Car, sus l'abandon de nos tiestes, li Escot en sont ralet très devant le mienuit, et sont jà quatre ou cinq liewes loing. Et nos emmenèrent avoech yaus bien une liewe loing, pour doubtaunce que nous ne le vous noncissions, et puis nous donnèrent congiet de le vous venir dire. » Et quant li signeur englès entendirent chou, il eurent conseil et veirent bien qu'il estoient deceu en leur cuidier. Et disent que li criers apriès les Escos ne leur pooit riens valoir, car on ne les poroit raconsiewir. Et encores, pour doubtaunce de decevement, li signeur detinrent les deus trompeurs tous quois, et les fissent demorer dalés yaus, et ne rompirent point leur ordenance, ne l'establisement de leurs batailles, jusques apriès prime. Et quant il veirent que c'estoit verités, et que li Escot estoient parti, il donnèrent congiet à tout

homme de retraire à se loge et de lui aisier. Et li signeur alèrent à conseil, pour regarder que on feroit.

Entrues, aucuns des compagnons englès montèrent sus leurs chevaus et passèrent le dessus ditte rivière en grant peril, et vinrent sus le montaigne 5 dont li Escot estoient parti le nuit. Et trouvèrent plus de cinq cens grosses bestes grasses tantost mortes, que li Escot avoient tuet, pour tant que elles ne les peussent siewir; et si ne les voloient mies vives 10 laisser as Englès. Et si trouvèrent plus de trois cens chaudières, faites de cuir à tout le poil, pendues sus le feu, plainnes de char et d'yawe, pour faire boullir, et plus de mille hastiers, plains de pièces de char pour rostir, et plus de dix mille viés solers usés, 15 fais de cuir tout crut à tout le poil, que li Escot avoient là laissiet. Et trouvèrent cinq povres prisons englès, que li Escot avoient loiiet tous nus as arbres par despit, et deus qui avoient les gambes brisies. Si les desloiièrent et laissièrent aler, et puis revinrent en l'ost si à point que cescuns se deslogoit et 20 ordonnoit pour raler vers Engleterre, par l'acord dou roy et tout son conseil. Si siewirent tout ce jour les banières des mareschaus, et vinrent logier de haute heure en un biel pré, où il trouvèrent assés à fourer pour les chevaus, qui leur vint bien à point. 25 Car il estoient si faible, si fondut et si affamet, que à painnes pooient il avant aler.

L'endemain, il se deslogièrent et chevaucièrent encores plus avant, et s'en vinrent logier de haute heure dalés une grande court d'abbeye, à deus 30 lieues priès de le cité de Duremmes. Si se loga li rois le nuit en celle court, et li hos contreval les

prés. Si trouvèrent assés à fourer, qui leur vint bien à point, herbes, vèches et blés. L'endemain, se reposa li hos là endroit tous quois, et li rois et li signeur alèrent vers l'eglise de Duremmes. Et adonc  
5 fist li rois feaulté à l'eglise et à l'evesque, et ossi à le cité et as bourgeois, car faite ne l'avoit encores. En celle cité, trouvèrent il leurs charetons et leurs charètes et tout leur harnas, que il avoient laiïet trente et deus jours en devant en un bois, à mienuit, si com  
10 il est contenu chi dessus. Et les avoient li bourgeois de le cité de Duremmes, qui trouvet les avoient ens ou bois, amenet dedens leur ville à leur coust, et fait mettre en wides granges, çascune charette à tout son penonciel, pour recognoistre. Si furent moult  
15 liet tout li signeur, quant il eurent trouvet leurs charètes et leur harnas, et reposèrent deus jours dedens le cité de Durem, et li host tout autour, car mies ne se peuist toute logier en le ditte cité. Et fissent leurs chevaus referer, et puis se misent à voie devers  
20 Evruich. Si exploita tant li rois et toute son host, que dedens trois jours il y vinrent. Et là trouva li rois ma dame sa mère qui le reçut à grant joie. Et ossi fissent toutes les dames et li bourgeois de le ville.

Là donna li rois congiet à toutes manières de gens  
25 de raler cescun en son lieu, et remercia grandement les contes, les barons et les chevaliers, dou service qu'i[l] li avoient fait. Et retint encores dalés lui monsieur Jehan de Haynau et toute se route, qui furent grandement festiïet de ma dame la royne par  
30 especial, des signeurs et de toutes les dames. Et relivrèrent li Haynuier leurs chevaus, qui tout estoient effondut et afolet, au conseil dou roy. Et fist cescuns



somme pour li de ses chevaus, mors et vis, et de ses frais. Si en fist li rois sa debte envers le dit monsigneur Jehan. Et li dis messires Jehans s'en obliga envers tous les compagnons. Car li rois et ses consaulz ne peurent si tost recouvrer de tant d'argent que li cheval montoient ; mais on lor en delivra assés par raison pour paiier leurs menus frès, et pour retourner au pays. Et puissedi, dedens l'année, furent il tout paiiet de ce que li cheval montoient. Quant li Haynuier eurent relivré leurs chevaus, il rachatèrent cescuns des petites hagenées pour chevaucier miex à leur aise, et renvoiièrent leurs garçons et leur harnas, sommes et males et bahu, par mer, et misent tout en deus nefes que li rois leur fist delivrer. Si arrivèrent ces besongnes droit à l'Escluse, en Flandres. Et il prisent congiet au roy, à ma dame se mère, au conte de Kent, au conte Henri de Lancastre et as barons, qui grandement les honnourèrent. Et les fist li rois acompagnier de douze chevaliers et deus cens armeures de fier, pour le doubtaunce des archiers, dont il n'estoient mies bien asseguet, car il les couvenoît rapasser parmi leur pays, l'evesquié de Lincolle. 15

Si se partirent messires Jehans de Haynau et toute se route, ou conduit des dessus dis. Et chevaucièrent tant par leurs journées qu'il vinrent à Douvres. Là monterent il en mer, en nefes et en vaissiaus qu'il trouvèrent appareillies. Et li Englès se partirent d'yaus, qui aconvoiiet les avoient, et retournerent cescuns en son lieu. Et li Haynuier arrivèrent à Wisant. Là se reposèrent il par deus jours, en mettant hors leurs chevaus et le demorant de leur harnas. 20 25

Entrues, vīrent messires Jehans de Haynau et aucun chevalier en pelerinage à Nostre Dame de Boulongne. Depuis s'en retournèrent il en Haynau, et se departirent tout li un de l'autre, et se retraist ces-  
 5 cuns chiés soy. Mès messires Jehans de Haynau s'en vint deviers le conte son frère, qui se tenoit à Valenchienes, qui le reçut liement et volentiers, car moult l'amoit. Et adonc li recorda li sires de Byaumont toutes nouvelles, si avant que il les savoit.

- 10 § 38. Ensi fu celle chevaucie departie, que li rois Edowars, le premier an de se creation, fist contre les Escos, li quèle fu si grande et si dure que vous avés oy. Ne demora mies gramment de temps apriès, que cilz rois, ma dame se mère, li contes de Kent,  
 15 li contes Henris de Lancastre, messires Rogiers de Mortemer et li aultre baron d'Engleterre, qui estoient demoret dou conseil le roy, pour lui aidier à conseiller et gouvrenier, eurent avis et conseil de lui marier. Si envoièrent un evesque, deus chevaliers  
 20 banerès et deus bons clers à monsigneur Jehan de Haynau, pour lui prier qu'il vosist aidier et mettre conseil à che que li jones rois, leurs sires, fust mariés, et qu'il vosist boins moiens estre, par quoi messires, ses frères, li contes de Haynau et de Hol-  
 25 landes, li volsist envoier une de ses filles, car il l'aroit plus chière que nulle aultre, pour l'amour de lui. Li sires de Byaumont festia et honnoura ces messagiers et commissaires de par le roy englès, quanques il pot, car bien le savoit faire. Quant bien  
 30 festiés les eut, il les amena à Valenchienes par devers son frère, qui moult honnourablement les re-

chut ossi, et les festia si souverainement bien que  
longe cose seroit à raconter.

Quant assés festiét furent, il fissent leur message  
sagement et à point, ensi que chargiet leur estoit.  
Li contes leur respondi moult courtoisement, par le 5  
conseil de monsieur Jehan son frère, et de ma  
dame la contesse, mère à la damoiselle, et leur dist'  
que moult grans mercis à monsieur le roy et à  
madame la royne et as signeurs par cui conseil il  
estoiert là venu, quant tant leur estoit que de li 10  
faire tèle honneur, que pour tel cose il avoient si  
souffissans gens à lui envoiés, et que moult volen-  
tiers s'acorderoit à leur requeste, se nostres Sains  
Pères, li papes, et Sainte Eglise s'i acordoit.

Celle response leur souffi assés grandement. Puis 15  
envoièrent tantost deus de leurs chevaliers, et deus  
clers de droit, par devers le Saint Père, à Avignon,  
pour impetrer dispensation de celi mariage acordet.  
Car, sans le congiet dou Saint Père, faire ne se po-  
roit, pour le linage de France dont il estoient moult 20  
prochain, si com en tierch degré, car leurs deus  
mères estoient cousines germaines, issues de deus  
frères. Assés tost apriès ce qu'il furent venu à Avi-  
gnon, il eurent faite lor besongne. Car li Sains Pè-  
res et li collèges s'i consentirent assés benignement, 25  
pour le haute noblèce dont tout doy estoient issu.

§ 39. Quant cil message furent revenu de Avignon  
à Valenciennes, à toutes leurs bulles, chilz mariages  
fu tantos otroiés et affremés d'une part et d'autre.

Si fist on le devise pourveir et appareillier de tout ce qu'il falloit, si honnourablement que à tèle damoiselle, qui devoit estre royne d'Engleterre, affreoit. Quant appareillie fu, si com dit est, elle fu espou-  
5 sée par le vertu d'une procuration [apparrant<sup>1</sup>] souffissamment, qui là fu aportée de par le roy d'Engleterre. Et puis si fu mise à le voie pour emmener en Engleterre par devers son mari, qui l'attendoit à Londres, là où on le devoit couronner. Et monta en mer  
10 la ditte damoiselle Phelippe de Haynau à Wissant, et arriva et toute se compagnie à Douvres. Et la conduisi jusques à Londres chilz gentils chevaliers messires Jehans de Haynau, ses oncles, qui grandement fu recheus, honnourés et festiés dou roy, de ma  
15 dame la royne se mère, des aultres dames, des barons et des chevaliers d'Engleterre. Si eut adonc à Londres grant feste et grant noblèce des signeurs, contes, barons et chevaliers, des hautes dames et des nobles pucelles, de riches atours et de riches pare-  
20 mens, de jouter et de behourder pour l'amour d'elles, de danser et de caroler, de grans et biaux men-  
giers çascun jour donner. Et durèrent ces festes par l'espace de trois sepmainnes.

Au chief de ces jours, messires Jehans de Haynau  
25 prist congiet et s'en parti, o toute se compagnie de Haynau, bien furnis de biaux jeuiaus et riches, que on leur avoit donnés d'un costé et d'autre, en plusieurs lieux. Et demora li jone royne Phelippe, à petite compagnie de son pays, fors mis un damoisiel,

1. Ms. de Gaignières et de Mouchy, f° 17. — Ms. 6477, f° 27 : « aprans. »

que on clamoit Watelet de Mauni, qui y demora pour servir et taillier devant li. Li quelz acquist puisredi si grant grasse au roy et à tous les signeurs dou pays, qu'il fu del secré conseil le roy, au gret de tous les nobles dou pays. Et fist de puis si grandes proëces de son corps, en tant de lieux, que on n'en pooit savoir le nombre, si com vous orés avant en l'ystore, se il est qui le vous die. Or nous tairons nous de lui à parler, tant qu'à present, et des Engles, et retournerons as Escos. 10

§ 40. Apriès chou que li Escot se partirent par nuit de le montagne, là où li jones rois Edowars et li signeur d'Engleterre les avoient assegiés, si com vous avés oy, il alèrent vingt et deus liewes de celui sauvage pays, sans arrester, et passèrent celle rivière de Thin assés priès de Cardueil, en Galles. Et à l'endemain, il revinrent en leur pays, et se departirent par l'ordenance des signeurs, et en rala cescuns en se maison. Assés tost apriès, signeur et aucun bon preudomme pourcacièrent tant entre le roy d'Engleterre et son conseil et entre le roy d'Escoce, que une triewe fu acordée entre yaus, à durer par l'espasse de trois ans. 15 20

Dedens celle triewe, avint que li rois Robers d'Escoce, qui moult preus avoit esté, estoit devenu 25 viex et foibles, et si cargiés de le grosse maladie, ce disoit on, que morir le couvint. Quant il senti et cogneut que morir le couvenoit sans retour, il manda tous les barons de son royaume ens ès quelz il se fioit le plus par devant lui; si leur dist que morir le 30 couvenoit, si qu'il veoient. Si leur pria moult affec-

tueusement et leur carga, sour leur feaulté, que il gardaissent feablement son royaume en ayde de David son fil; et, quant il seroit venus en eage, qu'il obeisissent à lui et le couronnaissent à roy, et le mariassent en lieu si souffissant que à lui apertenoit. En apriès, il en appella le gentil chevalier monsieur Guillaume de Douglas, et li dist devant tous les autres : « Monsieur Guillaume, chiers amis, vous savés que j'ai eu moult à faire et à souffrir en mon  
10 temps que j'ai vescu, pour maintenir les drois de cesti royaume. Et quant jou euch le plus à faire, je fis un veu que je n'ai point acompli, dont moult me poise. Je voai que, s'il estoit ensi que jou ewisse ma guerre achievée, par quoi je peuisse cesti royaume  
15 gouvrenen en pais, jou iroie aidier à guerrier les ennemis Nostre Seigneur et les contraires de le foy crestienne, à mon loyal pooir. A ce point a toutdis mon coer tendu, mais Nostres Sires ne l'a mies volu consentir. Si m'a donné tant à faire à mon temps, et  
20 a darraïns si entrepris si griefment de si grant maladie qu'il me couvient morir, si com vous veés. Et puis qu'il est ensi que li corps de mi n'i poet aler, ne achiever ce que li coers a tant désiré, jou y voel envoier le coer ou lieu del corps, pour mon veu  
25 achiever. Et pour çou que je ne sçai en tout mon royaume nul chevalier plus preu de vostre corps, ne miex tailliet de mon veu acomplir en lieu de mi, je vous pri, très chiers et très especiaulz amis, tant com je puis, que vous cest voiage voellies entreprendre,  
30 pour l'amour de mi, et me ame acquitter envers Nostre Seigneur. Car je tieng tant de vostre noblèce et de vostre loyauté que, se vous l'entreprenés, vous n'en

faurrés nullement; et si en morrai plus aise, mais que ce soit par tèle manière que je vous dirai. Je voel, sitos que je serai trespasés, que vous prendés le coer de mon corps et le faites bien embasmer, et prendés tant de mon tresor que vous samblera que assés en aiiés pour parfurnir tout le voiage, pour vous et pour tous chiaus que vous vorrés emmener avoech vous; et emportés mon coer avoech vous, pour presenter au Saint Sepulcre, là où Nostres Sires fu ensepelis, puis que li corps n'i poet aler; et le faites si grandement, et vous pourveés si souffissamment de tèle compagnie et de toutes aultres coses que à vostre estat apertient; et que partout là où vous venrés, que on sace que vous emportés outre mer, comme messagiers, le coer le roi Robert d'Escoce, et à son commandement, puis qu'ensi est que li corps n'i poet aler. »

Tout cil qui là estoient prisent à plorer de pité moult tenrement. Et quant li dis messires Guillaume peut parler, il respondi et dist : « Gentilz sires, cent mille mercis de le grande honneur que vous me faites, quant vous si noble et si grant cose et tel tresor me chargiés et recommandés. Et je ferai volentiers et de cler coer vostre commandement, à men loyal pooir, jamais n'en doubtés, comment que je ne sui mies dignes ne si souffissans que pour tel cose acheiver. » — « Ha ! gentilz chevaliers, dist adonc li rois, grans mercis, mès que vous le me creantés. » — « Certes, sires, moult volentiers, dist li chevaliers ». Lors li creanta tantost, comme loyaus chevaliers. Adonc dist li rois : « Or soit Diex graciés, car je morrai plus à pais d'ore en avant, quant je sçai que

li plus souffissans et li plus preus de mon royaume  
achievera pour mi ce que je ne poi onques achie-  
ver ».

- Assés tost après, trespassa de cest siècle li preus  
5 Robers de Brus, rois d'Escoce. Et fu ensevelis si hon-  
nourablement que à lui affrei, selonch l'usage dou  
pays. Et fu li coers ostés et embasmés, ensi que com-  
mandé l'avoit. Si gist li dessus dis rois en l'abbeye  
de Donfremelin, en Escoce, très reveramment. Et  
10 trespassa de ce siècle, l'an de grasce Nostre Seigneur  
mil trois cens vingt et sept, le septime jour de no-  
vembre. En ce temporal, assés tost apriés, trespassa  
ossi li vaillans contes de Moret, qui estoit li plus  
gentilz et li plus poissans princes d'Escoce, et s'ar-  
15 moit d'argent à trois orilliers de geules.

- § 41. Quant li prin tamps vint et li bonne saisons  
pour mouvoir, qui voelt passer oultre mer, messires  
Guillaumes de Douglas se pourvei, ensi qu'à lui aper-  
tenoit, selonch che que commandé li estoit. Il monta  
20 sus mer au port de Morois, en Escoce, et s'en vint  
en Flandres droit à l'Escluse, pour oïr nouvelles, et  
pour savoir se nulz par de deça la mer s'apparilloit  
pour aler par devers le Sainte Terre de Jherusalem,  
afin qu'il peüst avoir milleur compagnie. Si sejourna  
25 bien à l'Escluse par l'espasse de douze jours, ançois  
qu'il s'en partesist; mès onques ne volt mettre piet  
à terre, tout le terme des douze jours. Ains demo-  
roit toutdis sus se nave, et tenoit toutdis son tinel  
honnourablement, à trompes et à nakaires, comme  
30 se ce fust li rois d'Escoce. Et avoit en se compagnie  
un chevalier bancereth, et sis aultres chevaliers des



plus preus de son pays, sans l'autre mesnie. Et avoit tout vaissellement d'or et d'argent, pos, bachins, escuilles, hanaps, bouteilles, barilz et aultres si faites choses. Et avoit jusques à vingt et sis escuiers, jones et gentilz hommes des plus souffissans d'Escoce, 5 dont il estoit servis. Et devés savoir que tout oïl qui le voloient aler veoir, estoient très bien festiïet de deus manières de vins, et de deus manières d'espis-ses, mès que ce fuissent gens d'estat.

Au daarrain, quant il eut sejourné là endroit, à 10 l'Escluse, par l'espasse de douze jours, il entendî que li rois Alphons d'Espagne guerrioit au roi de Grenate, qui estoit Sarrasins. Si s'avisa qu'il iroit celle part, pour miex emploïier son temps et son voiage. Et quant il aroit là faite sa besongne, il iroit outre 15 pour parfaire et achiever ce que cargiet et commandet li estoit. Si se parti ensi de l'Escluse, et s'en ala droit par devers Espagne, et arriva premiers au port de Valence le Grant; et puis s'en ala droit vers le roy d'Espagne, qui estoit en host contre le roy de 20 Grenate. Et estoient assés priès l'un de l'autre, sus les frontières de leurs pays.

Avint, assés tost apriès çou que li di messires Guillaumes de Douglas fu là venus, que li rois d'Espagne issi hors as camps, pour plus approcier ses 25 ennemis. Li rois de Grenate issi hors ossi d'autre part, si ques li uns rois veoit l'autre à tout ses bannières. Et se commencïèrent à rengier leurs batailles, li un contre l'autre. Li dis messires Guillaumes de Douglas se traist à l'un des costés, a toute se route, 30 pour miex faire se besongne, et pour miex moustrer son effort. Quant il vei toutes les batailles rengies

d'une part et d'autre, et vei la bataille le roy un petit esmouvoir, il cuida que elle alast assambler. Il, qui miex voloit estre des premiers que des daarrains, feri des esporons, et toute se compagnie avoech  
5 lui, jusques à le bataille le roy de Grenate, et ala as ennemis assambler. Et pensoit ensi que li rois d'Espagne et toutes ses batailles le sievissent, mès non fisent, dont il en fu laidement deceus, car onques celi jour ne s'en esmurent. Là fu li gentilz chevaliers, messires Guillaumes de Douglas enclos, et  
10 toute se route, des ennemis. Et y fisent merveilles d'armes, mès finalement il ne peurent durer, ne onques piés n'en escapa, que tout ne fuissent occis à grant mesohief. De quoi ce fu pités et damages et  
15 grant lasqueté pour les Espagnolz, et moult en furent blasmet de tous chiaus qui en oïrent parler, car bien ewissent rescous le chevalier et une partie des siens, s'il vosissent. Ensi ala de ceste aventure et dou voiage monsieur Guillaume de Douglas.

20 Ne demora mies gramment de tamps, apriès çou que li dessus dis chevaliers se fu partis d'Escoce pour aler en son pelerinage, si com vous avés oy, que aucun signeur et preudomme, qui desiroient à nourrir pais entre les Englès et les Escos, trettièrent  
25 et pourcacièrent tant que mariages fu fais del jone roi David d'Escoce et de la sereur le jone roy d'Engleterre. Si fu cilz mariages acordés. Et espousa la dame li dessus dis rois à Bervich, en Escoce. Et là y eut grans festes, de l'une partie et de l'autre. Or,  
30 me voel jou taire un petit des Escos et des Englès, et me retrairai au roi Charlon de France, et as ordenances de celui royaume.

§ 42. Li rois Charles de France, filz au biau roy Phelippe, fu trois fois mariés, et si morut sans hoir marle, dont ce fu damages pour le royaume, si com vous orés ci après. Li première de ses femmes fu li une des plus belles dames dou monde, et fu fille la contesse d'Artois. Celle garda mal son mariage et se foursist. Par quoi elle en demora lonch temps ens ou Chastiel Gaillard, en prison et à grant meschief, ançois que ses maris fust rois. Quant li royaumes li fu escheus, et il fu couronnés, li douze per de France ne vorrent nient, s'il peussent, que li royaumes demorast sans hoir marlé. Si quisent sens et avis par quoi li rois Charles fust remariés, et le fu à le fille l'empereur 'Henri de Lussembourch et suer au gentil roy de Behagne, et par quoi li premiers mariages fust deffais et anullés de celle dame qui en prison estoit, et tout par le declaration dou pape, nostre Saint Père, qui adonc estoit. De celle seconde dame de Lussembourch, qui estoit moult humle et moult preude femme, eut li rois un fil qui morut moult jones, et assés tost li mère apriès, à Ysodon en Berri. Et morurent tout doi souspeçonneusement. De coi aucunes gens en furent encoupées en derrière couvertement. Apriès, cilz rois Charles fu remariés tierce fois à le fille de son oncle de remariage, le fille de monsigneur Loeis, le conte d'Evrues, le royne Jehenne, et sereur au roi de Navare qui adonc estoit. Puissedi, avint que celle dame fu enchainée. Et li dis rois, ses maris, s'acouça malades au lit de le mort. Quant il perchut que morir le couvenoit, il devisa que, s'il avenoit que li royne se acoucast d'un fil, il voloit que messires Phelippes de Valois,

- ses cousins germains, en fust mainbours et regens de tout son royaume, jusques adonc que ses filz seroit en eage d'estre rois; et, s'il avenoit que ce fust une fille, que li douze per et li hault baron de
- 5 France eussent conseil et avis entre yaus de l'ordonner, et donnaissent le royaume à celi qui avoir le deveroit par droit. Sur chou, li rois Charles ala morir environ Paskes, l'an de grace Nostre Seigneur mil trois cens vingt et huit.
- 10 Ne demora mies gramment apriès, que la royne Jehenne acouça d'une fille, de quoi li plus del royaume en furent durement tourblé et courouciet. Quant li douze per et hault baron de France sceurent çou, il se assamblèrent à Paris au plus tost qu'il
- 15 peurent, et donnèrent le royaume, de commun acord, à monsieur Phelippe de Valois, filz jadis au conte de Valois, et en ostèrent le royne d'Engleterre et le roy son fil, qui estoit demorée soer germainne au roy Charle daarrainement trespasset,
- 20 par le raison de che qu'il dient que li royaumes de France est de si grant noblèce qu'il ne doit mies par succession aler à fumelle, ne par consequence à fil de fumelle, ensi que vous avés oy chà devant, au commencement de ce livre. Et fissent celi monsieur
- 25 Phelippe couronner à Rains l'an de grace mil trois cens vingt et huit, le jour de le Trinité. Dont, puissedi, grant guerre et grant desolation avint au royaume de France en pluseurs pars, si com vous porés oïr en ceste hystore.
- 30 Assés tost apriès çou que cilz rois Phelippes fu couronnés à Rains, il semonst ses princes, ses barons et toutes ses gens d'armes, et ala à tout son

pooir logier en le vallée de Cassiel, pour guerrier les Flamens, qui estoient rebelle à leur signeur, et meismement ciaux de Bruges, chiaux d'Ippre et chiaux dou Franch. Et ne voloient obeir au conte de Flandres, leur dit signeur, mais l'avoient decaciet. 5 Et ne pooit adonc nulle part demorer en son pays, fors tant seulement à Gand, et encores assés escarsément. Si desconfi adonc li rois Phelippes bien seize mille hommes flamens, qui avoient fait un chapitainne qui se nommoit Colins Dennekins, hardi 10 homme et outrageus durement. Et avoient li dessus dit Flamench fait leur garnison de le ville de Cassiel, au commandement et as gages des villes de Flandres, pour garder ces frontières là endroit.

Et vous dirai comment cil Flamench furent desconfit, et fu par leur outrage. Il se partirent un jour, sus l'eure dou souper, de Cassiel, en entente que pour desconfire le roy et toute sen host. Et s'en vinrent tout paisieusement, sans point de noise, ordonné en trois batailles, des quèles li une en ala 20 droit as tentes le roy, et eurent priès le roy souspris, qui seoit au souper, et toutes ses gens. Li aultre bataille s'en ala droit as tentes le roy de Behagne, et l'eurent priès trouvet en tel point. Et la tierce bataille s'en ala droitement as tentes le conte 25 de Haynau, et l'eurent ossi priès souspris, et le hastèrent si que à grant painne peurent pas ses gens estre armé, ne les gens monsieur de Byaumont, son frère. Et vinrent ces trois batailles si paisieusement jusques as tentes, que à grant meschief furent 30 li signeur armés, ne leurs gens assamblét. Et ewissent tout li signeur et leurs gens esté mort, se Diex

ne les ewist, ensi que par droit miracle, secourut et aidiet. Mais, par le grasce de Dieu, cescuns des signeurs desconfi se bataille si entierement, et tous à une heure et en un point, que onques de tous ces  
 5 seize mille Flamens n'en escapa mil, et fu leur chaitainne mors. Et si ne seut onques nulz de ces signeurs nouvelle li uns de l'autre, jusques adonc qu'il eurent tout fait. Et onques des quinze mille Flamens, qui mors y demorèrent, n'en recula uns seuls,  
 10 que tout ne fuissent mort et tuet en trois monchiaus l'un sus l'autre, sans issir de le place là où cescune bataille commença, qui fu l'an de grasce mil trois cens vingt et huit, le jour saint Bietremieu.

Adonc, après ceste desconfiture, vinrent li François à Cassiel, et y misent les banières de France.  
 15 Et se rendi li ville au roy, et puis Popringe, et puis Ippre, et tout cil de le chastelerie de Berges, et cil de Bruges ensiewant. Et rechurent le conte Loeis, leur signeur, adonc amiablement et paisieusement,  
 20 et li jurèrent foy et loiauté à tenir à tous jours mès.

Quant<sup>1</sup> li rois Phelippes de France eut remis le conte de Flandres en son pays, et que tout li eurent juré feaulté et hommage, il departi ses gens, et retourna cescuns en son lieu; et il meismement s'en  
 25 vint en France et sejourner à Paris ou là environ. Si fu durement prisiés et honnourés de celle emprise qu'il avoit fait sus les Flamens, et dou service oasi au conte Loeis son cousin. Si demora en grant

1. Cet alinéa, qui se lie intimement aux alinéas précédents, fait néanmoins partie du chapitre suivant dans le ms. 6477, f° 30 v°, dont on se permet ici, par exception, de modifier la coupure évidemment défectueuse.

prosperité et en grant honneur, et acrut grandement l'estat royal; et n'i avoit onques mès eu en France, si com on disoit, roy qui ewist tenu l'estat parel au roy Phelippe. Et faisoit faire tournois, joustes, festes et esbatemens moult souvent et à grant plenté. Or nous tairons nous un petit de lui, et parlerons des aucunes des ordenances d'Engleterre et dou gouvrenement le roy. 5

§ 43. Li jones rois englès se gouvrena un grant tamps, si com vous avés oy chi dessus recorder, par le conseil de ma dame se mère, dou conte Aymon de Kent, son oncle, et de monsieur Rogier de Mortemer. Au daarrain, envie commença à naistre entre le conte de Kent dessus dit, et le seigneur de Mortemer. Et monta puis li envie si haut que li sires de Mortemer enfourma et enhorta tant le jone roy, par le consentement de ma dame se mère le royne, et li fisent entendant que li dis contes de Kent le voloit empuisonner, et le feroit morir temprement, s'il ne s'en gardoit, pour avoir sen royaume, comme li plus proçains apriès lui, par succession; car li jones frères le roy, que on clamoit messire Jehan d'Eltem, estoit nouvellement trespasés. Li jones rois, qui creoit legierement che dont on l'enfourmoit, ensi que jone seigneur, telz a on souvent veus, croient legierement çou dont cil qui les doivent consillier les enfourment, et plus tost en mal qu'en bien, fist, assés tost après chou, son dit oncle le conte de Kent prendre, et le fist decoler publikement, que onques il n'en peut venir à escusance. De quoi tout cil dou pøys, grans et petis, nobles et 30

non nobles, en furent durement tourblet et courroucié, et eurent puissemi durement contre coer le sire de Mortemer. Et bien pensoient que, par son conseil et pourcach et par fausse amise, avoit ensi  
5 esté menés et trettiés li gentilz contes de Kent, cui il tenoient tout pour preudomme et pour loyal. Ne onques apriès ce, li sires de Mortemer ne fu tant amés, comme il avoit esté en devant.

Ne demora mies de puis gaires de temps que grant  
10 fame issi hors sus la mère dou roy d'Engleterre, ne sai mies se voirs estoit, que elle estoit [enchainte<sup>1</sup>]; et en encoupoit on plus de ce fait le sire de Mortemer que nul aultre. Si commença durement chilz escandales à monteplier, tant que li jones rois en  
15 fu enfourmés souffissamment. Et avoech tout ce il fu enfourmés souffissamment que, par fausse amise et par envie dou sire de Mortemer, faite plus par trahison que par raison, il avoit fait mettre à mort son oncle le conte de Kent, que tout cil dou pays  
20 tenoient et avoient toutdis tenu pour preudomme et pour loyal. Dont, se li jones rois fu tristes et courrouciés, ce ne fait mies à demander. Si fist tantost prendre le dit sire de Mortemer, et le fist amener à Londres, par devant grant fuison des barons  
25 et des nobles de son royaume. Et fist conter par un sien chevalier tous les fais le sire de Mortemer, ensi que escrire et registrer les avoit fais. Et quant il furent tout dit et conté, li dis rois d'Engleterre demanda à tous, par manière de conseil et de juge-

1. Ce mot a été gratté et effacé dans notre ms. 6477, sous l'influence de je ne sais quel scrupule, mais il est encore lisible.



ment, quel cose en estoit bon à faire. Li jugemens  
en fu assés tost rendus, car cescuns en estoit jà par  
fame et par juste information tous avisés et infour-  
més. Si en respondirent au roy, et disent que il de-  
voit morir en tel manière, comme messires Hues li  
Despensiers avoit fait et esté justiciés. A ce jugement  
n'eut nulle dilation ne de merci. Si fu tantos trainés  
parmi la cité de Londres sus un bahut, et puis loiiés  
sus une eschielle en mi le place, et puis li vis copés  
a toutes les coulles et jettées en un feu qui là estoit.  
Et puis li fu li ventres ouvers et li coers trais hors,  
pour tant que il en avoit fait et pensé le trahison,  
et jettés ou dit feu, et ensi toute se coraille. Et puis  
fu esquartelés, et envoiiés par quatre mestres cités  
en Engleterre, et la tieste demora à Londres. Ensi  
fina li dis messires Rogiers de Mortemer, Dieus li  
pardoinst tous ses fourfais!

Tantos apriès ceste justice faite, li rois d'Engle-  
terre, par le conseil de ses hommes, fist ma dame sa  
mère enfermer en un castiel, et li bailla dames et  
camberières et toutes gens assés, pour lui garder et  
servir et faire compagnie, chevaliers et escuiers  
d'onneur, ensi comme à si haute dame que elle  
estoit apertenoit. Et li assigna et delivra grant terre  
et belle revenue, pour lui souffissamment gouvrenier,  
selonch son noble estat, tout le cours de se vie, et  
la ditte revenue au plus priès de celi castiel que il  
peut par raison. Mais il ne vot mies souffrir ne con-  
sentir que elle alast hors, ne s'amoustrast nulle part,  
fors en aucuns esbas qui estoient devant le porte  
dou chastiel, et qui respondoient à le maison. Si usa  
la ditte dame là sa vie de puis assés bellement. Et le

venoit veoir, deus ou trois fois l'an, li jones rois Edouwars, ses filz. Nous nos soufferons à parler de la dame, et parlerons dou dit roy son fil, et comment il persevera en signourie.

- 5 § 44. Apriès ce que cilz rois Edowars, qui estoit en son jone eage, eut fait faire ces deus grandes justices, si com vous avés oy chi dessus recorder, il prist nouvel conseil des plus sages et des mix creus de tout son royaume, et se gouvrena moult belle-  
10 ment, et maintint son royaume en pais, par le bon conseil que il avoit dalés lui.

- Or avint que, environ un an apriès que li rois Phelippes de Valois eut esté couronnés à roy de France, et que tout li baron et li tenant dou dit  
15 royaume li eurent fait feaulté et hommage, excepté li jones rois Edowars d'Engleterre, qui encores n'estoit trais avant, et ossi il n'avoit point esté mandés; se fu li rois de France consilliés et enfourmés que il mandast le dit roy d'Engleterre et venist faire hom-  
20 mage et feaulté, ensi comme il apertenoit. Adonc en furent priiet d'aler en Engleterre faire ce message et [sommer'] le dit roy, li sires d'Aubegni et li sires de Biauxaut et doi clerch en droit, mestre en Parlement à Paris, que on appelloit pour ce temps mestre Sy-  
25 mons d'Orliens et mestres Pières de Maisières. Chil quatre, au commandement et ordenance dou roy, se partirent de Paris bien estoffeement, et cheminèrent tant par leurs journées qu'il vinrent à Wisan. Là monterent il en mer, et furent tantost oultre, et ar-

1. Ms. de Gaignières, f° 21 v°. — Ms. 6477, f° 32 : « sonner. »

rivèrent à Douvres, et sejournerent là un jour, pour attendre leurs chevaus et leur harnas que on mist hors des vaissiaus. Quant il furent tout prest, il monterent sus et exploitièrent tant par leurs journées qu'il vinrent à Windesore, où li rois d'Engleterre et la jone royne sa femme se tenoient. Li quatre dessus nommet fissent à savoir au roy pour quoi il estoient là venu, et ossi de qui il se rendoient. Li rois d'Engleterre, pour l'onneur dou roy de France, son cousin, les fist venir avant et les reçut moult honnorablement; et ossi fist ma dame la royne sa femme, ensi que bien le savoient faire. En apriès, il compterent leur message; il furent volentiers oy. Et en respondi li rois adonc que il n'avoit mies son conseil dalés lui, mais il le manderoit; si se retraisent en le cité de Londres; et là il en seroient respondu tellement que bien deveroit souffire. Sus ceste parole, quant il eurent disné en le cambre dou dit roy et de la royne moult aise, il s'en partirent et vinrent ce soir jesir à Colebruch, et l'endemain à Londres.

Ne demora mies gramment de puis que li rois d'Engleterre vint à Londres, en son palais de Westmoustier. Et là eut il, sus un jour qu'il y ordonna, son conseil assamblé, present qui li messagier dou roy Phelippe de France furent appelé. Et là remoustrèrent il pour quoi il estoient là venu, et les lettres qui leur avoient esté baillies dou roy leur signeur. Quant il eurent parlé bien et à point, il vuidièrent hors de le cambre, et lors demanda li dis rois à avoir conseil sus ceste requeste. Il me samble que li rois fu adonc si consilliés de respondre que voire-

- ment, par l'ordenance et seelé de ses predicesseurs, rois d'Engleterre et dus d'Acquitaines, il en devoit foy, hommage et loyauté faire au roy de France, ne del contraire on ne l'oseroit ne vorroit point consil-
- 5 lier. Chilz pourpos et consaulz furent arresté, et li messagier de France appellé. Si vinrent en le chambre de rechief de conseil. Là parla li evesques de Londres pour le roy et dist : « Seigneur, qui ci estes envoiés de par le roy de France, vous estes li bien
- 10 venu. Nous avons oy vos parolles et leues vos lettres et bien examinées à no pooir et consillies. Si vous disons que nous consillons monsieur qui ci est, qu'il voist en France veoir le dit roy, son cousin, qui moult amiablement le mande, et dou sourplus
- 15 de foy et d'ommage il s'acquitte et face son devoir, car voirement y est il tenus. Si vous retrairés en France, et dirés ensi au roy vostre signeur que nos sires li rois d'Engleterre passera par de là temprement, et fera tout ce qu'il doit faire sans nul estri. »
- 20 Ceste response plaisi grandement bien as dessus dis messagiers de France, et prisent congiet au roy et à tout son conseil; mais ançois il leur couvint disner ens ou palais de Wesmoustier. Et les festia là li dis rois moult grandement, et leur donna au departir,
- 25 pour l'onneur et amour dou roy de France, son cousin, grans dons et biaux jeuiaus. De puis ce fait, il ne sejournerent gaires de temps à Londres et s'en partirent. Et esplotièrent tant par leurs journées qu'il revinrent en France, et droitement à Paris, où
- 30 il trouvèrent le dit roy Phelippe, à qui il comptèrent toutes leurs nouvelles, et comment il avoient esplotié, et en quel estat il estoient parti dou dit roy

d'Engleterre, et ossi com grandement et honnourablement il les avoit receus, et, à leur departement et congiet prendre, donné de ses biens. De toutes ces coses et eslois se contenta grandement li rois Phelippes, et dist que moult volentiers il veroit le 5  
roy Edouwart d'Engleterre, son cousin, car onques ne l'avoit veu.

Ces nouvelles s'espardirent parmi le royaume de France, que li rois d'Engleterre devoit venir en France, et faire hommage au dit roy. Si se ordonnèrent et apparillèrent moult richement et très 10  
poissamment duch et conte de son sanch, qui le desiroient à veoir. Et proprement li rois de France en escriisi au roy Charle de Behagne, son cousin, et au roy Loeis de Navare, et leur segnefia le certain 15  
jour que li rois d'Engleterre devoit estre devers lui, et leur pria que il y vosissent estre. Cil doi roy, ou cas que priiet en estoient, ne l'eussent jamais lassiet, et se ordonnèrent au plus tost qu'il peurent, et vinrent en France en grant arroy devers le roy. Li 20  
rois de France fu adonc consilliés que il recueilloit le dit roy d'Engleterre, son cousin, en le bonne cité de Amiens. Si fist là faire ses pourveances grandes et grosses, et aministrer salles, cambres, 25  
hostelz et maisons pour recevoir lui et toutes ses gens, où il se comptoit, parmi le roy de Behagne et le roy de Navare qui estoient de se delivrance, et le duch de Bretagne, le duch de Bourgongne, le duch de Bourbon, à plus de trois mille chevaus, et li rois d'Engleterre, qui y devoit venir à sis cens chevaus. 30  
Il avoit adonc à Amiens, et a encores bien, cité pour recevoir aisiement otant de princes et leurs gens et

plus assés. Or parlerons dou roy d'Engleterre, qui passa le mer, et vint en celle anée, l'an mil trois cens vingt neuf, environ le mi aoust, en France.

§ 45. Li jones rois d'Engleterre ne mist mies en  
5 oubli le voiage que il devoit faire ens ou royaume de France, et se appareilla bien et faiticement, et si souffissamment que à lui apertenoit et à son estat; si se parti d'Engleterre, quant jours fu dou departir. En se compagnie avoit deus evesques, cesti de Lon-  
10 dres et cesti de Lincolle, et quatre contes, monsieur Henri conte Derbi, son cousin germain, fil monsieur Thumas de Lancastre au Tors Col, le conte de Sallebrin, le conte de Warvich, et le conte de Herfort; sis barons, monsieur Renault de Gobe-  
15 hem, monsieur Thumas Wage, mareschal d'Engleterre, monsieur Richart de Stanfort, le seigneur de Persi, le seigneur de Mauné et le seigneur de Montbray, et plus de quarante aultres chevaliers. Si estoient en le route et à le delivrance dou roy d'En-  
20 gleterre plus de mille chevaus, et misent deus jours à passer entre Douvres et Wissan. Quant il furent tout outre, et leurs chevaus trais hors des nés et des vaissiaus, li rois monta acompagniés, ensi que je vous ay dit, et chevauçà tant que il vint à Boulon-  
25 gne, et là fu il un jour.

Tantos nouvelles vinrent au roy Phelippe de France, et as seigneurs de France, qui jà estoient à Amiens, que li rois d'Engleterre estoit arrivés et venus à Boulongne. De ces nouvelles eut li rois Phelippes grant  
30 joie, et envoya tantos son connestable et grant fuisson de chevaliers devers le roy d'Engleterre, le quel

il trouvèrent à Monstruel sus Mer; et là eut grans  
reconnissances et approcemens d'amour. De puis  
chevaucha li jones rois d'Engleterre en le compagnie  
del connestable de France; et fist tant o toute se route  
que il vint en le cité d'Amiens, où li rois Phelippes  
estoit tous appareilliés et pourvus de lui recevoir,  
le roy de Behagne, le roy de Navare et le roy de  
Mayogres dalés lui, et si grant fuison de dus, de  
contes et de barons que merveilles seroit à recorder.  
Car, là estoient tout li douze per de France venu,  
pour le roy d'Engleterre festoier, et ossi pour estre  
personelment, et faire tesmoing à son hommage. Se  
li rois Phelippes reçut honnourablement et grande-  
ment le jone roy d'Engleterre, son cousin, ce ne fait  
mies à demander; et ossi fissent tout li roy, li duc et  
li conte qui là estoient. Et furent tout cil signeur  
adonc, en le cité d'Amiens, jusques à quinze jours.

Là en dedens eut ça mainte parolle et ordenance  
faite et devisée. Et me samble que li rois Edouwars  
d'Engleterre fist adonc hommage, de bouce et de  
parolle tant seulement, sans les mains mettre entre  
les mains dou roy de France, ou prince ou prelat  
deputé de par lui. Et n'en volt adonc li dis rois  
d'Engleterre, par le conseil qu'il eut, dou dit hom-  
mage proceder plus avant, si seroit retournés en En-  
gleterre et aroit veus, leus et examinés les previlèges  
de jadis, qui devoient esclarcir le dit hommage, et  
moustrer comment et de quoi li rois d'Engleterre  
devoit estre homs au roy de France. Li rois de  
France, qui veoit le roy d'Engleterre son cousin jone,  
entendi bien toutes ces parolles, et ne le volt adonc  
de riens presser, car bien savoit assés que bien y

recouveroit, quant il vorroit, et li dist : « Mon cousin, nous ne vous volons pas decevoir, et nous plaist bien ce que vous en avés fait à present, jusques à tant que vous serés en vostre pays et enfourmés, par  
5 les seelés de vostres predicesseurs, quel cose vous en devés faire. » Li rois d'Engleterre respondi : « Chiers sires, grans merchis. »

De puis se jeuva, esbati et demora li rois d'Engleterre avoecques le roy de France, en le cité d'Amiens.  
10 Et quant tant y eut esté que bien deubt par raison souffire, il prist congiet et se departi dou roy moult amiablement, et de tous les aultres princes qui là estoient, et se mist au retour pour revenir en Engleterre. Et rapassa le mer, et fist tant par ses journées  
15 qu'il vint à Windesore, là où il trouva la royne Phelippe sa femme qui le rechut liement, et qui li demanda nouvelles dou roy Phelippe, son oncle, et de son grant linage de France. Li rois, ses maris, l'en recorda assés et dou grant estat qu'il avoit trouvé,  
20 et comment on l'avoit recueilliet et festiïet grandement, et des honneurs qui estoient en France, as quèles dou faire ne de l'entreprendre à faire, nulz aultres pays ne s'apertient.

§ 46. Ne demora gaires de temps, puissedi, que  
25 li rois de France envoya en Engleterre, de son plus especial conseil, l'evesque de Chartres et l'evesque de Biauvais, et ossi monsieur Loeis de Clermont, duch de Bourbon, le conte de Harcourt et le conte de Tankarville, et des aultres chevaliers et clers en  
30 droit, pour estre as consaulz le roy d'Engleterre, qui se tenoient à Londres sus l'estat que vous avés oy,



ensi que li rois d'Engleterre, lui revenut en son pays, devoit regarder comment anchienement si predicesseur, de ce qu'il tenoient en Aquitainnes et dont il s'estoient appellé duch, en avoient fait hommage. Car ja murmuroient li pluseur en Engleterre que leurs sires estoit plus proçains de l'iretage de France que li rois Phelippes. Nequedent, li rois d'Engleterre et ses consaulz ignoroient de toutes ces choses. Mais grant parlement et assamblées sus le dit hommage furent en celle saison, en Engleterre. Et y sejournerent li dessus dit envoiet dou roy de France, tout l'iver, et jusques à l'issue dou mois de may ensievant, qu'il ne pooient avoir nulle diffinitive response. Toutes fois, finablement, li rois d'Engleterre, par l'avis de ses privilèges as quels il ajoustoit grant foy, fu consilliés de escrire ensi lettres pattentes, seelées de son grant seel, en recognissant l'ommage tel qu'il le doit et devoit adonc faire au roi de France; la quèle teneur de la lettre s'ensieut ensi :

§ 47. « Edouwars, par la grasce de Dieu roys d'Engleterre, seigneur d'Irlande et dux d'Aquitainnes, à tous ceulz qui ces presentes lettres veront et oront, salut. Savoir faisons, comme nous feissons à Amiens hommage à excellent prince nostre chier seigneur et cousin Phelippe roy de France, lors nous fu dit et requis de par lui que nous recognissions le dit hommage estre lige, et que nous, en faisant le dit hommage, li promissions expressement foy et loyauté porter, la quèle cose nous ne fesimes pas lors, pour ce que nous estions enfourmés que point ne se devoit ensi faire. Et fesimes

« lors au dit roy de France hommage par parolles  
« generales, en disant que nous entrons en son  
« hommage, par ensi comme nostre predicesseur,  
« dux de Giane, estoient de jadis entrés en l'om-  
5 « mage des rois de France, qui avoient esté pour le  
« temps. Et, de puis enchà nous soions bien enfour-  
« més et acertenés de la vérité, reconnissons, par  
« ces presentes lettres, que le dit hommage que nous  
« fesimes à Amiens au roy de France, comment que  
10 « nous le fesimes par parolles generales, fu, est et  
« doit iestre entendu lige, et que nous li devons foy  
« et loyauté porter, comme dux de Aquitaine et  
« pers de France, et contes de Pontieu et de Mous-  
« truel. Et li promettons des or en avant foy et  
15 « loyauté porter.

« Et pour ce que ou temps à venir de ce ne soit  
« jamais descors ne question à faire le dit hommage,  
« nous promettons en bonne foy, pour nous et nos  
« successeurs, dus de Giane, qui seront pour le  
20 « temps, le dit hommage se fera en ceste manière.  
« Li rois d'Engleterre, dux de Gyane, tenra ses  
« mains entre les mains dou roy de France. Et cilz  
« qui adrecera les parolles au roy d'Engleterre, dux  
« d'Aquitaine, et qui parlera pour le roy de France,  
25 « dira ensi : « Vous devenés homme lige au roy de  
« France, mon signeur, qui ci est, comme dus de  
« Gyane et pers de France, et li prometés foy et  
« loyauté porter. Dittes : *voire*. » Et li rois d'En-  
« gleterre, duch de Giane, et si successeur diront :  
30 « *voire*. Et lors li rois de France recevra le dit roy  
« d'Engleterre et duch de Gyane au dit hommage  
« lige, à la foy et à la bouce, sauf son droit et l'au-

« trui. De rechief, quant le dit roy et duch entera  
« en l'ommage dou roy de France, et de ses succees-  
« seurs rois de France, pour la conté de Pontieu et  
« de Moustruel, il mettera ses mains entre les mains  
« dou roy de France. Et cils qui parlera pour le roy 5  
« de France, adrecera ses parolles au dit roy et duc,  
« dira ensi : « Vous devenés homme lige au roy de  
« France, mon signeur, qui ci est, comme contes de  
« Pontieu et de Moustruel, et li prommetés foy et  
« loyauté porter. Dittes : *voire.* » Et le dit roy et 10  
« duch, conte de Pontieu, dira : *voire.* Et lors li dis  
« rois de France recevra le dit roy et conte au dit  
« hommage lige, à la foy et à la bouche, sauf son  
« droit et l'autrui.

« Et ossi sera fait et renouvelé, toutes fois que 15  
« l'ommage se fera. Et de ce baillerons nous et nos  
« successeurs, dux de Giane, fais les dis hommages,  
« lettres patentes seclées de nostres grans seaulz, se  
« le roi de France le requiert. Et avoech ce nous  
« prommetons tenir et garder affectuellement les pais 20  
« et acors fais entre les rois de France et dus de  
« Giane. Et en ceste manière sera fait, et seront re-  
« nouvelées les dittes lettres par les dis rois et dus  
« et leurs successeurs, dux de Giane et contes de  
« Pontieu et de Moustruel, toutes les fois que le roi 25  
« d'Engleterre, dus de Giane, et ses successeurs, dux  
« de Giane et contes de Pontieu et de Moustruel, qui  
« seront pour le temps, enteront en l'ommage dou  
« roy de France, et de ses successeurs, rois de France.  
« En tiesmoing des quèles coses, à cestes nos avons 30  
« fait mettre nostre grant seel. Données à Eltem, le  
« trentisme jour de marc mil trois cens et trente. »

Ces lettres raportèrent en France li dessus nommet signeur, quant il se departirent d'Engleterre, et il eurent le congiet dou roy; et les baillièrent au roy de France, qui tantost le[s] fist porter à se cancelerie, 5 et mettre en garde, avoec ses plus especiaulz coses, à le cautèle dou temps à venir. Nous nos soufferons à parler dou roy d'Engleterre un petit, et parlerons d'aucunes aventures qui avinrent en France.

§ 48. Li homs del monde, qui plus aida le roy 10 Phelippe à parvenir à le couronne de France, ce fu messires Robers d'Artois, qui estoit li uns des plus haus barons de France, le mieus linagiés et estrais des royaus. Et avoit à femme la sereur germainne dou dit roy Phelippe. Et avoit toutdis esté ses plus 15 especiaulz compains et amis en tous estas. Et fu, bien l'espasse de trois ans, que en France estoit tout fait par lui, et sans lui n'estoit riens fait. Apriès, avint que li rois Phelippes emprist et acqueilla ce monsieur Robert d'Artois en si grant hayne, en 20 l'ocquison d'un plait qui esmeus estoit devant lui, dont la conté d'Artois estoit cause, que li dis messires Robers voloit avoir gaagnié, par le vertu d'une lettre que messires Robers mist avant, qui n'estoit mies bien vraie, si com on disoit, que, se li dis rois 25 l'eust tenu en son air, il l'eust fait morir sans nul remède. Et comment que li dis messires Robers fust li plus proçains de linage et d'amour à tous les haus barons de France, et serourges au dit roy, se li couvint il vuidier France, et venir à Namur dalés le jone 30 conte Jehan, son neveu, et ses frères, qui estoient enfant de sa sereur. Quant il fu partis de France, et

li rois vei que il ne le poroit tenir, pour miex mous-  
trer que la besongne li touchoit, il fist prendre sa  
suer, qui estoit femme au dit monsieur Robert et  
ses deus filz, ses neveux Jehan et Charle; si les fist  
mettre en prison bien estroitement, et jura que ja-  
mais n'en isteroient, tant qu'il viveroit. Et bien tint  
ce sierement, car onques de puis, pour personne  
qui en parlast, il n'en vuidièrent, dont il en fu de  
puis moult blasmés en derrière.

Quant li dis rois de France sceut de certain et fu  
enfournés que messires Robers d'Artois estoit arres-  
tés à Namur dalés ses sereurs et ses neveux, il en fu  
moult courouciés. Et envoya caudement devers l'e-  
vesque Aoulz de Liège, en priant qu'il defflast et  
guerriast le conte de Namur, se il ne mettoit huers  
de son pays monsieur Robert d'Artois. Cilz eves-  
ques, qui moult amoit le roy de France, et qui petit  
amiroit ses vosins, manda au jone conte de Namur  
que il mesist ensus de lui son oncle, monsieur  
Robert d'Artois; aultrement il li feroit guerre. Li  
contes de Namur fu si consilliés que il mist hors de  
sa terre son oncle. Ce fu moult à envis, mais faire li  
covenoit ou pis attendre.

Quant messires Robers d'Artois se vei en ce parti,  
si fu moult angousseus de coer, et se avisa que il  
iroit en Braibant, pour tant que li dus, ses cousins,  
estoit si poissans que bien le soustenroit. Si vint de-  
vers le duch, son cousin, qui le reçut moult liement,  
et le reconforta de ses destourbiers. Li rois le scent,  
si envoya tantost messages au dit duch, et li manda  
que, se il soustenoit ou souffroit à demorer ne à re-  
pairier en sa terre monsieur Robert d'Artois, il

n'aroit pieur ennemit de lui, et le greveroit et porteroit damage en toutes les guises qu'il poroit. Li dus ne le volt ou n'osa plus soustenir ouvertement en son pooir, pour doubtaunce que de avoir et acquerre le hayne dou dit roy de France. Ains l'envoia  
5 couvertement tenir en Argentoel, jusques à tant que on verroit comment li rois s'en maintenroit.

Li rois le sceut, qui par tout avoit ses espies; s'en eut grant despit. Si pourça tant, en moult brief  
10 temps, que li rois de Behagne, qui estoit cousins germains au dit duc, li evesques de Liège, li arcevesques de Coulongne, li dus de Guerles, li marchis de Jullers, li contes de Bar, li contes de Los, li sires de Fauquemont, et pluseur aultre signeur furent tout  
15 alloiiet contre le dit duch, et le deffièrent tout, au pourcach et requeste del dessus dit roy. Et entrèrent tantost en son pays parmi Hesbaing, et en alèrent droit à Hanut. Et ardirent à leur volenté par deus  
20 fois, demorant ens ou pays, tant que bon leur sambla. Et envoya avoech yaus li dis rois le conte d'Eu, son connestable, à tout grant compagnie de gens d'armes, pour miex moustrer que la besongne estoit  
sienne, et faite à son pourcach, et tout ardant son pays.

25 Si en couvint le conte Guillaume de Haynau ensonniier; et envoya ma dame sa femme, sereur au roy Phelippe, et le signeur de Byaumont, son frère, en France, par devers le dit roy, pour impetrer une souffrance et une triewe de lui, d'une part, et dou  
30 duch de Braibant, d'autre part. Trop à envis et à dur y descendi le roy de France; tant avoit il pris la cose en grant despit. Toutes fois, à le prière dou

conte de Haynau, son serourge, li rois s'umelia et donna et acorda triewes au duch de Braibant, parmi tant que li dus se mist dou tout en l'ordenance dou propre roy de France et de son conseil, de tout ce qu'il avoit à faire au roy et à çascun de ces signeurs 5 qui deffiet l'avoient. Et devoit mettre, dedens un certain jour, qui nommés y estoit, monsigneur Robert d'Artois hors de sa terre et de son pooir, si com il fist moult à envis; mais faire li couvint, ou autrement il eust eu trop forte guerre de tous costés, si 10 com il estoit apparans : si ques, entrues que cil toueillement et ces besongnes se portoient, ensi que vous oés recorder, li rois englès eut nouvel conseil de guerrier le roy d'Escoce, son serourge, je vous dirai à quel tittle. 15

§ 49. Vous avés bien oy recorder chi dessus de le guerre le roy Robert d'Escoce et dou roy d'Engleterre, et comment unes triewes furent prises à durer trois ans, là en dedens cilz rois Robers morut; en apriès, dou mariage qui fu fais de la serour au roi 20 englès et dou fil ce roy Robert, qui fu rois d'Escoce apriès le mort de son père, et le clamoit on le roy David. Le temps que ces triewes durèrent, et encores un an de puis ou environ, furent li Englès et li Escot bien à pais, che que on n'avoit point veu en de- 25 vant, passet avoit deus cens ans, qu'il ne se fussent guerriet et herriet.

Or, avint que li jones rois d'Engleterre fu infourmés que li rois d'Escoce, ses serourges, estoit saisis de le bonne cité de Bervich, qui devoit estre de son 30 royaume, et que li rois Edouwars, ses taions, l'avoit

tous jours tenue paisiblement et francement, et ses pères apriès, un grant temps. Et fu infourmés que li royaumes d'Escoce mouvoit en fief de lui, et que li jones rois d'Escoce, ses serourges, ne l'avoit encores  
5 releveit ne fait hommage. Il en ot indignation, et envoia assés tost apriès grans messages et souffissans au jone roy David, son serourge, et à son conseil. Et li fist requerre que il vosist oster se main de le bonne cité de Bervich et lui resaisir, car c'estoit ses bons  
10 hiretages, et avoit tous jours esté ses ancisseurs rois d'Engleterre; et qu'il venist à lui, pour faire hommage del royaume d'Escoce, qu'il devoit tenir de lui en fief.

Li jones rois David se consilla à ses barons et à  
15 chiaus de son pays, par grant deliberation de conseil. Et quant il fu assés consilliés sour ces requestes, il respondi as messages et dist : « Seigneur, jou et tout mi baron nous mervillons durement de ce que vous nous requerés, de par le roy nostre serourge.  
20 Car nous ne trouvons mies à nos anciiens, ne ne tenons que li royaumes d'Escoce soit de riens subgès ne doit estre au roy d'Engleterre, ne par hommage, ne autrement. Ne onques messires li rois, nos pères, de bonne memore, n'en volt faire hommage à ses  
25 ancisseurs, rois d'Engleterre, pour guerre que on l'en fesist. Ossi, n'ai jou point conseil ne volenté dou faire. En apriès, nos pères, li rois Robers conquist la cité de Bervich, par droite guerre, sur le roy son père, et le obtint comme son bon hyretage, tout le  
30 cours de se vie. Et ossi le pense jou bien à tenir, et en ferai mon pooir. Si vous requier que vous voellies prier au roi, cui sereur nous avons, qu'il nous voelle



laissier en celle franchise que no devantrain ont esté,  
et goïr de ce que li rois, nos pères, conquist et main-  
tint toute se vie paisieusement, et que encontre ce  
ne voelle croire nul mauvais conseil. Car, se uns  
aultres nous voloit faire tort, si nous deveroit il ai- 5  
dier à deffendre, pour l'amour de sa sereur cui nous  
avons à femme. » Li message respondirent : « Sire,  
nous avons bien entendu vostre response. Si le re-  
porterons volentiers à nostre signeur le roy, en tel  
manière que dit l'avés. » Puis prisent congiet, et 10  
revinrent arrièrre à leur signeur, le roy d'Engleterre,  
et à son conseil. Si recordèrent toutes les parolles  
que li jones rois d'Escoce avoit respondu à leur re-  
queste. Li quels rapors ne plaisi mies bien au roy  
Edowart, ne à son conseil. Ains fist mander à Lon- 15  
dres, au jour de Parlement, tous les barons, cheva-  
liers et consaulz des bonnes villes de son royalme,  
pour avoir sur ce conseil et meure deliberation.

Ce terme pendant, vint messires Robers d'Artois  
en Engleterre, à guise de marcheant, qui estoit de- 20  
caciés dou roy Phelippe de France, si com vous avés  
oy. Et li avoit li dus de Braibant, ses cousins, con-  
seilliet qu'il se traisist celle part, ou cas qu'il ne  
pooit nulle part demorer paisieusement en France,  
ne en l'Empire. Si le rechut li jones rois englès lie- 25  
ment, et le retint volentiers dalés lui et de son con-  
seil. Et li assena le conté de Ricemont, qui avoit esté  
ses ancisseurs. Or me retrairai as dessus dis Parle-  
mens, qui furent à Londres, sus l'estat dou royaume  
d'Escoce. 30

§ 50. Quant li jours de Parlement approça que

li rois englès avoit establi, et tous li pays fu assam-  
blés au mandement le roy à Londres, li rois leur fist  
demoustrer comment il avoit fait requerre au roy  
d'Escoce, son serourge, que il vosist oster se main  
5 de le cité de Bervich qu'il detenoit à tort, et qu'il  
vosist venir faire hommage à lui de son royaume  
d'Escoce, ensi qu'il devoit; et comment li rois d'Es-  
coce avoit respondu à ses messages. Si pria à tous  
que cescuns le volsist sour ce si consillier que sen  
10 honneur y fust gardée. Tout li baron, li chevalier,  
li consaulz des cités et des bonnes villes, et tous li  
communs pays se consillièrent sur çou et raportèrent  
leur conseil, tout d'un acord. Li quelz consaulz fu  
telz que il leur sambloit que li rois ne pooit plus  
15 porter par honneur les tors que li rois d'Escoce li  
faisoit. Ains conseillièrent que il se pourveist si ef-  
forciement, qu'il peuist entrer ou royaume d'Escoce  
si poissamment, que il peuist ravoir la bonne cité  
de Bervic, et qu'il peuist si contraindre le roy d'Es-  
20 coce qu'il fust tous joians, quant il poroit venir à son  
hommage et à satisfaction. Et disent qu'il estoient tout  
desirant de aler avoech lui, à son commandement.

Li rois Edowars fu moult joians de celle response,  
car il veoit le bonne volenté de ses gens. Si les en  
25 regratia moult grandement, et leur pria que cescuns  
fust apparilliés selonch son estat, et fuissent à un  
jour, qui adonc fu nommés, droit à Noef Chastiel sur  
Thin, pour aler reconquerre les droitures apertenans  
à son royaume d'Engleterre. Cescuns se haban-  
30 donna à celle requeste, et en rala en son lieu pour  
lui pourvoir, selonch son estat. Et li rois se fist pour-  
voir et apparillier si souffissamment que à tèle be-

songne apertient. Si envia encores aultres messages à son dit serourge, pour lui souffissamment sommer, et apriès pour deffier, se il n'estoit aultrement consilliés.

§ 51. Li jours qui denommés estoit approça; et 5  
vint li rois Edouwars, à tout son host, au Noef Chastiel sour Thin. Si attendi par trois jours ses gens qui venoient en siewant l'ost. Au quart jour, il s'en parti et s'en ala à toute son host par devers Escoce, et passa la terre le seigneur de Persi et cesti de Noef 10  
ville, qui sont doi grant baron de Northombrelande, et marcissent as Escos. Et ossi font li sires de Ros, li sires de Lusi et li sires de Montbrai. Si se traist li rois englès, et toute son host, par devers le cité de Bervich. Car li rois d'Escoce n'avoit volut respondre 15  
aultrement as secons messages qu'il avoit fait as premiers, si qu'il estoit souffissamment sommés et deffiés.

Tant esploita li rois englès, à toute son grant host, qu'il entra en Escoce, et passa le rivièrre qui depart 20  
Escoce et Engleterre; et n'eut mies adonc conseil de lui arrester devant Bervich, mais de chevaucier avant et ardoir et exillier le pays, si com ses taions avoit fait jadis. Si esploita tant en ceste cevaucie qu'il foula grandement toute le plainne Escoce, et ardi et 25  
exilla moult de villes fremées de fossés et de palis, et prist le fort chastiel de Haindebourch, et y mist gens et gardiens de par lui, et passa le seconde rivièrre d'Escoce desous Struvelin. Et coururent ses gens tout le pays de là environ, jusques à Saint-Je- 30  
hans-ton, et jusques en Abredane. Et ardirent et

exillièrent le bonne ville de Donfremelin, mais il ne  
fisent nul damage villain à l'abbeye, car li rois le  
deffendi. Et conquisent tout le pays jusques à Don-  
dieu et jusques à Dubretan, un très fort chastiel, sus  
5 le marce de le sauvage Escoce, où li rois estoit re-  
très et li royne d'Escoce, sa femme. Ne nulz n'aloit  
au devant des Englès, mais s'estoient mis et retret  
tout dedens les forès de Gedours, qui sont inhabita-  
bles pour chiaus qui ne cognoissent le pays. Et  
10 avoient là attrait tout le leur et mis à sauveté, et ne  
faisoient compte dou demorant.

Che n'estoit mies merveilles s'il estoient esbahi,  
et s'il fuioient devant les Englès. Car il n'avoient nul  
bon chapitaine ne sage guerrier, si com il avoient  
15 eu dou temps passé. Premièrement, li rois David,  
leurs sires, estoit jones en l'eage de quinze ou de  
seize ans, li contes de Moret encores plus jones, et  
uns damoisiaus qui s'appelloit Guillaumes de Dou-  
glas, neveux à celui qui estoit demorés en Espagne,  
20 de cel eage : si ques li pays et li royaumes d'Escoce  
estoit tous despourvus de bon conseil, pour aler ne  
resister contre les Englès, qui adonc estoient si pois-  
samment entré en Escoce. Pour quoi, toute li plainne  
Escoce fu courue, arse et gastée, et pluseurs bons  
25 chastiaus pris et conquis, et que li rois englès retint  
pour lui. Et s'avisa que par chiaus il guerrieroit le  
remanant, et constrainderoit ses ennemis dou leur  
meismes.

§ 52. Quant li rois englès eut esté et sejourné,  
30 couru et chevaucié le plainne Escoce, et arrêté ou  
pays le terme de sis mois et de plus, et il vit que

nulz ne venoit contre lui pour veer sen emprise, il se retraist tout bellement par devers Bervich. Mès, à son retour, il conquist et gaegna le chastiel de Dalquest, qui est de l'hiretage le conte de Douglas, et siet à cinq liewes de Haindebourch; et y ordonna 5 chastellain et bonnes gardes pour le garder. Et puis chevauçà à petites journées, et fist tant qu'il s'en revint devant le bonne et le forte cité de Bervich, qui est à l'entrée d'Escoce, et à l'issue dou royaume de Northombrelande. Si le assega et environna li rois 10 de tous poins, et dist que jamais n'en partiroit, si l'aroit à se volenté non, se li rois d'Escoce ne le venoit combatre et lever par force.

Si se tint là li rois un grant temps devant Bervich, ançois qu'il le peust avoir, car la cité est durement 15 forte, et bien fremée, et environnée d'un lés d'un brach de mer. Et se y avoit dedens bonnes gens en garnison de par le roy d'Escoce, pour le garder et deffendre et consillier les bourgeois de le cité. Si vous di qu'il y eut par devant Bervich, le terme pendant que 20 li rois englès y sist, maint assaut, maint hustin et mainte dure escarmuce et priès que tous les jours, et mainte apertise d'armes faite. Car, cil de dedens cuidoient toutdis estre aidié et conforté, mais nulz apparans n'en fu. Si en est verités que aucun preu 25 chevalier et bacheler d'Escoce chevauçoient à le fois, et venoient par vesprées et par ajournemens resvilier l'ost as Englès, mais petit y faisoient. Car li hos le roy englès estoit si souffissamment bien gardée et escargetie, et par si bonne manière, et si grant avis, 30 que li Escot n'i pooient entrer, fors à leur damage, et y perdoient souvent de leurs gens.

- Quant cil de Bervich veirent que il ne seroient secouru ne conforté de nul costé, et ossi que li rois englès ne partiroit point de là s'en aroit eu se volenté, et que vivre leur amenrissoient, et leur estoient clos li pas de mer et de terre, par quoi nulz ne leur en pooit venir, si se commencièrement à aviser, et envoièrent devers le roy englès trettier que il leur volsist donner et acorder une triewe, à durer un mois; et se, dedens ce mois, li rois David leurs sires, ou aultres pour lui, ne venoit là si fors que il levast le siège, il renderoient le cité, salve leurs corps et leurs biens; et que li saudoier qui dedens estoient s'en peussent aler, s'il voloient, en leur pays d'Escoce, sans recevoir point de damage.
- Li rois englès et ses consaulz entendirent à ces trettiés; et ne furent mies si tost acordé, car li rois englès les voloit avoir simplement pour faire des aucuns se volenté, pour tant qu'il s'estoient tant tenu contre lui. Mais finalement il se lascia à dire par le bon avis et conseil qu'il eut de ses hommes. Et ossi messires Robers d'Artois y rendi grant painne, qui avoit esté en ces chevaucies toutdis avoech lui, et qui li avoit jà dit et demoustré, par pluseurs clères voies, com proçains il estoit de le couronne de France, dont il se devoit tenir hiretiers, par le succession de monsigneur Charlon le roy, son oncle, daarrainnement trespasset. Si veist volentiers li dis messires Robers que li rois englès esmeuist guerre as François, pour lui contrevengier des despis que on li avoit fais, et que li rois englès se fust partis d'Escoce, à quel meschief que ce fust, et retrais vers Londres : si ques ces parolles et pluseurs aultres en-

clinèrent grandement le roy à çou que cilz trettiés de Bervich se passa. Et furent les triewes acordées de chiaus de dehors à chiaus de dedens, le mois tout accompli. Et le segnefièrent cil de Bervich à chiaus de leur costé bien et à point, au roi d'Escoc, leur 5 signeur, et à son conseil, qui ne peurent veoir ne imaginer voie ne tour qu'il fuissent fort pour combattre le roy englès ne lever le siège.

Si demora la cose en cel estat, et fu la cité de Bervich rendue, au chief dou mois, au roy englès, 10 et ossi li chastiaus, qui est moult biaux et moult fors, au dehors de le cité. Et en prisent li mareschal de l'host le saisine et le possession, de par le roy englès. Et vinrent li bourgeois de le cité en l'ost faire hommage et feauté au dit roy, et jurèrent et reco- 15 gneurent à tenir le cité de Bervich de lui. Apriès, y entra li rois à grant solennité de trompes et de na-kaires; et y sejourna de puis douze jours, et y ordonna un bon chevalier à gardien et à souverain, qui s'appelloit messires Edouwars de Bailluel. Et 20 quant il se parti de Bervich, il laissa avoecques le dit chevalier pluseurs jones chevaliers et escuiers, et pour aidier à garder le terre conquise sus les Escos, et les frontières de cclui pays.

Si s'en retourna li rois vers Londres, et donna à 25 toutes manières de [gens<sup>1</sup>] congiet, et s'en rala cescuns en son lieu. Et il meismes s'en revint à Windsor, où le plus volentiers se tenoit, et messires Robers d'Artois dalés lui, qui ne cessoit nuit ne jour de lui remoustrer quel droit il avoit à le cou- 30

1. Ms. de Gaignières, fo 26 v<sup>o</sup>. — Ms. 6477, fo 39 (lacune).

ronne de France. Et li rois y entendoit volentiers.

§ 53. Ensi ala en ce temps de le chevaucie le roy englès sus les Escos. Il gasta et exilla le plus grant partie de leur pays. Et y prist pluseurs fors chastiaus, que ses gens obtinrent sus les Escos de puis un grant temps, et principalement le bonne cité de Bervich. Et estoient demoret de par le roy englès, pour tenir les frontières, pluseur apert bacheler, chevalier et escuier, entre les quelz messires Guillaume de Montagut et messires Gautiers de Mauni en font bien à ramentevoir. Car, de le partie des Englès, cil doi en avoient toute le huée; et faisoient souvent sus les Escos des hardies emprises, des belles chevaucies, des meslées et des hustins. Et par usage, le plus il gaegnoient sus yaus, dont il aquisent grant grasse devers le roy et les barons d'Engleterre.

Et pour mieus avoir leur entrées et leurs issues en Escoce et à mestriier le pays, messires Guillaume de Montagut, qui fu appers, hardis et entreprendans chevaliers, durement fortefia le bastide de Rosebouch, sus le marce d'Escoce, et en fist un bon chastiel, pour tenir et deffendre contre tout homme. De quoi li rois englès li sceut grant gré, et acquist si grant renommée et si grant grasse en ces entrepresures, dou roy Edowart, que li rois le fist conte de Salbrin, et le maria moult hautement et très noblement. Ossi fist messires Gautiers de Mauni, qui devint en ces chevaucies chevaliers, et fu retenus dou plus secret conseil le roi, et moult avanciés en se court. Et fist de puis li dis messires Gautiers tant de



belles appertises et de grans fais d'armes, si com vous orés avant en l'ystore, que li livres est moult renluminés de ses proèces.

Bien est voirs que aucun preu chevalier d'Escoce faisoient souvent anoi as Englès, et se tenoient tout- 5  
dis par devers le sauvage Escoce, entre grans marès et grandes hautes forès, là nuls ne les pooit siewir. Et sievoient à le fois les Englès de si priès que tous les jours y avoit puigneis ou hustin. Et toutdis messires Guillaumes de Montagut et messires Gautiers de 10  
Mauni, adonc nouviel chevalier, y estoient renommé pour les miex faisans et les plus enventureus. Et y pierdi à ces hustins et puigneis li dis messires Guillaumes, qui estoit hardis et durs chevaliers mervilleusement, un oel, par ses hardies emprises. 15

En ces grans marès et en ces grans forès, là où cil seigneur d'Escoce se tenoient, s'estoit jadis li preus rois Robers d'Escoce tenus par pluseurs fois, quant li rois Edouwars, taions à celui dont nous parlons presentement, l'avoit desconfit, et conquis tout le 20  
royaume d'Escoche. Et pluseurs fois fu il si menés et si decaciés qu'il ne trouvoit nullui qui l'osast herbegier, ne soustenir en chastiel ne en forterèce, pour le doubtaunce de ce roy Edouwart, qui avoit si nettement conquis toute Escoce qu'il n'i avoit ville, 25  
chastiel ne forterèce qui n'obeisist à lui. Et quant cilz rois Edouwars estoit arrière revenus en Engleterre, chilz preus rois Robers rassambloit gens d'armes, quèle part que il les pooit trouver, et reconqueroit tous ses chastiaus, ses forterèces et ses bonnes 30  
villes jusques à Bervich, les unes par force et par bataille, et les aultres par biaux parlers et par amours.

Et quant li rois Edouwars le savoit, il en avoit grant despit, et faisoit tantost semondre ses os, et ne cessoit jusques à tant qu'il l'avoit de rechief desconfit, et reconquis le royaume d'Escoce comme devant.

- 5    Ensi avint entre ces deus rois, si comme jou ay oy recorder, que cilz rois Robers reconquist son royaume, par cinq fois. Et ensi se maintinrent cil doi roy, que on tenoit à leur temps pour les deus plus preus del monde, tant que li bons rois Edowars  
10 fu trespasés, et trespassa en le bone cité de Ber- vich. Et avant qu'il morut, il fist appeller son ainnet fil, qui fu rois apriès lui, par devant tous ses hom- mes. Et li fist jurer sus Sains que, si tost qu'il seroit trespasés, il le feroit boullir en une caudière, tant  
15 que li char se partiroit des os, et feroit le char met- tre en terre et garderoit les os. Et toutes fois que li Escot reveleroient contre lui, il semonroit ses gens et assambleroit et porteroit avoech lui les os de son père. Car il tenoit fermement que, tant qu'il aroit  
20 ces os avoech lui, li Escot n'aroient point victore contre lui. Li quels ne acompli mies che qu'il avoit juret. Ains fist son père raporter à Londres, et là en- sepelir contre son sierement. Pour quoi il li meschei de puis en pluseurs manières, si com vous avés oy,  
25 et premierement à le bataille de Struvelin, là où li Escot eurent victore contre lui.

- § 54. Apriès ce que li jones rois d'Engleterre eut fait hommage au roy Phelippe de France, de le conté de Pontieu et de tout ce qu'il li apertenoit à faire,  
30 eut li dis rois Phelippes grasce et devotion de venir veoir le Saint Père pape Benedic, qui pour le temps

regnoit et se tenoit en Avignon, et de viseter une partie de son royaume, pour lui deduire et esbatre, et pour apprendre à cognoistre ses cités, ses villes et ses chastiaus, et les nobles de son royaume. Si fist faire en celle istance ses pourveances grandes et grosses, et se parti de Paris en très grant arroi, le roi de Behagne et le roi de Navare en se compaignie, et ossi grant fuison de dus, de contes et de signeurs, car il tenoit grant estat et estoffet, et faisoit grans livrées et grans despens. Si chevauçà li rois ensi parmi Bourgongne, et fist tant par ses petites journées qu'il vint en Avignon, où il fu moult solennelment receus dou Saint Père et de tout le Collège, et l'onnnourèrent dou plus qu'il peurent. Et fu de puis grant terme là environ avoech le pape et les cardinauls, et se lo- goit à Ville Nove dehors Avignon. Si vint li rois d'Ar- ragon en ce meisme temps ossi en court de Romme, pour lui veoir et festier. Si y eut grans festes et grans solennités à leurs approcemens et à leurs as- samblées. Et furent là tout le quaresme ensievant.

Donc il avint que certainnes nouvelles vinrent en court de Romme que li ennemi de Dieu estoient trop fort revelé contre le Sainte Terre, et avoient reconquis priès que tout le royaume de Rasse, et pris le roy qui s'estoit de son temps crestiennés, et fait morir à grant martire. Et manegoient encores li incredule grandement sainte Crestienté. De ces nouvelles fu li papes moult courouciés, ce fu bien raisons, car il estoit chiés de l'Eglise, à cui tout bon crestien se doivent rallioier. Si preeça, le jour dou Saint Venredi, present les rois dessus nommés, le digne souffrance de Nostre Seigneur, et enhorta et re-

moustra grandement le crois à prendre et encargier, pour aler sus les ennemis de Dieu. Et si humblement fourma se predicacion, que li rois de France, meus en grant pité, prist là le crois, et requist au Saint  
5 Père qu'il li volsist acorder. Adonc li papes Benedic, qui vit le bonne volenté dou roy de France, li acorda benignement et le confirma, par condition que il absolait de painne et de coupe vrais confès et vrais  
10 chiaus qui avoech lui iroient en ce saint voiage. Adonc, par grant devotion, et pour l'amour dou roi, et lui tenir compagnie en ce pelerinage, li rois Charles de Behagne, li rois de Navare et li rois Pières d'Arragon le prisent, et grant fuison de dus, de con-  
15 tes, de barons et de chevaliers qui là estoient, et ossi quatre cardinal, li cardinaulz Blans, li cardinaus de Naples, li cardinaulz de Pieregorth, et li cardinaulz d'Ostie. Si fu tantost celle crois publiie et preecie par le monde, et venoit à tous signeurs à grant  
20 plaisance, et especialment à chiaus qui voloient le tamps dispenser en armes, et qui adonc ne le sa-voient bien raisonnablement où emploier.

Quant li rois de France et li roi dessus nommet eurent esté un grant temps dalés le pape, et il eurent  
25 retté et avisé et confermé le plus grant partie de leurs besongnes, il se partirent de court, et prisent congiet au Saint Père. Si s'en rala li rois d'Arragon en son pays. Et li rois de France et se compagnie s'en vinrent à Montpellier, et là furent il  
30 un grant tamps. Et fist adonc li rois Phelippes une pais, de grant hayne qui se mouvoit entre le roy d'Arragon et le roy de Maiogres. Apriès celle pais

faite, il s'en retourna en France à petites journées et as grans despens, visetant ses cités, ses villes, ses chastiaus et ses forterèces, dont il avoit sans nombre; et rapassa parmi Auvergne, parmi Berri, parmi Biausse et parmi le Gastinois, et revint à Paris, où il 5 fu receus à grant feste. Adonc estoit li royaumes de France gras, plains et drus, et les gens riches et possessans de grant avoir, ne on n'i savoit parler de nulle guerre.

§ 55. Ens l'ordenance de le crois, pour aler oultre 10 mer, que li rois de France avoit empris et encargiet, et dont il se faisoit chiés, se avisèrent plusieurs seigneur par le monde, et l'emprisent aussi li aucun par grant devotion. Car li papes absoloit tous chiaus de painne et de coupe, qui en ce saint voiage iroient. 15 Si fu la ditte crois manifestée et preecie par le monde; et venoit à plusieurs chevaliers bien à point, qui se desiroient à avancier. Si fist li rois Phelippes, comme chiés de ceste emprise, le plus grant et le plus biel appareil qui onques eüst esté fait pour aler oultre 20 mer, ne dou temps Godefroi de Buillon, ne d'autre. Et avoit retenu et mis en certains ports, c'est assavoir de Marseille, de Aiguemortes, de Lattes, de Nerbonne et d'environ Montpellier, tel quantité de vaissiaus, de naves, de carrakes, de gallé[es] et de barges, que 25 pour passer et porter soissante mil hommes et leurs pourveances. Et le fist tout le temps pourvoir de bescuit, de vins, de douce aigue, de chars sallées, et de toutes autres choses nécessaires pour gens d'armes, et pour vivre, et si grant plenté que pour durer 30 trois ans, s'il besongnoit.

Et envia encores li dis rois de France grans messages par devers le roy de Hongerie, qui estoit moult vaillans homs, en lui priant que il fust appareilliés, et ses pays ouvers, pour recevoir les pelerins de Dieu.

5 Cils rois de Hongerie y entendí volentiers, et dist que il estoit tous pourvus et ses pays ossi, de recevoir le roy de France, et tous chiaus qui avoech lui iroient. Tout en tel manière, le segnefia li rois de France au roy de Cippre, monsieur Hüge du Luzegnon, un vaillant roy durement, et ossi au roy de

10 Cecille, qui volentiers y entendirent, et se pourverent selonch ce bien et souffissamment, à le prière et requeste dou roy de France. Encores envia li dis rois devers les Venissiens, en priant et requerant

15 que leurs mètes fussent ouvertes, gardées et pourveues. Cil obeirent volentiers au roy de France, et acomplirent son commandement. Ossi fissent li Ceneuois et tout cil de le rivière de Gennes. Et fist li rois de France passer outre en l'ille de Rodes le

20 grant prius de France, pour aministrer vivres et pourveances sus leurs mètes. Et fissent cil de Saint Jehan, par acord avoech les Venissiens, pourveir moult souffissamment le isle de Crète, qui est de leur signourie. Briefment, cescuns estoit appareilliés

25 et rebraciés de faire tout ce que bon estoit et sambloit, pour recueillir les pelerins de Dieu. Et prisent plus de trois cens mil personnes le crois, pour aler outre en ce voiage.

§ 56. En ce tempore que ceste crois estoit en si

30 grant fleur de renommée, et que on ne parloit ne devoit d'autre cose, se tenoit messires Robers

d'Artois en Engleterre, escaciés de France, dalés le  
jone roy Edouwart, et avoit esté avoech lui au con-  
quest de Bervich et en pluseurs chevaucies d'Escoce :  
si estoient nouvellement retourné en Engleterre. Et  
enhortoit et consilloit li dis messires Robers tempore 5  
et tart le roy qu'il vosist deffier le roy de France,  
qui tenoit son hyretage à grant tort. Dont li rois  
englés eut pluseurs fois conseil, par grant delibera-  
tion, à ceulz qui estoient si plus secré et especial  
consilleur, comment il s'en poroit maintenir dou 10  
destort que on li avoit fait dou royaume de France,  
en sa jonèce, qui par droite succession de proismeté  
devoit estre siens par raison, ensi que messires Ro-  
bers d'Artois l'en avoit infourmet.. Et l'avoient li  
douze per et li baron de France donnet à monsieur 15  
Phelippe de Valois, d'acort et ensi que par jugement,  
sans appeller ne adjourner partie adverse. Si n'en  
savoit li dis rois que penser, car à envis le lairoit, se  
amender le pooit. Et se il le calengoit, et le debat  
en esmouvoit, et on li deveoit, si com bien faire on 20  
poroit, et il s'en tenist tous quois, et point ne l'a-  
mendoit ou son pooir n'en faisoit, plus que devant  
blasmés en seroit. Et d'autre part, il veoit bien que,  
par lui ne par le poissance de son royaume, il poroit  
à mesaise mettre au desous le grant royaume de 25  
France, se il n'acqueroit des signeurs poissans, en  
l'Empire et d'autre part, par son or et par son ar-  
gent. Si requeroit souvent à ses especiaulz consilleurs  
qu'il li volsissent sur ce donner bon conseil et bon  
avis, car sans grant conseil il n'en voloit plus avant 30  
entreprendre.

A le parfin, si consilleur li respondirent d'acord

- et li disent : « Ciertes, sire, la besongne nous sam-  
ble estre si grosse, et de si haute entrepresure, que  
nous ne nos en oserions cargier ne finablement con-  
sillier. Mais, chiers sires, nous vous consillieriens, se  
5 il vous plaisoit, que vous envoiissiés souffissans mes-  
sages, bien infourmés de vostre intention, à ce gentil  
conte de Haynau, oui fille vous avés, et à monsi-  
gneur Jehan, son frère, qui si vassaument vous a  
servi, en priant en amisté que sur che il vous voel-  
10 lent consillier, car mieulz sèvent que à tel afaire af-  
fiert que nous ne faisons, et sont bien tenu de vos-  
tre honneur et de vostre raison garder, pour l'amour  
de la dame que vous avés. Et s'il est ensi qu'il s'a-  
cordent à vostre entente, il vous saront bien consil-  
15 lier des quelz signeurs vous vos porés le mieus aidier,  
et les quelz, et comment vous les porés le miex  
acquerre. » — « A ce conseil, dist li rois, me accorde  
jou bien, car il me samble estre biaux et bons. Et  
ensi que consilliet le m'avés, sera fait. »
- 20 Adonc pria li rois à ce prelat, l'evesque de Lin-  
colle, qu'il volsist entreprendre ce message à faire  
pour l'amour de lui, et à deus chevaliers banerès qui  
là estoient, et à deus clers de droit ossi, qu'il volsis-  
sent faire compaignie à l'evesque en ce voiage. Li  
25 dessus dis evesques, li doi chevalier banereth, li doi  
clerch de droit ne veurent mies refuser le requeste  
dou roy, ains li ottrièrent volentiers. Si se apparil-  
lièrent au plus tost qu'il peurent, et se partirent dou  
roy et montèrent en mer, et arrivèrent adonc à Dun-  
30 kerke. Si reposèrent là, tant que leur cheval furent  
mis hors des vaissiaus, et puis se misent au chemin  
et chevaucièrent parmi Flandres, et exploitièrent tant



qu'il vinrent à Valencienes. Là trouvèrent il le conte Guillaume, qui gisoit si malades de gouttes artetikes et de gravielle, qu'il ne se pooit mouvoir, et trouvèrent ossi monsigneur Jehan de Haynau, son frère. S'il furent grandement festiïet et honnouret, 5 ce ne fait point à demander. Quant il furent si bien festiïet comme à yaulz apertenoit, il comptèrent au dit conte de Haynau et à son frère leur entente, et pour quoi il estoient là envoïiet par devers yaus. Et leur exprimèrent toutes les raisons et les doubtaances, 10 que li rois meismes avoit mises avant par devant son conseil, si com vous avés ci dessus oy recorder.

§ 57. Quant li contes de Haynau eut cy ce pour quoi il estoient là envoïiet, et il eut oy les raisons et les doubtaances que li rois englès avoit mises avant 15 à son conseil, il ne les oy mies à envis. Ains dist que li rois n'estoit mies sans sens, quant il avoit ces raisons et ces doubtaances si bien considerées. Car, quant on voet entreprendre une grosse besongne, on doit aviser et considerer comment on le poroit 20 acheiver, et au plus priès de le fin peser à quel chief on en poroit venir. Et dist ensi li gentilz contes : « Se li rois y poet parvenir, si m'ayt Dieus, jou en aroie grant joie. Et poet on bien penser que je l'a-roie plus chier pour lui, qui a ma fille, que je ne se- 25 roie pour le roy Phelippe, qui ne m'a nient fait tout à point, comment que jou aie sa sereur espousée. Car, il m'a destournet couvertement le mariage del jone duch de Braibant, qui devoit avoir espouset Ysabiel, ma fille, et le a retenu pour une sienne 30 aultre fille. Par quoi je ne faurrai mies à mon chier

et ainsnet fil le roi d'Engleterre, s'il troeve en son conseil qu'il le voelle entreprendre. Ains li aiderai de conseil et d'ayde, à mon loyal pooir. Ossi fera Jehans, mes frères, qui là siet, qui aultre fois l'a sier-

5 vit. Mais saciés qu'il li faurroit bien avoir aultre ayde, plus forte que n'est la nostre. Car Haynaus est uns petis pays, ce savés, ou regard dou royaume de France; et Engleterre gist trop loing pour nous sous-

10 courre. » — « Certes, sire, vous nous donnés très bon conseil, et nous moustrés grant amour et grant volenté; de quoi nous vous regrations, de par nostre signeur le roy », ce respondi li evesques de Lin-

15 colle, pour tous les aultres. Et dist encores : « Chiers sires, or nous consilliés des quelz signeurs nos sires se poroit mieus aidier, et des quelz il se poroit miex fier, par quoi nous li puissions reporter vostre conseil. » — « Sour l'ame de mi, respondi li contes, je ne saroie aviser signeur si poissant, pour lui aidier en ces besongnes, comme seroit li dux de Braibant,

20 qui est ses cousins germains, ossi li evesques de Liège, li dus de Guerles, qui a sa sereur à femme, li arcevesques de Coulóngne, li markis de Jullers, messires Ernoulz de Bakehen, et li sires de Faukemont. Ce sont cil qui plus aroient grant fuison de gens

25 d'armes, en brief temps, que signeur que je sace en nul pays del monde. Et si sont très bon guerrier. Et fineront bien, se il voellent, de huit mille ou de dis mille armures de fier, mais que on leur doinst de l'argent à l'avenant. Et si sont signeur et gens

30 qui gaagnent volentiers. S'il estoit ensi que li rois mes filz vos sires eust acquis ces signeurs que je dis, et il fust par deça le mer, il poroit bien aler re-

querre le roy Phelippe oultre le rivière d'Oise et combatre à lui. »

Cilz consaulz pleut grandement à ces signeurs d'Engleterre; puis prisent congiet au conte de Haynau et à monsigneur Jehan de Haynau, son frère. Si s'en ralèrent viers Engleterre porter au roy le conseil qu'il avoient trouvet ou dessus dit conte et à son frère. Quant il furent venu à Londres, li rois leur fist grant feste. Et il li racontèrent tout ce qu'il avoient trouvet au conseil et à l'avis dou gentil conte, et de monsigneur Jehan de Haynau, son frère. Dont li rois eut grant joie et en fu grandement reconfortés, quant il eut entendu tout ce que ses sires li eut mandet et consilliet.

Or vinrent ces nouvelles en France et monteplièrent petit à petit, que li rois englès supposoit et entendoit à avoir grant droit à le couronne de France. Et fu li rois Phelippes enfourmés et avisés de ses plus especialz et grans amis que, s'il aloit ou voiage d'oultre mer qu'il avoit empris, il metteroit son royaume en très grant aventure, et qu'il ne pooit faire ne exploitier milleur painne que de garder ses gens et ce qui sien estoit, et dont il tenoit le possession, et qui devoit retourner à ses enfans. Si se refroida grandement de celle crois emprise et preecie. Et contremanda ses officiers qui ses pourveances faisoient, si grandes et si grosses que merveilles seroit à penser, jusques à tant qu'il aroit veu de quel piet li rois englès vorroit aler avant, qui mies ne se refroidoit de lui pourveir et appareillier, selonch le conseil que si homme li avoient raporté dou conte de Haynau, et fist, assés tost apriès ce qu'il furent

revenu en Engleterre, ordonner et apparillier dis chevaliers banerès et quarante aultres chevaliers jones bachelers. Et les [envoya<sup>1</sup>] à grans frès par deça le mer, droit à Valencienes, et le evesque de Lincolle, qui fu moult vaillans homs, avoec eulz, en cause que pour trettier à ces signeurs de l'Empire, que li contes de Haynau leur avoit denommés, et pour faire tout ce qu'il et messires Jehans, ses freres, en consilleroient. Quant il furent venu à Valencienes, cescuns les regardoit à grans merveilles, pour le biel et grant estat qu'il maintenoient, sans riens espargnier nient plus que li corps dou roy d'Engleterre y fust en propre personne, dont il acqueroient grant grasce et grant renommée. Et si y avoit entre yaus pluseurs bachelers, qui avoient cescun un oel couvert de drap, pour quoi il n'en peüst veoir. Et disoit on que cil avoient voet entre dames de leur pays, que jamais ne verroient que d'un oel jusques adonc qu'il aroient fait aucunes proèces de leurs corps ens ou royaume de France, les quelz il ne vo-loient mies cognoistre à chiaus qui leur en demandoient. Si en avoit cescuns très grant merveilles.

Quant il furent assés festiiet et honnouret à Valencienes dou conte de Haynau, de monsigneur Jehan de Haynau, son frère, et des signeurs chevaliers dou pays, et ossi des bourgeois et des dames de Valencienes, li dis evesques de Lincolle et li plus grant partie d'yaus se traient par devers le duch de Brabant, par le conseil dou conte dessus dit. Si les festia li dus assés souffissamment, car bien le savoit

1. Ms. de Gaignières, fo 29 v<sup>o</sup>. — Ms. 6477, fo 43 v<sup>o</sup>: « amena. »

faire. Et puis se accordèrent si bellement au duch  
que il eut en couvent de soustenir le roy, son cou-  
sin, et toutes ses gens, en son pays, car à faire l'a-  
voit, car c'estoit ses cousins germains : si pooit ve-  
nir, et aler et demorer, armés et desarmés, toutes 5  
fois qu'il li plairoit. Et avoec ce il leur eut en cou-  
vent, par tout son conseil et parmi une certaine  
somme de florins, que, se li rois englès, ses cousins,  
voloit le roy de France deffier souffissamment, et en-  
trer à force en son royaume, et se il pooit avoir l'a- 10  
cord et l'ayde de ces signeurs d'Alemagne deseure  
nommés, il le deffieroit ossi et iroit avoech lui, à  
tout mille armeures de fier. Ensi leur eut il en cou-  
vent par son creance. De quoi il cancela et detria  
puis assés, si com vous orés avant en l'ystore. 15

§ 58. Adonc furent cil signeur d'Engleterre moult  
aise, car il leur sambla qu'il avoient moult bien be-  
songnié, tant comme au duch. Si retournèrent à Va-  
lencienes, et fisent, par messages et par l'or et l'ar- 20  
gent le roy d'Engleterre leur signeur, tant que li dus  
de Guerles, serourges au dit roy d'Engleterre, li mar-  
kis de Jullers, pour lui et pour l'arcevesque de Coulon-  
gne Walerant, son frère, et li sires de Faukemont vin-  
rent à Valencienes parler à yaus, par devant le conte de  
Haynau, qui ne pooit mès chevaucier ne aler, et par 25  
devant monsieur Jehan, son frère. Et exploitièrent  
si bien devers yaus que, parmi grandes sommes de  
florins que cescuns devoit avoir pour lui et pour ses  
gens, il eurent en couvent de deffier le roi de France,  
avoech le roy englès, quant il li plairoit, et que ces- 30  
cuns d'yaus le serviroit, à un certain nombre de

gens d'armes à hyaumes couronnés. En ce temps parloit on de hyaumes couronnés; et ne faisoient li signeur nul compte d'aultres gens d'armes, s'il n'estoient à hyaumes et à timbres couronnés. Or est cilz  
5 estas mués maintenant; on parolle de lances ou de glaves et de jakes. Et vous di que cil signeur dessus nommet eurent en couvent as gens le roy d'Engleterre, que il leur aideroient à aultres signeurs d'outre le Rin, qui bien avoient pooir de amener grant  
10 fuison de gens d'armes, mais que il ewissent souffissamment le pourquoi. Puis prisent congiet li dessus dit signeur alemant, et en ralèrent en leur pays.

Et li signeur d'Engleterre demorèrent encores à Valencienes et en Haynau, dalés le conte, par quel  
15 conseil il ouvroient le plus. Si prièrent et envoièrent encores souffissans messages devers l'evesque de Liège, monsigneur Aoulz, et l'eussent volentiers attrait de leur partie; mais li dis evesques n'i volt onques entendre, ne riens faire encontre le roi de  
20 France, à cui il estoit devenus homs et entré en se feaulté. Li rois de Behagne ne fu point priés ne mandés, car on savoit bien qu'il estoit si conjoins au roi de France, par le mariage de leurs deus enfans, dou duc Jehan de Normendie, qui avoit à femme  
25 ma dame Bonne, fille au dessus dit roy, que pour celle cause il ne feroit riens contre le roy de France. Or me tairai un petit d'yaulz, et parlerai d'une aultre matère, qui à ceste se rajoindera chi apriès.

30 § 59. En ce temps dont jou ay parlet, avoit grant dissention entre le conte Loeis de Flandres et les

Flamens, car il ne voloient point obeir à lui, ne à painnes ne s'osoit il tenir en Flandres, fors en grant peril. Et avoit à ce donc un homme à Gand, qui avoit estet brassères de mielz. Chilz estoit entrés en si grant fortune et si grant grasce, que c'estoit tout fait quanqu'il voloit deviser et commander par toute Flandres, de l'un des corons jusques à l'autre. Et n'i avoit nullui, com grans qu'il fust, qui de riens osast trespasser scs commandemens ne contredire. Il avoit toutdis, apriès lui alans aval le ville de Gand, soissante ou quatre vingt varlès armés, entre les quelz il en y avoit deus ou trois qui savoient aucuns de ses secrès. Et quant il encontroit un homme qu'il avoit en souspeçon ou qu'il haioit, cilz estoit tantos tués, car il avoit commandé à ses secrès varlès et dit : « Sitos que jou rencontre un homme, et je vous fai un tel signe, si le tués sans deport, com grans ne com haulz qu'il soit, sans attendre aultre parole. »

Ensi avenoit souvent, et en fist en celle manière plusieurs grans mestres tuer. Par quoi il estoit si doubtés que nulz n'osoit parler contre cose qu'il volist faire, ne à painnes penser de lui contredire. Et tantost que cil soissante varlet le avoient raconduit à son hostel, cescuns aloit disner à se maison; et tantost apriès disner, il revenoient devant son hostel, et beoient en le rue, jusques adonc qu'il voloit aler aval le rue jouer et esbatre parmi le ville; et ensi le conduisoient jusques au souper. Et saciés que cescuns de ces saudoiiers avoit, cescun jour, quatre compagnons ou gros de Flandres, pour ses frès et pour ses gages. Et les faisoit bien paiier, de sepmainne

en sepmainne. Et ossi avoit il, par toutes les villes et les chasteleries de Flandres, sergans et saudoiers à ses gages, pour faire tous ses commandemens, et espier et savoir s'il avoit nulle part personne qui  
5 fust rebelle à lui, ne qui desist ne enfourmast nullui contre ses volentés. Et si tost qu'il en savoit aucuns en une ville, il ne cessast jamais, si l'eust fait banir ou fait tuer sans deport : jà cilz ne s'en peüst garder. Et meismement tous les poissans de Flandres,  
10 chevaliers, escuiers et bourgeois des bonnes villes, qu'il pensoit qu'il fuissent favourable au conte en aucune manière, il les banissoit de Flandres, et levoit le moiet de leurs revenues, et laissoit l'autre moiet pour le doaire et le gouvrenement de leurs  
15 femmes et enfans. Et cil qui ensi estoient banit, des quelz il estoient grant fuison, se tenoient à Saint-Omer le plus, et les appelloit on les avollés ou les outre avollés.

Briefment à parler, il n'eut onques en Flandres, ne  
20 en aultre pays, conte, duch, prince, ne aultre, qui peüst avoir un pays si à se volenté, com cilz avoit et eut longement. Et estoit appellés Jakemars d'Artevelle. Il faisoit lever les rentes, les tonnieus, les winages, les droitures et toutes les revenues, que li  
25 contes devoit avoir et qui à lui apertenoient, quèle part que ce fust parmi Flandres, et toutes les maletotes : si les despendoit à se volenté et en donnoit, sans rendre nul compte. Et quant il voloit dire que argens li falloit, on l'en creoit par sen dit, et croire  
30 l'en couvenoit, car nulz n'osoit dire encontre. Et quant il en voloit emprunter à aucuns bourgeois sour son paiement, il n'estoit nulz qui le osast escondire



à prester. Or voel jou retourner as messagiers d'Engleterre.

§ 60. Chil signeur d'Engleterre, qui estoient envoiet par deça le mer, et estoient si honnorablement à Valenciennes, com vous avés oy, se apensèrent entre yaus que ce seroit grans confors pour leur signeur le roy, selonch ce qu'il voloient entreprendre, se il pooient avoir l'acort des Flamens, qui adonc estoient mal dou roy de France et dou conte, leur droit signeur. Si s'en consillièrent au conte de Haynau, qui leur dist que voirement seroit ce li plus grans confors qu'il peussent avoir. Mais il ne pooit veir que il y peussent pourfiter se petit non, se il n'avoient premierement acquis le grasse et le faveur de celui Jakemart d'Artevelle. Il disent qu'il en feroient leur pooir temprement. 15

Assés tost après çou, il se partirent de Valenciennes, et s'en alèrent vers Flandres, et se departirent en trois, ne sai, en quatre routes, s'en alèrent partie à Bruges, partie à Ippre, et li plus grant partie à Gand, et tout despendant si largement qu'il sambloit que argens leur pleüst des nues. Et queroient acord par tout, et prommetoient as uns et as aultres, là où on les consilloit, et où il creoient miex emploier, pour parvenir à leur entente. Toutes voies, li evesques de Lincolle et se compagnie, qui alèrent à Gand, fissent tant, par biel parler et autrement, qu'il eurent l'acord, l'acointance et l'amisté de Jakemart d'Artevelle, et grant grasse en le ville, et meismement d'un vaillant chevalier ancien, qui volentiers demorait à Gand, et y estoit durement amés. Si le appei- 20 30

loit [on<sup>1</sup>] monsigneur le Courtrisien, et estoit chevaliers banerès, et le tenoit on pour le plus preu chevalier de Flandres, et pour le plus vaillant homme, et qui le plus hardiement avoit toutdis servi ses signeurs.

Cilz sires Courtrisiens compagnoit et honnouroit durement ces signeurs d'Engleterre, ensi que vaillant homme doient toutdis honnourer estragnes chevaliers, à leur pooir. Mais il en eut, au darrain, mauvais loier. Car il en fu<sup>2</sup> accusés de celle honneur qu'il faisoit as Englès, enviers le roy de France, si ques li rois commanda très estroitement au dit conte de Flandres qu'il fesist tant, comment que ce fust, qu'il ewist le dessus dit chevalier, se tant l'amoit, et qu'il li fesist coper le tieste. Li contes, qui n'osa trespasser le commandement le roy, ains fist tant, je ne sai comment ce fu, que li sires Courtrisiens vint là où li contes le manda. Si fu tantost pris et tantost decolés. De quoi moult de gens furent durement dolant de pitié, car il estoit moult amés et honnourés ou pays, et en seurent moult mal gret au conte.

Tant exploitièrent cil signeur d'Engleterre en Flandres, que cilz Jakemars d'Artevelle mist pluseurs fois les consaulz des bonnes villes ensamble, pour parler de le besongne que cil signeur d'Engleterre queroient, et des franchises et amistés qu'il leur of-

1. Ms. de Mouchy-Noailles, f° 30 v°. — Ms. 6477, f° 46 (lacune).

2. Ms. 6477, f° 46 : « fu si accusés. » — Les leçons de plusieurs bons mss., notamment du ms. de Gaignières, f° 30 v°, du ms. 2641, f° 31 v° et du ms. de Besançon, f° 33, autorisent à supprimer ce *si* qui se retrouve une ligne plus bas dans *si ques*.

froient de par le roi d'Engleterre leur signeur, sans cui terre et acord il ne se pooient bonnement longement chevir. Et tant parlementèrent ensamble qu'il furent d'acort en tel manière, qu'il plaisoit bien à tous le consaulz de Flandres que li rois englès et toutes ses gens pooient bien venir et aler, à gens d'armes et autrement, par toute Flandres, ensi qu'il li plairoit. Mais il estoient si fortement obligiet envers le roy de France qu'il ne le poroient grever ne entrer en son royaume, qu'il ne fussent attaint de une si grande somme de florins, que à grant malaise en poroient il finer. Et leur prièrent que ce leur volsist souffire jusques à une aultre fois. Ces responses et cil exploit souffirent adonc assés à ces signeurs d'Engleterre, puis s'en revinrent arriere à Valenciènes, à grant joie. Et souvent envoioient leurs messages devers le roi, leur signeur, et li signefioient ce qu'il avoient besongniet. Et li rois leur renvoioit grant or et grant argent, pour paier leurs frais, et pour departir à ces signeurs d'Alemagne, qui ne convoitoient aultre cose.

En ce temps, trespasa de ce siècle li gentilz contes Guillaumes de Haynau, sept jours ou mois de juing, l'an de grasse mil trois cens trente sept. Si fu ensepelis as Cordeliers, à Valenciènes; et li fist on là son obsèque. Et chanta le messe li evesques Guillaumes de Cambrai. Si y eut grant fuison de dus, de contes et de barons, ce fu bien raisons, car il estoit grandement amé et renommés de tous. Apriès son trespas, se traist à le conté de Haynau, de Hollandes et de Zelandes, messires Guillaumes, ses filz, qui eut à femme la fille au duch Jehan de Braibant. Et

fu ceste dame, qui s'appelloit Jehane, doée de le terre de Binch, qui est un moult biaux hiretages et pourfitables. Et ma dame Jehane de Vallois, sa mère, s'en vint demorer à Fontenielles sus Escaut, et là  
 5 usa sa vie comme bonne et devote en le ditte abbeye, et y fist moult de biens.

§ 61. De toutes ces devises et ces ordenances, ensi com elles se portoient et estendoient, et des confors et des alliances que li rois englès acqueroit par deça  
 10 le mer, tant en l'Empire comme ailleurs, estoit li rois Phelippes tous infourmés; et eüst volentiers veu que li contes de Flandres se fust tenus en son pays et eüst attrais ses gens à son acord. Mès cilz Jakemars d'Artevelle avoit jà si sourmonté toutes ma-  
 15 nières de gens en Flandres que nulz n'osoit contredire à ses oppinions, meismement li contes, leurs sires, ne s'i osoit clerement tenir, et avoit envoïet ma dame, sa femme, et Locis, son jone fil, en France, pour le doubte des Flamens.

20 Avoec tout ce, se tenoient en l'ille de Gagant aucun chevalier et escuier de Flandres, en garnison, dont messires Ducres de Halluin et messires Jehans de [Rodes<sup>1</sup>] et li enfant de Le Trief estoient chapitain et souverain; et là gardoient le passage contre les  
 25 Englès, et faisoient guerre couvertement : dont li chevalier d'Engleterre, qui se tenoient en Haynau, estoient tout infourmet que, se ilz s'en raloient par là en leur pays, il seroient rencontré; pour quoi, il n'estoient mies bien aseur. Non obstant ce, se che-

1. Ms. de Mouchy-Noailles, f° 29. — Ms. 6477, f° 47 : « Rodais. »

vauçoient il et aloient à leur volente parmi le pays de Flandres, et par les bonnes villes, mais c'estoit sus le confort Jakemon d'Artevelle, qui les portoit et honnouroit en toutes manières, ce qu'il pooit. Or retournerons nous un petit au duch de Braibant. 5

§ 62. Quant li dus de Braibant ot fait ses couvenences à ces signeurs d'Engleterre, si com vous avés oy, il s'avisa que li rois de France aultre fois li avoit fait contraire. Si se doubta qu'il ne fust durement 10 infourmés contre lui, à l'ocquison des Englès et, se il avenoit que li entrespresse que li rois d'Engleterre avoit emprise ne venist avant ou ne venist à bon chief, que li rois de France ne le volsist guerrier, et li faire comparer che que li aultre aroient acordet. 15 Si envia de son conseil au roy de France monsieur Loeis de [Cranahen<sup>1</sup>], sage chevalier durement, et pluseurs aultres avoech lui, pour lui excuser, et pour prier au roy qu'il ne volsist croire nulle mauvaise information contre lui; car moult à envis 20 il feroit nulle alliance ne couvenence contre lui, mais li rois d'Engleterre estoit ses cousins germains: se ne li pooit bonnement escondire sa revenue dedens son pays, de lui ne de ses gens, leurs frais paians; mais plus avant il n'en feroit riens qui deüst 25 estre au desplaisir dou roy. Li rois le crey à celle fois, si s'en apaisa atant. Et toutes voies li dux ne laissa mies pour ce, qu'il ne retenist des gens d'armes en Braibant et ailleurs, là où il les pooit ne

1. Ms. de Gaignières, fo 31 vo. — Ms. 6477, fo 47 : « Cravehen. »

pensoit à avoir, jusques à le somme que couvenen-  
ciet avoit au roi d'Engleterre.

- Et quant li dessus dit seigneur d'Engleterre eurent  
fait en partie ce pour quoi il avoient passet mer, il  
5 se partirent de Valenciènes, où il tenoient leur sou-  
verain sejour, premierement li evesques de Lincolle,  
messires Renaulz de Gobehen et li aultre. Et vuidiè-  
rent Haynau, et vinrent à Dourdresch, en Hollandes.  
Et monterent là en mer, pour eschiewer le passage  
10 de Gagant, où li dessus dit chevalier de Flandres se  
tenoient en garnison, de par le roy de France et le  
conte de Flandres, si com on disoit. Et s'en revin-  
rent au mieus qu'il peurent, et au plus couverte-  
ment, arrière en leur pays, devers le roy englès, leur  
15 seigneur, qui les rechut à grant joie. Se li recordèrent  
tout l'estat des seigneurs de par de dechà, premiere-  
ment dou duch de Braibant, dou duch de Guerles,  
dou conte de Jullers, de l'arcevesque de Coulongne,  
de monsieur Jehan de Haynau, dou seigneur de  
20 Faukement, et des alloiiés, comment et sus quel  
point il s'estoient alloiiet et accordé à lui, et à  
quelle quantité de gens d'armes cescuns le devoit  
servir, et ossi quel cose cescuns devoit avoir. A ces  
parolles entendi li rois englès volentiers, et dist que  
25 ses gens avoient bien exploitiet. Mais trop dure-  
ment plaindi le mort le conte de Haynau, qui fille  
il avoit, et disoit qu'il avoit perdu en li un très  
grant confort : se li couvenoit il porter et faire à l'a-  
venant.
- 30 Encores recordèrent li dit seigneur au roi le couve-  
nant de chiaus qui se tenoient en le garnison de Ga-  
gant, et qui herioient ses gens tous les jours; et

comment, pour le doubte d'yaus, il estoient revenu par Hollandes, et avoient eslongiet grandement leur chemin. Donc dist li rois que il y pourveroit temprement de remède. Si ordonna assés tost apriès le conte Derbi, son cousin, et monsieur Gautier de Mauni, qui y avoit tant fait de belles bacheleries, en Escoce, qu'il en estoit durement alosés, et ossi aucuns aultres chevaliers et escuiers englès, qu'il voississent traire devers Gagant, et combatre chiaus qui là se tenoient. Li dessus dit obeirent au commandement le roi, leur signeur, et fisent leurs pourveances et lor amas de gens d'armes et d'arciers à Londres, et chargièrent leurs vaissiaus en le Tamise. Quant il furent tout venu et appareilliet, il estoient environ cinq cens armeures de fier et deus mille arciers. Si entrèrent en leur navie, qui estoit toute preste, et puis si se desancrèrent. Et vinrent, de celle marée, le première nuit, gesir devant Gravesaundes. A l'endemain, il desancrèrent et vinrent devant Mergate. A le tierce marée, il tirèrent les voiles amont, et prirent le parfont, et nagièrent tant par mer qu'il veirent Flandres. Si arroutèrent leurs vaissiaus, et misent en bon couvenant. Si vinrent assés priès de Gagant, à heure de nonne. Che fu le nuit Saint Martin en hyvier, l'an mil trois cens trente sept.

§ 63. Quant li Englès veirent le ville de Gagant, où il tendoient à venir, et combatre chiaus qui par dedens se tenoient, si se avisèrent et regardèrent qu'il avoient vent et le marée pour yaus, et que ou nom de Dieu et de saint Jorge il approceroient. Donc fisent il sonner leurs trompètes, et s'armèrent et ap-

parillièrent vistement, et ordonnèrent leurs vaissiaus, et misent les arciers devant, et singlèrent fors viers le ville.

Moult bien avoient les gettes et les gardes, qui en  
5 Gagant se tenoient, veu approcier ceste grosse armée. Si supposoient assés que c'estoient Engles; pour quoi il s'estoient jà tout armet et rengiet sus les dikes et sus le sablon, et mis leurs pennons par ordenance devant yaus, et fait entre yaus des novviaux che-  
10 liers jusques à seize. Et pooient estre environ cinq mille tout comptet, bien apert baceler et compaignon, ensi qu'il le moustrèrent. Et là estoit messires Guis de Flandres, frères au conte Loeis de Flandres, uns bons et seurs chevaliers, mès bastars estoit, qui  
15 amonnestoit et prioit tous les compaignons de bien faire. Et là estoient messires Ducre de Halluin, messires Jehans de Rodes, messires Gilles de le Trief, qui fu là fais chevaliers, messires Symons et messires Jehans de Brukedent, qui y furent fait ossi chevalier,  
20 et Pières d'Englemoustier, et maint compaignon baceler et escuier et appert hommes d'armes, ensi qu'il le moustrèrent, et qui moult desiroient le bataille as Engles.

Et estoient tout cil ordenet et rengiet à l'encontre  
25 des Engles. Et n'i eut riens parlementé ne devisé, car li Engles, qui estoient en grant [soucy<sup>1</sup>] de yaus assallir, et cil de deffendre, orrièrent leurs cris et fissent traire leurs arciers moult roit et moult fort, et tant que cil qui le havene deffendoient en furent si  
30 ensonniiet que, vosissent ou non, il les couvint re-

1. Ms. de Gaignières, f° 32. — Ms. 6477, f° 48 (lacune).



culer. Et en y eut dou tret à ce premiers moult de mehagniés. Et prisent terre li baron et li chevalier d'Engleterre, et s'en vinrent combatre as haces, as espées et as glaves, li un à l'autre.

Et là y eut plusieurs belles baceleries et apertises d'armes faites. Et moult vassaument se combattirent li Flamench. Ossi moult bachelereusement les requissent li Englès. Et là fu moult bons chevaliers li contes Derbi, et s'avança de premiers si avant qu'il fu, en lançant de glaves, mis par terre. Et là, li fu messires Gautiers de Mauni bons confors, car par apertises d'armes il le releva et osta de tous perilz, en escriant : « Lancastre au conte Derbi ! » Et adonc approcièrent il de tous lés. Et en y eut plusieurs mehagniés, et par especial plus des Flamens que des Englès. Car li arcier d'Engleterre, qui continuellement traioient, leur portoient trop grant damage. 5 10 15

§ 64. A prendre terre ou havene de Gagant, fu li bataille dure et fière. Car li Flamench qui là estoient, et qui le ville et le havene gardoient et deffendoient, estoient très bonne gent, et de grant apertise plain. Car, par election, li contes de Flandres les y avoit mis et establis, pour garder cel passage contre les Englès. Si s'en voloient acquitter bachelereusement, et faire leur devoir en tous estas, ensi qu'il fissent. Là estoient li baron et li chevalier d'Engleterre : premierement, le conte Derbi, filz au conte Henri de Lancastre au Tors Col, li contes de Sufforch, messires Renaulz de Gobehen, messires Loys de Biau- 20 25 30  
camp, messires Guillaumez filz Warine, li sires de

Bercler, messires Gautiers de Mauni et pluseur aultre, qui très vassaument s'i portoient et assalloient les Flamens.

Là eut dure bataille et fort combatue, car il estoient  
5 main à main. Et là fisent li pluseur moult de belles  
apertises d'armes, et de l'un lés et de l'autre; mais  
finablement li Englès obtinrent le place. Et furent li  
Flamench desconfi et mis en cace. Et en y eut plus  
de trois mille mors, que sus le havene, que sus les  
10 rues, que ens ès maisons. Et là fu pris messires Guis,  
bastars de Flandres, et mors messires Ducres de Hal-  
luin, et messires Jehans de [Rodes<sup>1</sup>], et li doi frère de  
Brukedent et messires Gilles de le Trief et pluseur  
aultre : environ vingt six chevaliers et escuiers y fu-  
15 rent mort en bon couvenant. Et fu la ville prise,  
pillie et robée, et tous li avoir aportés et mis ens ès  
vaissiaus avoecques les prisonniers. Et puis fu la ville  
toute arse et sans deport. Et retournèrent li Englès  
arrière, et sans damage, en Engleterre, et recordè-  
20 rent au roy leur aventure. Li quelz fu moult joians,  
quant il les vit, et sceut comment il avoient exploi-  
tiet. Si fist à monsieur Gui de Flandres creanter  
se foy et obligier prison. Li quels se tourna englès  
en celle meisme anée, et devint homs au roy d'En-  
25 gleterre. De quoi li contes de Flandres, ses frères, fu  
moult courouciés.

§ 65. Apriès le desconfiture de Gagant, ces nouvelles s'espardirent en pluseurs lieus. Si en furent cil de le partie le roy d'Engleterre tout joiant, et cil

1 Ms. 6477, f° 48 : « Rodais. »

de le partie dou conte tout courouciet. Et disoient bien cil de Flandres que sans raison, hors de leur conseil et volenté, li contes les avoit là mis. Si se passa ensi ceste cose. Qui plus y eut mis, plus y eut perdu, fors tant que d'Artevelle, qui avoit sourmonté tous chiaulz de Flandres et en avoit pris le gouvernement, ne vosist nullement que la besongne se fust autrement portée. Si envia tantost ses messages en Engleterre devers le roy Edowart, en lui recomendant de coer et de foy; et li segnefia que en avant il li consilloit qu'il passast le mer et venist en Anwiers, par quoi il s'aquintast des Flamens, qui moult le desiroient à veoir. Et supposoit assés que, s'il estoit par deçà le mer, ses besongnes en seroient plus clères, et y prenderoit grant pourfit.

Li rois englès à ces parolles entendit volentiers, et fist faire ses pourveances grandes et grosses. Et tantost que cilz yviers fu passés, à l'esté ensieuwant, il monta en mer, bien acompagniés de contes et de barons et d'aulture chevalerie, et passa le mer et arriva en le ville de Anwiers, qui adonc se tenoit pour le duc de Braibant. Si tost c'on sceut qu'il estoit descendus, gens vinrent de tous costés, pour lui veoir et considerer le grant estat qu'il maintenoit. Quant il eut esté assés honnourés et festiés, il eut advis qu'il parleroit volentiers au duch de Braibant, son cousin, au duch de Guerles, son serourge, au markis de Jullers, à monsieur Jehan de Haynau, au signeur de Faulkemont, et à chiaus dont il esperoit à estre confortés, et qui estoient à lui acouvenenciet, pour avoir leur conseil comment et quant il poroient commencer à faire çou qu'il avoient empris. Ensi le

fist. Et vinrent tuit à son mandement à Anwiers, entre le Pentecouste et le Saint Jehan.

Là, furent cil signeur festiét grandement, à le manière d'Engleterre. Apriès, les traist à conseil li  
5 rois, et leur demoustra moult humlement se besogne, et volt savoir d'yaus le certainne intention; et leur pria qu'il s'en volsissent delivrer, car pour çou estoit il là venus, et avoit ses gens tous apparelliés. Se li tourneroit à grant damage, se il ne l'en  
10 delivroient apertement. Cil signeur eurent grant conseil ensamble et lonch, car la cose les estraindoit, et si n'estoient point d'acord. Et toutdis avoient regart sour le due de Braibant, qui n'en faisoit nient bien boine cière, par samblant. Quant il furent longement consilliet, il respondirent au roy Edouwart et  
15 disent : « Chiers sires, quant nous venins ci, nous y venins plus pour vous veoir que pour aultre chose. Si n'estions mies pourveu ne avisé de vous respondre sur ce que requis nous avés. Si nous retrairons  
20 arrière vers nos gens, cescuns vers les siens, et revenrons à vous à un certain jour, quant il vous plaira. Et vous responderons adonc si plainnement, que li coupe n'en demorra point sour nous. »

Li rois vey bien qu'il n'en aroit aultre chose, à  
25 celle fois. Si s'en apaisa atant; et se acordèrent d'une journée estre ensamble pour respondre le milleur avis, apriès le Saint Jehan trois sepmainnes. Mais bien leur moustra li rois englès les grans frès et les grans damages qu'il soustenoit cescun jour pour leur  
30 attente; car il pensoit qu'il fuissent tout pourveu de lui respondre, quant il vint là, si com il estoit. Et leur dist qu'il ne s'en retourroit jamais en Engle-

terre, jusques adonc qu'il saroit leur intention tout plainnement. Sur ce, cil signeur se departirent. Li rois demora tous quois en l'abbeye Saint Bernard, jusques apriès le journée. Li aucun des signeurs et des chevaliers d'Engleterre demorèrent en Anwiers, 5 pour lui faire compaignie. Li aultre aloient esbaniant et esbatant parmi le pays, à grans frais, li uns à Brouxelles, li aultres en Haynau, li pluseur aval les bonnes villes de Flandres, là où il estoient durement bien venu et bien festiét. Li dus de Braibant 10 s'en ala à le Leuvre, et se tint là un grant temps. Et renvoioit souvent par devers le roi de France, pour lui escuser, et pour prier qu'il ne cruist nulle information senestre encontre lui.

§ 66. Li jours approça et vint que li rois englès 15 attendoit le response de ces signeurs; mais il se fissent souffissamment escuser et mandèrent au roi qu'il estoient tout appareilliet yaus et leurs gens, ensi que couvens estoit, mais qu'il fesist tant au duch qu'il se apparillast, qui estoit li plus proçains, et qui le 20 plus froidement, ce leur sambloit, se apparilloit. Et ossi tost qu'il saroient de certain que li dus seroit apparilliés de mouvoir, il se mouveroient et seroient ossi tost au commencement de le besongne que li dus de Braibant seroit. 25

Sus ces responses, li dis rois englès fist tant qu'il parla au duch de Braibant, son cousin, et li demonstra le mandement que cil signeur li avoient mandet. Si le pria en amisté et requist, par linage, qu'il se volsist sour ce aviser, par coi nulle deffaute n'en fust 30 trouvée en lui, car il, endroit de lui, se apercevoit

bien que il se apparilloit froidement. Et se il n'en faisoit aultre cose, il doubtoit qu'il ne perdist l'ayde et confort de ces signeurs d'Alemagne, par le defaute de lui. Quant li dus oy çou, il en fu tous confus et dist qu'il s'en consilleroit. Quant il fu longement consilliés, il respondi au roy qu'il seroit assés tost apparilliés, quant besoins en seroit; mès il aroit ançois parlé à tous ces aultres signeurs, et leur prioit qu'il volsissent estre à Halle, ou à Destre, en-  
10 contre lui.

Quant li rois englès veï çou, il perchut bien qu'il n'en aroit aultre cose, et que li courouciers ne li pooit riens valoir; si accorda au duch son pourpos, et dist qu'il envoieiroit encores à ces signeurs certains mes-  
15 sages de par lui qu'il fuissent, à une journée certaine, contre lui, là où il leur plairoit le mieus. Ensi se departirent li rois et li dus d'ensamble. Message furent envoiet devers les signeurs de l'Empire, et li certains jours assignés qu'il venroient : ce fu à  
20 le Nostre Dame mi aoust. Et fu mis et assis cilz parlemens par tous communs acors, à Halle, pour le cause dou jone conte de Haynau, monsieur Guillaume, et fu avoech monsieur Jehan de Haynau, son oncle.

25 § 67. Quant cil signeur de l'Empire furent assamblé, si com dessus est dit, en le ville de Halle, il eurent grant parlement et lonch conseil, car li besongne leur estraindoit durement; à envis poursievoient leurs couvenans, et à envis en deffalloient pour leur  
30 honneur. Quant il furent très longement consilliet, il respondirent d'un acord au roi englès, et disent

ensi : « Ciers sires, nous nos sommes longement consilliet, car vostre besongne nous est assés pesans. Car nous ne veons mies, tout considéré, que nous aions point de cause de deffier le roi de France à vostre occoison, se vous ne pourchaciés que vous aiiés l'acord de l'Empereur, et qu'il nous commande que nous deffions le roi de France de par lui, car il ara bien droite ocquison et vraie par raison, si com nous vous dirons. Et, de donc en avant, ne demorra nulle deffaute en nous que nous ne soions apparilliet de faire ce que prommis vous avons sans nulle excuse. La cause que li Emperères poet avoir de deffier le roi de France est tèle. Il est certain que convenenciet a esté de lonch temps, et seelet et juret, que li rois de France, quiconques le soit, ne puet ne ne doit tenir ne acquerre riens sus l'Empire. Et cilz rois Phelippes, qui à present règne, a fait le contraire contre son sairement. Car il a acquis le chastiel de Crievecuer, en Cambresis, et le chastiel de Alues, en Pailluel, et pluseurs aultres hyretages, en le ditte conté de Cambresis, qui est terre de l'Empire et haus fiés et relevée de l'Empereur, et l'a attribuet au dit royaume de France. Par quoi li Emperères a bien cause de lui deffier et de faire deffier par nous qui sommes<sup>1</sup> si soubgès : si ques nous vous prions et consillons que vous y voelliés painne mettre au pourcacier son acord, pour nostre pais et honneur. Et nous y metterons painne volentiers au pourcacier aussi, à nostre loyal pooir. »

1. On lit dans le ms. 6477, f° 50 v°, après : « sommes », « ai sommes », répétition qui ne se retrouve pas dans le ms. de Gaignières, f° 33 v°, et qu'il faut sans doute attribuer à une distraction du copiste.

Li rois englès fu tous confus quant il oy ce raport, et bien li sambla que ce fust uns detriemens. Et bien pensa que ce venoit de l'avis le duch de Braibant, son cousin, plus que des aultres. Toutes voies, il  
 5 considera assés qu'il n'en aroit aultre chose, et que li courechiers ne li pooit riens valoir. Si en fist meilleur samblant qu'il peut, par emprunt, et leur dist : « Certes, signeur, je n'estoie mies avisés de ce point; et se plus tost en fusse avisés, je en ewisse volen-  
 10 tiers fait par vostre conseil, et encores voel faire. Si m'en aidies à consillier, selonch ce que je sui deçà le mer en estragne pays apassés. Et si y ay longement sejourné, et à grant fret. Si m'en voellies donner bon conseil, pour vostre honneur et pour le miène.  
 15 Car saciés, se jou ay en ce cas nul blasme, vous n'i poés avoir honneur. »

§ 68. Longe cose seroit à raconter tous leurs consaulz et toutes leurs parolles. Acordé fu entre yaus, à le parfin, que li marchis de Jullers iroit parler à  
 20 l'Empereur; et iroient des chevaliers et des clers le roy avec lui, et dou conseil [du duc<sup>1</sup>] de Guerles ossi, et feroient le besongne à le meilleur foy qu'il poroient. Mais li dus de Braibant n'i volt point envoier, mais presta le chastiel de Louvaing au roy,  
 25 pour demorer, s'il li plaisoit, jusques à l'estet; car li rois leur avoit bien dit que nullement il ne s'en retourneroit en Engleterre, car hontes et virgongne li seroit, s'il s'en retournoit sans avoir fait partie de sen emprise, de quoi si grant fame estoit, se li deffaute

1. Ms. de Gaignières, f° 34. — Ms. 6477, f° 50 v° (lacune).



et negligense n'en demoroit en yaus. Et leur dist qu'il manderoit le jone royne se fame, et tenroient leur hostel ens ou chastiel de Louvaing, puis que li dus, ses cousins, li avoit offiert. Ensi se departi cilz parlemens, et creantèrent tout cil signeur, li un en le presence de l'autre, que jamais il ne querroient nulle excusance ne detriement que, de le feste Saint Jehan Baptiste, qui seroit l'an mil trois cens trente neuf, en avant, il seroient ennemi au roy Phelippe de France, et seroit cescuns apparilliés, ensi que promis avoit. Cescuns en rala en son lieu. Li marcis de Jullers meut à toute se compagnie pour aler vers l'Empereur. Si le trouvèrent à Floreberg.

Pourquoi feroi je lonch sermon de leurs parolles, ne de leurs requestes? Je ne les saroie raconter toutes entièrement, car je n'i fui mies. Mais li dis marcis de Jullers parla si gracieusement à monsigneur Loeis de Baivière, empereur de Romme pour le temps, qu'il fisent toutes leurs besongnes et ce pour quoi il estoient là alet. Et y rendi ma dame Margerite de Haynau, sa femme, grant painne. Et fu adonc li marcis de Jullers fais marcis de Jullers, qui en devant estoit contes de Jullers; et li dus de Guerles, qui estoit appellés contes, fais dus de Guerles. Et le impetrèrent ceste augmentation de nom ses gens qui là estoient. Et ossi li Emperères donna commission à quatre chevaliers et à deus clers de droit, qui estoient de son conseil, et pooir de faire le roy englès son vicaire par tout l'Empire; et li donna grasse par quoi il peuist faire monnoie d'or et d'argent, el nom de lui, et commandement que cescuns de ses soubgès obeisist à lui, comme au vicaire et comme à lui meismes. Et

de ce prisent li dessus dit instrumens publiques, confremés et saïellés souffissamment de l'Empereur. Quant li dis marcis de Jullers eut fait toutes ses besongnes, il et se compagnie se misent au retour.

- 5 § 69. En ce temporal, li jones rois David d'Escoce, qui avoit perdu grant partie de son royaulme, et ne le pooit recouvrer, pour l'effort dou roy d'Engleterre, son serourge, se parti d'Escoce priveement avoech le royne sa femme, et se misent en mer; si  
 10 arrivèrent à Boulongne. Et puis fissent tant qu'il vinrent en France, et droitement à Paris, où li rois Pheppes se tenoit pour le temps, attendans tous les jours que deffiances li venissent dou roy englès et des signeurs de l'Empire, selonch chou qu'il estoit infourmés.
- 15 De la venue dou roi d'Escoce fu li rois de France moult resjoys, et le conjoy grandement, pour tant qu'il en entendoit à avoir bon confort. Car bien veoit li rois de France et ooit dire tous les jours que li rois d'Engleterre se apparilloit, quanqu'il pooit,  
 20 pour lui guerroiier, et pour lui oster de son royaume, se il pooit : si ques, quant li rois d'Escoce li eut remoustré sa besongne et sa neccessité, et en quel istance il estoit là venus, il fu tantost tous aquintés de lui, car moult bien se savoit acointier de chiaus dont  
 25 il esperoit à avoir pourfit, ensi que pluseur grant signeur sèvent faire. Se li presenta ses chastiaus pour sejourner à se volenté, et de son avoir pour [despendre<sup>1</sup>], mais qu'il ne volsist faire nul acord ne pais au roi d'Engleterre, fors par son conseil.

1. Ms. de Gaignières, f° 34 v°. — Ms. 6477, f° 51 v°. « deffendre. »

Li jones rois d'Escoce reçut en grant gré ce que li rois de France li offri, et li creanta ce qu'il requist tout plainnement. Si sambla adonc au roi de France que c'estoit grans confors pour lui, et grans contraires pour le roi d'Engleterre, se il pooit tant faire que li seigneur et baron, qui estoient demoret en Escoce, vosissent et peussent si ensonnuer les Englès qu'il n'en peüst venir par deça le mer, se petit non, pour lui grever, ou qu'il couvenist le roi d'Engleterre repasser, pour garder son royaume. Pour ce et en celle intention, il retint ce jone roy d'Escoce et la royne sa femme dalés lui, et les soustint par lonch temps, et leur fist delivrer quanqu'il leur besongnoit, car d'Escoce leur venoit il assés petit, pour leur estat parmaintenir. Et envoya li dis rois de France grans messages en Escoce à ces signeurs et barons, qui là guerrioient contre les garnisons dou roy d'Engleterre; et leur fist offrir grant ayde et grant confort, mais qu'il ne volsissent faire pais ne donner nulles triewes as Englès, se ce n'estoit par se volenté et par son conseil, et par le volenté et conseil de leur seigneur le roy d'Escoce, qui tout ce li avoit juret et prommis à tenir.

Sus les lettres et requestes dou roy de France, chil seigneur d'Escoce se consillièrent. Quant il furent bien consilliet, et il eurent consideret parfaitement toutes leurs besongnes, et le dure guerre qu'il avoient as Englès, il s'i acordèrent liement, et le jurèrent et seellèrent avoech le roy leur seigneur. Ensi furent les alliances de ce temps faites entre le roy Phelippe de France et le roi David d'Escoce, qui se tinrent fermes et estables un lonch temps. Et envoya li dis rois de

France gens d'armes en Escoce, pour guerrier les Engles. Et par especial messires Ernoulz d'Andrehen, qui puis fu mareschaus de France, et li sires de Garenrières, avoech pluseurs chevaliers et escuiers, y  
5 furent envoiet, et y fissent tamainte belle apertise d'armes, si com vous orés avant en l'ystore. Or me tairai à present de ceste matère, et me retrairai à nostre matère devantrainne.

§ 70. Quant li rois Edowars et li aultre signeur à  
10 lui alloiet se furent parti del parlement, si com vous avés oy, li rois se retraist à Louvaing, et fist apparillier le chastiel pour demorer. Et manda à le [roine'] Phelippe, sa femme, se elle voloit venir par deça le mer, ce li plairoit bien, car il ne pooit de là rapasser  
15 toute celle anée. Et renvoia grant fuison de ses chevaliers outre, pour garder son pays, meismement sus le marce d'Escoce. La royne dessus ditte prist en grant plaisance les nouvelles dou roy, son signeur, et se apparilla, au mieus et au plus tost que  
20 elle peut, pour rapasser le mer. Entrues que ces besongnes se detrioient, li aultre chevalier engles, qui estoient en Braibant dalés le roy, s'espardirent aval le pays de Flandres et de Haynau, en tenant grant estat et en faisant grans frais. Et n'espargnoient ne  
25 or ne argent, non plus qu'il leur pleüst des nues, et donnoient grans jeuiaus as signeurs, as dames et as damoiselles, pour acquerre le grasce et le loenge de ceulz et de celles entre qui il conversoient; et tant faisoient qu'il l'avoient de tous et de toutes, et meis-

1. Ms. de Caignières, f° 35. — Ms. 6477, f° 52 : « roy. »

mement dou commun peuple à qui il ne donnoient riens, pour le biel estat qu'il menoient.

Or revinrent de l'empereur monsigneur Loéis de Baivière, environ le Toussains, li marcis de Jullers et se compagnie. Si segnefia et escrissi, par certains chevaliers, au roy Edouwart de sa venue, et li manda 5  
ossi que, Dieu merci, il avoit bien exploitié. De ces nouvelles fu li rois tous joians, et rescrissi au dit marcis que, à le feste Saint Martin, il fust devers lui, et que à ce jour tout li aultre seigneur y seroient. 10  
Avoech tout çou, li rois englès se consilla au duc de Braibant, son cousin, et li demanda où il voloit que cils parlemens se tenist. Li dus fu avisés de respondre, et ne volt mies adonc qu'il fust en son pays; et si ne volt mies aler jusques à Tret, où la journée 15  
eust esté bien seans, pour le cause des signeurs de l'Empire. Ains ordonna et volt que elle fust assise à Herkes, qui siet priès de son pays, en le conté de Los. Li rois englès, saciés, avoit si grant desir de se besongne avancier, qu'il li couvenoit poursiewir et 20  
attendre tous les dangiers et les volentés le duch, son cousin, puisqu'il s'i estoit embatus; et se acorda à çou que li journée fu assignée à Herkes. Si le fist savoir à tous ses alloiiés, qui tout y vinrent à son mandement, au jour de le Saint Martin. 25

Quant tout furent là venu, saciés que li ville fu durement plainne de signeurs, de chevaliers et d'es-cuiers, et de toutes aultres manières de gens. Et fu li halle de le ville, là où on vendoit pain et char, qui gaires ne valoit, encourtinée de biaux draps 30  
comme la cambre le roy. Et fu li rois englès assis, le couronne d'or moult rice et moult noble sus son

- chief, plus hault cinq piés que nulz des aultres, sur un banc d'un boucier, là où il vendoit et tailloit se char. Onques tèle halle ne fu à si haute honneur. Là endroit, par devant tout le peuple qui là estoit, et
- 5 par devant tous les signeurs, furent leutes les lettres l'Empereur, par les quèles il constituoit le roi d'Engleterre Edouwart son vicaire et son lieutenant pour lui, et li donnoit pooir de faire droit et loy à cascun, el nom de lui, et de faire monnoie d'or u d'argent,
- 10 ossi el nom de lui. Et commandoit par ses dittes lettres à tous les princes de son Empire, et à tous aultres à lui soubgès, qu'il obeisissent à son vicaire comme à lui meismes, et li fesissent feaulté et hommage comme au vicaire de l'Empire.
- 15 Quant ces lettres furent leutes, cescuns des signeurs fist feaulté et sairement au roi englès, comme au vicaire de l'Empereur. Et tantost, là endroit, fu clamet et respondut entre parties, comme devant l'Empereur, et jugiet droit à le semonse de lui. Et fu
- 20 là endroit renouvez et affremés uns jugemens et estatus, qui avoit estet fais en le court de l'Empereur dou temps passet, qui telz estoit : que, qui voloit altrui grever ou porter damage, il le devoit segnefier souffissamment, trois jours devant son fait; et
- 25 qui aultrement le feroit, il devoit estre attains com de mauvais et de villain fait. Chilz estatus sambla estre bien raisonnables à cescun, mais je ne croimies que de puis il ait estet par tout bien gardés. Quant tout çou fu fait, li signeur se departirent et
- 30 creantèrent li uns à l'autre de estre apparilliet sans delay à toutes leurs gens, ensi que couvenenciet estoient, trois sepmainnes apriès le Saint Jehan, pour

aler devant Cambray, qui doit estre de l'Empire, et estoit tournée par devers le roy de France.

§ 71. Ensi se departirent cil signeur; cescuns en rala en son lieu. Et li rois Edouwars, vicaires de l'Empire, s'en revint à Louvaing, dalés ma dame la 5  
 royne sa femme, qui nouvellement estoit là venue à grant noblèce, et bien acompagnie de dames et de damoiselles. Si tinrent à Louvaing leur tinel moult honnourablement, tout cel yvier. Et fist faire monnoie d'or et d'argent en Anwiers, à grant fuison. 10  
 Mais pour ce ne cessa mies li dus de Braibant de renvoyer songneusement devers le roy de France monsieur Loeis de [Cranehen<sup>1</sup>], son plus especial chevalier et conseiller, en lui excusant. En le fin, il le fist demorer tout quoi dalés le roy. Et li carga et 15  
 enjoindi expressement que toutdis il l'escusast devers le roy, et contredesist toutes informations qui pooient venir au dit roi à l'encontre de lui. Li dis monsieur Loeis n'osa escondire le commandement del duch son signeur; ains en fist toutdis bien son 20  
 devoir, à son pooir. Mais au darraïn il en eut povre guerredon, car il en morut en France de duel, quant on vei apparamment le contraire de ce dont il escusoit le duch si certainement; et en devint si confus qu'il n'en volt onques puis retourner en Braibant. Si 25  
 demora tous cois en France, pour lui oster de sous-peçon, tant qu'il vesqui : ce ne fu pas longement, si com vous orés en avant recorder en l'ystore.

1. Ms. de Mouchy-Noailles, f° 35 v° — Ms. 6477 f° 53 : « Cravehen. »

§ 72. Or passa cilz yviers; li estés revint; li feste Saint Jehan Baptiste approça. Chil signeur d'Alemaigne se commencièrent à apparillier, pour achiever leur emprise. Li rois de France se pourvei à l'en-  
5 contre, car il savoit partie de leur entente, comment qu'il n'en fust point encores deffiés. Li rois englès fist toutes ses pourveances faire en Engleterre, et ses gens d'armes apparillier et apasser par deça le mer, si tost que li Saint Jehan fu passée. Et se ala tenir il  
10 meismes à Vilvort; et faisoit ses gens, ensi qu'il apassoient oultre et qu'il venoient, prendre hostelz en le ville de Vilvort. Et quant li ville fu plainne, il les fist logier contreval ces biaux prés, selonch le rivière, en tentes et en trés. Et là se logièrent il et de-  
15 morèrent, de le Magdelainne jusques apriès le Nostre Dame en septembre, en attendant de sepmainne en sepmainne le venue des aultres signeurs, et par especial celle dou duch de Braibant, apriès qui tout li aultre s'attendoient. Quant li rois englès vei que cil  
20 signeur ne venoient point ne apparilliet estoient, il envoa certains messages viers çascun, et les fist semondre, sour leur creant, qu'il venissent sans nul delai, ensi que creanté avoient, ou il venissent au jour Saint Gille pour parler à lui en le ville de Malignes,  
25 et lui dire pour quoi il targoient tant.

Li rois Edouwars sejournoit à Vilvort à grant fret, ce puet çascuns savoir, et perdoit son temps; se li anioit, et ne le pooit amender. Il soustenoit tous les jours sous ses frès bien seize cens armeures de fier,  
30 fleur de gens, tous venus de oultre le mer, et bien dix mille arciers, sans les aultres poursiewans à çou apertenans. Se li pooit bien ce peser, avoech le grant



tresor qu'il avoit donnet à ces signeurs qui ensi le detrioient par parolles, ce li pooit bien sambler, et avoecques les grandes armées qu'il avoit establis sour mer contre Geneuois, Normans, Bretons, Pikars et Espagnolz, que li rois Phelippes faisoit gesir et nager sour mer à ses gages, pour les Englès grever; dont messires Hues Kierés, messires Pières Bahucés et Barbevaires estoient amiraut et conduiseur, pour garder les destrois et les passages entre Engleterre et France. Et n'attendoient cil dessus dit escumeur de mer aultre cose que les nouvelles leur venissent que li rois englès, si com on supposoit, eüst deffiet le roy de France, qu'il enteroient en Engleterre, où que ce fust, il avoient jà aviset ù et comment, pour porter au pays grant damage.

5

10

15

§ 73. Quant cil signeur d'Alemaigne, à le semonse dou roi englès, li dus de Braibant et messires Jehans de Haynau vinrent à Malignes, il n'amenèrent pas leurs gens avoech yaus, ne leurs pourveances, pour hostoier; mais se traient par devers le roy, pour parlementer encores un petit ensamble. Et là il s'accordèrent communement, apriès tout plain de parolles, que li rois englès pooit bien mouvoir à le quinsainne après ou environ, et seroient adonc tout appareilliet. Et pour tant que leur guerre fust plus belle, et que bien apertenoit à faire, puis qu'il voioient guerroiier le roi de France, il se acordèrent de envoier les deffiances au roi Phelippe : premierement, li rois d'Engleterre Edouwars, qui se fist chiés de tous et de chiaus de son royaume, ce fu raisons, aussi li dus de Guerles, li marcis de Jullers, messires

20

25

30

Robers d'Artois, messires Jehans de Haynau, li mar-  
cis de Misse et d'Eurient, li marcis de Blankebourne,  
li sires de Fauquemont, messires Ernoulz de Bakehen,  
li archevesques de Coulongne, messires Galerans, ses  
5 frères, et tout li signeur de l'Empire, qui chief se  
faisoient de le besongne avoech le roi englès. Si fu-  
rent ces deffiances escriptes et seellées de cescun, ex-  
cepté dou duch Jehan de Braibant, qui encores s'es-  
cusa, et ne se volt mies adonc conjoindre en ces  
10 deffiances, et dist qu'il feroit son fait à par lui, à  
tamps et à point. De ces deffiances apporter en France  
fu priiés et cargiés li evesques de Lincolle, qui bien  
s'en acquitta, car il les aporta à Paris, et fist son  
message bien et à point, tant qu'il ne fu de nullui  
15 repris ne blamés. Et li fu delivrés un saufconduis  
pour retourner arrière devers le roy, son signeur,  
qui se tenoit à Malignes.

Or vous voel je parler de deus grans entrepresures  
d'armes que messires Gautiers de Mauni fist, en le  
20 propre sepmainne que li rois de France fu deffiés.  
Si tretost comme il peut sentir et percevoir que li  
rois de France devoit ou pooit estre deffiés, il pria  
et cueilla environ quarante lances de bons compa-  
gnons seurs et hardis, et chevauçà tant de nuit que  
25 de jours, qu'il vint en Haynau, et se bouta ens ès  
bos de Blaton. Et encores ne savoit nulz quel cose il  
voloit faire, mès il s'en descouvri là à aucuns de ses  
plus secrès, et leur dist qu'il avoit prommis et voé  
en Engleterre, present dames et signeurs, que ce se-  
30 roit li premiers qui enteroit en France et y feroit  
guerre, et prenderoit chastiel ou forte ville, et y fe-  
roit aucune apertise d'armes : si estoit sen entente

que de chevaucier jusques à Mortagne, et de sousprendre le ville qui se tient dou royaume.

Chil à qui il s'en descouvri li acordèrent liement. Adonc recenglèrent il leurs chevaux et restraïndirent leurs armeures, et chevaucièrent tout sieret, et passèrent les bos de Blaton et de Brifuel, et vinrent droit à un ajournement, un petit devant soleil levant, à Mortagne. Si trouvèrent d'aventure le guicet ouvert. Adonc descendirent il messires Gautiers de Mauni tout premiers, et aucuns des compagnons, et entrèrent en le porte tout quoïement, et establirent aucuns des leurs pour garder le porte, par quoi il ne fussent souspris; et puis s'en vinrent tout contreval la rue, messires Gautiers de Mauni et son pennon tout devant, devers le grosse tour et les chaingles. Si le cuidièrent ossi trouver mal gardée, mais il fallirent à leur entente, car les portes et li guicet estoient fremet bien et estroitement. Ossi la gette dou chastiel oy la friente et les perçut de sa garde. Si fu tous esbahis, et commença à sonner et à corner en sa buisine : « Trahi! trahi! » Si esvillièrent toutes gens et li saudoïier dou chastiel, mais point ne vuidièrent de leur fort.

Quant messires Gautiers de Mauni senti les gens de Mortagne esmouvoir, il se retraist tout bellement devers le porte, mais il fist bouter le feu en le rue contre le chastiel, qui tantost s'esprist et aluma. Et furent bien à ceste matinée soixante maisons arses, et les gens de Mortagne moult effraet, car il cuidièrent estre tout pris. Mais li sires de Mauni et ses gens se partirent de le ville, et chevaucièrent arrière devers Condet, et passèrent là l'Escaut et le rivière

de le Haine; et chevaucièrent le chemin de Valenciènes et le costiièrent à le droite main, et vinrent à Denaing, et se rafreschirent en l'abbeye. Et puis passèrent oultre devers Bouchain, et firent tant au  
5 chastellain de Bouchain que les portes leur furent ouvertes, et passèrent là une rivière qui y keurt, qui se refiert en l'Escaut, et vient d'amont devers Alues, en Pailluel.

Après ce, quant il furent tout oultre Bouchain et  
10 le rivière, ils'en vinrent à un fort chastiel, qui se tenoit de l'evesque de Cambrai et de Cambresis, et l'appelloit on Thun l'Evesque, et siet sus le rivière d'Escaut. En che chastiel, n'avoit adonc nulle garde souffissans, car li pays ne cuidoit nient estre en  
15 guerre. Si furent cil de Thun soubdainnement surpris, et li chastiaus pris et conquis, et li chastelains et sa femme dedens. Et en fist li sires de Mauni une bonne garnison, et y ordonna à demorer un sien frère chevalier, qui s'appelloit messires Gilles de  
20 Mauni, c'on dist Grignart, li quelz fist de puis ce jour pluseurs destourbiers à chiaus de Cambresis et de le cité de Cambrai, car li chastiaus siet à une lieue de Cambrai. Quant messires Gautiers de Mauni eut fait ses emprises, il s'en retourna francement en Brai-  
25 bant devers le roy englès, son signeur, et le trouva à Malignes; se li recorda une partie de ses chevaucies. Li rois les oy volentiers et les retint à grant vasselage.

§ 74. Vous avés bien ci dessus oy recorder sus  
30 quel estat li signeur de l'Empire se partirent dou roy englès et dou parlement qui fu à Malignes, et com-

ment il envoièrent deffier le roy de France. Sitos  
que li rois Phelippes se senti deffiiés dou roy englès  
et de tous ses alloiiés, il vei bien que c'estoit acertes  
et qu'il aroit le guerre. Si se pourvei selonch ce bien  
et grossement, et retint gens d'armes et saudoiers à 5  
tous lés, et envoa grans garnisons en Cambresis, car  
il pensoit bien que de[ce']costé il aroit premiere-  
ment l'assaut. Et envoa monsieur le Galois de  
le Baume, un bon chevalier de Savoie, dedens  
Cambrai, et l'en fist chapitaine, avoecques monsi- 10  
gneur Thiebaut de Moruel et le signeur de Roie. Et  
estoit bien, Savoiien que François, deux cens lan-  
ces. Et envoa encores li dis rois Phelippes saisir le  
conté de Pontieu, que li rois d'Engleterre avoit tenu  
en devant de par ma dame, se mère. Et manda et 15  
pria à aucuns signeurs de l'Empire, telz que le conte  
de Haynau, son neveu, le duch de Loerainne, le  
conte de Bar, l'evesque de Mès, l'evesque de Liège,  
monsieur Aoulz de le Marce, que il ne fesissent  
nul mauvais pourcach contre lui ne à son royalme. 20  
Li plus de ces signeurs li mandèrent que ossi ne fe-  
roient ilz. Et adonc li contes de Haynau li rescrisi  
moult courtoisement et li segnefia qu'il seroit appa-  
reilliés à li et à son royalme à aidier, à deffendre et  
à garder contre tout homme. Mais, se li rois englès 25  
voloit guerrier en l'Empire, comme vicaires et lieu-  
tenans de l'Empereur, il ne li pooit refuser son pays  
ne son confort, car il tient en partie sa terre de  
l'Empereur; se li doit, ou à son vicaire, toute obeis-  
sance. De ces rescriptions se contenta li rois de 30

France assés bien, et les laissa passer legierement, et n'en fist nul grant compte, car il se sentoit fors assés pour resister contre tous ses ennemis.

Si tretost que messires Hues Kierés et si compaignon, qui se tenoient sus mer, entendirent que les deffiances estoient, et la guerre ouverte entre France et Engleterre, il en furent tout joiant; si se departirent avoecques leur armée, où il avoit bien vint mille combatans de toutes manières de gens, et singlèrent vers Engleterre, et vinrent un dimence au matin ou havene de Hantonue, entrues que les gens estoient à messe. Et entrèrent li dit Normant et Geneuois en le ville et le prisent et le pillièrent et robèrent tout entirement, et y tuèrent moult de gens, et violèrent pluseurs dames et pucelles, dont ce fu damages; et chargièrent leurs naves et leurs vaissiaus dou grant pillage qu'il trouvèrent en le ville, qui estoit plainne et drue et bien garnie, et puis rentrèrent en leurs nefes. Et quant li flos de le mer fu revenus, il desancrèrent et singlèrent à l'esloit dou vent devers Normendie, et s'en vinrent rafrescir à Dièpe; et là departirent il leur butin et leur pillage. Or retourrons nous au roy englès, qui se tenoit à Malignes, et se apparilloit fort pour venir devant  
25 Cambray.

§ 75. Li rois englès se parti de le ville de Malignes et vint à Brousselles pour parler au duch de Braibant, son cousin, et toutes ses gens passèrent au dehors. Donc s'avalèrent Alemant efforcement, li dus  
30 de Guerles, li marcis de Jullers, li marchis de Blankebourch, li marchis de Misse et d'Eurient, li contes

des Mons, li contes de Saumes, li sires de Fauke-  
mont, messires Ernoulz de Bakehen et tout li si-  
gneur de l'Empire alloiïet au roy englès; et estoient  
bien vint mille hommes. D'autre part, estoit messi-  
res Jehans de Haynau, qui se pourveoit grossement 5  
pour estre en ceste chevaucie, mais il se tenoit dalés  
le conte de Haynau, son neveu. Quant li rois englès  
et messires Robers d'Artois furent venu à Brousselles,  
et il eurent parlé au duc de Braibant assés et de  
pluiseurs coses, il demandèrent au dit duch quelle 10  
estoit se intention, de venir devant, ou dou laissier.  
Li dus à ceste parolle respondi et dist que, si tretost  
que il poroit savoir que il aroit assegié Cambray, il  
se traitoit de ceste part à douze cens lances, bien  
estoffés de bonnes gens d'armes. Ces responses souf- 15  
frent bien au roy englès adonc et à son conseil.

Si se parti li dis rois de Brousselles et passa parmi  
le ville de Nivelle, et là jut une [nuyt']. A l'ende-  
main, il vint à Mons en Haynau, et là trouva le jone  
conte, son serourge, et monsieur Jehan de Haynau, 20  
son oncle, qui le reçurent moult liement, et monsi-  
gneur Robert d'Artois qui estoit toutdis dalés lui et  
de son plus secret conseil, et environ seize ou vint  
grant baron et chevalier d'Engleterre que li dis rois  
menoit avoech lui, pour sen honneur et son estat et 25  
pour lui consillier. Et si y estoit li evesques de Lin-  
colle, qui moult estoit renommés, en ceste chevaucie,  
de grant sens et de proëce. Si se reposa li rois englès  
deux jours à Mons en Haynau, et y fu grandement  
festiés dou dit conte et des chevaliers dou pays. Et 30

1. Ms. de Gaignières, f° 36 v°. — Ms. 6477, f° 56 (lacune).

toutdis passoient ses gens et se logioient sus le plain pays, ensi qu'il venoient, et trouvoient tous vivres apparilliés pour leurs deniers; li aucun paioient et li aultre non.

- 5    Ensi se approchièrent les besongnes dou roy englès, et s'en vint à Valenciènes, et y entra tant seulement li douzime de chevaliers. Et jà y estoient venu li contes de Haynau et messires Jehans de Haynau, ses oncles, li sires d'Enghien, li sires de Fagnuelles, li sires de Wercin, li sires de Haverech, et pluiseur aultre chevalier, qui se tenoient dalés leur signeur, et rechurent le roy englès moult liement. Et l'en mena li dis contes par le main jusques en la
- 10    Salle, qui estoit toute arrée et appareillie pour lui recevoir. Donc il avint que, en montant les degrés de le Salle, li evesques de Lincolle, qui là estoit presens, leva sa vois et dist : « Guillaume d'Ausonne, evesques de Cambrai, je vous amonneste, comme
- 15    procurères de par le roy d'Engleterre, vicaire de l'empereur de Romme, que vous voelliés ouvrir le cité de Cambray; aultrement, vous vos fourfaites, et y enterons de force. » Nulz ne respondi à ceste parolle, car li evesques n'estoit point là presens. Encores parla li dis evesques de Lincolle et dist : « Con-
- 20    tes de Haynau, nous vous amonnestons, de par l'empereur de Romme, que vous venés servir le roy d'Engleterre, sen vicaire, devant Cambrai, à ce que vous devés de gens. » Li contes, qui là estoit, respondi et dist : « Volentiers. » Apriès ces parolles, il
- 25    entrèrent en le Salle et menèrent le roy englès en sa cambre. Assés tost apriès, fu li sopers appareilliés, qui fu grans et biaux et bien ordonnés. A l'ende-
- 30



main, au matin, se parti li rois englès de Valenciennes, et s'en vint à Haspre; et là se loga et reposa deux jours, attendans ses gens qui venoient, dont il en y avoit grant fuison, tant d'Engleterre comme d'Alemagne.

5

§ 76. Quant li rois englès eut esté deux jours à Haspre, et que là moult de ses gens furent passet et venu à Nave et là environ, il s'en parti et s'en vint devers Cambray, et se loga à Yvuis, et assega la cité de Cambray de tous poins, et toutdis li croissoient 10 gens. Là vint li jones contes de Haynau en très grant arroy, et messires Jehans de Haynau, ses oncles, et se logièrent assés priès dou roy; apriès, li dus de Guerles et ses gens, li marchis de Jullers et se route, li marchis de Misse et d'Eurient, li marcis de Blan- 15 kebourch et leurs routes, li contes des Mons, li contes de Saumes, li sires de Faukemont, messires Ernoulz de Bakehen, et ensi tout li aultre; et toutdis leur croissoient gens.

Au sixime jour que li rois englès et tout cil si- 20 gneur se furent logiet devant Cambray, vint li dus de Braibant en l'ost, moult estoëement et en grant arroy. Et avoit bien neuf cens lances, sans les aultres armeures de fer, dont il avoit grant fuison. Et se loga devers Ostrevan sus l'Escaut, et fist on un pont sus 25 le rivière, pour aler de l'une host à l'autre. Lors que li dus de Braibant fu venus, il envoya deffier le roy de France qui se tenoit à Compiègne. De quoi messires Loys de Cranehen, qui toutdis l'avoit escuset, en fu si confus qu'il en morut de duel, dont ce fu 30 damages pour ses amis.

Che siège durant devant Cambray, il y eut plusieurs assaus, escarmuces et paletis. Et chevaüçoient par usage messires Jehans de Haynau et li sires de Fauquemont ensamble : dont il ardirent et foulèrent  
5 durement le pays. Et vinrent cil seigneur, un jour, et leurs routes, où il avoit bien cinq cens lances et mille aultres combatans, au chastiel de Oisi, en Cambresis, et y livrèrent un très grant assaut. Et, se ne fuissent li chevalier et li escuier qui dedens estoient,  
10 il l'eussent pris et de force. Mais si bien se deffendirent cil de dedens, qui là estoient de par le seigneur de Couci, qu'il n'eurent point de damage. Et retournèrent li dessus dit seigneur et leurs routes en leurs logeis.

15 § 77. Encores ce siège durant par devant Cambray, vint par un samedi li contes Guillaumes de Haynau, qui estoit moult bachelereus, à tout chiaus de son pays, dont il y avoit très bonne gent devant le cité de Cambray, à le porte de Saint Quentin, et y livra  
20 grant assaut. Et là fu Jehans Chandos, qui adonc estoit escuiers très appers et bons bachelers, et se jetta entre les barrières et le porte oultre au lonch d'une lance; et là se combati à un escuier de Vermendois moult vaillamment, qui s'appelloit Jehans de Saint  
25 Digier. Et fisent adonc li uns sus l'autre plusieurs belles aperises d'armes. Et conquisent de force li Haynuier le baille. Et là estoit li contes de Haynau, en très bon couvenant, et ses seneschaus messires Gerrars de Wercin, et messires Henris d'Antoing et  
30 tout li aultre qui s'avançoient et enventuroient hardiement pour leur honneur.

A une porte, c'on dist le porte Robert, estoient li sires de Byaumont, li sires de Fauquemont, et messires Gautiers de Mauni et leurs gens, et y fisent un très fort et dur assaut. Mais, se il assalloient fortement et durement, chil de Cambray, et li saudoier 5 que li rois de France y avoit ossi envoiiés, se deffendoient vassaument et par grant avis. Et fisent tant que li dessus dit assallant n'i conquissent riens, mais retournèrent bien lasset et bien batu à leurs logeis; si se desarmèrent et pensèrent dou reposer. Et vint 10 là li jones contes Guillaumes de Namur servir le conte de Haynau, par prière; et disoit qu'il se tenroit de leur partie bien et volentiers, tant qu'il seroient sus l'Empire; mais, si tretost qu'il enteroient sus le royaume de France, il s'en iroit devers le roy 15 Phelippe qui l'avoit retenu ossi. C'estoit li intentions dou conte de Haynau; et commandoit estroitement à ses gens que nulz, sus le hart, ne fourfesis riens au royaume de France.

§ 78. Entrues que li rois d'Engleterre seoit devant 20 le cité de Cambray, à bien quarante mille hommes, et que moult les constraindi d'assaus et de pluseurs fais d'armes, faisoit li rois Phelippes de France son mandement à estre à Perronne, en Vermendois, et là environ, car il avoit intention de chevaucier 25 contre les Englès, qu'il sentoit moult efforcement en Cambresis. Donc les nouvelles en vinrent en l'ost d'Engleterre, que li rois Phelippes faisoit un grant amas des nobles de son royaume. Si regarda li rois 30 englès et considera pluseurs coses. Et se consilla principalement à chiaus de son pays, et à monsigneur

Robert d'Artois, en qui il avoit moult grant fiance; et leur demanda lequel il estoit le milleur à faire, ou d'entrer ou royaume de France et venir contre son adversaire le roy Phelippe, ou de lui tenir devant

5 Cambray, tant que par force il l'eüst conquise.

Li signeur d'Engleterre et ses estrois consaulz imaginèrent pluseurs coses, et regardèrent que la cité de Cambray estoit malement forte, et bien pourveue de gens d'armes et d'artillerie, et ossi de tous vivres,

10 selonch leur espoir, et que longe cose seroit de là tant sejourner et estre que il l'eüssent conquis. Dou quel conquès il n'estoient mies encores bien certain. Et si approçoit li yviers, et si n'avoient encores fait nul fait d'armes, ne apparant n'estoit dou faire, et

15 sejournoient là à grant frait. Se li consillièrent, tout considéré, que il se deslogast et chevauçast avant ou royaume. Là trouveroient il largement à vivre et mieus à fourer.

Cilz consaulz fu creus et tenus. Donc s'ordonnèrent tout li signeur à deslogier, et fissent tourser tentes et trés et toutes manières de harnois. Et se deslogièrent tout communalment, et se misent à voie et chevaucièrent devers le Mont Saint Martin, qui à ce costé est li entrée de France. Et chevauçoient ordeneement, et par connestablies, cescuns sires entre

25 ses gens. Et estoient marescal de l'host englesce li contes de Norhantonne et de Clocestre et li contes de Sufforc, et connestables d'Engleterre li contes de Warvich. Et passèrent assés priès dou Mont Saint

30 Martin, li Engles, li Alemant et li Braibençon le rivière d'Escaut, tout à leur aise, car elle n'est mies là endroit trop large.

§ 79. Quant li contes de Haynau eut conduit et acompagné le roy d'Engleterre jusques au departement de l'Empire, et qu'il devoit passer l'Escaut et entrer ou royaume, il prist congiet à lui et li dist, tant qu'à celle fois, il ne chevauceroit plus avoec- 5  
ques lui; et que il estoit priés et mandés dou roy, son oncle, à cui il ne voloit point de hayne, mais l'iroit servir ou royaume en tel manière comme il l'avoit servi en l'Empire. Et li rois dist : « Diex y ait part! » Donc se parti li contes de Haynau dou roy 10  
d'Engleterre, et toutes ses routes, et li contes de Namur avoèques lui, et s'en revinrent arrière au Kesnoy. Et donna li contes congiet le plus grant partie de ses gens, mais il lor dist et pria qu'il fuissent tout pourveu, car il voloit aler, dedens brief jour, devers 15  
le roy son oncle. Et il li respondirent que ossi seroient il. Or parlerons nous dou roy d'Engleterre, et de tous ses alloiiés, comment il perseverèrent.

Si tretost que li rois englès eut passet le rivière d'Escaut, et il fu montés sus le royaume, il appella 20  
Henri de Flandres, qui estoit jones escuiers, et le fist là chevalier, et li donna deux cens livres de revenue à l'estrelin çascun an, et li assigna bien et souffissamment en Engleterre. De puis, vint li rois logier en l'abbeye dou Mont Saint Martin, et là se tint par 25  
deux jours; et toutes ses gens estoient espars sus le pays environ lui. Si estoit li dus de Braibant logiés en l'abbeye de Vaucelles,

Quant li rois de France, qui encores se tenoit à Compiègne, entendit ces nouvelles que li rois englès 30  
approçoit Saint Quentin, et estoit logiés sus le royaume, si renforça son mandement par tout, et envoya

son connestable le conte Raoul d'Eu et de Ghines, à tout grant gent d'armes, à Saint Quentin, pour garder le ville et le frontière sus les ennemis, et renvoia le signeur de Couci en sa terre et le signeur de Hen  
5 en le sienne. Et envoa encores grant gent d'armes en Guise et en Ribeumont, à Bohain et as forterèces voisines, sus le royaume, pour les garder des ennemis. Et descendi devers Perronne en Vermendois, à grant fuison de gens d'armes, de dus, de contes et  
10 de barons avoech lui. Et toutdis li croissoient gens de tous lés, et se logoient sus celle belle rivière de Somme, entre Saint Quentin et Peronne.

§ 80. Entrues que li rois englès se tenoit en l'abbeye dou Mont Saint Martin, ses gens couroient tout  
15 le pays là environ jusques à Bapaumes, et bien près de Perronne et de Saint Quentin. Si trouvoient le pays plain et gras, et pourveu de tous biens, car il n'avoient onques mès eu point de guerre. Or avint ensi que messires Henris de Flandres, en se nouvelle  
20 chevalerie, et pour son corps avancier et accroistre sen honneur, se mist un jour en le compagnie et cueilloite de pluseurs bons chevaliers, des quels messires Jehans de Haynau estoit chiés. Et là estoient  
li sires de Faukemont, li sires de Berghes, li sires de  
25 Baudresen, li sires de Kuc et pluseur aultre; tant qu'il estoient bien cinq cens combatans. Et avoient aviset une ville assés priès de là, que on appelle Honnecourt, où li plus grant partie dou pays estoient retret, sus le fiance de le forterèce, et y avoient mis  
30 tous leurs biens. Et jà y avoient esté messires Ernoulz de Bakehén, et messires Guillaumes de Duvort

et leurs routes, mès riens n'i avoient fait. Donc, ensi que par arramie, tout cil signeur dessus nommēt s'estoient queilliet en grant desir de là venir, et de faire lor pooir dou conquerre.

A ce donc avoit dedens Honnecourt un abbet, 5  
de grant sens et de hardie entrepresure, et estoit moult hardis et vaillans homs as armes. Et bien apparut, car il fist, au dehors de le porte de Honnecourt, faire et carpenter en grant haste unes bailles, et mettre et assir au travers de le rue; et y avoit, 10  
entre l'un bauch et l'autre, environ demi piet de crues et d'ouvreture. Et puis fist armer toutes ses gens, et cescun aler as garites, pourveu de pières, de cauch et de tèle artillerie qu'il apertient pour def- 15  
fendre. Et si tretost comme cil signeur dessus nom- met vinrent à Honnecourt, ordonné par bataille, et en grosse route et espesse de gens d'armes durement, il se mist entre les bailles et le porte de le ville, en bon couvenant, et fist le porte de le 20  
ville ouvrir toute arrière, et moustra et fist bien cière et manière de deffense. Là vinrent messires Jehans de Haynau, messires Henris de Flandres, li sires de Faulkemont, li sires de Berges et li aultre, qui se misent tout à piet. Et approcièrent ces bailles, qui estoient fortes durement, cescuns son glave en son 25  
poing. Et commencièrent a lancier, et à jetter grans cops à chiaus de dedens; et cil de Honnecourt, à yaus deffendre vassaument. Là estoit dans abbes, qui mies ne s'espargnoit, mais se tenoit tont devant, en très bon couvenant, et recueilloit les horions 30  
moult vaillamment, et lançoit à le fois ossi grans cops moult apertement. Là eut fait tamainte belle

apertise d'armes, et assaut très dur et très fier, et tamaint homme mort et bleciet, car cil qui estoient as murs et as garittes jettoient contrevail pières et baus et pos plains de cauch, pour plus ensonniier  
5 les assallans. Là estoient li baron et li chevalier devant les barrières, qui y faisoient merveilles d'armes.

Et avint ensi que messires Henris de Flandres, qui se tenoit tout devant son glave empuignié, lançoit  
10 les horions grans et perilleus. De quoi dans abbes, qui estoit fors et hardis, apuigna le glave au dit monsieur Henri. Et tout paumiant et en tirant vers lui, il fist tant que, parmi les fendures des barrières, il vint jusques au brach le dit monsieur  
15 Henri, qui ne voloit mies son glave laisser aler, pour sen honneur. Adonc, quant li abbes tint le brach dou chevalier, il le tira si fort à lui qu'il l'encousi ens ès bailles, jusques as espauls, et [le] tint là à grant meschief, et l'eüst sans faulte sachiet ens, se  
20 les bailles fuissent ouvertes assés. Si vous di que li dis messires Henris ne fu mies, le temps que li abbes le tint, à sen aise, car il estoit fors et durs et le tiroit sans espargnier. D'autre part, li chevalier tiroient contre lui pour rescourre monsieur Henri. Et dura  
25 ceste luite et chilz tireis moult longement, et tant que messires Henris fu durement grevés. Toutes fois, de force, il fu rescous, mais sa glave demora par grant proëce devers l'abbet qui le garda, de puis, moult d'anées, et encores est elle, je croi, en le salle  
30 de Honnecourt. Toute fois, elle y estoit, quant je trettai ce livre, et me fu moustrée, par un jour que je passai par là; et m'en fu recordée la verité et li



manière de l'assaut, comment il fu fais; et le gar-  
doient encores [les moynes<sup>1</sup>] en grant parement.

§ 81. Ce jour eut à Honnecourt moult fier assaut  
et dura jusques au vespre. Et en y eut pluseur des  
assallans mors et blechiés. Et par especial, messires 5  
Jehans de Haynau y perdi un chevalier de Hollan-  
des, qui s'appelloit messires Hamans, et s'armoit à  
une fasse copenée de geules, et à trois fremaus d'a-  
zur ou chief de sen escut. Quant Haynuier, Flamench,  
Englès, Alemant, qui là estoient assallant, veirent le 10  
bonne volenté de chiaus dedens, et qu'il n'i pooient  
riens conquerer, mais estoient batu et navré et  
moult foulé, si se retraisent arrière, sus le soir, et  
emportèrent à leurs logeis les bleciés.

A l'endemain, au matin, se departi li rois englès 15  
dou Mont Saint Martin, et commanda sus le hart, à  
son departement, que nuls ne fesist mal à l'abbeye.  
Ses commandemens fu tenus. Et puis entrèrent en  
Vermendois, et s'en vinrent ce jour logier de haute  
heure droit sus le Mont de Saint Quentin, et là furent 20  
en bonne ordenance. Et les pooient bien veoir cil de  
Saint Quentin, se il voloient; mais il n'avoient nul  
talent de issir hors de le ville. Si vinrent li coureur  
d'Engleterre courir jusques as barrières de Saint  
Quentin, et escarmucier à chiaus qui là se tenoient, 25  
li connestables de France et messires Charles de  
Blois, qui fissent leurs gens ordonner devant les bar-  
rières, et mettre en bon couvenant. Et quant li En-  
glès qui là estoient, li contes de Sufforch, li contes

1. Ms. de Gaignières, f° 38 v° — Ms. 6477, f° 59 (lacune).

de Northantonne, messires Renauls de Gobehen, messires Gautiers de Mauni et pluseur aultre en vè-  
rent le manière, et que riens il n'i pooient gaagner,  
si se retraisent arrière devers l'ost le roy, qui se te-  
noit sus le Mont Saint Quentin, et furent là logiet  
jusques à l'endemain à prime. Si eurent li signeur  
conseil ensamble quel cose il feroient, se ilz se trai-  
roient avant ou royaume, ou se il se retrairoient en  
le Tierasse. [Ce fut conseillé et regardé pour le meil-  
leur, par l'advis du duc de Brebant, qu'ilz se tire-  
roient en'] Tierasse, costiant Haynau, dont les pour-  
veances lor venoient tous les jours; et, se li rois  
Phelippes les sievoit à host, ensi qu'il supposoient  
bien qu'il le feroit, il l'atenderoient en plains camps,  
et se combateroient à lui sans faute.

Adonc se parti li rois englès dou Mont Saint Quen-  
tin, et s'arrouterent toutes ses gens; et chevaucièrent  
en trois batailles moult ordonneement : li mareschal  
et li Alemant avoient le première, li rois englès le  
moienne, et li dus de Braibant la tierce. Si chevauc-  
oient ensi, ardant et essillant le pays, et n'aloient  
non plus de trois ou de quatre lieues le jour, et se  
logoient de haute heure. Et passèrent une route  
d'Englès et d'Alemans le rivière de Somme, desous  
l'abbeye de Vermans, et entrèrent en ce plain pays  
de Vermendois; si l'ardirent et exillèrent moult du-  
rement, et y fisent moult grant damage. Une autre  
route, dont messires Jehans de Haynau, li sires de  
Fauquemont et messires Ernoulz de Bakehen estoient  
chief et meneur, chevaucioient un aultre chemin, et

vinrent à Oregni Sainte Benoite, une ville assés bonne, mais elle estoit foiblement fremée. Si fu tantost prise par assaut, pillie et robée, et une bonne abbeye de dames, qui là estoit et est encores, violée, dont ce fu pités et damage, et la ville fu toute arse. Et puis s'en partirent li Alemant, et chevaucièrent le chemin devers Guise et vers Ribeumont. Si se vint li rois englès logier à Behories, et là se tint un jour tout entier, et ses gens couroient et ardoient le pays de là environ.

Si vinrent nouvelles au roy englès, et as signeurs qui là estoient avecques lui, que li rois de France estoit partis de Perronne en Vermendois, et le approçoit à plus de cent mille hommes. Adonc se parti li rois englès de Behories, et prist le chemin de le Flamengrie, pour venir vers Leschielle en Tierasse. Et si mareschal et li evesques de Lincolle de leur route, à plus de cinq cens lances, passèrent le rivière de Oise à gué, et entrèrent en Laonnois et vers le terre le signeur de Couci, et ardirent le Fère, et Saint Goubain et le ville de Marle, et s'en vinrent un soir logier à Vaus desous Laon. Et l'endemain, il se retraisent devers leur host, car il sceurent de certain, par aucuns prisonniers qu'il prisent, que li rois de France estoit venus à Saint Quentin, et que là passeroit il le rivière de Somme : si se doubterent qu'il ne fussent rencontré. Nonpourquant, à lor retour, il ardirent une bonne ville, o'on dist Creci sus Selle, qui point n'estoit fremée, et grant fuison de ville et de hamiaus là environ.

§ 82. Or vous parlerons de le route monsieur

Jehan de Haynau, où il avoit bien cinq cens combattans. Si s'en vint à Guise, si entra en le ville, et le fist toute ardoir, et abatre les moulins. Dedens le forterèce estoit ma dame Jehane sa fille, femme au  
5 conte Loeis de Blois, qui fu moult effraée de l'arsin et dou couvenant monsieur son père. Et li fist prier que, pour Diu, il se volsist deporter et retraire, et qu'il estoit trop dur consilliés contre li, quant il ardoit l'iretage à son fil le conte de Blois. Nonob-  
10 stant ce, li sires de Byaumont ne s'en volt onques delaiier, si eut fait se entrepresure. Et puis s'en retourna devers l'ost le roy, qui estoit logiés et arrestés en l'abbeye de Femi.

Entrues couroient ses gens tout le pays. Et vinrent  
15 bien sis vint lances d'Alemans, dont li sires de Faukemont estoit chiés, jusques au Louvion en Tierasse, une bonne grosse plate ville. Si estoient les gens dou Louvion communement retret et boutet ens ès bos, et y avoient mis et porté le leur à sauveté. Et s'i es-  
20 toient fortefiet de roullies et de bois copet et abatut environ yaus. Si chevaucièrent li Alemant celle part. Et y sourvint messires Ernouls de Bakehen et se route, et assallirent chiaus dou Louvion; qui ens ou bos s'estoient boutet, \*liquel se deffendirent ce qu'il  
25 peurent. Ce ne fu mies gramment, car il ne tinrent point de conroi, et ne peurent durer à le longe contre tant de bonne gent d'armes. Si furent ouvert, et leurs fors conquis, et mis en cace. Et en y eut bien, mors que navrés, quarante, et perdirent tout ce que  
30 là aporté avoient. Ensi estoit et fu cilz pays de Tierasse adonc courus et sans deport. Et en faisoient li Engles leur volenté.

Si se parti li rois Edouwars de Farvakes, où il s'estoit logiés, et s'en vint à Moustruel, et se loga un soir. Et l'endemain, il vint et toute sen host logier à le Flamengrie. Et fist toutes ses gens logier environ lui, où il avoit plus de quarante mille hommes. Et eut conseil qu'il attenderoient là le roy Phelippe et son pooir, et se combateroient à lui, comment qu'il fust. 5

§ 83. Li rois de France, qui estoit partis de Saint Quentin, sievoit vistement le roy englès en grant desir que dou trouver et le combatre. Et estoit partis de Saint Quentin o tout son plus grant effort, et toutdis li croissoient et venoient gens de tous pays. Si s'exploita tant li dis rois et toutes ses hos qu'il vint à Buironfosse, et là s'arresta, et commanda à toutes gens logier et à arrester; et dist qu'il n'iroit plus avant, si aroit combatu le roy englès et tous ses alloiiés, puis qu'il estoit à deus liewes priés. 15

Si tretost que li contes Guillaumes de Haynau, qui se tenoit au Kesnoy, tous pourveus de gens d'armes, peut savoir que li rois de France, ses oncles, estoit logiés à Buironfosse, en espoir que de combatre les Englès, il se parti dou Kesnoi à plus de cinq cens lances, et chevauçà tant qu'il [vint<sup>1</sup>] en l'ost le roy de France, et se representa au dit roy son oncle, qui ne li fist mies si lie chièrre que li contes vovist, pour le cause de ce qu'il avoit esté devant Cambray avoech son adversaire le roy englès, et fortement apovri et cuvriet Cambresis. Nompourquant li contes 25

1. Ms. de Gaignières, fo 40. — Ms. 8477, fo 60 v<sup>o</sup> (lacune).

s'en porta assés bellement, et s'escusa si sagement au roy son oncle, que li rois et tous ses consaulz, pour celle fois, s'en contentèrent assés bien. Et fu ordonnés des mareschaus, le mareschal Bertran et le mareschal de Trie, à soi logier au plus priès des ennemis.

§ 84. Or sont li roi de France et d'Engleterre logiet entre Buironfosse et le Flamengrie en plain pays, sans nul avantage, et ont grant desir, si com il moustrent, que d'yaus combatre. Si vous di pour certain que on ne vit onques si belle assamblée de grans signeurs qu'il y eut là, car li rois de France y estoit, lui quatrieme de rois : premierement avoecques lui li rois de Behagne, messires Charles li rois de Navare et li rois d'Escoce, ossi de dus, de contes et de barons tant que sans nombre. Et toutdis li croissoient gens de tous lés.

Quant li rois englès fu arrestés à le Capelle en Tierasse, ensi que vous avés oy, et il sceut de verité que li rois Phelippes de France, ses aversaires, estoit à deus petites lieues de lui, et en grant volenté de combatre, si mist les signeurs de son host ensamble : premierement le duch de Braibant son cousin, le duch de Guerles, le conte de Jullers, le marchis de Blankebouch, le conte des Mons, monsigneur Jehan de Haynau, monsigneur Robert d'Artois et tous les barons et les prelas d'Engleterre, qui avoecques lui estoient, et à qui il touchoit bien de le besongne, et leur demanda conseil comment à sen honneur il se poroient maintenir, car c'estoit se intention que de combatre, puis qu'il sentoit ses ennemis si priès de

lui. Adonc regardèrent li signeur l'un l'autre et prièrent au duch de Braibant qu'il en volsist dire sen entente. Et li dus en respondi que c'estoit bien ses accors que dou combatre, car aultrement à leur honneur il ne s'en pooient partir. Et consilla adonc que on envoiast hiraus devers le roy de France, pour demander et accepter le journée de le bataille. Adonc en fu cargiés uns hiraus dou duch de Guerles, et qui bien savoit françois, et enfourmés quel cose il devoit dire. Si se parti li dis hiraus de ses signeurs, et chevaucha tant qu'il vint en l'ost françoise, et se traist devers le roy de France et son conseil, et fist son message bien et à point; et dist au roy de France comment li rois englès estoit arrestés sur les camps, et li requeroit à avoir bataille, pooir contre pooir. 15

A laquelle requeste li rois de France entendit volentiers et accepta le jour. Si me samble que ce deut estre le venredi ensiewant, dont il estoit merkedis. Si s'en retourna li hiraus arriere devers ses signeurs, bien revestis de bons mantiaus fourés, que li rois de France et li signeur li donnèrent, pour les riches nouvelles qu'il avoit aportées. Et recorda le bonne cière que li rois li avoit fait et tout li signeur de France. 20

§ 85. Ensi et sus cel estat fu la journée accordée de combatre, et fu segnefié à tous les compagnons de l'une host et de l'autre. Si se abillèrent et ordonnèrent, cescuns selonch ce qu'il besongnoit. Le joedi, au matin, avint que doi chevalier au conte de Haynau et de se delivrance, li sires de Fagnoelles et li sires de Tupegni montèrent sus leurs coursiers rades, 25 30

fors et bien courans, et se partirent de leur host, entre yaus deus tant seulement, pour aler veoir l'ost as Englès et wardemaner. Si chevaucièrent un grant temps, à le couverte, toutdis en costiant l'ost as Englès. Or èschi que li sires de Fagnuelles estoit montés sus un coursier trop merancolieus et mal affrenet : si s'effrea en chevaçant, et prist son mors as dens, par tel manière qu'ï[l]<sup>1</sup> s'escuella et se demena tant qu'ï[l] fu mestres dou signeur qui le chevaçoit, et l'emporta, volsist ou non, droit en mi les logeis le roy d'Engleterre. Et chei d'aventure entre mains d'Alemans, qui tantost cogneurent qu'il n'estoit mies de leurs gens, si l'encloirent de toutes pars et le cheval ossi. Et demora prisonniers, à cinq, ne sai, sis gentilz hommes alemans, qui tantost le rançonnèrent et li demandèrent dont il estoit; et il respondi : « de Haynau. » Adonc li demandèrent il se il cognissoit monsigneur Jehan de Haynau, et il dist : « oil. » Et requist que par amours on le menast devers lui, car il estoit tous seurs que il le raplegeroit bien, se il voloient.

De ces parolles furent li Alemant tout joiant et l'amenèrent devers le signeur de Byaumont, qui tantost avoit oy messe. Et fu moult esmervilliés, quant il vey le signeur de Fagnuelles. Se li recorda cils sen aventure, si com vous avés ci dessus oy, et ossi de combien il estoit rançonnés. Adonc demora li sires de Byaumont pour le dit chevalier devers ses mes-

1. On lit dans le ms. 6477, f° 61 v° : *qu'i*, forme qui nous représente sans doute la prononciation d'alors, où la consonne finale *l* de *qu'il* ne se faisait pas sentir, du moins devant un mot commençant par une consonne.



tres, et le raplega de sa raençon. Si se parti sur ce li  
sires de Fagnuelles, et revint arriere en l'ost de Hay-  
nau devers le conte et les signeurs, qui estoient tout  
courouciet de lui, par le relation que li sires de Tu-  
pegni en avoit faite ; mais il furent tout joiant, quant 5  
il le veirent revenu. Si se remercia grandement au  
conte de Haynau de monsieur Jehan, son oncle,  
qui l'avoit raplegiet et renvoiet sans peril et sans  
damage, fors de sa raençon tant seulement. Car ses  
coursiers li fu rendus et restitués, à le prière et or- 10  
denance dou dessus dit monsieur Jehan de Hay-  
nau. Ensi se porta ceste journée, et n'i eut riens fait,  
non cose qui à recorder face.

§ 86. Quant ce vint le venredi, au matin, les deus  
hos se apparillièrent et oïrent messe, cescuns sires 15  
entre ses gens et en son logeis. Et se acumenièrent  
et confessèrent li pluseur, et se misent en bon estat,  
ensi que pour tantost morir, se il besongnoit. Nous  
parlerons premierement de l'ordenance des Englès,  
qui se traient sus les camps, et ordonnèrent trois 20  
batailles bien et faiticement et toutes trois à piet, et  
misent leurs chevaus et tout leur harnois en un petit  
bois qui estoit derriere yaus, et arroutèrent tout leur  
charoy par derriere yaus, et s'en fortifièrent.

Si eurent li dus de Guerles, li contes de Jullers, 25  
li marchis de Blankebouch, messires Jehans de Hay-  
nau, li marchis de Misse, li contes des Mons, li con-  
tes de Saumes, li sires de Faukemont, messires Guil-  
laumes de Duvort, messires Ernoulz de Bakehen et  
li Alemant la première bataille. Et avoit en ce pre- 30  
mière route vint et deus banières et soissante pen-

nons, et estoient bien huit mille hommes de bonne estoffe.

La seconde bataille avoit li dus de Braibant. Si estoient avoecques lui tout li baron et li chevalier de son pays : premierement li sires de Kuk, li sires de Berghes, li sires de Bredas, li sires de Roselar, li sires de Vauselare, li sires de Baudresen, li sires de Borgneval, li sires de Sconnevort, li sires de Witem, li sires d'Asko, li sires de Boukchort, li sires de Casebèke, li sires de Duffle, messires Thieris de Wallecourt, messires Rasses de Grés, messires Jehans de Casebèke, messires Jehans Pili[sr]re, messires Gilles de Coterebbe, li troi frère de Harlebèke, messires Gautiers de Hoteberge et messires Henris de Flandres, qui fait bien à rementevoir, car il y estoit en grant estoffe; et pluseur aultre baron et bon chevalier, et aucun de Flandres qui s'estoient mis desous le bannière dou duch de Braibant, telz que li sires de Haluin, messires Hector Villains, messires Jehans de Rodés, li sires de Grutus, messires Wauflars de Ghistelle, messires Guillaume de Strates, messires Gosuins de le Muelle, et pluseurs aultres. Si avoit li dus de Braibant jusques à vint et quatre bannières et quatre vint pennons. Si estoient bien sept mille combatans, toutes gens de bonne estoffe.

La tierce bataille et la plus grosse avoit li rois d'Engleterre, et grant fuison de bonnes gens de son pays dalés lui; et premiers ses cousins, li contes Henris Derbi, filz à monsigneur Henri de Lancastre au Tors Col, li evesques de Lincolle, li evesques de Durem, li contes de Sallebrin, li contes de Nothantonne et de Clocestre, li contes de Sufforch, li contes de

Kenfort, monsigneur Robert d'Artois qui s'appelloit contes de Ricemont, messires Renaus de Gobeheh, li sires de Persi, li sires de Ros, li sires de Montbrai, messires Loeis et messires Jehans de Biaucamp, li sires de le Ware, li sires de Lantonne, li sires de Basset, li sires de Filwatier, messires Gautiers de Mauni, messires Hues de Hastings, messires Jehans de Lille, et pluseurs aultres que je ne puis mies tous nommer.

Et fist là li rois englès pluseurs nouviaus chevaliers, entre lesquels il fist monsigneur Jehan Chandos, qui de puis de proèce et chevalerie fu plus recommandés que nulz chevaliers de son temps, si com vous orés avant en ceste hystore. Si avoit li rois vint et huit banières et environ quatre vint et dix pennons, et pooient estre environ six mille hommes d'armes et six mille arciers. Et avoient mis une aultre bataille sus èle, dont li contes de Warvich et li contes de Peanebruch, li sires de Bercler, li sires de Mulleton et pluseur aultre bon chevalier estoient chief. Si se tenoient chil à cheval, pour reconforter les batailles qui branleroient. Et estoient en celle arrière regarde environ trois mille armeures de fier.

§ 87. Quant tout li Englès, li Alemant, li Braibengon et tout li alloïiet furent ordonné, ensi que vous avés oy, et escus sires mis et arrestés desous se banière, ensi que commandé fu de par les mareschaus, si fu dit encores et commandé, de par le roy, que nuls n'alast ne se mesist devant les banières des marescaus. Adonc monta li rois englès sus un petit palefroï moult bien amblant, acompagniés tant seu-

lement de monsieur Robert d'Artois, de monsieur Renault de Gobehen et de monsieur Gautier de Mauni, et chevaucha devant toutes les batailles. Et prioit moult doucement as signeurs et as compaignons que il vosissent aidier à garder sen honneur, et cescuns li avoit en couvent. Apriès ce, il s'en revint en se bataille et se mist en ordenance, ensi qu'il apertenoit. Or vous recorderons l'ordenance dou roy de France et de ses batailles, qui furent  
10 grandes et bien estoffées, et vous en parlerons otant bien que nous avons fait de ceste des Englès.

Il est bien verités que li rois de France avoit si grant peuple et tant de nobles et de bonne chevalerie que merveilles seroit à recorder. Car, ensi que je  
15 oy dire chiaus qui y furent et qui les avisèrent tous armés et ordonnés sus les camps, il y eut onze vint et sept banières, cinq cens et soissante pennons, quatre rois et six dus et trente six contes et plus de quatre mille chevaliers, et de commugnes de France  
20 plus de soixante mille. Avocch le roy de France estoient li rois de Behagne, li rois de Navare et li rois d'Escoce, li dus de Normendie, li dus de Bourgogne, li dus de Bretagne, li dus de Bourbon, li dus de Loeraingne et li dus d'Athènes; des contes, li contes  
25 d'Alençon, frères au roy de France, li contes de Flandres, li contes de Haynau, li contes de Blois, li contes de Bar, li contes de Forès, li contes de Foïs, li contes d'Ermignac, le dauffin d'Auvergne, li contes de Genville, li contes d'Estampes, li contes de Vendome, li contes de Harcourt, li contes de Saint Pol,  
30 li contes de Ghines, li contes de Boulongne, li contes de Roussi, li contes de Dammartin, li contes {de

Valentinoi<sup>1</sup>], li contes d'Aubmale, li contes d'Au-  
coirre, li contes de Sansoire, li contes de Genève, li  
contes de Dreus, et de celle Gascongne et de la Lan-  
guedoch tant de contes et de viscontes que ce seroit  
uns detris à recorder. Certes c'estoit très grans biau- 5  
tés que de veoir sus les camps banières et pennons  
venteler, chevaus couvers, chevaliers et escuiers ar-  
més si très nettement que riens n'i avoit à amender.  
Et ordonnèrent li François trois grosses batailles, et  
misent en çascune quinze mille hommes d'armes et 10  
vint mille hommes de piet.

Si se poet on et doit grandement esmervillier  
comment si belle gent d'armes se peurent partir sans  
bataille, mais li François n'estoient point d'acord.  
Ançois en disoit cescuns sen oppinion. Et disoient, 15  
par estrit, que ce seroit grant honte et grant deffaute  
se on ne les combatoit, quant li rois et toutes ses  
gens savoient leurs ennemis si priès de lui, et en son  
pays rengiés et à plains camps, et les avoit sievis à  
l'entente que de combatre à yaus. Li aucun des aul- 20  
tres disoient à l'encontre que ce seroit grant folie se  
il se combatoit, car il ne savoit que cescuns pensoit,  
ne se point de trahison y avoit. Car, se fortune li  
estoit contraire, il mettoit son royaume en aventure  
de perdre; et se il desconfisoit ses ennemis, pour ce 25  
n'aroit il mies le royaume d'Engleterre, ne les terres  
des signeurs de l'Empire, qui avoecques lui estoient  
alloiiet.

Ensi estrivant et debatant sus ces diverses oppi-  
nions, li jours passa jusques à grant miedi. Environ 30

1. Ms. de Gaignières, fo 41 vo. — Ms 6477, fo 63 : « d'Alentinoi. »

- petite nonne, uns lièvres s'en vint trespasant parmi les camps, et se bouta entre les François. Donc commencièrent cil qui le veirent à crier et à huer et faire grant haro. De quoi cil qui estoient derrière
- 5 cuidoient que cil de devant se combatissent, et li pluseur qui se tenoient en leurs batailles tous rengiés fesissent otel. Si misent li pluseur vistement leurs bacinès en leurs testes et prisent leurs glaves. Là y eut fais pluseur novviaus chevaliers. Et par
- 10 especial li contes de Haynau en fist quatorze, que on nomma tous jours depuis « les chevaliers dou lièvre ». En cel estat se tinrent les batailles, ce venredi, tout le jour, et sans yaus esmouvoir, fors par le manière que j'ai dit.
- 15 Avoech tout ce et les estris qui estoient entre pluseurs dou conseil le roy de France, estoient aportées en l'ost lettres et recommandations au roy de France et à son conseil, de par le roy Robert de Sezille, li quelz rois Robers, si com on disoit, estoit uns grans
- 20 astronomiens, et plains de grant prudense. Si avoit par pluseurs fois jettés ses sors sus l'estat et les avenues dou roy de France et dou roy d'Engleterre. Et avoit trouvé en l'astrologe et par experiense que, se li rois de France se combatoit au roy d'Engleterre,
- 25 il couvenoit qu'il fust desconfis. Donc, il, com rois plains de grant cognissance, et qui doubtoit ce peril et le damage dou roy de France, son cousin, avoit envoiiés jà de lonch temps moult songneusement lettres et epistoles au roy Phelippe et à son conseil,
- 30 que nullement il ne se mesissent en bataille entre les Englès, là où li corps dou roy Edouwart fust en present. Pour quoi, ceste doubte et les escriptions que li

rois de Sesille en faisoit, detrioient grandement plusieurs signeurs dou dit royaume. Et meismement li rois Phelippes estoit tous infourmés de ce conseil. Mais non obstant ce que on li desist et remoustrast par belles raisons les deffenses et les doubtes dou 5  
roy Roÿbert de Sezille, son chier cousin, si estoit il en grant volenté et en bon desir de combatre ses ennemis; mais il fu tant detriüés que li journée passa sans bataille, et se retray çascuns à son logeis.

Quant li contes de Haynau vei que on ne combatroit point, il se parti, et toutes ses gens, et s'en vint ce soir arrière au Kesnoy. Et li rois englès et li dus de Braibant et li aultre signeur se misent au retour, et fisent cargier et tourser tout leur harnois, et vinrent gesir, ce venredi, bien priès d'Avesnes, 15  
en Haynau, et là environ. Et l'endemain, il prisent congiet tout l'un à l'autre. Et se departirent li Ale-mant et li Braibengon, et s'en ralèrent cescuns en leurs lieux. Si revint li rois englès en Braibant, avoecques le duc de Braibant, son cousin. Or vous parlerons dou roy de France comment il persevera. 20

§ 88. Che venredi que li François et li Englès furent ensi ordonné pour bataille à Buironfosse, quant ce vint apriès nonne, li rois Phelippes retourna en ses logeis tous courouciés, pour tant que la bataille 25  
n'estoit point adrecie; mais cil de son conseil le rapaisièrent et li disent ensi que noblement et vassau-ment il s'i estoit portés, car il avoit hardiement pour-sievis ses ennemis et tant fait qu'il les avoit boutés hors de son royaulme, et que il convenoit le roi en- 30  
glès faire moult de telz chevaucies, ançois qu'il eüst

conquis le royaume de France. Le samedi, au matin, donna li rois Phelippes toutes manières de gens d'armes congiet, dus, contes, barons et chevaliers, et remercia les chiés des signeurs moult courtoisement, 5 quant si appareilliement il l'estoient venu servir. Ensi se deffist et rompi ceste grosse chevaucie; si se retrest cescuns en son lieu.

Li rois de France s'en revint à Saint Quentin, et là ordonna il une grant plenté de ses besongnes, et 10 envoia gens d'armes par ses garnisons, especiaument à Tournay, à Lille et à Douay, et en toutes les forterèces marcissans sus l'Empire. Et envoia dedens Tournay monsieur Godemar dou Fay souverain chapitaine et regard de tout le pays là environ, et 15 monsieur Edouwart de Biaugeu dedens Mortagne. Et quant il eut ordonné une partie de ses besongnes, à sen entente et à sa plaisance, il se retraist devers Paris.

Or parlerons nous un petit dou roy englès, et 20 comment il persevera avant. Depuis qu'il fu partis de le Flamengrie et revenus en Braibant, il s'en vint à Brousselles. Là le raconvoiièrent li dus de Guerles, li contes de Jullers, li marcis de Blankebouch, li contes des Mons, messires Jehans de Haynau, li sires 25 de Faukemont, et tout li signeur de l'Empire qui estoient alloiet à lui, car il voloient aviser et regarder li un parmi l'autre comment il se maintenroient de ceste guerre où il s'estoient bouté. Et pour avoir certaine expedition, il ordonnèrent un grant parlement 30 à estre en le ditte ville de Brousselles. Et y fu priés et mandés Jakemes d'Artevelle, li quelz y vint lievement et en grant arroy, et amena en se compaignie



tous les consaulz entierement des bonnes villes de Flandres. A ce parlement, qui fu à Brouxelles, ot pluseurs coses dites et devisées. Et me samble que li rois englès fu si consilliés de ses amis de l'Empire qu'il fist une requeste à chiaus de Flandres que il li volsissent aidier à parmaintenir se guerre, et deffier le roi de France, et aler avoecques lui, par tout où il les vorroit mener; et se il voloient ce faire, il leur aideroit à recouvrer Lille, Douay et Bietune.

5  
10

Ceste parolle entendirent li Flamench volentiers; mais de le requeste que li rois lor faisoit, il demandèrent à avoir conseil entre yaus tant seulement, et tantost à respondre. Li rois leur acorda. Si se consillièrent à grant loisir; et, quant il se furent consiliet, il respondirent et disent : « Chiers sires, aultre fois nous avés vous fait ces requestes. Et saciés vraiment que, se nous le poions nullement faire, par nostre honneur et nos fois garder, nous le ferions. Mès nous ne poons esmouvoir guerre au roy de France, quiconques le soit, car nous sommes obligiet à çou, par foy et par sierement, et sus deus millions de florins à le cambre dou pape, et sus escheir en sentense, se nous esmouviens guerre contre le dit roy de France. Mais se vous voliés faire une cose que nous vous dirons, vous y pourveriés bien de remède et de conseil. C'est que vous voelliés enchargier les armes de France et esquarteler d'Engleterre, et vous appellés rois de France, et nous vous tenrons pour roy et obeirons à vous comme au roy de France, et vous demanderons quittance de nos fois, et vous le nous donrés comme rois de France. Par ensi serons

15  
20  
25  
30

nous absolz et dispensés, et irons par tout là où vous vorrés et ordonnerés. »

§ 89. Quant li rois englès eut oy ce point et le requeste des Flamens, il eut besoing d'avoir bon  
5 conseil et seur avis, car pesant li estoit de prendre les armes et le nom de ce dont il n'avoit encores riens conquis. Et ne savoit quel cose il l'en avenroit, ne se conquerre le poroit. Et d'autre part il refusoit envis le confort et l'ayde des Flamens, qui plus li  
10 pooient aidier à se besongne que tous li remanans dou siècle. Si se consilla li dis rois au duc de Braibant, au duc de Guerles, au conte de Jullers, à monsigneur Robert d'Artois, à monsigneur Jehan de Haynau et à ses plus secrès et especiaulz amis : si  
15 ques finablement, tout peset, le mal comme le bien, il respondi as Flamens, par l'information des signeurs dessus dis, que, se il voloient jurer et seeler qu'il li aideroient à parmaintenir se guerre, il emprenderoit tout et de bonne volenté ; et ossi il leur jurroit à ra-  
20 voir Lille, Douay et Bietune, et il respondirent : « Oil. »

Done fu pris et assignés uns certains jours à Gand, li quels jours se tint, et y fu li rois d'Engleterre et le plus grant partie des signeurs de l'Empire dessus  
25 nommés, alloiiés avecques lui. Et là furent tous li consaulz de Flandres generaument et especialment. Là furent toutes les parolles en devant dites relatiées et proposées, entendues et acordées, escriptes, jurées et seellées. Et encarga li rois d'Engleterre les  
30 armes de France et les esquartela d'Engleterre, et emprist en avant le nom dou roy de France ; et le

obtint tant que il le laissa, par certainne composition, ensi com vous orés en avant recorder en ceste hystoire, s'il est qui le vous recorde.

§ 90. A ce parlement, qui fu à Gand, y eut plusieurs parolles dites et retournées. Et consillièrent adonc [les seigneurs<sup>1</sup>], proposèrent et acouvenencièrent qu'il assegeroient le cité de Tournay. De ce furent li Flamench tout resjoy, car il leur sambla qu'il seroient fort et poissant assés de le conquerre. Et se elle estoit conquise, et en le signourie dou roy englès, de legier il conquerroient et recouveroient Lille, Douay et Bietune et toutes les appendances, qui doivent estre tenues de le conté de Flandres. Encores fu là proposé et regardé, entre ces signeurs et leurs consaulz des bonnes villes de Flandres et de Braibant, qu'i[l] leur venroit trop grandement à point que li pays de Haynau fust de leur acord, pour avoir y leur retour. Si en fu priés, pour venir à ce parlement, li contes, mais il s'escusa si bellement et si sagement que li rois d'Engleterre et tout li signeur s'en tinrent pour content. Ensi demora la cose sus cel estat, et se departirent li signeur, et s'en retourna cescuns en son lieu et en son pays. Et li rois englès prist congiet à son cousin, le duch de Braibant, et s'en revint en Anwiers. Ma dame la royne, sa femme, demora à Gand, et tous ses hostelz, qui souvent estoit visetée et confortée de d'Artevelle et des signeurs, des dames et des damoiselles de Gand.

Assés tost apriès, fu li navie dou roy englès appa-

1. Ms. de Gaignières, f° 43. — Ms. 6477, f° 65 (lacune).

reillie, sus le havene d'Anvers. Si monta là en mer et le plus grant partie de ses gens, en ystance que de retourner en Engleterre, et de viseter le pays. Mais il laissa ou pays de Flandres deus contes, sages chevaliers et vaillans durement, pour tenir à amour les Flamens, pour mieus moustrer que leurs besongnes estoient siennes. Che furent messires Guillaumes de Montagut, contes de Sallebrin, et li contes de Sufforch. Chil s'en vinrent en le ville de Ippre, et tinent là leur garnison, et guerrièrent tout cel yvier moult fortement chiaus de Lille et de là environ. Et li rois englès naga tant par mer qu'il arriva à Londres, environ le Saint Andrieu, où il fu moult conjois de chiaus de son pays qui desiroient sa revenue, car il n'i avoit esté en lonch temps. Se vinrent à lui les plaintes de le destruction, que li Normant et li Pikart avoient fait de le bonne ville de Hantonne. Si fu li rois englès moult courouciés de le desolation de ses gens, che fu bien raisons, mais il les rapaisa au plus biel qu'il peut. Et leur dist que, se il venoit à tour, il leur feroit chier comparer, ensi qu'il fist en ceste anée meismement, si com vous orés recorder avant en l'ystore.

§ 94. Or vous conterons dou roy Phelippe de France, qui estoit retrais viers Paris, et avoit donnet congiet toutes ses grans hos, et fist durement renforcer se grosse navie qu'il tenoit sur mer, dont messires Ilues Kierés, Bahucés et Barbevaire estoient capitaines et souverain. Et tenoient cil troi mestre escumeur grant fuison de saudoiiers geneuois, normans, pikars et bretons, et fisent en cel hyvier plu-

seurs damages as Englès. Et venoient souvent courir  
 jusques à Douvres, et à Zandvic, à Wincésée, à Rie  
 et là environ, sur les costes d'Engleterre. Et les res-  
 songnoient durement li Englès, car cil estoient si  
 fort sus mer que plus de quarante mille saudoiers. 5  
 Et ne pooit nuls issir ne partir d'Engleterre, qu'il  
 ne fust veus et sceus, et puis pilliés et robés, et  
 tout mettoient à bort. Si conquisent cil dit saudoier  
 marin au roi de France, en cel yvier, sus les Englès  
 tamaint pillage. Et, par especial, il conquisent le 10  
 belle grosse nave, qui s'appelloit *Cristofle*, toute  
 cargie d'avoir et de laines que li Englès amenoient  
 en Flandres, la quèle nave avoit cousté moult d'avoir  
 au roy englès au faire faire. Mès ses gens le perdi-  
 rent sus ces Normans, et furent tout mis à bort. 15  
 Et en fisent depuis li François tamaint parlement,  
 comme cil qui furent grandement resjoy de ce con-  
 quès.

Encores soutilloit et imaginoit li rois de France,  
 nuit et jour, comment il se poroit vengier de ses en- 20  
 nemis, et par especial de monsieur Jehan de Hay-  
 nau, qui li avoit fais, si com il estoit enfourmés,  
 pluseurs despis, que [d'avoir<sup>1</sup> conduit et] amené le  
 roy englès en Cambresis et en Tierasse, et ars tout le  
 pays. Si eserisi et commanda li dis rois à monsieur 25  
 Jehan de Beaumont, signeur de Vrevins, au visdame  
 de Chaalons, à monsieur Jehan de la Bove, [à mon-  
 sieur<sup>2</sup> Jehan] et à monsieur Gerart de Lore, que  
 il mesissent sus une chevaucie et armée de compa-

1. Ms. de Gaignières, f° 43 v°. — Ms. 6477, f° 66 (lacune).

2. Mss. de Gaignières et de Mouchy-Noailles, f° 43 v°. — Ms. 6477 (lacune).

gnons, et entrassent en le terre monsieur Jehan de Haynau, et le ardissent sans deport. Li dessus dit obeirent au [mandement <sup>1</sup>] dou roy, ce fu raisons, et se cueillièrent secretement tant qu'il furent bien cinq  
5 cens armeures de fier. Et vinrent devant le bonne ville de Chymay, et acueillièrent toute le proie dont il en y trouvèrent grant fuison, car les gens dou pays ne s'en donnoient garde; et ne cuidassent jamais à nul jour que li François deussent passer les bos de Tierasse, ne chevaucier si avant oultre les bos, mais si  
10 fissent. Et ardirent tous les fourbours de Chimay, et grant fuison de villages là environ, et priès que toute la terre de Cimay, excepté les forterèces. Et puis se retraisent en Aubenton en Tierasse, et là departirent  
15 il leur pillage et leur butin. Ces nouvelles et les complaints en vinrent à monsieur Jehan de Haynau, qui se tenoit adonc en Mons en Haynau, dalés le conte, son neveu. Si en fu durement courouciés, ce fu bien raison; et ossi fu li contes, ses cousins, car ses  
20 oncles tenoit ceste terre de lui. Nompourquant il s'en souffrirent tant c'à celle fois, et n'en moustrèrent nul samblant de contrevengeance au royaume de France.

Avoech ces despis, il avint que il saudoier, qui se tenoient en le cité de Cambray, issirent hors de  
25 Cambray et vinrent à une petite forte maison, dehors Cambrai, qui s'appelloit Relenghes, la quèle estoit à monsieur Jehan de Haynau. Et le gardoit uns siens filz bastars, que on nommoit monsieur Jehan le Bastart. Et pooient estre avoeques lui en-

1. Ms. de Gaignières, f° 47 v°. — Ms. 6477, f° 66 : « mandent ». Le copiste a sans doute omis par distraction le signe abrégatif.

viron vint et cinq compaignon. Si furent assalli un jour tout entier, et trop bien se deffendirent. Au soir, cil de Cambrai se retraisent en leur cité, qui manecièrent à leur departement grandement chiaus de Relenges. Et disent bien que jamais n'entenderoient 5 à aultre cose, si les aroient conquis et le maison abatue. Sus ces parolles, li compaignon de Relenghes s'avisèrent et regardèrent le nuit que il n'estoient mies fort assés, pour yaus tenir contre chiaus de Cambray, puis qu'il les voloient ensi accueillir. 10 Car, avoech tout ce qui bien les esbahissoit, il estoit si fort gellé que on pooit bien venir jusques as murs sus les fossés tous engellés. Si eurent conseil qu'il se partiroyent, ensi qu'il fissent, et toursèrent tout ce qui leur estoit. Et widièrent environ mienuit, et si boutèrent le feu dedens Relenges. A l'endemain, au matin, cil de Cambray le vinrent par ardoir et abatre. Et messires Jehans li Bastars et si compaignon s'en vinrent à Valenciènes, et puis se departirent il. Si s'en rala cescuns en son lieu. 15 20

§ 92. Vous avés chi dessus oy recorder comment messires Gautiers de Mauni prist, par proëce et par grant fait d'armes, le chastiel de Thun l'Evesque, et y mist dedens en garnison un sien frère que moult amoit, que on clamoit monsigneur Gillion Grignart, 25 c'on dist de Mauni. Chilz faisoit tamainte envaye et mainte sallie sus chiaus de Cambray, et leur portoit pluseurs destourbiers, et couroit priès que tous les jours devant leurs barrières. En cel estat et en celle doubte les tint il un grant temps, et tant qu'il 30 avint que un jour il estoit partis de se garnison de

Thun, environ six vint armeures de fier en se compagnie, et s'en vint courir devant Cambray, et jusques as barrières. La noise et li haros monta en le ville, et tant que pluseurs gens en furent moult effraet. Si s'armèrent, cescuns qui mieuls mieulz, et montèrent à cheval cil qui chevaus avoient, et vinrent à le porte là où li escarmuce estoit, et où messires Grignars de Mauni avoit rebouté chiaus de Cambray. Si issirent, cescuns qui miex miex, contre leurs ennemis.

Entre les Cambrisiens avoit un jone canonne, apert homme d'armes, durement fort, dur, hardi et apert. Et estoit cilz Gascons, et s'appelloit Guillaume Marchant. Si se mist hors as camps avoech les aultres, montés sus bon coursier, le targe au col, le glave ou poing, et armés de toutes pièces. Si esporonna tout devant, de grant corage. Et quant messires Gilles de Mauni le vit venant vers lui, qui ne desiroit autre cose que le joust, si en fu tous joians, et esporonna ossi vers lui moult radement. Si se consievirent de leurs glaves, sans espargnier, moult merveilleusement; dont ensi eschei à Guillaume Marchant qu'il consievi monsigneur Gillion de Mauni si roidement, qu'il perça le targe de son glave et toutes ses armeures, et li mist le glave dalés le coer, et li fist passer le fier à l'autre lés, et l'abati jus de son cheval, navré à mort. De ceste joust furent si compagnon moult esbahi, et chil de Cambray trop resjoy : si se recueillièrent tout ensamble. Là eut, je vous di, de premières venues, très bon puigneis et fort, et pluseur des uns et des aultres reversé par terre, et tamainte apertise d'armes faite.



Finablement, chil de Cambray obtinrent le place et reboutèrent leurs ennemis, et en navrèrent et me-  
hagnièreent aucuns, et les cacièrent bien avant. Et  
retinrent monsieur Grignart de Mauni, ensi navrés  
qu'il estoit, et l'emportèrent en Cambray à grant 5  
joie, et le fisent tantost desarmer et regarder à sa  
plaie et bien mettre à point. Et euissent volentiers  
veu qu'il fust rescapés de ce peril, mès il ne peut;  
ançois morut dedens le second jour apriès. Quant il 10  
fu mors, il regardèrent qu'il en estoit bon à faire. Si  
eurent conseil que le corps il renvoieroient devers  
ses deus frères Jehan et Thieri, qui se tenoient adonc  
en le garnison de Bouçain, en Ostrevant. Car, quoi  
que li pays de Haynau ne fust en point de guerre, si 15  
se tenoient les forterèces sus les frontières de France  
toutes closes, et sus leur garde. Si ordonnèrent adonc  
un sarcu assés honnourable, et le recommandèrent à  
deus frères Meneurs, et envoièrent le corps monsieur  
Grignart de Mauni à ses deus frères, Jehan et  
Thicri, qui le reçurent en grant dolour. De puis il le 20  
fisent apporter as Cordeliers à Valenciènes; et là fu il  
ensepelis. Apriès ces ordenances, li doi frère de Mauni  
s'en vinrent logier ou chastiel de Thun l'Evesque, et  
fisent forte guerre à chiaus de le cité de Cambray,  
en contrevengant le mort de leur frère. 25

§ 93. Vous devés savoir qu'en ce temps, de par  
le roy de France, estoit messires Godemars dou Fay  
tous chapitainne de le cité de Tournay et de Tour-  
nesis et des forterèces environ. Et ossi adonc estoit  
li sires de Biaugeu dedens Mortagne sus Escaut, li 30  
seneschaus de Charcassonne en le ville de Saint

Amant, messires Aymers de Poitiers en Douay, messires li Galois de le Baume, li sires de Villars, li mareschaus de Mirepois et li sires de Maruel en le cité de Cambray. Et ne desiroient cil chevalier et chil saudoier, de par le roy de France, aultre cose que courir en Haynau, pour pillier et gaegnier, pour le pays mettre en guerre. Ossi li evesques de Cambray, messires Guillaume d'Ausonne estoit tous quois à Paris dalés le roy Phelippe, et se complaindoit à lui, quant il cheoit à point, trop amerement des Haynuiers. Et disoit bien que li Haynuier li avoient fait plus de contraires et de damages, ars, pillet et courut son pays que nuls aultres. Si se portèrent tellement les besongnes, et fu li rois si dur consilliés sus son neveu le conte de Haynau et sus ses gens, que li sandoier de Cambresis eurent congiet et acord d'entrer en Haynau et de faire y aucune envaye et chevaucie au damage dou pays.

Quant ces nouvelles furent venues à chiaus qui ens ès garnisons de Cambresis se tenoient, si en furent moult joiant, et misent sus une chevaucie de cinq cens armeures de fier. Et se partirent un samedi, après jour fallant, de Cambray cil qui ordonné y estoient, et ossi à tèle heure, cil dou Chastiel en Cambresis et cil de le Malemaison. Et se trouvèrent tout sus les camps et vinrent en le ville de Haspre, qui lors estoit une bonne ville et grosse et bien foucie, mais point n'estoit fremée. Et si n'estoient les gens en nulle doubte, car on ne les avoit point avisés ne escriés de nulle guerre. Si entrèrent li François dedens et trouvèrent les gens, hommes et femmes, en leurs hostelz; si les prisent à leur volenté

et tout le leur, or, argent et jeuiaus, et leurs bestes, et puis boutèrent le feu en le ville, et le ardirent si nettement que riens n'i demora fors les parois. Par dedens Haspre a une prevosté de noirs monnes, et grans edefisses avoech le moustier, qui se tient de Saint Vaast d'Arras. Si le pillièrent li François et robèrent, et puis boutèrent le feu dedens, et le ardirent moult villainnement. Quant il en eurent fait leur volenté, il cargièrent tout leur pillage, et cacièrent tout devant yaus, et s'en retournèrent en Cambray. 5 10

Ces nouvelles furent tantos sceues à Valenciènes. Et proprement elles vinrent jusques au conte Guillaume de Haynau, qui se dormoit en son hostel c'on dist à le Salle; si se leva, vesti et arma moult appertement, et fist resvillier toutes ses gens, dont il n'avoit mies grant fuison dalés lui, fors tant seulement son senescal monsieur Gerart de Wercin, monsieur Henri d'Antoing, messire Henri de Husfalise, monsieur Thieri de Wallecourt, le seigneur de Potielles, le seigneur de Floion et aucuns chevaliers qui se tenoient dalés lui, ensi que tout gentil homme se tiennent volentiers dalés leur seigneur. Mais il estoient couciet en divers hostelz; si ne furent mies si tost appareilliet, ne armé, ne monté à cheval, que li contes fu, car il n'atendi nullui; ains s'en vint ou marchiet de Valenciènes, et fist sonner les cloches ou berfroï à volée. Si s'estourmirent toutes gens et s'armèrent et sievirent leur seigneur à effort, qui s'estoit jà mis hors de la ville et chevaucoit radement devers Haspre, en grant volenté de trouver ses ennemis Quant il eut chevauciet environ une 15 20 25 30

lieuwe, il li fu dit qu'il se travailloit en vain, et que li François estoient retrait. Adonc se retray li contes en l'abbeye de Fontenelles, qui estoit assés priès de là, où ma dame sa mère demoroit, qui fu toute en-  
5 sonniie de lui rapaisier, tant estoit il escauffés et airés; et disoit bien que cesti arsin de Haspre il le feroit temprement cier comparer au royaume de France. Sa dame de mère li acordoit tout, et eüst volentiers de ceste mespresure escuset son frère le  
10 roy de France; mès li contes n'i voloit entendre, mès disoit : « Il me fault regarder comment hastement je me puisse vengier de ce despit que on m'a fait, et otretant ou plus ardoir en France. »

Quant li contes de Haynau eut esté une espasse à  
15 Fontenelles dalés ma dame sa mère, il prist congiet, puis s'en parti et retourna à Valenciènes. Et fist tantost lettres escrire par tout as chevaliers et as prelas de son pays, pour avoir conseil comment il se poroit chevir de ceste avenue, et mandoit par ses lettres que tout fuissent à Mons en Haynau au certain  
20 jour qui assignés y estoit. Ces nouvelles s'espardirent parmi le pays, et les sceut messires Jehans de Haynau, qui se tenoit à Byaumont, pensans et imaginans comment il poroit ossi l'arsin de se terre de Chymay  
25 contrevengier. Si ne fu mies courouciet quant il oy dire et recorder le grant desplaisir que on avoit fait à son nevent le conte, et ossi en quel desdain il l'avoit pris, et ne le sentoit mies si souffrant que il vossist longement porter ceste villonnie. Si monta à  
30 cheval et vint au plus tost qu'il peut à Valenciènes, où il trouva le dit conte à le Salle; si se traist vers li, ensi que raisons estoit.

§ 94. Sitost que li contes de Haynau vey monsieur Jehan de Haynau, son oncle, il vint contre lui et li dist : « Biaux oncles, vostre guerre as François est grandement embellie. » -- « Sire, ce respondi li sires de Byaumont, Diex en soit loés ! De vostre anoi et damage seroi je tous courouciés, mais cilz ci me vient assés à plaisance. Or avés vous [cecy<sup>1</sup>] de l'amour et dou service les François que vous avés tout le temps portet. Or nous fault faire une chevaucie sus France; regardés de quel costet. » Dist li contes : « Vous dittes voir, et si sera bien briefment. » Si se tinrent de puis, ne sai quans jours, à Valenciènes. Et quant li jours de parlement, qui estoit assignés à estre à Mons en Haynau, fu venus, il y furent. Là fu tous li consaulz dou pays, et ossi de Hollandes et de Zelandes.

A ce parlement qui fu en le ville de Mons en Haynau, eut pluseurs parolles proposées et remoustrées. Et voloient li aucun des barons dou pays que on envoiait souffissans hommes devers le roy de France, à savoir se il avoit acordé ne consenti à ardoir en Haynau, ne envoiet les saudoiiers de Cambresis en le terre dou conte, ne à quel tite cil l'avoient fait, pour tant que on n'avoit point deffiet le conte ne le pays. Et li aultre chevalier, qui proposoient à l'encontre, voloient tout le contraire, mais que on se contrevengast en tel manière com li François avoient commenchiet.

Entre ces parolles des unes as aultres eut plusieurs detris, estris et debas. Mès finablement il fu

1. Ms. de Gaignières, fo 44. — Ms. 6477, fo 68 vo (lacune).

- regardé, tout consideret et imaginet, que li contes de Haynau et li pays ne pooient nullement issir de ceste besongne, sans faire guerre au royaume de France, tant pour l'arsin de le terre de Cymai que
- 5 pour cesti de Haspre. Si fu là ordonné que on def-  
fieroit le roy de France, et puis enteroit on à effort  
ou royaume. Et de porter ces deffiances fu priiés et  
cargiés li abbes de Crespin, qui pour le temps s'appel-  
loit Thiebaus. Si furent les lettres de deffiances
- 10 escrites et seellées dou conte et de tous les barons et  
chevaliers dou pays. En apriès, li dis contes remer-  
cia grandement tous ses hommes pour le bonne vo-  
lonté dont il les vey, car il li prommisent confort et  
service en tous estas.
- 15 Je n'ai que faire de demeuer ceste matère longem-  
ment. Li abbes de Crespin se parti et vint en France  
aporter au roy Phelippe les deffiances, qui n'en fist  
pas trop grant compte et dist que ses neveux estoit  
uns folz oultrageus, et qu'il marchandoit bien que
- 20 de faire ardoir tout son pays. Li abbes retourna ar-  
rière devers le conte et son conseil, et leur compta  
comment il avoit exploitiet, et les responses que li  
rois en avoit faites. Assés tost apriès, se pourvei li  
contes de gens d'armes, et manda tous chevaliers et
- 25 escuiers parmi son pays, et ossi en Braibant et en  
Flandres, et fist tant qu'il eut bien dix mille armeures  
de fier, de bonne estoffe, tout à cheval. Si se parti-  
rent de Mons en Haynau et de là environ, et che-  
vaucièrent vers le terre de Cymai, car li intentions
- 30 dou conte et de son oncle, li seigneur de Byaumont,  
estoit tèle que il iroient ardoir et essillier la terre  
le seigneur de Vrevins, et ossi Aubenton en Tierasse.

§ 95. Bien se doubtoient cil de le ville de Aubenton dou conte de Haynau et de son oncle. Si l'avoient segnefiet au grant baillieu de Vermendois, que il leur volsist envoier gens pour yaus aidier à tenir et deffendre contre les Haynuiers, qui leur estoient trop proçain voisin. Et bien leur besongnoit que il euissent avoec yaus bonne gent d'armes, car leur ville n'estoit fremée que de palis. Donc li dis baillieus de Vermendois y avoit envoiés des bons chevaliers de là environ : premierement, le visdame de Chaalons, monsigneur Jehan de Beaumont, monsigneur Jehan de la Bove, le signeur de Lore et plusieurs aultres. Si s'estoient li dessus dit chevalier et leurs routes, où bien avoit trois cens armeures de fier, mis dedens Aubenton, et le pensoient bien à tenir contre les Haynuiers, et le remparèrent. Et fortièrent encores aucuns lieux de le ditte ville où il veirent et sentirent que elle estoit le plus foible; et estoient tout conforté et pourven de attendre les Haynuiers qui ne fissent point un lonch sejour, de puis qu'il furent assamblé à Mons en Haynau, mais se partirent vistement en grant arroi, si com ci dessus est dit, et s'aceminèrent vers Chimay et passerent, par un venredi, le bois c'on dist de Tierasse, et exploitièrent [tant<sup>1</sup>] qu'il vinrent à Aubenton, qui estoit une grosse ville et bonne et plainne de draperie. Ce venredi, li Haynuier se logièrent assés priès et le avisèrent et considerèrent au quel lès elle estoit le plus prendable. A l'endemain, il vinrent tout ordonné par devant pour le assallir, leurs banières

1. Ms. de Gaignières, f<sup>o</sup> 45. — Ms. 6477, f<sup>o</sup> 69 v<sup>o</sup> (lacune).

moult faiticement tout devant, et les arbalestriers  
ossi; et se partirent en trois connestables, et se traist  
çascuns à sa banière. Dont li contes de Haynau eut  
le première bataille, avoech lui grant fuison de bons  
5 chevaliers et escuiers de son pays; li sires de Byau-  
mont, ses oncles, la seconde livrée, ossi à tout grant  
fuison de bonne gent d'armes; et li sires de Fauke-  
mont avoech grant fuison de bonne gent de son  
pays, Alemans et Braibençons, une aultre. Et se traist  
10 cescuns sires desous se banière et entre ses gens,  
celle part où il furent ordonné pour assallir.

Si commença li assaus grans et fors durement; et  
s'emploierent arbalestrier et dedens et dehors au  
traire moult vigereusement, par lequel trait il en y  
15 eut pluseur bleciés des assallans et des deffendans.  
Li contes de Haynau et se route, où moult avoit de  
appers chevaliers et escuiers, vinrent jusques as bail-  
les de l'une des portes. Là eut grant assaut et forte  
escarmuce. Là estoit li visdames de Chaalons, uns  
20 appers chevaliers, qui y fist merveilles d'armes, et  
qui moult vassaument se combati et deffendi. Et fist  
là à le porte meismement trois de ses neveux cheva-  
liers, qui ossi se acquittèrent moult bien en leur  
nouvelle chevalerie, et y fissent pluseurs apertises  
25 d'armes. Mais il furent si fort requis et assalli dou  
conte de Haynau qu'il les couvint retraire en le  
porte, car il perdirent les barrières. Là eut un moult  
dur assaut, sus le pont meismement. A le porte de-  
vers Cimay, estoit messires Jehans de Haynau et se ba-  
nière, qui assalloit moult fierement. Et celle porte gar-  
30 doient messires Jehans de Be[a]umont et monsigneur  
Jehan de la Bove. Là eut très grant assaut et forte



escarmuce, et couvint les François retraire dedens le porte, car il perdirent leurs baïlles, et les conquissent li Haynuier et le pont ossi. Là eut dure escarmuce et forte et grant assaut et felenès, car cil qui estoient monté sus le porte jettoient baus et mairiens contre- 5 val, et pos plains de cauch, et grant fuison de pières et de cailliaus, dont il navroient et mehagnoient gens, se il n'estoient fort armet et paveschiet. Et là fu consievis à meschief d'une pierre grosse et villaine uns bons escuiers de Haynau, qui se tenoit tout devant pour son corps avancier, Bauduins de Biaufort, et reçut un si dur horion sus sa targe, que on li esquartela et fendi en deus moitiés, et eut romput le brach dont il le portoit. Et le convint retraire, pour le villain horion, et porter as logeis, ensi que celi 15 qui ne se peut de puis armer en grant temps, jusques à tant qu'il fu sanés et garis.

§ 96. Le samedi, au matin, fu li assaus moult grans et très fiers à le ville de Aubenton en Tierasse; et se mettoient li assalant en grant painne et en grant 20 peril pour conquerir la ville. Ossi li chevalier, li escuier et cil qui dedens estoient rendoient grant entente et diligense à yaus deffendre, et bien le besongnoit. Et, saciés, se ce ne fuissent li gentil homme qui dedens Aubenton se tenoient et qui le gardoient, elle 25 eüst estet tantost prise et de saut, car elle estoit fort et dur assallie de tous costés et de grant fuison de bonne gent d'armes. Si y couvenoit tant plus grant avis et plus grant hardement pour le deffendre, et en fissent li chevalier de dedens, au voir dire, bien leur 30 devoir; mais finalement elle fu conquise par force

d'armes, et les garites qui n'estoient que de palis rompues et brisies. Et entra en la ville tout premierement messires Jehans de Haynau et se banière, en grant huée et en grant fouleis de gens et de chevaus.

- 5 Et adonc se recueillièrent en le place, devant le moustier, li visdames de Chaalons et aucun chevalier et escuier, et levèrent là leurs banières et leurs pennons, et moustrèrent de fait bien samblant et corage de yaus combatre, et tenir tant que par honneur il  
10 poroient durer. Mais li sires de Vrevins se parti et se banière, sans arroi et sans ordenance, et n'osa demorer, car bien sentoît monsieur Jehan de Haynau si aïret sur lui qu'il ne l'eüst pris à nulle raençon : si monta au plus tost qu'il peut sus fleur de  
15 coursier et prist les camps. Ces nouvelles vinrent à monsieur Jehan de Haynau que ses grans ennemis, et qui tant avoit porté le damage à se terre de Chymay, estoit partis, et s'en aloit devers Vrevins. Adonc li sires de Byaumont monta sus son coursier et fist  
20 chevaucier se banière et vuida Aubenton, en entente de raconsievir ses ennemis. Ses gens le sievoient, ces-cuns qui mieus mieus; et li aultre demorèrent en le ville, li contes de Haynau et se bataille, et se combattirent asprement et fierement à chiaus qui s'estoient arresté devant le moustier. Là ot dur hustin et  
25 fier, et tamaint homme reversé et mis par terre. Et là furent très bons chevaliers li visdames de Chaalons et si troi fil, et y fisent tamainte belle appertise d'armes.

- Endementrues que cil se combatoient, messires  
30 Jehans de Haynau et ses gens caçoient et encaçoient le signeur de Vrevins, au quel il avint si bien que il trouva les portes de se ville toutes ouvertes et entra

ens en grant haste; et jusques à là le poursievi sus son coursier, l'espée en le main, messires Jehans de Haynau. Quant il vit qu'il li estoit escapés et rentrés en se forterèce, si en fu trop courciés, et retourna tout le grant chemin de Aubenton. Si encontrèrent 5 ses gens le[s] gens le seigneur de Vrevins qui le sievoient à leur pooir. Si en occirent et misent par terre grant fuison, et puis retournèrent dedens Aubenton. Si trouvèrent leurs gens, qui jà avoient delivré le place de leurs ennemis. Et estoit pris li visdames et durement navrés, et mort deus de ses neveux, ce jour fais chevaliers, et ossi pluseur aultre. Ne onques chevaliers qui là fust n'en escapa ne escuiers, fors cil qui se sauvèrent avoecques le seigneur de Vrevins, qu'il ne fuissent tout mort et tout pris, et bien 15 deux cens hommes de le ville, et fu toute pillie et robe; et li grans avoirs et pourfis, qui dedens estoient, chargiés sus chars et sus charettes et envoiées à Chimay. Avoecques tout ce, la ville d'Aubenton fu toute arse. Et se logièrent ce soir li Haynuier sus le rivièrre, et 20 l'endemain il chevaucièrent devers Mauberfontainnes.

§ 97. Apriès le desolation et destruction de Aubenton, ensi que vous avés oy, s'acheminèrent li Haynuier et leurs routes devers Mauberfontainnes. Si tost qu'il y parvinrent, il le conquissent, car il n'i 25 avoit point de deffense, et le pillièrent et robèrent, et puis l'ardirent et, apriès, le ville de Aubencuel et Segni le Grant et Segni le Petit, et tous les hamiaus et villages de là environ, dont il en y eut plus de quarante. Ensi se contrevengière li Haynuier des 30 damages que on leur avoit fais, tant en le terre de

Chimay comme à Haspre. Mais de puis li François leur fisent cier comparer, si com vous orés avant en l'ystore. De puis ceste chevaucie faite, li contes de Haynau se retraist deviers le ville de Mons et donna  
5 congiet toutes manières de gens d'armes, et les remercia grandement et bellement cescun de son bon service, et fist tant que tout se partirent bien content de lui; si s'en rala cescuns en son lieu.

Assés tost apriès, vint il en volenté et en pourpos  
10 au dit conte que d'aler esbatre en Engleterre et faire certaines alliances au dit roi, son serourge, pour estre plus fors en sa guerre, car bien pensoit et disoit que la cose ne pooit demorer ensi, et que li rois, ses oncles, ne fesist aucune armée contre lui. Et pour  
15 estre plus fors, bon li sambloit, et à son conseil ossi, que il eust l'amour et l'alliance des Englès, des Flamens et des Braibençons. Si manda li dis contes tout son conseil à Mons en Haynau, et leur remoustra sen entente. Et ordonna et institua là monsieur  
20 Jehan de Haynau à estre bauls et gouvrenères de Haynau, de Hollandes et de Zelandes. Et se parti de puis assés tost, à privée mesnie, et vint à Dourdresch en Hollandes, et là monta en mer pour arriver en Engleterre. Or nous tairons nous à parler dou conte  
25 de Haynau, et parlerons des besongnes de son pays, et des avenues qui y avinrent entrues qu'il fu hors.

§ 98. Vous avés bien oy recorder comment messires Jehans de Haynau demora baulz et gouvrenères des trois pays, par l'ordenance dou conte. Si obeirent  
30 en avant tout li baron et li chevalier et li homme dou pays à lui, comme à leur signeur, jus-

ques à son retour. Si se tint li dis messires Jehans de Haynau en le ville de Mons, et pourvei le pays et garni bien et souffissamment de toutes bonnes gens d'armes, especialment sus les frontières de France, et envoya quatre chevaliers en le ville de Valenchiè- 5 nes, pour aidier à garder et consillier le ville et les bourgeois. Che furent li sires d'Antoing, li sires de Wargni, li sires de Gommegnies et messires Henris de Husphalize. Et envoya le senescal de Haynau, monsieur Gerart de Wercin, à tout cent lances 10 de bonne gent d'armes, en le ville de Maubuege; et mist le mareschal de Haynau, monsieur Thieri de Walecourt, en le ville dou Kesnoi, et le signeur de Potielles en le ville de Landrecies. Apriès, il mist en le ville de Bouçain trois chevaliers alemans, qui tout 15 troi se nommoient messires Conrars, et envoya à Escauduevre monsieur Gerart de Sassegnies, et ossi en le ville de Avesnes le signeur de Faulkemon, et ensi par toutes les forterèces de Haynau, voires sus les frontières dou royaume; et pria et enjoindi à 20 cescun de ces chapitaines qu'il fuissent songneus, pour leur honneur, d'entendre à che qui leur estoit recargiet, et cescuns li eut en couvent. Si se tray cescuns sires et chapitains avoecques ses gens en se garnison, et entendirent dou remettre en point, garnir et pourvoir che dont il estoient garde. Or reven- 25 rons nous au roy de France, et recorderons comment il envoya une grande chevaucie de gens d'armes en Haynau, pour ardoir et exillier le pays, et en fist le duch de Normendie son fil chief. 30



**VARIANTES.**





# VARIANTES.

---

## PROLOGUE.

Page 1, ligne 1 : Afin. — *Ms. d'Amiens* : Afin que li grant fait d'armes qui par les guerres de Franche et d'Engleterre sont avenu, soient notablement registré et mis en memore perpetuel, par quoy li bon y puissent prendre exemple, je me voeil ensonnier dou mettre en prose. Voirs est que messires Jehans li Biaux, jadis canonnes de Saint Lambiert de Liège, en croniza à son temps auqune cose. Or ay je che livre et ceste histoire augmenté par juste enqueste que j'en ay fait en travaillant par le monde et en demandant as vaillans hommes, chevaliers et escuyers, qui les ont aidiés à acroistre, le verité des avenues, et ossi à aucuns rois d'armes et leurs mareschaus, tant en Franche comme en Engleterre où j'ay travillié apriès yaux pour avoir la verité de la matère; car par droit tels gens sont juste inquisiteur et raporteur des besoingnes, et croy que pour leur honneur il n'en ose- roient mentir. Et sour ce je ay ce livre fait, dictet et ordonnet parmy l'ayde de Dieu premierement et le relation des dessus dis, sans coulourer l'un plus que l'autre, mès li bien fais dou bon, douquel costet qu'il soit, y est plainnement ramenteus et cougneus, si comme vous trouverés en lisant. Et pour ce que ou temps advenir on sace de verité qui ce livre mist sus, on m'appelle sire Jehan Froissart, prestre, net de le ville de Vallenchiennes, qui mout de paine et de travail en euch em puiiseurs mannièrres, ainchois que je l'euisse compillé ne accompli, tant que de le labour de ma teste et de l'evil de mon corps; mais toutes cotes se font et accomplissent par plaisance et le bonne dilligence que on y a, ensi comme il apparra avant en cest livre.

F<sup>o</sup> 1.

*Mss. A* : Donc ainsi, pour atteindre et venir à la matière que

j'ay emprinse de commencer premierement par la grace de Dieu et de la benoite glorieuse Vierge Marie, dont tout confort et avancement viennent, je me vueil fonder et ordonner sur les vraies croniques jadis faites et rassemblées par venerable homme et discret seigneur monseigneur Jehan le Bel, chanoine de Saint Lambert du Liège qui grant cure et toute bonne diligence mist en ceste matière et la continua tout son vivant au plus justement qu'il pot, et moult lui cousta à acquerre et à l'avoir. Mais quelque fraiz qu'il y eust ne fist, riens ne plainy, car il estoit riches et puissans, si les povoit bien porter, et de soy mesme larges, honnourables et courtois, et qui le sien volentiers despendoit. Aussi il fut en son vivant moult amy et secret à très noble et doubté seigneur monseigneur Jehan de Haynault qui bien est ramenteus de raison en ce livre, car de plusieurs et belles avenues il en fut chief et cause, et des roys moult prochain. Pourquoy, le dessus dit messire Jehans le Bel pot delez lui veoir et congnoistre plusieurs besoingnes, lesquelles sont contenues ensuivant.

Voirs est que je, qui ay emprins ce livre à ordonner, ay, par plaisance qui à ce m'a tousjours encliné, fréquenté plusieurs nobles et grans seigneurs, tant en France comme en Angleterre, en Escoce<sup>1</sup> et en autres pais, et ay eu congnoissance d'eulx. Si ay tousjours à mon pouvoir justement enquis et demandé du fait des guerres et des aventures qui en sont avenues, et par especial depuis la grosse bataille de Poitiers où le noble roy Jehan de France fut prins, car devant j'estoie encores jeune de sens et d'aage. Et ce non obstant si emprins je assez hardiement, moyssu de l'escolle, à dittier et à rimer les guerres dessus dites et porter en Angleterre le livre tout compilé, si comme je le fis. Et le presentay adonc à très haulte et très noble dame, dame Phelippe de Haynault, royne d'Angleterre, qui doucement et lieement le receut de moy et me fist grant profit.

Or puet estre que cest livre n'est mie examiné ne ordoané si justement que telle chose le requiert. Car fais d'armes, qui si chierement sont comparez, doivent estre donnez et loyaument departis à ceulx qui par prouesce y travaillent. Donc, pour moy acquitter envers tous, ainsi que drois est, j'ay emprinse ceste histoire à poursuivre sur l'ordonnance et fondation devant dite, à

1 Les mss A 11 et 12 ajoutent : en Bietaingne. F<sup>o</sup> 1 v<sup>o</sup>.

la prière et requeste d'un mien chier seigneur et maistre, monseigneur Robert de Namur, seigneur [de Beaufort<sup>1</sup>], à qui je vueil devoir amour et obeissance, et Dieu me laist faire chose qui lui puisse plaire! *Ms. A 1*, f° 1 v°.

P. 6, l. 22 : Edowart. — *Ms. de Rome* : et de la bonne royne Phelippe de Hainnau, sa fenme. F° 1 v°.

P. 6, l. 22 : Calles. — *Ms. d'Amiens* : li doi duchs de Lancastre, messires Henris et messires Jehans qui eut sa fille, li comtes de Warvich, messires Regnau[s] de Gobehen, messires Jehans Candos, messires Wautiers de Mauni, messires Jamez<sup>2</sup> d'Audelée<sup>3</sup> et pluseurs autres dont je ne puis mie de tout parler. Et ossi li royaummez de Franche ne fu oncquez si desconfi que li Englès n'y trouvaissent grant fuison de bonne chevalerie. Et fu li roys Phelippes de [Valois<sup>4</sup>] ungs vaillans homs et hardis durement, et li roys Jehans ses fils, li ducs de Bourgoingne, messires [Charles de Blois<sup>5</sup>], li dus de Bourbon, li comtez d'Alenchon<sup>6</sup> et pluseurs hauls barons et bacelers. F° 1.

*Mss. A* : le duc de Lancastre, messire Gaultier de Mauny en Haynault, messire Regnault de Gobehan, messire Jehan Chandos, messire Franque de Halle et pluseurs autres qui se ramenteveront pour le bien et la prouesse d'eulx dedens ce livre. Car, par toutes les batailles où ilz ont esté, ilz ont eue renommée des mieulx faisans par terre et par mer; et s'i sont moustrez si vaillamment que on les doit bien tenir pour souverains preux, mais pour ce ne doivent les autres, qui avecques eulx furent, pis valoir.

Aussi en France a esté trouvée bonne chevalerie, roide, forte

1. *Ms. A 2*, f° 1 v°. — *Ms. A 1* (lacune). *Les mots* : seigneur de Beaufort manquent aussi dans le *ms. A 3*, f° 7. — *Ms. B 6* : Robert de Namur, seigneur de Renais en Flandres et de Beaufort sur Meuse. F° 1.

2. Contrairement aux habitudes de notre orthographe actuelle, on trouve fréquemment dans le *ms. d'Amiens* la consonne *z* placée immédiatement après des *e* qui ne devaient pas moins, au quatorzième siècle comme aujourd'hui, rester muets dans la prononciation. Aussi nous accentuerons par exception, dans les textes empruntés au *ms. d'Amiens*, tous les *e* qui doivent être accentués, alors même qu'ils seront suivis d'un *z*.

3. Le *ms. de Valenciennes* ajoute : .... messire Pierre d'Audellée, messire Robert Canolle, messire Hue de Cavrelée. F° 1.

4. *Ms. d'Amiens* : Valeur. F° 1. *Mauvaise leçon*.

5. *Ms. de Valenciennes*, f° 1 v°. — *Ms. d'Amiens*, f° 1 (lacune).

6. Le *ms. de Valenciennes* ajoute : messire Loys d'Espagne, messire Bertran de Claequin, messire Ernoult d'Audenehem. F° 1 v°.

et appert, car le royaume de France ne fut oncques si desconfis que on n'y trovast tousjours bien à qui combattre. Et fut le noble roy de Valois, appelé Phelippe, ung très hardy et chevalleux chevallier, et le roy Jehan son filz, Charles roy de Behaigne, le conte d'Alençon, le conte de Foix, messire Saintré, messire Arnoul d'Andrehen, messire Boucicault, messire Guichart d'Angle, monseigneur de Beaugen le père et le filz et plusieurs autres. *Ms. A 1, f° 2.*

P. 7, l. 7 : François. — *Ms. de Rome* : selonch ce que j'en fus enfourmés, car casque des parties dist que sa querelle est bonne, otretant bien le deffendant comme le demandant. F° 1 v°.

P. 7, l. 11 : Froissart. — *Ms. de Rome* : Je Jehans Froissars, tresoriers et channones de Chimay. F° 1.

---

## LIVRE PREMIER.

---

§ 1. P. 9, l. 5 : ailleurs. — *Ms. de Rome* : .... par l'orguel d'un conte d'Artois qui s'apelloit Robers. F° 1 v°.

P. 9, l. 5 : li biaux. — *Ms. B 6* : Pour che tamps estoit rois en France ung roy qui s'apelloit Phelippe. Et pour che qu'il estoit beaus de corps et de viaire et de tous autres membres communement, on l'apelloit le biel roy Phelippe. F° 3.

P. 9, l. 6 : Edouwart. — *Ms. d'Amiens* : Et li avoit li rois de Franche donné sa fille par envie, si comme on disoit, pour tant que li comtes Guis de Flandres, qui regnoit pour le temps, li avoit volut donner sa fille sans le congiet et ordonnance dou roy de France, et il ne li plaisoit mies que il s'aliast as Englès. Et quant chils biaux roys Phelippes sceut que chils mariages se devoit faire, il manda au comte de Flandres qu'il li envoyast veoir sa fille qui estoit sa filloeille. Li comtes, qui nul mal n'y pensoit, li envoya tantos et sans delay. Quant li roys Phelippes le vit, il le prist et le fist emprisonner par tel manière c'oncques depuis ne rentra en Flandres. Pour laquelle avenue, moult de batailles furent en Flandres et en France, et la grosse bataille de Courtray où il eut tant de vaillans seigneurs mors et desconfis, et ailleurs ossi. Or maria chils biaux roys Phelippes sa fille [Ysabel<sup>1</sup>] au roy d'Engleterre, et li donna en mariaige toute la comté de Pontieu et encoires.....<sup>2</sup> revenus ailleurs. F° 1 v°.

P. 9, l. 13 : Edouwart. — *Ms. A* : qui fut couronnez à Londres, l'an de grace mil trois cens et vingt sis, le jour de Noel, au vivant du roy son père et de la royne sa mère. *Ms. A 1*, f° 2.

*Ms. de Rome* : Et pour ce que ses fils nommés Edouwars n'eut point celle grasce ne bonne aventure d'armes, car tous ne sont pas ne ne puent estre aourné de bonnes vertus, escei ils en haine et indignacion de son peuple, mais on ne li remoustra pas

1. *Ms. de Valenciennes*. f° 2. — *Ms. d'Amiens* (lacune).

2. Les points indiquent un mot laissé en blanc dans le ms. d'Amiens.

ses folies secrètes, avant ot il fait moult de grans mauls et de crueuses justices des nobles de son roiaume. Englès sueffrent bien un temps, maiz en la fin il paient si crueusement que on s'i puet bien exemplier, ne on ne puet jen[e]r à eulz. Et se lieuve et couce uns sires en trop grant peril qui les gouverne, car jà ne l'ameront ne honneront, se il n'est victorieus, et se il n'ainme les armes et la guerre à ses voisins, et par especial à plus fors et à plus riches que il ne soient. Et ont celle condicion, et tiennent celle opinion et ont tous jours tenu et tenront, tant que Engleterre sera terre habitable. Et dient generaulment, et ce ont il veu par experiense par trop fois que, apriès un bon roi, il en ont un qui n'est de nulle vaillance. Et le tiennent à endormi et à pesant, quant il ne voelt ensievir les oeuvres de sen père ou de sen predicesseur, bon roy qui a resgné en devant de li. Et est lor terre plus plainne de riçoisses et de tous biens, quant il'ont la gerre, que en temps de paix. Et en cela sont il né et obstiné, ne nuls ne lor poroit faire entendant le contraire.

Englès sont de merveilleuses conditions, chaut et boullant, tos esmeu en ire, tart apaisié ne amodé en douçour; et se delittent et confortent en batailles et en ocisions. Convoiteus et envieus sont trop grandement sus le bien d'autrui, et ne se pueent congiindre parfaitement ne naturellement en l'amour ne aliance de nation estragne, et sont couvert et orgueilleus. Et par especial dessous le solet n'a nul plus perilleus peuple, tant que de hommes mestis, comme il sont en Engleterre. Et trop fort se diffèrent en Engleterre les natures et conditions des nobles aux hommes mestis et vilains, car li gentilhomme sont de noble et loiale condition, et li communs peuples est de fêle, perilleuse, orgueilleuse et desloiale condition. Et là où li peuples vodroit moustrer sa felonnie et poissance, li noble n'aueroient point de durée à euls. Or sont il et ont esté un lonch temps moult bien d'acort ensamble, car li noble ne demande au peuple que toute raison. Aussi on ne li soufferoit point que il presist, sans paiier, un oef ne une poulle. Li homme de mestier et li laboureur parmi Engleterre vivent de ce que il sèvent faire, et li gentilhomme, de lors rentes et revenues; et s' li rois les ensonnie, il sont paiiet, non que li rois puist taillier son peuple, non, ne li peuples ne le vodroit ne poroit souffrir. Il i a certainnes ordenances et pactions assises sus le staple des lainnes, et de ce est li rois aidies au desus de ses rentes et revenues; et quant ils fait gerre, celle paction

on li double. Engleterre est la terre dou monde le mieulz gardée. Aultrement il ne poroient ne saueroient vivre, et couvient bien que uns rois qui est lors sires, se ordonne apriès euls et s'encline à moult de lors volentés; et se il fait le contraire et mauls en viengne, mal l'en prendra ensi que il fist à ce roi Edouwart, dont je parloie maintenant, liquels fu fils au bon roi Edouwart qui tant fu de proèce plains que il desconfi par pluiseurs fois en bataille les Escoçois et conquist sus euls la chité de Bervich et la frontière d'Escoce jusques en la chité d'Abredane; et prist et tint Haindebouch et le fort chastiel de Struvelin.

Et qant chils bons rois Edouwars fu trespasés, ses fils, nommés aussi Edouwars, fu rois, mais il n'ensievi pas ne en riens la villance dou roi son père. Car assés tos apriès ce que il fu couronnés, li rois d'Escoce, qui se nouma Robers de Brus, desfia ce roi Edouwart et cevauça tantot efforcement sur lui et reconquist toute Escoce, celle que li bons rois Edouwars avoit conquist, et reprist la chité de Bervich et passa la rivière de Taie, et entra ens ou pais de Norhombrelande et ardi et essilla moult dou roiaulme d'Engleterre jusques à la rivière dou Thin; et vinrent li dit Escoçois mettre le siège devant le chastiel de Struvelin. Adonc s'esmurent chils rois Edouwars, fils au bon roi Edouwart, et toute la chevalerie d'Engleterre, pour lever ce siège. Et là les atendirent li rois Robers de Brus et ses gens, et i ot une bataille arestée très grande. Et là furent desconfi les Englois et mis en cace, et en i ot biau cop de mors et de pris. Et dura ceste cace des Escoçois sus les Englez jusques outre la rivière dou Hombre. Et se sauva à grant painne li rois Edouwars, et ne fu onques asegurés en chité ne en ville ne chastiel que il eust sus tout son cemin, si se trouva en la chité de Londres. Et quant il vei et congneut la vaillance de ce roi Robert de Brus, il fist paction et acordance à lui, et demo[rè]rent li doi roiaulme d'Engleterre et d'Escoce en trieuves, ung grant tempore. F° 2.

P. 9, l. 16 : Robers de Brus. — *Ms. B* 6 : En ce tamps regnoit ung roy en Escoce qui s'apielloit le roy Robert de Brus. Che roy Robert avoit esté du vivant le père de ce roy Edouart durement vexés et travilliés par guerre et tout son royaume : sy que, quant che bon roy Edouart fu mors et son filz, le roy Edouart vint à le couronne, qui ne fu mie de sy grant vaillance que son père. Che roy Robert, qui entendy le foible conseil que ii creoit et le discort que il avoit entre le roy et les hauls barons

d'Engleterre, s'avisa que il se contrevengeroit des anoy et despit que les Englez ly avoient fait. Et avoit à che donc sy nettement perdu sôn roialme d'Escoche que il se tenoit entre les montaignes devers Abredanne et n'osoit entrer en le Douliche Escoche. Sy assambla tous ses amis, monseigneur Guillaume de Douglas, monseigneur le conte Patris, le conte de Muret, monseigneur Robert de Versy, monseigneur Simon Fresiel et plulseurs autres. Et chevauchèrent avant à grant exploit et reconquirent villez et chasteaux en Escoche que les Englès tenoient, et reprirent la bonne cité de Bervich. Et reconquirent briefment tous les chasteaux d'Escoche, Handebourch, Dubertain, Dondieu, Dombare, Dalquest, Saint Jehanston, Donfremelin, Abredane et plulseurs autres. Et vinrent finablement mettre le siège devant le fort castel de Struvelin en Escoche, et apressèrent moult cheaux de dedens.

Ces nouvelles vinrent en Engleterre que les Escochois avoient tout reconquist leur pais, excepté le castel de Stourvelin. Dont s'esmurent le roy et tous les barons et communaulté d'Engleterre pour venir en Escoche. Et exploitèrent tant que il vinrent assés priès de Struvelin. Le roy Robert de Brus et ly barons d'Escoche qui là se tenoient à siège, si tost que il entendirent que le roy d'Engleterre et sa puissance estoient venus pour yaulx combatre et lever le siège, il se rengièrent et ordonnèrent tantost devant eulx et combatirent caudemment le roy d'Engleterre et les Englès, ainchois que il se peussent logier ne aviser plache. Et là ot grant bataille, cruelle et dure, qui dura longement. Mais finablement les Englès furent desconfis. Et convint le roy fuir et mesire Hue le Despensier; autrement il eussent esté pris. Et dura ceste cache des Escochois as Englès trois jours, et furent racachiet jusques à la rivière de Thin. Et y ot des Englès mors plus de quarante mille, et moult de vaillans hommes. Et au retour que ly rois d'Escoche fist, il prist le fort chastel de Struvelin, car ly Englès quy le tenoient le rendirent, sauve leur vies. F<sup>os</sup> 5 à 7.

§ 2. P. 10, l. 14 : femme. — *Mss. A* : qui estoit une des plus belle[s] dame[s] du monde. *Mss. A* 1, f<sup>o</sup> 2 v<sup>o</sup>.

P. 10, l. 15 : li ainsnés. — *Mss. A* : est le gentil et le preux roy. *Mss. A* 1, f<sup>o</sup> 2 v<sup>o</sup>. — *Mss. d'Amiens* : qui tant fu vaillans homs. F<sup>o</sup> 1 v<sup>o</sup>.



P. 10, l. 15 et 16 : Edouars. — *Ms. B 6* : de Windesort. F° 4 v°.

P. 10, l. 17 : barons. — *Ms. de Rome* : prelas et comunautés d'Engleterre. F° 2 v°.

P. 10, l. 22 : l'acord. — *Ms. de Rome* : des hauts barons de l'un roialme et de l'autre, et pour venir à plus grande aliance d'amour. F° 2 v°.

P. 10, l. 23 : fille. — *Ms. B 6* : ot nom Marie. F° 4 v°. — *Ms. de Rome* : ot nom Jehane. F° 2 v°.

P. 10, l. 24 : duch. — *Ms. B 6* : duc de Gherles nommé Renault. F° 4 v°. — *Mss. A 7 à 36* : conte Regnault de Gerlles qui de puis fu apellé duc de Guèle. F° 2. — *Ms. de Rome* : conte de Guerles. F° 2 v°. — *Mss. A 1 à 6* : conte Regnault de Guerles. F° 2 v°.

P. 10, l. 25 : Renault. — *Ms. d'Amiens* : messire Ernaut et messire Edouart quoi tant fu bons chevaliers. F° 1.

P. 10, l. 25 : filles. — *Ms. d'Amiens* : De ses deux filles, l'une eut li contes de Mons, et l'autre eult depuis li contes Jehans de Blois, comme vous orés avant en l'istoire. Et que on l'entende, chils contes des Mons fu marcis<sup>1</sup>..... et puis par l'ordounnance l'empereur Loeys de Baivière, contes de Jullers et des Mons..... fils ensuiuant par le decoellance l'enpereur d'Allemaigne et de Romme monseigneur..... de Jullers. F° 1. — *Ms. de Valenciennes* : Et de ses deux filles, l'une eut le conte de Clèves, et l'autre le conte de Jullers. F° 2 v°. — *Ms. de Rome* : Et des doi filles li ainnée fu femme au conte de Jullers, et li aultre morut sans mariaige. F° 2 v°.

§ 3. P. 10, l. 28 : Li biaux. — *Mss. A 7, 18, 19, 23 à 35* : ce roi Philippe nommé Beau de France. F° 2 v°. — *Ms. d'Amiens* : Encoires, pour mieux esclarchir ceste grande et noble matère, t-ouvrir le declaracion des linaiges, je me voeil ung petit ensonniiier de mettre avant dont li roys Edouars qui [assega<sup>2</sup>] Tour-nay yssi, et com prochains il fu de la couronne de France, tant qu'il vesqui. Il descendi, de par la fumelle, de le droite ordonnance. F° 1.

1. Les points indiquent ici certaines lacunes d'un ou deux mots, des noms propres presque toujours, qui ont été marquées par des blancs dans les premiers folios du ms. d'Amiens.

2. Ms. de Valenciennes. f° 2 v°. — Ms. d'Amiens (lacune).

P. 11, l. 1 : chevalier. — *Ms. d'Amiens* : de membres et de façons. F° 1.

P. 11, l. 3 et 4 : li Bians. — *Mss. A* 1 à 6, 8 à 17, 20 à 22, 36 à 38 : le Long. F° 2 v°. — *Mss. A* 7, 18, 19, 23 à 35 : li Grans dit le Lonc. F° 2 v°.

P. 11, l. 6 : l'autre. — *Ms. de Rome* : et furent tout troi mariet. F° 3.

P. 11, l. 15 : maintenir. — *Ms. de Rome* : par election et rieule naturel et droiturier que il ont en France, et de laquelle ordenance anciennement on avoit veu user. F° 3.

P. 11, l. 19 : acort. — *Ms. d'Amiens* : de leur certain acord.... absolument, en plain Palais, à Paris. F° 1 v°.

P. 11, l. 20 : fil jadis. — *Mss. A* 7, 18, 19, 23 à 33 : nepveu jadis à ce beau roi Phelippe de France. F° 2 v°.

P. 11, l. 25 : germain. — *Ms. d'Amiens et Mss. A* : Ensi ala li dis royaummes hors de la droite lignie, che samble il à moult de gens. F° 1 v°.

P. 11, l. 25 : poins. — *Ms. d'Amiens et Mss. A* : C2r [c'est'] la vraie fondation de ceste histoire pour raconter les grandes entreprinses et les grans fès d'armez qui avenu en sont. Car, puis le tamps le bon roy Carlemainne qui fu emperères d'Alemaigne et roys de Franche, n'avinrent si grans aventurez de guerrez ou royaume de France que ellez sont avenues par ce fet chy. F° 1 v°.

§ 4. P. 12, l. 9 : enhort. — *Mss. A* 11 à 13 : d'un mauvais chevalier que on dit monseigneur Huon. F° 3.

P. 12, l. 11 : d'enfance. — *Ms. B* 6 et *ms. de Rome* : et qui estoit son cousin. F° 5. — *Ms. de Rome* :.... et plus encores par l'enort et conseil dou fil que dou père, car li pères estoit jà tous anciens, et li fils se tenoit tous jours dalés le roi. F° 3.

P. 12, l. 21 : tourmens. — *Ms. de Rome* :.... car, ensi que je ai dit ichi desus, Englès ne se pueent longement tenir ne souffrir de un inconvenient, qant on lor fait; et se il le portent et sueffrent un temps outre lor volenté, si en prennent il en la fin crueuls paiement. F° 3.

P. 12, l. 25 : murmure. — *Ms. de Rome* : et coumenchièrent

1. *Ms. de Valenciennes*, f° 3. — *Ms. d'Amiens* : ceste. *Mauvaise leçon*.

à murmurer li prelat, li baron et li homme des chités et bonnes villes d'Engleterre. F° 3.

P. 13, l. 7 et 8 : Lancastre. — *Ms. d'Amiens et mss. A* : qui estoit oncles au roy. F° 1 v°.

§ 5. P. 13, l. 23 et 24 : parlement. — *Ms. de Rome* : ..... que il fist venir à Bristo, là où il se tenoit le plus souvent et moult volentiers. F° 3.

P. 13, l. 29 : decolés. — *Ms. de Rome* : ..... et se son frère le conte Ainmon de Qent eüst esté à ce parlement, il estoit ordonné dou faire morir ; mais point n'i fu, car il estoit dehetiés, si s'escusa. F° 3.

P. 13, l. 31 : pays. — *Ms. de Rome* : Mais nuls n'en osoit parler, là où la congnaissance en fust venue au roi, ne au dit messire Hue le Espensier ; car il estoient si crueuls en lor fais que nuls, tant hauls ne nobles que il fust, n'estoit espargniés ; et voloient resgner en celle ordonnance que nuls ne parlast sur lor estat. F° 3.

P. 14, l. 2 : roy. — *Ms. B* 6 : quy fu preudons et vaillans hons. F° 9.

P. 14, l. 8 : fust. — *Ms. de Rome* : Et pour tant que le conte Ainmon de Qent en parla et en blama le roi son frère, presens auquns nobles d'Engleterre, pour ces paroles et pour aultres avoecques, tout le mal et discort que messires Hues li Espensiers pooit mettre entre le roi et son frère et la roine, il l'i mist. Et bien le savoient la roine et li contes de Qent, et s'en vinrent demorer en la conté de Qent, et en un biau chastiau dou dit conte que on noume Lèdes. Et là se tinrent un tempore, car li rois d'Engleterre ne faisoit compte de sa fenme ne de ses enfans. Et couvenoit la roine vivre de son demainne, car les roines d'Engleterre ont grans drois et biaux hiretages de lors doaires en Engleterre. Chils rois ne faisoit compte de veoir la roine. Si estoit elle très belle dame et feminine et doucement enlangagie. Dit fu à ce conte de Qent et à la roine Issabiel d'Engleterre, qui se tenoient en ce chastiel de Lèdes, que li rois les feroit prendre, decoler ou noier son frère, et la roine enmururer. F° 3 v°.

P. 14, l. 21 : d'Engleterre. — *Ms. de Rome* : et venroit en Pontieu, car la conté de Pontieu li devoit estre deue, et li avoit esté donnée en mariage avoecques le roi d'Engleterre. F° 3 v°.

P. 14, l. 22 : Charlon. — *Ms. d'Amiens* : qui encoires vivoit. F<sup>o</sup> 2.

P. 14, l. 32 : pelerinage. — *Ms. d'Amiens et mss. A* : à Saint Thummas en Cantorbie. F<sup>o</sup> 2.

P. 15, l. 4 et 5 : Douvres. — *Ms. d'Amiens et mss. A* : à Winnecesée<sup>1</sup>, et là de nuit elle entra en une nef appareillie pour elle et son fil et le conte Aynmon de Kent et messire Rogier de Mortemer, et en une autre nef mirent leurs pourveances. Et eurent vent à souhet, et furent l'endemain devant<sup>2</sup> prime ou havenne de Bouloingne. F<sup>o</sup> 2.

§ 6. P. 15, l. 10 : abbes. — *Ms. d'Amiens et mss. A* : li capitainne de la ville et li bourgeois et ossi li abbes. F<sup>o</sup> 2.

P. 15, l. 12 : cinq. — *Ms. d'Amiens et mss. A* 1 à 14, 18 à 35 : deux. F<sup>o</sup> 2. — *Mss. A* 15 à 17 : trois. F<sup>o</sup> 3 v<sup>o</sup>.

P. 15, l. 13 : sizime. — *Ms. d'Amiens et mss. A* 1 à 14, 18 à 35 : tiers. — *Mss. A* 15 à 17 : quatrime. F<sup>o</sup> 3 v<sup>o</sup>.

P. 15, l. 25 et 26 : Paris. — *M. de Rome* : et ou bois de Vicainnes où, pour ce temps, li rois de France se tenoit. F<sup>o</sup> 3.

P. 15, l. 28 : palais. — *Le ms. d'Amiens et les mss. A omettent* : .... li contes de Dammartin, .... li sires de Montmorensi, *et ajoutent* : monseigneur de Sully et le seigneur de Roye. F<sup>o</sup> 2.

P. 17, l. 6 : vies. — *Ms. d'Amiens et mss. A* : Si ne l'ay je pas desservi ne ne vouroie faire nullement, car oncques enviers li je ne pensay ne ne fis cose qui fust à reprendre. Et quant j'euch oy ces dures nouvellez et si perilleusez pour moy et sans raison, je m'avisay pour le mieux que je partiroie d'Engleterre et vous venroie veoir et remoustrer fyablement comme à mon seigneur et biaufère l'aventure et le peril où j'ay esté, ossi li comtez de Cain que la veés, qui est frèrez du roy mon marit, qui est en otel parti de haynne comme je sui, et tout par l'esnouvement et faux enort de ce Huon le Espenssier. Si m'en sui chy afaie comme femme esgarée et desconseillie deviers vous pour avoir consseil et confort de ces besoingnes; car, se Dieux premierement et vous n'y remediés, je ne me sçay vers qui traire. F<sup>o</sup> 2 v<sup>o</sup>.

1. *Mss. A* 7 à 10. 15 à 19, 23 à 33 : Winnecesée. F<sup>o</sup> 3. — *Mss. A* 1 à 6, 11 à 13, 20 à 22 : Windesore. F<sup>o</sup> 3 v<sup>o</sup>. — *Mss. A* 34 et 35 : Vinchettes. F<sup>o</sup> 3 v<sup>o</sup>.

2. *Mss. A* 1 à 6 : à prime. F<sup>o</sup> 3 v<sup>o</sup>.

§ 7. P. 17, l. 12 : doucement. — *Ms. de Rome* : Li rois Carles de France requelli assés doucement sa serour et son jone fil Edouwart et le vei moult volentiers et le conte de Qent et messire Rogier de Mortemer et ordonna tantost de lor estat, qant il ot entendu recorder sa serour et le conte de Qent la vie l'affaire et l'ordenance dou roi d'Engleterre et de ce Hue le Espensier; mais il ne dist pas : « Belle serour, pour l'amour de vous, et pour ce que je voi que il se mesuse, je li manderai notoirement que il se mète à raison et eslonge de li son mauvais conseil et vous tiengne en paix et en estat, ensi que uns rois doit tenir sa fenme, ou je li ferai guerre; » nennil, mais li dist : « Ma belle serour, je vous pourverai courtoisement de vostre estat pour vous et pour vostre fil; et entruës s'avisera vostres maris, ou li amour et la compaignie de li et de ce Hue le Espensier se desrompera. » Il couvint la roine d'Engleterre prendre en bon gré ce que ses frères li rois de France li offroit, et l'en remercia, et aussi fist li contes de Qent. Et se tinrent à Paris que là environ trois ans tous complis, et estoient souvent avec le roi Carle. Et les veoit li rois volentiers et prenoit à la fois grant plaisance ou jone Edouwart, car il estoit biaux fils et rians; et s'esbatoit li rois, qui estoit son oncle, en ses jonèces. F° 3 v°.

P. 17, l. 16 : besongnes. — *Ms. d'Amiens et mss. A* : Depuis ne demoura guaires que, sus cel afaire que vous avés oy, Carlez li roys de Franche assambla pluseurs grans seigneurs et barons dou royaume de France pour avoir conseil et bon avis comment il ordonneroit de le besoingne la roynne sa soer à qui il avoit proummis confort et ayde, et tenir li volloit. Dont fut ainssi conseillet au roy et pour le mieus que il laissast ma damme sa sereur acquerre et pourchacier amis et confortans ou royaume et se faindist de ceste emprise; car de esmouvoir guerre au roy d'Engleterre et de mettre son pays en hayne, ce n'estoit pas cose qui fuist appartenant, mais couvertement et secretement l'aidast et confortast dou sien tant que d'or et d'argent, car c'est li metaux par quoy on aquier l'amour dez gentils hommes et des povres bacelers. A ce conseil et advis s'acorda li roys et le fist dire ainssi tout quoiement à le roynne d'Engleterre sa sereur par monseigneur Robert d'Artois qui lors estoit li ungs des plus grans de Franche. Sur ce, la bonne damme, toute resjoie et confortée, persevera et se pourvey d'acquerre amys parmi le royaume de Franche. Les aucuns prioit; lez autres proumettoit ou donnoit, et

tant que il y eult moult de grans seigneurs, de jouenes chevaliers et escuyers qui tous li acordèrent confort et aliauche, pour li remener en Engleterre et de force<sup>1</sup>. F<sup>o</sup> 2 v<sup>o</sup>.

P. 17, l. 24 et 25 : estoient. — *Ms. de Rome* : Pour ce temps que la roine d'Engleterre et ses fils et li contes de Qent estoient en France, avoit deus jones filles en France, des quelles li rois Carles estoit onclez, car elles avoient esté filles à ses deus frères, li roy Loïs que on nouma le roi Hustin, et li autre, fille au roi Phelippe le Grant, qui en sa jonèce avoit esté noumé contes de Nevers. Ces deus filles, li une fu depuis duçoise d'Orliens, et li aultre, Margerite, contesse de Flandres et d'Artois. Et fu adonc parolé ens ou conseil dou roi de France, et assez s'i acordoit li rois, que ses biaux nevens Edouwars d'Engleterre eust l'une de ses nièces par mariage et que li roiaulmes de France, après li, lor retornast, car il venoient de la droite lignie.

Ces nouvelles s'espandirent tant que elles furent sceues en Engleterre. Qant messires Hues li Espensiers en fu enfourmés, si se doubta grandement que la poissance dou roi de France ne le fessist tresbuchier jus de ses estas, car bien imaginoit au fort [que] ses sires li rois d'Engleterre n'oseroit courouchier le roi de France, et encores oultre, se ceste aliance se faisoit, que li jones Edouwars d'Engleterre fust mariés en France et presist sa cousine germainne, il ne poroit longement estre ne demorer que, dou costé de France, il n'eust à faire, avoecques tout ce encores que il sentoit bien que moult estoit haïs en Engleterre par les crueuses justices et sanz raison, que il avoit consenti et consilliet à faire, dont tous les jours il estoit en peril et en aventure des linages de ceuls qui mort estoient. Si se avisa que à tout ce il pourveroit trop grandement, ensi qu'il fist. Ils qui bien savoit que, se chils mariages se faisoit, ce seroit par dispensation dou pape, tantos et incontinent il fist le roi d'Engleterre escrire au pape Jehan, qui, pour ce temps, resgnoit et demoroit en Avignon.

Chils papes Jehans estoit gascons et de la nation de Bourdiaus, et tous li linages de ce pape demoroient desous le roi d'Engleterre, et aussi de condition et en toutes ses oeuvres, il estoit en-

1. *Les mots* : et de force manquent dans les mss. A 1 à 6, 11 à 13 non abrégés. *Les mss.* A 11 à 13 ajoutent : maulgré tous ses ennemis, pour l'onneur du roy leur seigneur. F<sup>o</sup> 4

glois, et ne vosist pour riens courouchier le roi d'Engleterre. Ces lettres escriptes et scelées, messires Hues li Espensiers, qui avoit escript ensi comme il voloit, espoir n'en savoit riens li rois, prist tantos deus chevaliers de son linage et lez envia en Avignon deviers ce pape Jehan. Quant li papes veï les lettres dou roy d'Engleterre, ils les rechut et les chevaliers en grant chiereté, et les ouvri et lissi tout au lonc, et tint ces escriptures en secré. Et en avint que, pour ce jone Edouwart d'Engleterre marier à la jone dame, qui fille avoit esté dou roi Loïs de France et de Navare, et on en volt avoir la dispensation, chils papes qui tous enfourmés estoit, et qui complaire voloit au roi d'Engleterre et à messire Hue le Espensier, respondi à ceuls qui envoïent i furent de par le roi de France, que jà ne dispenseroit ce mariage, car il estoient trop proçain.

Ensi fu chils mariages brissiés et rompus, et aussi pluisseur hault baron de France n'en fissent point grant compte, car jà murmuroient ils que de ce mariage poroient venir trop grant mauls et que, apriès la mort dou roi Carle, qui consentoit à mettre sus et avant ces trettiés, li hiretages de la couronne de France ne devoit ne pooit en riens descendre, ne venir à ces filles, ne as enfans de la roine d'Engleterre, par les previlèges et estatus anciens de France; et en estoient hiretier li fil au conte de Valois, Phelippes et Carles, jà fuissent ils de plus lointain degré, mais li contes de Valois lors pères avoit esté frèrez au biau roi Phelippe, roi de France. F<sup>o</sup> 4.

P. 18, l. 6 : merveilles. — *Ms. de Rome* : Grandes murmurations et escandales commenchièrent à monter en Engleterre à l'encontre dou roi et de ce Hue le Espensier, tant des nobles comme des prelas et marceans, et disoient ensi l'un à l'autre, quant il se trouvoient : « Nostres rois se mesuse trop mallement par l'enort et conseil de ce Hue le Espensier. A quoi es çou bon que il ont mis hors d'Engleterre, la roine qui est serour dou roi de France et une vaillans dame, sage, humble et devote, et son jone fil, nostre hiretier, et aussi le conte de Qent, un vaillant homme et de bonne conscience, et ne sot se tenir en ce pafs, pour tant que il a parlé à son frère le roi et à messire Hue le Espensier et leur a blamet leurs folies? Telles coses ne font pas à souffrir ne à consentir, et poroient lors œvres porter trop grant prejudisce à ce roiaulme, et seroit bon que on i pourveist. »

Li Londrien, qui ont tousjors esté, sont et seront, tant que li seront, li plus poissant de toute Engleterre, considerèrent ces affaires que les coses aloient en Engleterre trop mallement, et que justice n'i avoit point de lieu ne de audiense, ne li marceant n'osoient aler ne ceminer ne ne pooient, fors en grant peril et aventure de perdre lors corps et lors biens, parmi le roiaulme d'Engleterre. Si en parlèrent entre euls et dissent que il i couvenoit obviier, et que de la vie et gouvernance dou roi et de son conseil, c'estoit une pure perte. Et sentirent que moult de nobles d'Engleterre s'enclinoient assés tos à ce que on i pourveist. Et couroit secrée renommée que li rois, par ses mesusances et folies, n'estoit point dignes de tenir terre, et que à tort et à pechiet il avoit eslongiet en sus de li sa femme la roine d'Engleterre et son fil et son frère le conte de Qent, et se tenoit en la marce de Bristo en wiseusses et en deduis, et ne faisoit compte comment li roiaulmes fust menés ne gouvernés, mais que il eüst ses plaisances et or et argent assés, et tout donnoit à ce Hue le Espensier et à ses complices.

Si regardèrent que on i pourveroit, et eurent un certain conseil secret en samble li aucun noble d'Engleterre et prelas, qui ne pooient plus souffrir ce que il veoient, et li Londrien, que il remanderoient la roine Issabiel lor dame et son fil et le conte de Qent, et fesissent tant que il euissent jusques à trois cens armeures de fier; mais que il fuissent arrivé en Engleterre, il trouveroient confort et aide assés des nobles d'Engleterre et des Londriens. Et certefioient les lettres que tout ce que il venroit en Engleterre de gens d'armes, il seroient tout paiiet, et en faisoient li Londrien lor fait. En ce conseil, furent les lettres escriptes et seelées, et chil esleu, qui feroient le message, et couvenoit bien que tout ce fust tenu en secré; il le fu. Et vinrent chil, qui envoiïet i furent, à Paris, et trouvèrent la roine et son fil et le conte de Qent. Si leur baillièrent à part les lettres; il les lisièrent. Si en furent tout resjoï, quant il veirent que la plus saine partie dou pais et li Londrien les mandoient, mais le plus fort pour euls estoit à trouver gens d'armes. Et ne s'osa, de ces lettres ne des mandemens, la roine d'Engleterre descouvrir à son frère le roi de France, ne à baron qui fust en France. Et ce li consellièrent li contes de Qent et messires Rogiers de Mortemar.

P<sup>o</sup> 4 v<sup>o</sup>.

P. 19, l. 7 : sceuist. — *Ms. d'Amiens et mss. A* : Lors se



doubta que de force li rois de France ne le renvoiaist en Engleterre; et s'avisa que, par dons, il atrairoit si le roy de France et son conseil qu'il n'aroient nulle volenté de la dame aidier, ne lui porter contraire. Donc envoya, par messaiges secrés et afaitiés de ce faire, grant plentet d'or et d'argent et jeuiaux rices et especiaux deviers le roy et son plus privet conseil. Et fist tant, en brief termine, que li roys et tous ses conssaulx furent ossi froit d'aidier la dame comme il avoient estet en grant desir. Et brisa li roys tout ce voiaige et deffendy, sus à perdre le royaume, qu'il ne fuist nuls qui avoecques la roynne d'Engleterre se meist à voie, pour elle aidier à remettre en Engleterre à main armée. Dont li pluseur chevalier et bachelier du dit royaume en furent moult courouchiet, et s'esmerveillèrent entre yaus pour-quoi si soudainement li rois avoit fait ceste deffensce. Et en murmurèrent li aucun et disent bien que ors et argens i estoit efforcheement acourus d'Engleterre<sup>1</sup>. F<sup>o</sup> 3.

P. 19, l. 8 : messages. — *Ms. d'Amiens et mss. A* : Encoires vous diray je, se j'ay loisir, de quoy chilx messires Hues li Espenssiers s'avisa. Quant il vit qu'il n'avoit garde dou roy de Franche ne de ce costé, pour embellir et florir se mauvaitié et ratraire la roynne en Engleterre, et remettre en son dangier et dou roy son marit, il fist le roy d'Engleterre escrire au Saint Père en suppliant assés affectueusement que il volsist escrire et mander au roy Charle de Franche que il lui volsist renvoïer sa femme, car il s'en voloit acquiter à Dieu et au monde, et que ce n'estoit mie sa coupe que elle estoit partie de lui, car il ne li vouloit que toute amour et bonne loyauté, telle que on doit tenir en mariaige. Avocq ces lettrez que li dis messires Hues fist le roy d'Engleterre escrire au pape et as cardinaus en lui escusant, comme vous avés oy, et encorrez par plusieurs soubtives voies qui cy ne puevent mie estre toutes descriptez, il envoya grant or et grant argent à plusieurs cardinaux et prelas les plus secrés et prochains du pape, et aussi les [messagiers sages<sup>2</sup> et advisez] et bien ydonne et taillié de faire ce messaige. Et mena tellement le pape, par ses dons et par ses fallasses, qu'il contournèrent dou tout la roynne Ysabel d'Engleterre et

1. *Les mss. A* 11 à 13 ajoutent : et que François sont trop convoiteux. F<sup>o</sup> 4 v<sup>o</sup>.

2. *Ms. A* 1, f<sup>o</sup> 5 v<sup>o</sup>. — *Ms. d'Amiens* (lacune).

condempnèrent en son tort, et misent le roy d'Engleterre et son conseil à son droit. Et escripai li papes par le conseil d'aucuns cardinaulx, qui de l'acord le dessus dit Espenssier estoient, au roy Carlon de Franche que, sour painne et sentensce d'escumement, il renvoyast sa serour la roynne Ysabel en Engleterre devers le roy son marit. Ces lettrez veues et apportées devers le roy de Franche<sup>1</sup> et par si especial messagier que par l'evesque de Saintes en Poitou que li pappe y envoioit en legacion, li roys fu durement esmeus sur sa sereur, et dist qu'il nel volloit plus soustenir à l'encontre de l'Eglise. Et fist dire à sa seur, car jà de grant temps ne parloit il plus à elle, que elle widast tost et hastivement son royaume, ou il l'en feroit widier à honte<sup>2</sup>.  
F<sup>o</sup> 3.

§ 8. P. 20, l. 12 : nouvelles. — *Ms. d'Amiens et mss. A* : Si (la roynne) ne seut que dire ne quel advis prendre, car jà l'eslontoient chil de Franche par le commandement dou roy, et n'avoit à nullui conseil ne retour, fors seulement à son chier cousin monseigneur Robert d'Artois. Mèz chulx secretement le conseilloit et confortoit che qu'il pooit, non à veue, car il ne l'osast fère pour le roy qui deffensce y avoit mis et en quel hayne et malivolensce la roynne estoit esceue, dont moult li anioit, et savoit bien que par mal et par envie elle estoit ainssi decachie. Si estoit chils messires Robiers d'Artois si bien dou roy qu'il volloit; mès il ne l'en osoit parler, car il avoit oy dire le roy et jurer que chulx qui l'em paroît, quelx qui fust, il lui torroit sa terre et son royaume. Si entendit il secretement que li roys estoit en vollenté de faire prendre sa soer, son fil, le comte de Cam et messire Rogier de Mortemer, et de remettre eus ès mains dou roy d'Engleterre et dou dit Espenssier. Et ensi le vint il dire de nuit à la roynne d'Engleterre, et le avisa dou peril où elle estoit. Dont fu la damme moult esbahie et requist, tout en plorant, conseil à monseigneur Robert d'Artois quel cose elle poroit faire ne à traire à garant et à conseil : « En non Dieu, damme, dist

1. *Le ms. de Valenciennes ajoute* : qui jà estoit desvoiez par les dons qui d'Engleterre estoient venus, si se meut durement à parler à la roynne. Et luy dist plainement : « Je ne veul plus soustenir vous ne vostre fait en mon pays, mais partez vous hastivement. Se widiés mon royaume ou je vous ferai widier. » F<sup>o</sup> 6 v<sup>o</sup>.

2. *Les mss. A 20 à 22 ajoutent* : et dommaige d'elle et des siens, F<sup>o</sup> 17.

messires Robiers, li royaumme de Franche vous loe je bien à widier et retraire deviers l'Empire. Là a il pluseurs grans seigneurs qui bien aidier vous poroient, et par especial li comtes Guillaumes de Haynnau et messirez Jehans de Haynnau ses frèrez. Chil doy sont grant seigneur, preudomme et loyaul, cremu et redoubté de leurs ennemis, amés de leurs amis et pourveu de grant sens et de parfaite bonneur. Et croy bien que en yaux vous troverés toute adrèce de bon conseil, car autrement il ne le saroient ne voroient faire. » F° 3.

P. 20, l. 28 : après lui. — *Ms. de Rome* : La dame se ordonna après le conseil de son serourge le conte de Qent, et prist congiet à son frère le roi de France. Li rois li donna assés legierement, mais il voloît que ses neveux Edouars demorast avecques lui, mais la dame l'escusa et dist que, sans son fil, point elle n'oseroit retourner en Engleterre. Li rois n'en parla plus avant, et li fist delivrer par ses chevaliers d'ostel deus mille florins, pour paier ses menus frès sus son chemin. Et pour lors estoit servis li rois d'un chevalier de Cambresis, qui se nonmoit li sires d'Esne. Li chevaliers s'offri à cevauchier avecques la roine et en demanda congiet au roi, et li rois li acorda.... Et les conduisoit li sires d'Esne et aconduisi et amena en Cambresis, et furent un jour et une nuit en son chastiel, et de là vinrent à Buignicourt. F° 5.

P. 20, l. 31 : chastiel. — *Ms. d'Amiens et mss. A* 1 à 7, 9, 15 à 35 : en l'ostel d'un petit chevalier. F° 3. — *Mss. A* 11 à 13 : en la maison d'un vaillant chevalier. F° 5 v°. — *Ms. de Rome* : Pour ces jours i avoit ung chevalier et une dame de trop grant gouvernement. F° 5.

P. 20, l. 31 : Buignicourt. — *Mss. A* 7, 18, 19, 23 à 33 : Aubrechicourt. F° 5. — *Mss. A* 36 à 38 : Chambresicourt. F° 3. — *Mss. A* 34 et 35 : Ambixecourt. F° 6.

P. 21, l. 9 : Buignicourt. — *Mss. A* : Aubrechicourt. *Ms. A* 1, f° 6.

P. 21, l. 9 : chevalier. — *Ms. de Rome* : Et vint li sires d'Esne, sitos que la roine fu descendue à Buignicourt où elle fu dou chevalier et de la dame très joieusement requelloite, en la ville de Valenchiennes, car il n'i a pas de là longe voie à cevauchier : pour ces jours si tenoient li contes et la contesse et messires Jehans de Hainnau, sires de Biaumont, lors frères ; et vint deviers euls en la Salle de Valenchiennes, et lor recorda ces nou-

velles desquelles il furent tout resjoï. Adonc dist li contes à son frère : « Jehan, cevauciés jusques à Buignicourt, et nous amenés nostre cousine la roïne d'Engleterre : nous le volons festoïier en nostre pais. » Li sires de Biaumont respondi : « Volentiers. »

Tantos chevaus furent ensellé, et montèrent messires Jehans de Hainnau et sa route, car il estoit bien acompagniés, et issirent de Valenchiennes. Derechief li contes de Hainnau, qui fu uns moult honnourablez sires, et qui voloit requellier honnourablement la roïne d'Engleterre et estre acompagniez de barons et chevaliers de son pais, mist messagiers en oevre et manda le seigneur d'Antoing, le senescal de Hainnau, le seigneur de Ligne, le seigneur de Bailluel, le seigneur de Barbançon, le seigneur de Haveresch, le seigneur de Gonnegnies, le seigneur de Vertain et moult d'autres, que tantoz et sans delai, il venissent à Valenchiennes. Il vinrent tout en bon arroi, et le plus vestis des draps de la livrée que li contes donnoit; et aussi dames et damoiselles vinrent dalés la contesse.

Messires Jehans de Hainnau cevauca et vint à Denaing outre Valenchiennes, et là s'aresta. Et renvoia le seigneur d'Esne à Buignicourt, et estoit moult tart, et li dist : « Je serai, à quelle heure que ce soit, encores à nuit dalés madame la roïne. Dites li ensi. » Et fist tout ce pour mains cargier l'ostel, car il sentoit le chevalier et la dame de tout outre bonne volenté. Li sires d'Esne vint à Buignicourt, et compta à la roïne tout ce que il avoit veu et trouvé, dont la dame fut moult contente, et se reconforta mieuls que devant. Messires Jehans de Hainnau soupa à Denaing entre les damoiselles de l'abeie, gentils fenmes qui là estoient. Et tantos apriès souper, il prist Phelippe de Chastiaus, le plus proçain esquier que il eüst; et montèrent as chevaus et deus pages, et cevaucièrent tous les plains et tantos furent à Buignicourt; et missent piet à terre, et entrèrent ens ou chastiel, car on les atendoit.

Messires Jehans de Hainnau se traist en une cambre où la roïne d'Engleterre estoit, li contes de Qent, messires Rogiers de Mortemer et toutes les gens d'onnour, qui issu estoient d'Engleterre avoecques la ditte roïne, laquelle estoit toute droite, et messires Jehans de Hainnau s'enclina moult bas contre lui. La dame le prist par la main, et le leva et l'enmena arrière; et qant la roïne parloit au chevalier, il s'enclinoit tout bas, car des honnours de ce monde, messires Jehans de Hainnau estoit tous

fais et nouris. Là furent les aquintances douces et courtoises; là remoustra la ditte dame au chevalier moult doucement toutes ses mesestances. F<sup>o</sup> 3.

§ 9. P. 22, l. 11 : doucement. — *Ms. de Rome* : Et qant la roine vint à la parole de dire comment li Londriien, par le consentement de pluisseurs prelas et barons d'Engleterre, le mandoient que elle retornast en Engleterre, et que elle fesist tant que elle eüst trois cens ou quatre cens armeures de fier, car li langages dou prononchier pour le temps de lors estoit tels, et les amenast ou pais, et li Londriien les delivreroient de tous poins et se metteroient en lor compagnie : « car par ma foi, messire Jehan et biau cousin, je n'ai de quoi faire ce paiement : je n'ai finance fors que pour mes menus frès ; » il respondi promptement et dist : « Madame, vechi vostre chevalier qui n'a pour le present que faire, ne à quoi entendre. Si voel estre en vostre service, et n'entenderai jamais à autre cose, si vous aurai remis en Engleterre. Monsigneur mon frère et moi, avons finance assés, chevaliers et esquiers qui desirent les armes, et qui ne sont pour le present de riens cargiet ne ensonniit : si ne vous fault point doubter que, par faute de mise et de chevalerie, vostres voïages soit requés, car à l'aide de Dieu et de saint George, nous l'acheverons. »

A ceste parole, plora moult tendrement la dame de joie et de pité, et l'en remerchia de bon coer. Et puis li dist messires Jehans de Hainnau : « Madame, monsigneur mon frère et madame ma soer la comtesse de Hainnau vous prient par moi que vous les venés veoir et lors enfans. » La roine respondi et dist que, de ce faire elle estoit toute preste et tenue dou faire, et que pour euls veoir principalement, elle estoit avalée et venue de France jusques à là. Ensi se portèrent les premières acquintances entre la roine d'Engleterre et messire Jehan de Hainnau ; et fu là environ deus heures, et parlèrent de pluisseurs coses assés, et prissent vins et espices par deus fois.

Tout ce fait, messires Jehans de Hainnau prist congiet à la roine et à son fil et au conte de Qent et à tous et à toutes, et issi hors dou chastiel, et monta à ceval et son esquier et leur page. Li sires d'Esne, li sires d'Aubrecicourt et trois dez enfans de Mauni qui là estoient, Gilles, Jehans et Tieris, le reconvoïèrent. Watiers et Willaumes de Mauni demorèrent dalés la roine. Et

s'en revinrent messires Jehans et li aultre à Denaing, et là demorèrent la nuit; mais chil qui acompagniet avoient le signeur de Biaumont, retournèrent à Buignicourt dalés la roine d'Engleterre. F<sup>o</sup> 5 v<sup>o</sup>.

P. 23, l. 11 : remuneret. — *Ms. d'Amiens et mss. A* : Je devenroie vostre serve, et mes fils vostres sers à tous jours, et mettriens tout le royaume d'Engleterre à vostre abandon, et à bon droit. F<sup>o</sup> 3.

P. 23, l. 13 : Byaumont. — *Ms. d'Amiens et mss. A* : qui estoit en le fleur de son eage. F<sup>o</sup> 3.

§ 10. P. 23, l. 24 : se parti. — *Ms. de Rome* : Qant messires Jehans de Hainnau eut dormi et reposé tout à son aise en l'abeie de Denaing, il se leva et apparilla, et puis monta à cheval, et prist congiet à dames et à damoiselles qui pour ces jours i estoient. Et s'en vint à Valenchiennes, et descendi à la Sale dou Conte, et trouva jà des barons et des chevaliers de Hainnau qui estoient venut. Il se traist deviers son frère qui devoit aler à table; se li recorda, avant que il s'aseist, tout ensi comme il avoit fait, et l'estat et l'ordenance de la roine et des paroles et requestes que elle avoit misses avant, et aussi de celles que il avoit respondu. De tout se contenta li contes et dist que il avoit moult bien fait, et li savoit très bon gré de ce que il s'estoit offers et mis ens ou service de la roine d'Engleterre et de son fil, et que point il ne li faudroit, fust de gens, fust de finance : « En nom Dieu, biau frère, respondi li sires de Biaumont, sus la fiance de vous ai je parlé si hardiement; et aussi certainement je ai eu si grant pité de la bonne dame et ai encores, que je ne li poroie fallir pour mettre toute ma cavance. » Adonc lavèrent li signeur et se asissent à table.

Apriès disner, ordonné fu que messires Jehans de Hainnau, li sires d'Enguien, li sires d'Antoing, li sires de Ligne et li sires de Havrech chevauceroient ce soir et iroient à Bouchain souper, et à l'endemain il iroient querir la roine d'Engleterre à Buignicourt et son fil et le conte de Qent et toute lor compagnie, et les amenroient disner à Bouçain; et puis apriès disner, il s'en departiroient, et venroient par Haspre et tout le grant chemin de Cambrai, et enteroient à Valenchiennes, par la porte c'on dist Cambrissienne, et les amenroient à la Sale; et là les receveroient li contes, la contesse, signeurs, dames et damoiselles qui

lor venroient à l'encontre. Celle ordenance sambla bonne, et, se li hostels dou Conte estoit bien pourveus, encores fu ils renforciés; et furent envoïies, à chars et à chevaux, grandes pourveances à Bouchain. Et là vinrent messires Jehans de Hainnau et li signeur desus nommé ce soir souper et jessir. Quant ce vint à l'endemain, tout monterent quant il orent oy messe, et puis cevauchièrent moult ordonneement tout cel pais et plain d'Ostrevant, et vinrent au chastel de Buignicourt. Et jà estoit la roine d'Engleterre segnefie de lor venue et toute ordonnée pour partir, car bien savoit que on le venoit querre de par le conte de Hainnau; et li avoit madame Jehane de Valois, contesse de Hainnau, envoïet son char ordonné et apparilliet ensi que pour lui. Chil baron de Hainnau vinrent à la roine d'Engleterre, et l'onnou[rè]rent grandement, ensi que bien le sceurent faire, et elle euls.

Adonc prist la roine congiet à la dame de Buignicourt et à tous ses enfans, dont elle avoit assés, fils et filles, et li dist et proumist que, pour la bonne chièrre que elle avoit trouvé en li et en son mari, elle se sentoît grandement tenue à euls, et que sj enfant, ou temps à venir, en vaudroient mieuls. La bonne dame de Buignicourt et d'Aubrecicourt, comme sage et discrète, se humelia et remerchia de tout. Adonc entra la roine ou char la contesse de Hainnau, et mist son fil Edouward en coste li et une dame d'Engleterre qui l'avoit acompagniet, que on nonmoit la dame de Briane, et avoient li rois et li Espensiers fait decoler son mari; et puis se departirent de Buignicourt et cevauchièrent tout souef à belle compagnie, tous jours messire Jehan de Hainnau dalés la roine au char, et vinrent à Bouchain et là disnèrent. Apriès disner, tout s'en departirent et se missent au cemin et passèrent Haspre, quant tous et toutes orent beu un cop, et pris-sent le cemin de Valenchiennes.

Ensi que la roine et chil signeur desus nommé descendoient ens ès prairies de Fontenielles, jà estoient venu chevaliers et esquièrs, qui bouté s'estoient et armé pour la joute, ens ès bois de Fontenielles, et aultres officiers de par le conte, qui presentèrent à la roine et à son fil et au conte de Qent et à messire Rogier de Mortemer, chevaux et palefrois si bien aournés de tout ce que à euls apertenoit, que riens n'i avoit espargniet, laquelle cose la roine d'Engleterre vei moult volentiers. Aussi fist ses fils et toutes lors gens, et les avoit on là amenés et envoïiés pour la roine et la dame de Briane et les damoiselles monter sus et

renouveler de monteure, mais la ditte roine ne la dame, qui ens ou char estoient, n'en issirent point, si furent venu en la Sale à Valenchiennes; mais li jones Edouwars monta sus un palefroï tout préparé et ordonné pour lui. Toute la compagnie montèrent sus les camps, en aprochant le bos de Fontenelles. Et dou bois issirent chevaliers et esquiers armés pour la joute, et là joustèrent moult radement devant la roine et les signeurs. Et tout en venant et en chevaucant vers Valenchiennes, chevalier et esquier joustoient sans euls espargnier, tels que li sires de Gommegnies, li sires de Vertain, li sires de Mastain, li sires de Biellain, li sires de Hordain, li sires de Potelles, li sires de Vendegies, li Borgnes de Robertsart, Gilles de Mauni, dis Grignars, Gilles de Soumain et Ostes ses frères, et plus de quarante chevaliers et esquiers. Et tout ce veoit la reine d'Engleterre moult volentiers, et aussi faisoit ses fils. Et durèrent ces joustes jusques à moult priès de Valenchiennes.

Si issirent hors de la ville grant fuïsson de bourgeois de Valenchiennes, bien montés et aournés et en bonne ordonnance<sup>1</sup>, et vinrent contre la roine et son fil et les signeurs. Et fu ensi la roine d'Engleterre amenée honorablement jusque en la Salle de Valenchiennes, et issi au piet des grès hors dou char. Et encontrèrent à l'entrée de la Salle amont le conte de Hainnau, tout à nu chief, la contesse sa femme et lors enfans, Margerite, Jehanne, Phelippe, Isabiel et lor frère Guillaume, qui tout estoient jone; si honnourèrent la roine, et elle, euls. Et la conjoirent et la requellièrent moult doucement li contes et la contesse, ensi comme il apertenoit et que bien le sceurent faire. Et vous di que toute la Salle fu adonc laissie pour la roine d'Engleterre logier et ses gens; et li contes et la contesse estoient logiet en l'ostel de Hollandes, et lors enfans, à Malaunoit, et aussi avoient il là par jour lor retret.

La roine d'Engleterre veoit que li contes de Hainnau et la contesse li faisoient tant d'onnour que plus ne l'en pooient faire; si en looit Dieu et regratioit grandement en soi meismes, car elle eseroit bien que par euls et les Hainnuiers, elle seroit confortée et adrechée, eusi que elle fu si grandement, comme

1. *Ms. d'Amiens et mss. A* : Et contre lui widièrent moult de bourgeois de la ville, bien paret et ordonnet, pour lui honorablement recevoir. F<sup>o</sup> 3 v<sup>o</sup>.



vous orés recorder avant en l'histoire. Et fu la ditte roine et ses fils et li contes de Qent grandement tenu au conte de Hainnau et à messire Jehan de Hainnau, son frère, et as Hainnuiers, car elle ne trouvoit en France, ne aultre part, nul confort, ne qui se vosist ensonnier de ses besongnes, qant li gentils chevaliers messires Jehans de Hainnau emprist le faix et le charge. Dont pluisseurs gens, en Hainnau meismement, l'en tenoient à fol et à mal consilliet, qant à tout une poignée de gens, il se mist en l'aventure d'aler en Engleterre à l'encontre dou roi, dou signeur Espensier et de ceuls de lor sieste. Au voir dire, se li Londrien n'eussent esté, et auquns nobles dou pais qui furent dou confort et aliance la roine, jamais piés n'en fust retournés. F° 6.

P. 24, l. 5 : faire. — *Ms. d'Amiens et mss. A* : Adonc, avoit li comtes Guillaume quatre fillez, Margherite, Phelippe, Jehanne et Ysabel. De quoy li jones Edouwars, qui fu puis roys d'Engleterre, s'adonnoit le plus et s'enclinoit de regart et d'amour sus Phelippe que sus lez autrez. Et ossi la jonne fille le connoissoit<sup>1</sup> plus, et lui tenoit plus grant compaignie que nule de sez sereurs. Ainsi l'ay je oy depuis recorder la bonne damme qui fu roynne d'Engleterre, et dallés qui je demouray et servi; mès ce fu trop tart pour my. Si me fist elle tant de biens que j'en sui tenus de prier à tous jours mès<sup>2</sup>. F° 3 v° et 4.

P. 24, l. 10 : trois sepmainnes. — *Ms. d'Amiens et mss. A* : huit jours. F° 4.

P. 24, l. 14 et 15 : Hasbaing. — *Ms. A* 7 : Bashaingne. F° 5 v°. — *Mss. A* 18, 19, 23 à 35 : Behaigne. F° 7.

P. 24, l. 15 : prioit. — *Ms. de Rome* : En ces sejours, joies et esbatemens où li contes Guillaumes de Hainnau tint et rechut la roine d'Engleterre en la ville de Valenchiennes, fu ordonné de messire Jehan de Hainnau comment il feroit, ne quel charge de gens d'armes il aueroit. Pluisseur jone chevalier et esquier de Hainnau s'offroient à messire Jehan et li disoient : « Sire, menés nous avoecques vous, nous vous volons servir sus ce voiage à nostres costages. » Li gentils chevaliers respondoit et disoit : « Grant merchis, biau signeur, j'en aurai avis. Je ne vous refuse

1. *Mss. A* 7, 18, 19, 29 à 33 : conjoissoit. F° 5 v°.

2. *Mss. A* 1 à 9, 15 à 22 : pour elle. F° 7. — *Mss. A* 11 à 13 : pour l'ame d'elle. F° 6. — *Mss. A* 34, 35 : pour elle et pour ses amis, tant comme je vivray. F° 7.

pas; mais le charge que je aurai, monsigneur mon frère le me fera. » Ensi s'escusoit li chevaliers. F<sup>o</sup> 7.

§ 11. P. 23, l. 11 : Ensi. — *Ms. d'Amiens et mss. A* : Enssi estoit meus et encoragiés messires Jehans de Haynnau, et faisoit se semonse et se prière des Haynuyers à estre à Hal, et les Braibenchons à estre à Bredas, et les Hasbegnons au Mont Sainte-Getrud, et les Hollandois, dont il eut aucuns, à estre à Dourdrecq. Lors prist congiet la roynne d'Engleterre au comte de Haynnau et à la contesse, et les remerchia grandement et doucement de l'honneur, de le feste et de le bonne chierre et belle recoilloite qu'il li avoient fet, et le baisa au partir et la contesse et leurs biaux enfans. Ainssi se parti la damme et ses filz et toute leur route, acompaigniet de monsigneur Jehan de Haynnau, qui à grant dur et moult envis avoit eut congiet de monseigneur son frère, quoy qu'il se fuist de premiers acordés et asentis ad ce voiaige; mès finalement il li donna de bonne vollenté. Et li dist ensi messires Jehans par trop biau langage : « Monseigneur, je sui jones et encorrez à faire. Si croy que Dieux m'ait pourveu de ceste emprise pour mon avancement; et, se Dieux me vaille, li couraige m'en siet trop bien que nous en venrons à nostre deseure; car je quide et croy de verité que par peciet, à tort et par envie, on a ceste bonne roynne decachie et son fil hors d'Engleterre. Si est aumousne et gloire à Dieu et au monde d'adrecer et reconforter les desconfortéz et desconfortées, et especialment si noble et haute damme comme cesti est, qui fu fille de roy et est descendue de royal lignie, et sommes de son sancq et elle dou nostre. Je aroie plus cher à renuncher à tout che que j'ay vaillant, et aler servir Dieu oultre mer. sans jammais retourner en ce pays, que la bonne damme fust partie de nous sans confort et ayde. Si me layés aller et donnés congiet de bonne volenté; si ferés bien et vous en saray gré, et s'en exploiteront mieux mes besoingnes. »

Quant li bons comtez de Haynnau eut oy son frère et perchut le grant desir qu'il a de faire ce voiaige, qui à très haulte honneur li puelit retourner et à ses hoirs à tous jours mès, et congnoist bien qu'il dist verité, si en eult grant joie et li dist : « Biau frère, ne plaise jà à Dieu que vostre bon pourpos je vous brise ne oste, et je vous donne congiet ou nom de Dieu. » Lors le baisa et li estraindi le main en signe de grant amour. Ensi se

parti messires Jehans de Haynnau, et s'en vint ce jour jesir à Mons en Haynnau, et ossi la roynne d'Engleterre. Que vous eslongeroie la matère? Il fisent tant par leurs journées qu'il vinrent à Dourdrech en Hollandez où li especiaux mandemens estoit fès. F°. 4.

*Ms. de Rome* : Li jours fu assignés le dix septième jour du mois de septembre à estre à Dourdresc. Et tout se ordonnèrent et apparillèrent, chil qui aler i devoient. Et vinrent devant le jour li pluisseurs en la ville de Dourdresc, et là atendirent tout l'un l'autre. Là estoient gens d'office de par messire Jehan de Hainnau, qui faisoient les pourveances de mer et apparilloient barges et balenghiers, pour passer oultre en Engleterre. Toutes ces coses furent sceues deviers le roi d'Engleterre et le seigneur Espensier et lors complices, comment la roine d'Engleterre et ses fils et li contes de Qent estoient descendu de France en Hainnau et avoient tant fait deviers le conte et son frère que messires Jehans de Hainnau, à poissance de gens d'armes, les devoit ramener et remettre en Engleterre, maugré tous lors nuissans. Adonc i pourveirent il pour obvier à l'encontre de euls, et fisent garder pors, havenes et passages à grant fuison de gens d'armes et d'archiers. Et lor estoit estroitement commandé que tout ce que il veroient, qui prendre terre vodroient en Engleterre, fuissent mort, sans nului prendre à merchi.

Quant messires Jehans de Hainnau senti que toutes les pourveances estoient faites, et ses gens desquels ils se voloit aidier, venu à Dourdresc, et plus encores que il n'en eüst pris et retenus, il dist à la roine d'Engleterre : « Dame, il est temps que nous nos metons à voiage, car ceuls que je pense amener avoecques nous en Engleterre, sont tout prest et nous attendent au passage. » La dame respondi : « Dieus i ait part ! » Adonc prist elle congiet au conte de Hainnau et à la contesse, et les remerchia moult doucement de la bonne et honnourable requelloite que fait li avoient. Là fu pris li congiés, et baissa la roine à son departir tous les enfans, l'un apriès l'autre, de Hainnau, et aussi fist son fil Edouwars. Phelippe de Hainnau, qui puis fu roine d'Engleterre, commença trop fort à plorer, quant li jones Edouwars prist congiet. On li demanda pourquoi elle ploroit : « Pour ce, dist elle, que mon biau cousin Edouwars d'Engleterre se depart de moi, et je l'avoie jà apriès. » Dont commenchièrent li chevalier qui là estoient, à rire, et depuis li

fu ramenteu, qant li mariages fu tretiés de lui et de l'anfant d'Engleterre. Et elle en respondi adonc sagement et dist que son coer s'i traioit trop grandement, et pensoit bien que elle seroit encorez sa fenme.

Ensi se departi la roine d'Engleterre du conte de Hainnau et de la contesse. Et estoient, pour ce jour que li congiés fu pris, à Mons en Hainnau, et vinrent jessir à Binch, et à l'endemain à Nivelles, et à l'endemain à Villevort. Et esquivèrent Brousselles et passèrent à destre, et fissent tant que il vinrent à Mont Sainte-Geirut et de là à Dourdresc. Et n'i sejournerent que demi jour que il entrèrent ens ès vassiaux, car il gissoient ou havenne à l'ancre et estoient tous près. Et qant li ceval furent tout guidé ceuls que mener on en voloit, et la mer fu revenue, tout par ordenance entrèrent ens ès vassiaux. Et estoit marescaus de le ost messires Jehan de Hainnau et messires Fasterés dou Rues. Qant tout furent entré, il desancrèrent et puis traissent les voilles amont; si esquipèrent et se departirent, et avoient vent et marée pour euls. Pour ce temps, estoit messires Jehans de Hainnau en la droite flour de sa jonèce, et de si grant volenté que nuls chevaliers pooit estre. Et pour ce entreprist il le dit voiage si liement, et ne resongnoit painne ne peril qui li peüst avenir. Aussi il n'i pensoit point, et estoit et fu tout dis ens ou vassiel la roine d'Engleterre et de son fil. F<sup>o</sup> 7.

P. 26, l. 10 : d'Antoing. — *Le ms. d'Amiens omet* : Robers de Bailluel, *et il ajoute* : li sires de Havrech castelain de Mons, messires Robiers de Biaufor. F<sup>o</sup> 4. — *Le ms. d'Amiens et les mss. A omettent* : Fastres dou Rues,.... Sanses de Biauriu, li sires de Wargni, *et ils ajoutent* : li sirez de Villers, li sirez de Henin, li sirez de Sars, li sirez de Bousiez<sup>1</sup>, li sirez de Vertaing<sup>2</sup>,.... li sirez d'Estrumel<sup>3</sup>, messires [Wafflars<sup>4</sup>] de Gistellez. F<sup>o</sup> 4. — *Le ms. de Rome ajoute* :..., messire Gerart de Vendegies,.... le signeur d'Espinoit, le Borgne de Robertsart, messire Gille Grignart de Mauni, Willaume dou Casteler, Oste et Gille de Soumain et pluisseurs aultres. Et estoit li sires de Fagnuelles

1. *Mss. A* 1 à 6, 20 à 22 : Bousiers. F<sup>o</sup> 7 v<sup>o</sup>. — *Mss. A* 11 à 13 : Boursiers. F<sup>o</sup> 7.

2. *Le ms. de Valenciennes ajoute* : messire Feris de Hordaing, le sire de Hertaing. F<sup>o</sup> 9 v<sup>o</sup>.

3. *Ms. A* 2 : d'Estrumelin. F<sup>o</sup> 8.

4. *Ms. de Valenciennes*, f<sup>o</sup> 9. — *Ms. d'Amiens* : Souffars. F<sup>o</sup> 4.

compains à banière à messire Jehan de Hainnau, et marescaus de l'oost messires Fasterés dou Rues. F° 7.

P. 26, l. 13 : Ligne. — *Mss.* A 15 à 17 : Ligny. F° 7 v°.

P. 26, l. 13 : Boussoit. — *Mss.* A 11 à 13, 34, 35 : Bouffort. F° 7.

P. 26, l. 14 : Semeries. — *Mss.* A 1 à 6, 8 à 17, 20 à 22 : Sameries. F° 7 v°. — *Ms.* A 23 : Smeriz. F° 8 v°.

P. 26, l. 16 : li sires de Montegni. — *Ms. d'Amiens* : li Estandars de Montegni. F° 4. — *Ms. de Rome* : le seigneur de Montegni en Ostrevant. F° 7.

P. 26, l. 17 : d'Aubrecicourt. — *Mss.* A 2, 20 à 22 : d'Ambrecicourt. F° 8. — *Ms.* A 18 : d'Aubregicourt. F° 8.

P. 26, l. 19 et 20 : Hesbegnons. — *Mss.* A 1 à 6, 11 à 13, 15 à 35 : Behaignons. F° 7.

P. 26, l. 21 : par mer. — *Ms. d'Amiens et mss. A* : Quant il furent parti dou havene de Dourdre, moult estoit la navie belle seloncq la quantité et bien ordonnée, et li tamps biaux et souefs, et li airs assez moistes et atemprés; et mirent à l'ancre ceste première marée devant les dicques de Hollande sus le departement de le terre. L'endemain, il se desancrèrent et sachièrent les singles amont, et se missent au chemin en costiant Zelandes. F° 4.

P. 26, l. 24 : tourmens. — *Ms. de Rome* : (Il) orent ce premier jour et le second assés bon vent, et avoient jetté lor avis signeurs et maronniers que par la grasse de Dieu il iroient prendre terre au port à Orvelle, en la marce de Exsesses. Or lor revint un fors vens contraires qui les rebouta moult arrière de ce port, et ce fu tout à lor pourfit et droite grasse que Dieus lor fist; car se il fuissent arivé à Orvelle, il euissent trouvé plus de vint mille hommes, qui là les atendoient, archiers et aultres, et pour euls tous ocire et destruire. Ensi estoit il commandé et ordonné dou roi et dou seigneur Espensier et dou conte d'Aron-diel qui estoit de lor aliance. Et estoient les pors et les havanes d'Engleterre si bien gardés à l'encontre de Flandres et de Hollandes que on n'i pooit venir ne entrer, fors par la bataille. Chils vens contraires lor dura deus jours, et costièrent Frisae; et ne savoient bonnement à dire li maronnier où il estoient.

Au tierch jour, vens lor revint à droit souhet, et qui les mena et bouta droit contre Egleterre, et tant que li maronnier en orent la congnaissance. Si demandèrent à la roine et as signeurs quel oose

il voloient faire, et se il prenderoient terre à l'aventure en Engleterre, car il disoient que il estoient trop en sus de Orvelle et de Clocestre et des pors et des havenes de celle bende. Il dissent : « Oil » et presissent terre où que fust, au plus tost que il peüssent, car prendre lor couvenoit pour euls rafresqir et lors chevaux. Et vous di que tout chil maronnier estoient de Hollandes et de Zellandes, et ne connoissoient pas bien tout le pais et encores ce que la mer les avoit tourmentés.

Adonc singlèrent ils à l'adrèce, ensi que li vens les menoit et que Dieus proprement les conduisoit et voloit que ils euissent ce chemin et non aultre, et s'adrecièrent contre Engleterre, que il veoient devant euls. Et s'en vinrent ferir lors nefes tout de une flote sus le sabelon en terre descongneue, où il n'avoit ne havene ne port; mais le sabelon estoit assés ferme et bon pour ancrer et sans peril. Et si veoient assés plain pais et ouni devant euls, fors tant que il i avoit grant fuission de genestres et de petites buissons, ensi comme en lieu où nuls ne nulle ne demeure ne ne converse. Toutesfois il prissent la terre, et furent trop resjoï quant il se veirent à ferme terre et hors des dangiers de la mer, et missent lors chevaux petit à petit hors des vassiaus et toutes lors pourveances, et traissent tout hors en sus de la mer, et là où elle ne pooit monter ne venir. Et trouvèrent un rieu d'aige moult clère, qui venoit d'amont de fontevis; et ce fist grant bien à euls et à lors chevaux, car il en furent rafresqui.

Et ne savoient li contes de Qent, messires Rogiers de Mortemer, ne nuls Englois qui là fuissent, où il estoient arivet, fors tant que il disoient que il estoient en Engleterre. Toutesfois il se logièrent entre ces broussis, car il faisoit biel, chaut et cler, ensi comme il fait ou mois d'aoust. Si portoient l'un par l'autre lor painne et travel, assés liement et legierement, et ne savoient à dire se il estoient en pooir d'amis ou d'ennemis. Et orent, en trois jours que il furent là, tamainte imagination pour sçavoir se il renteroient en lors vassiaus, et costieroient Engleterre par mer, tant que ils trouveroient havene ou port. Toutesfois tout considéré, li plus des signeurs ne s'acordoient point de rentrer en mer pour la cause de lorz chevaux, mais se voloient mettre au chemin parmi Engleterre, à l'aventure. Chils consauls fu arestés et tenus, et furent les nefes recargies de tout ce que il veoient que point mener il n'en pooient. Et fu dit as maronniers : « Retournés ent arriere en Hollandes, et se on vous demande de nous, si dittes ce que

vous en savés, et riens oultre, car il n'i a nul en nostre compaignie qui sace à dire où nous sonmes, fors en Engleterre; et achevons che pourquoi nous i sonmes venu, ou nous i demorrons tout. » Li maronnier respondirent : « Dieux i ait part, mais encores serons nous ichi à l'ancre jusques à demain, que vous dittes que vous vos deslogerés. » Et li signeur respondirent : « Vous dittes bien. »

Quant ce vint au quatrime jour, et que euls et lors cevaus furent tout rafresqi et en grant volenté de ceminer avant pour trouver quelsque aventures, il se departirent et se recommandèrent en la garde de Dieu, et ceminèrent parmi ces broussis. Et les couvint aler tout le pas, car le plus de lors chevaus estoient cargiés de lors armeurez et de pourveances. Qant li maronnier les veirent eslongiés et que la mer fu revenue, il se departirent de là, tout de une flote, et traissent les voilles amont et entrèrent dedens la mer, et retournèrent arrière sans peril et vinrent en Hollandes. Et qant on lor demanda que la roine d'Engleterre et messires Jehan de Hainnau et li chevalier et lors gens estoient devenu, il en respondirent tout ensi et ou parti où il les avoient lassiet en Engleterre. Et qant li contes de Hainnau entendit ces premières nouvelles, si ot pluiseurs dures imaginations, et fu en grant esmai de son frère et de toute la compaignie.

Tant ceminèrent à destre et à senestre la roine d'Engleterre et ses fils et messires Jehans de Hainnau et toute la route que il trouvèrent un petit hamelet, où il n'avoit que sis maissons. Et un petit oultre, il veirent un hault moustier, dont furent il tout resjoï, et dissent ; « Nous orons et auerons, se il plaist à Dieu, prochainement bonnes nouvelles. » Adonc s'arestèrent ils tous sus les camps. Et envola li contes de Qent, un varlet à cheval au vilage, pour savoir comment li moustiers, que il veioient, se nommoit. Li varlés englois cevaucha jusques à là, et raporta as signeurs que chils hauls moustiers estoit une abbeie, que on nonme Saint Ainmon, et [de] noirs monnes. Adonc se departirent euls de là, et s'adrechierent viers l'abeie.

Qant il furent là venu, et il entrèrent dedens le porte, li monne chantoient vespres, mais il orent si grant paour que il lassierent tout en mi plain, et s'en alèrent reponre, dont chà, dont là ; et proprement li abbes s'ala bouter dedens un celier et là enclorre. Et quidoient bien chil monne que ce fuissent Escocoïs ou Danois, de ces gens d'armes, qui là fuissent venu par mer, pour euls

rober. Et ne savoient li signeur à qui parler; toutesfois tant alèrent et vinrent que il trouvèrent un convers, qui issoit hors d'un gardin et venoit en la court. Qant il vei ces gens d'armes, il s'en volt fuir, mais il ne pot. On le prist, mais on l'aseura; et li fu demandé où l'abbé et li monne estoient. Il respondi que il ne savoit, et que il les quidoit ou moustier. Dont li fu dit que il les alast querre et asegurer, car il ne lor voloient que tout bien.

Li convers, suz ceste asegurance, fist tant que il trouva les monnes; si les asegura de par les signeurs, et les fist venir avant. Qant il furent venu, li signeur parlèrent doucement à euls. Et se nonmèrent li contes de Qent et messires Rogiers de Mortemer, et leur dissent : « Alés querre vostre abbé, et li dittes que il ne soit en nulle doute, et que la roine d'Engleterre et ses fils le demandent. » Sus ces paroles, il quissent tant l'abet que il le trouvèrent; se li comptèrent cez paroles. Qant il entendî ce, si fu tous resjois; et se traist tantos avant, et s'en vint deviers la roine et son fil. Et s'umelia et s'escusa de ce que ils et si monne estoient ensi demuchié et repus, car il quidièrent bien, tel fois fu, à estre tout pris et perdu d'Escoçois ou de Danois ou d'autres robeours qui venissent rober l'abbie. On les tint bien pour esqués et à bonne cause.

Adonc furent il logiet là dedens, selonch l'ordenance de la maison, assez aise. Et eurent li signeur cambres, et trouvèrent grant fuissou de grains et de fourages pour lors chevaus, qui leur fist grant bien. Et bien en avoient li cheval mestier, car il avoient esté travilliet de la mer, et aussi couchiet trois nuis sus les bruières; si prissent en grant gré cel aise et che repos. Et aussi fissent la roine d'Engleterre et li signeur et lors gens, et se rafresquirent dedens l'abeie de Saint Aimon de tous poins, et i furent trois jours. Et lor amenistra li abbes varlès, pour aler là où il les envoièrent. Premièrement il segnefièrent lor venue au conte Henri de Lancastre au Tors Col, qui frères avoit esté au conte Thomas de Lancastre, qui fu decolés, ensi que vous avés oy; secondement, au maire et à la ville de Londres, au conte de Warvich, au baron de Stanford, au signeur de Briane, au signeur de Manne, au signeur de Persi et à tous les barons, sus laquelle seureté il estoient venu en Engleterre. F<sup>o</sup> 7 v<sup>o</sup> et 8.

P. 26, l. 29 : davantage. — *Ms. B* 6 : car messire Hues le Despensier, qui savoit tout le couvin et le conduite de la damme, et comment à gens d'armes elle volloit venir ou pais, avoit prou-



veu sur le pasaige plus de dix mille hommes, qui tous estoient aparliet de mettre à l'espée le royne d'Engleterre, son filz et tous les autres, sans nulluy prendre à merchy. F<sup>o</sup> 12.

§ 12. P. 27, l. 29 : premiers. — *Ms. de Rome* : Li contes Henris de Lancastre au Tors Col fu tous li premiers qui vint à grant fuisson de gens d'armes et d'archiers. Puis vinrent de Northombrelande li sires de Persi, li sires de Noefville, li sires de Monthrai et li sires de Lussi. Puis vint li sires de Stanfort; et ensi chevaliers et esquiers et archiers venoient de tous lés. Sitos que les nouvelles furent sceues sus le pais que la roine d'Engleterre et ses fils estoient arivet et venu à belle compagnie de gens d'armes, li Londriën furent trop grandement resjoi de la venue de la roine, et ordonnèrent tantos à aler à l'encontre de li. Et se departirent de Londres en bon arroi deus mille hommes d'armes et quatre mille archierz, et li maires meismes en fu menères et conduistères. Tout ne peurent pas venir à l'abeie de Saint Ainmon, avant que la roine s'en departeüst; mais sitos que li contes Henris de Lancastre fu venus, qui grandement honnoura messire Jehan de Hainnau et les Hannuiers, dou grant et biau service que il faisoient à la roine d'Engleterre et à son fil et au pais, il eurent avis et conseil que il s'en iroient tout droit vierz Bristo, là où li rois d'Engleterre, et chils Hues li Espensiers et ses pères et li contes d'Arondiel se tenoient. Si se missent au cemin, et tous les jours venoient gens de tous costés ens ou service de la roine, et tant que il se trouvèrent bien, qant li Londriën furent venu, quatre mille hommes d'armes et vint mille archiers.

Cez nouvelles furent sceues à Bristo, qui est une bonne ville et forte, et bon port de mer. Et là se rentre la rivière de la Saverne, qui depart le roiaulme de Gallez et Engleterre, en la mer. Et est la ville de Bristo forte et bien fremée. Et encores est li chastiaus plus fors, qui sciet sus la mer, car il est environnés de la Saverne et de la mer. Qant li rois et li sires Espensiers entendirent que la roine et ses fils venoient là à poissance de gens d'armes, et estoit li contes Henris de Lancastre en la compagnie, et li maires de Londres et li Londriën en lor compagnie, si furent tout esbahi et trop esmervilliet par où il estoient entré ne arivé en Engleterre, qant les pors et les havenes estoient partout si bien gardé. Il lor fu dit et compté toute la ma-

nière, ensi que il lor en estoit avenue. Adonc demanda li rois conseil au comte d'Arondiel, liquels avoit la fille au signeur Espensier, et au signeur Espensier le père et le fil, comment il se poroit tenir de ceste avenue et resister à l'encontre de euls, car fuirs ne eslongiers, ne lor estoit pourfitable, ne honnourable. On li dist : « Sire, envoiés messages à tous lés et faites un commandement que toutes gens viennent et sans delai, et sus la painne que de perdre corps et avoir, et especiaument mandés en Galles : li Galois ne vous faudront point. Nous nos tenrons bien en ceste ville, car elle est forte assés, tant que secours vous sera venus de tous costés. Et les gens d'armes et les archiers que vous avés establis sus les pors et sus les havenes, il ne puet estre que il ne soient ores enfourmé de ces nouvelles; et creons bien que il viennent efforcierment et que prochainement il seront chi, ou il combatèront la roine et ses gens sus son chemin. » Li rois tint ce conseil, autre ne pooit avoir, et envoiia ses messages et ses varlès partout là où il pensoit à avoir gens et par especial en Galles, car ce li estoit la terre la plus prochaine.

Vous devés sçavoir que chil qui furent escript et mandé dou roi, qant il entendirent que la roine venoit à poissance de gens d'armes et d'archiers, et estoient li Londrien en sa compagnie, ne se hastoient point de venir, mais se dissimuloient, car il veoient bien que les besongnes se porteroient mal pour le roi et ses complisses. Messires Henris de Biaumont, un grant baron d'Engleterre, et messires Thomas Wage, son oncle, qui venoient servir la roine d'Engleterre, trouvèrent d'aventure sus les camps des varlès dou roi, liquel estoient parti de Bristo et aloient au commandement dou roi semondre chevaliers et esquiers et euls dire que tantos et sans delai il venissent à Bristo deviers le roi, et commandoit que à ce besoing nuls ne le fausist, sus la painne de estre pugniz de corps et d'avoir. Furent requis que il alaisent celle part, il respondirent et demandèrent : « Et de qui se doute li rois? » et ignorèrent que il n'en savoient riens. Chil valet et messagier dou roi leur dissent que nouvelles estoient venues au roi et à messire Hue l'Espensier et au comte d'Arondiel, que la roine, ses fils et li contes de Qent avoit pris terre en Engleterre; et estoient en sa compagnie grant fuison de gens d'armes que li contes de Hainnau lor avoit delivrés. Chil doi chevalier fissent l'esmerveilliet et dïssent : « Alés, alés,

nous alons celle part. » Il disoient verité, mais c'estoit en confortant la roine. En ce meisme jour, il trouvèrent la roine et toute sa route. Si recordèrent ces nouvelles; on n'en fist nul compte, car li seigneur savoient bien que il ne seroient grevé ne rencontré de nului. Et sitos que chil doi chevalier furent venu, messires Thomas Wage fu ordonnés à estre marescaus de toute l'oost; et chevaucièrent tant, en traversant le pais, que il aprocièrent Bristo. Et par toutes les villes là où il venoient et entroient, on lor faisoit feste et honnour; et tout dis leur venoient gens, à destre et à senestre, de tous costés. Et tant fissent par lors journées que il vinrent devant la ville de Bristo, qui est forte assés; si le asségièrent à droit siège fait. F<sup>o</sup> 8 v<sup>o</sup> et 9.

P. 28, l. 3 : au duch. — *Ms. d'Amiens et mss. A* : Henri. F<sup>o</sup> 4 v<sup>o</sup>.

P. 28, l. 22 : quatre vins et dis. — *Ms. de Valenciennes* : quatre vingt et douze. F<sup>o</sup> 10 v<sup>o</sup>.

§ 13. P. 29, l. 7 : tenoient. — *Ms. d'Amiens et mss. A* : volentiers. F<sup>o</sup> 4 v<sup>o</sup>. — *Ms. de Valenciennes* : Quant le roy et messire Hue le fil virent leur ville ainsi assise, si se mirent ou chastel. F<sup>o</sup> 10 v<sup>o</sup>.

P. 29, l. 12 : acord. — *Ms. de Rome* : car là où li Londriën s'accordent et aloient, nuls n'ose resister. Il pueent plus que tous li demorans d'Engleterre; ne nuls ne les ose au fort courechier, car il sont trop poissant de mise et de gens. F<sup>o</sup> 9.

P. 29, l. 16 : royne. — *Ms. de Rome* : et messire Jehan de Hainnau, car riens ne se faisoit ne passoit, fors par le dit seigneur de Biaumont. On ne voloit point ceuls de Bristo prendre à nulle merchi, mais leur proumetoit on que seroient tout mort, se on ne lor rendoit le conte d'Arondiel et messire Hue l'Espensier le père. F<sup>o</sup> 9.

P. 29, l. 18 : d'Arondiel. — *Ms. d'Amiens* : lesquels elle hayoit souverainement<sup>1</sup>. F<sup>o</sup> 4 v<sup>o</sup>.

P. 30, l. 1 : Jehans. — *Mss. d'Amiens et de Valenciennes* : Jehans de Eltem. F<sup>o</sup> 4 v<sup>o</sup>.

§ 14. P. 30, l. 24 et 25 : l'autre. — *Ms. de Rome* : Il furent tout doi mis en la garde de messire Thomas Wage qui bien en-

1. *Ms. de Valenciennes* : amereement. F<sup>o</sup> 10 v<sup>o</sup>.

songna dou garder, puisque reconmandé il li estoient, tant que la reine aueroit conseil quel cause en seroit bonne à faire. Et regardèrent là li signeur ensamble que on renvoieroit lez Londriens, et que il estoient au desus de lors besongnes, car otre-tant bien aueroit on le roi et messire Hue le Espensier le jone que on avoit eu les aultres. Si fu appelez li maires de Londres et remerciés de la roine et de son fil, de ce que fait avoit, et que bien s'en pooient partir, qant il voloient, et retraire viers Londres. A tout ce s'accordèrent li Londriien, et se ordonnèrent de departir et de retourner en lor lieu. Le secont jour, apries ce ce que il se furent departi, on ot conseil en l'oost de la roine que on deliveroit par jugement le conte d'Arondiel et messire Hue le Espensier le viel. Si furent amené en place devant les barons d'Engleterre, liquel furent ordonné pour euls juger. F° 9 v°.

P. 31, l. 1 : sieute. — *Ms. de Valenciennes* : par acort de tous et par jugement. F° 11.

P. 31, l. 4 : clers. — *Ms. A 2* : herites. F° 9.

P. 31, l. 13 : et six. — *Ms. de Rome* : un vendredi. F° 9 v°.

P. 31, l. 14 : en octobre. — *Ms. d'Amiens* : le onzième jour de octobre. F° 5. — *Ms. de Valenciennes* : le neuvième jour de novembre. F° 11.

§ 13. P. 31, l. 20 : yaus deus. — *Ms. d'Amiens* : et yaux dixime seullement. F° 5. — *Ms. de Rome* : et n'estoient que euls sept dedens celle barge. F° 9 v°.

P. 31, l. 21 : aler. — *Ms. de Rome* : à l'aventure, là où la marée et li vens les menroient, fust en Galles ou en Irlande. F° 9 v°.

P. 31, l. 23 : sauvé. — *Ms. de Rome* : sans che que cil de l'oost en seussent riens. Et tout che il pooient bien faire, car au derrière dou chastiel la mer bat assés priès; et là a un courant qui entre dedens le chastiel, et de ce courant [on va] en la mer. F° 9 v°.

P. 31, l. 25 : onze. — *Ms. de Valenciennes* : neuf. F° 11 v°. — *Ms. B 6* : quatre. F° 16.

P. 31, l. 27 : si lonch. — *Ms. de Rome* : plus hault de deus lieues en mer. F° 9 v°.

P. 32, l. 2 : royne. — *Ms. d'Amiens* : De premiers il cuidoient que ce fuissent pescheur, mais quant il lez virent tant varrier sur mer et qui bien ewissent pris terre ou havene de Bristo

s'il volaissent, mais il mettoient painne à yaux de fuir et eslongier et si ne pooient, si souppechonnèrent li pluseur que ce estoit li roys ou messires Hues li Espenssiers. Adonc, par le conseil de monseigneur Jehan de Haynnau, aucun maronnier et compaignon de Hollandes se misent en batiaux et en bargettes qu'il trouvèrent là, et nagèrent apriès yaux tant qu'il peurent. F° 5.

*Ms. de Rome* : ... Et s'en commenchièrent à esmervillier et à parler l'un à l'autre, et à dire li auqun par imagination : « Nous veons merelles; nous avons veu celle barge, passet a sept jours, estriver contre le vent, et se voelt bouter en la mer et se ne puet. Il fault que ce soit cose à soupeon, car chil qui sont dedens, ne voellent point venir à Bristo, mais l'esquievent et fuient ce que il pueent. » Messires Henris de Biaumont, qui estoit uns jones chevaliers et de grant volenté, s'asaia et dist que il iroit veoir que c'estoit. Et entra dedens une barge grosse assés, et environ trente archiers en sa compaignie; et se fist à force de rimes mener jusques à la barge dou roi. Quant il furent là venu, il l'arestèrent et veirent que li rois estoit dedens, et son consillier messires Hues li Espensiers. En euls, ne en lors gens n'i ot point de deffense : la barge, par ceuls meismes qui le menoiert et par auquns des hommes à messire Henri, fu ramenée ou havene de Bristo.

Toutes joies i furent de toutes gens qui là vinrent au devant, quant il sceurent que ce estoit li rois et messires Hues li Espensiers, et dissent : « Considerés comment Dieus est pour madame la roine et son fil, quant il ne voelt point, ne n'a volu ne consenti que il soient eslongiet, ne escapet. Il appert que il sont mauvais, et que il est temps que il soient pugni et corrigiet de lors mesfais les quels ils ont fais, et fait morir et decoler en ce pais chi maint vaillant homme, sans cause et sans raison. » Ces nouvelles vinrent à la roine et à messire Jehan de Hainnau que li rois et li Espensiers estoient pris, et que ce estoient chil qui waucroient par mer en la barge. De ces nouvelles fut la roine grandement resjoie, et en loa Dieu, à jointes mains, de che que ses besongues venoient à si bon chief; et se la roine fu resjoie, aussi furent tout li aultre, tant Englois comme Hainnuiers. F° 10.

P. 32, l. 5 et 6 : compaignons. — *Ms. B* 6 : luy douzième d'archiers. F° 17.

§ 17. P. 33, l. 13 : Bercler. — *Ms. d'Amiens* : très fort, très bel et très puissant, seant sus la belle rivière de Saverne, ou assés priès que je n'en mente. F° 5.

P. 33, l. 14 : recommandés. — *Mss. A 18 et 19* : et baillié à garder à monseigneur Henry de Beaumont, et enjoint qu'il en feist bonne garde. F° 10.

P. 33, l. 15 : garde. *Ms. B 6* : et le tenist tout ayse de boire et de mengier tant qu'il viveroit, car bien savoient ly barons du pays que tout che que il avoit fait, c'estoit par l'annort et consail de messire Hue le Despensier. Le sire de Bercler, à tout grant armée, en mena le roy d'Engleterre avoecq lui en son chastiel de Bercler. F° 17.

P. 33, l. 18 : faire. — *Ms. d'Amiens* : jusquez à tant que li communs pays aroient aviset comment on s'en maintenroit. F° 5.  
— *Ms. de Rome* : Et se missent li signeur ensamble à savoir quel cose on en feroit. Et à ce conseil fu tous premiers appelés messires Jehans de Hainnan. Et li fu demandé quel cose il consilloit à faire dou roi, fust de mort ou de prison. Il respondi et dist : « Puisque vous tournés ceste demande sur moi, je vous en responderai. Li rois a esté rois d'Engleterre; et quoi que il se soit mesfais, ensi comme il est apparans, par ses oeuvres, il a tout ce fait par mauvais enort et conseil; il n'est nuls, ne moi, ne aultres, qui le doivent jugier à mort. Mais avissés une place et un chastiel et un chevalier, et le recargiés à celi; et li faitez avoir son estat et vivre raisonnablement toute sa vie. Encores se pora il amender en consience, de quoi, tant c'à Dieu, il en vaudra grandement mieuls : c'est le jugement que je li ordonne. » Tout responderent li baron, et de une sieute, qui là estoient : « Vous avés bien et loiaument parlé, et il sera fait ensi. » Adonc fu appellés li sires de Bercler, un grant baron en Engleterre, et de la marce de Bristo; et a un chastiel biel et bon et fort, seant sus la rivière de Saverne. Et li fu dit et commandé, de par la roine et son fil, que il presist en garde le roi d'Engleterre, et l'eüst tel et ses gens que il en seuist à rendre compte, quant il en seroit demandés, et que de son estat on ordonneroit. Li sires de Bercler, qui s'appelloit Thomas, respondi et dist que il en feroit bien son acquit et tout che que madame la roine et ses consauls avoient ordonné. Si se departi tantos et sans delai de Bristo et en mena le roi, bien acompagniés de gens d'armes et d'archiers; et vint chiés soi ens ou chastiel de Bercler, et mist le roi en bonne garde.

Et en fu tous jours si au desus que , se on li eüst demandé, il l'eüst rendu , mais on le mist en oubli. Et ne vesqui puis li rois , que il fu venus à Bercler, trop longement. Et comment eüst il vesqu, par la manière que je vous dirai? car je Jehans Froissars, actères de ceste histore, fui ens ou chastiel de Bercler, l'an de grasse Nostre Signeur mille trois cens soixante six, ou mois de septembre, en la compagnie de messire Edouwart le Espensier, liquels fu fils dou fil de ce mesire Hue le Espensier, dont je parlerai assés tos; et fumes, dedens le chastiel que ens ès esbatemens là environ, trois jours. Si demandai de che roi, pour justifier men histore, que il estoit devenus. Uns anciens esquiers me dist que dedens le propre anée que il fu là amenés, il fu mors, car on li acourça sa vie. Ensi fina chils rois d'Engleterre, et ne parlerons plus de li, mais de la roine et son fil. F<sup>o</sup> 10.

P. 33, l. 23 : Apriès çou. — *Ms. de Rome* : Qant la roine d'Engleterre fu au desus de ses besongnes, elle donna une grant partie de ses gens d'armes congiet, et en retint aucuns; et tous jours estoient li Hainnuier logiet au plus priès de li; et li plus espécial de sa court et le mieuls delivret. Or fu avisé et ordonné que la roine se departiroit de là, et se retrairoit viers Londres. Messires Thomas Wage, au departement de la roine, avoit ordonné un tabar armoiet des armes le signeur Espensier, et ce tabar semet de cloquêtes, on le vesti et afubla le dit messire Hue; et fu montés sus un magre cheval, et chevaucha en la compagnie et en sievant la roine ansi. Et par toutes les villes où il passoient, par devant le dit messire Hue, on sonnoit grant fuisson de tronpes et de troupètes et de taburs, et tout par manière et ordonnance de derision. Avoecques tout ce, en toutes les villes où il venoient, on lissoit publiquement par un rolet les fais dou dit messire Hue en la presense de li. F<sup>o</sup> 10 v<sup>o</sup>.

P. 33, l. 24 : Londres. — *Ms. B 6* : car les bonnes gens de la cité le volloient veoir; sy s'en allèrent celle part à grant pooir et à grant arroy. F<sup>o</sup> 17.

§ 18. P. 34, l. 10 : royne. — *Ms. de Rome* : et son fils et messires Jehans de Hainnan. F<sup>o</sup> 10 v<sup>o</sup>.

P. 34, l. 11 : assamblet. — *Ms. B 6* : tant pour veoir monsigneur Jehan de Haynaut, qui estoit chief et avoit esté de ceste emprise, que pour estre à le justice de messire Hue le Desuensier, F<sup>o</sup> 18.

P. 34, l. 12 : escript. — *Ms. de Rome* : Là furent recordé et leu au lonch et tout hault. F<sup>o</sup> 10 v<sup>o</sup>.

P. 35, l. 10 : Londres. — *Ms. de Valenciennes* : pour monstrier au peuple. F<sup>o</sup> 12 v<sup>o</sup> — *Ms. B 6* : en ung cercle, au debout d'une lanche. F<sup>o</sup> 20. — *Ms. de Rome* : et mise sus une glave au pont de Londres ; et les quartiers, li uns en demora à Harfort, li aultres fu envoiés à Iorch, li tiers à Cantorbie et li quars à Saaleberi. Ensi furent il espars ens ès quatre parties d'Engleterre. F<sup>o</sup> 10 v<sup>o</sup>.

§ 19. P. 35, l. 13 : Apriès. — *Ms. de Rome* : Apriès ceste justice faite, la roine et tout li signeur et grant fuisson dou commun dou pais, se missent au cemin pour venir à Londres, et fissent tant par lors journées que il i parvinrent à grant compaignie. Qant la roine et si enfant et li signeur deurent entrer dedens Londres, toutes ordenances de gens issirent hors à l'encontre, casquns parés et vestis si trez ricement comme on pooit estre, et tous montés à chevaux. Et estoient les rues parées et couvertes de draps et de jeuiaux moult estofoement. Et s'esforçoient toutes gens de honnourer lor dame la roine, ce que il pooient, et messire Jehan de Hainnau et tous les chevaliers de sa route ; et fu, en ce jour, moult regardés de toutes gens, et seoit sus un noir hault palefroï moult bien aourné, que la chité de Londres li avoit donné ; et fu moult prissiez en arroi, en persone et en contenance. Et disoient toutes gens que il avoit bien fourme et regard de vaillant homme ; et portoit sus son chief tout nu un capelet de pières presieuses moult rices, qui trop bien li estoit seans. Et par especial la grant rue de Cep estoit parée et aournée oultre mesure. Et donna ce jour la fontainne, tout au lonc dou jour, par les brocerons, vins blanc et vermel à tous ceuls qui en peurent ou vorrent avoir.

Et fu ensi la roine aconvoïe jusques au chastiel, et là descendi et si enfant Edouwars et Jehans de Eltem, et sez deus filles, Isabiel et Kateline. Et messires Jehans de Hainnau estoit et fu tout dis dalés la roine, et ses corps logiés ens ou chastiel, et toutes ses gens au plus priés de li que on pooit. Et estoient toutes coses ouvertes et apparillies à lor commandement. Toutes gens les honnouroient et conjoissoient. Il estoit ensi ordonné et commandé de par les officiers la roine et le maire de Londres. Et n'estoient que festes, solas et esbatemens aval Londres, et ne furent un grant



temps, et parellement parmi tout le roiaulme d'Engleterre. Et estoit avis au peuple que il estoient quite d'un grant encombrier et delivré d'un pesant faix, qant il se veoient delivré dou roi et de son conseil. Et disoient à Londres et parmi Engleterre : « Il nous fault refourmer et prendre une nouvelle ordenance, car celle que nous avons eu, nous a trop hodie et travilliet; ne chils roiaulmes chi ne vault riens sans un bon chief, et nous l'avons eu si mauvais que nous le poions avoir. Il nous fault le jone Edouwart couronner et faire roi, et mettre dalés li hommes de sens et de vaillance, par quoi il soit espers et resvilliés, car nous n'avons que faire d'un roi endormit ne pesant, qui trop demande ses aises et sez deduis. Nous en ocirions avant un demi cent, tout l'un apriès l'autre, que nous n'eussions un roi à nostre seance et volenté. » Ensi disoient il generaument en Londres, et parmi toute Engleterre.

Qant chil chevalier et esquier de Hainnau, qui en la compagnie de la roine d'Engleterre estoient venu, veirent que lor emprise estoit achiée et que il ne faisoient là que boire et mengier, dormir et reposer, danser et caroler, quoi que on les veist très volentiers, et que tout estoit paiet qanke il prenoient, si se commenchièrent il à hoder et à taner et à dire l'un à l'autre : « Nous en volons retourner en Hainnau. Nous ne faisons riens chi; nous cargons trop madame la roine et le pais. Il est heure dou departir, car toutes nostres emprisses sont achiées. » Il s'en vinrent generaument à messire Jehan de Hainnau, lor chief, et li remoustrèrent lor pourpos sus la fourme que je vous di. Qant messires Jehans de Hainnau les vei en celle volenté, et senti que il remoustroient raison, si leur dist : « Biau signeur, je parlerai à madame la roine, et prendrai congiet, et me departirai avoecques vous. Attendés encores un petit. » Li dis messires Jehans, qant il vei que heure fu, parla à la roine et au conte de Qent, et lor remoustra que ses gens se voloient departir et retourner en Hainnau.

Ces paroles vinrent moult au contraire à la roine, et fist appeller les chevaliers de Hainnau devant li; et qant il furent venu, elle lor demanda : « Biau signeur, pourquoi vous anioe il en ce pais? On vous i voit volentiers. Demorés dalés nous, tant que li iviers soit passés. » Li chevalier de Hainnau, à la parole de la roine respondirent courtoisement et dissent : « Madame, nous veons et savons bien que moult volentiers vous et li vostre nous voient

en ce pais. Mais, madame, nous regardons et considerons que ce pcur quoi nous partesimes de Hainnau avoecques vous, est tout achevé. Car se nous sentions que vous, ne li vostre, eussies nuls besoins de nostres servises, li departemens ne nous touche pas de si priès ne tant, que nous ne demorisions tant que tout seroit acompli. Mais nous cargons vostre hostel et le pais de nous et à riens faire, et nous avons bien ailleurs mestier; et si verions volentiers nostres femmes et nostres enfans, et savons bien que il nous desirent à veoir. Si vous prions que vous nous donn[é]s] congi[é]t, et nous nos offrons à vous et disons de bonne volenté que, se besoins vous croist ne touce, et nous en soions segnefi[é]t, nous venrons tantos et sans delai en vostre service. » La roine respondi : « Grant merchus ! » et puis se retourna deviers messire Jehan de Hainnau et li dist : « Biaux cousins, vous ne vos poés partir encores de moi jusquez apriès Noel, car contre les festes dou Noel, tous li consauls d'Engleterre, prelas, barons, chevaliers et bonnes villes doivent estre à Wesmoustier, et là aueront il avis et conseil quel cose on fera dou roi, qui est à Bercler, ensi que vous savés. Si retenés auquns de vostres chevaliers dales vous pour vostre estat, car je voel que vous soiiés à ce parlement, et que chil qui point ne vous ont encores veu, vous voient; et li demorans de vostres gens se partiront dedens quatre jours, puis que partir voellent. » Li gentis chevaliers respondi et dist : « Madame, volentiers. » Depuis ceste parole, parla messires Jehans de Hainnau à ses gens et ordonna ceuls que il voloit que il demorassent avoecques lui, et as aultres dist : « Vous vos partirés dedens tel jour. Madame le m'a dit; mais, au departir, elle voelt parler à vous et paiier vostre bien alée. »

La roine d'Engleterre, qui se sentoit tenue enviers ces chevaliers et esquiers de Hainnau pour le biel et grant servise que fait li avoient, qant elle veï que plus demorer il ne voloient, elle s'en vint à Eltem à sept milles de Londres et sus le chemin de la mer et de lor retour; et amena là ses enfans et le conte de Qent et son estat un petit plus esforchiet que une aultre fois. Et là furent segnefi[é]t tout li chevalier et esquier de Hainnau à estre, qui partir voloient, et i furent, et messires Jehans de Hainnau aussi. Qant il furent tout venu, la roine tint son estat et sist à table solempnement en la sale. Là furent assis à table tous chevaliers et esquiers de Hainnau qui partir voloient, et servi de

tous mès grandement et largement, selonch l'usage d'Engleterre. Et sus la fin dou disner, entrues que on oïent à regarder la roine, entrèrent dedens la sale tronpes et menestrels qui faisoient lor mestier. et tantos apries euls, douse chevaliers parés et vestis tous parellement et d'une livrée très ricé. Et les sievoient douse esquiers parés et vestis aussi de une livrée; et portoient chil esquier, deus et deus, casquons, une grande corbille à deus aniaus, toutes plainnes de vasselie d'argent, de pos, de plas, de dragioirs, de coupes, de hanas, d'esquelles, de temproirs et de toute vasselie. Et alèrent li menestrel et li chevalier et li esquier qui ces corbilles portoient, au tour des tables; et qant il orent fait lor tour, il s'arestèrent devant la table des plus grans signeurs. Et ne seoit nuls à table fors chil qui partir se devoient, reservé messires Jehans de Hainnau. Chils seoit à la table de la roine. Là furent misses ces corbilles jus. Et sus casque vinrent doi chevalier, tout avisé de ce que il devoient faire; et departirent tous ces jeuiaux as chevaliers et as esquiers, et casquons selonch son estat. Tout en furent servi, et mis devant euls sus les tables. Et depuis, li mestre d'ostel de la roine issirent hors de la salle et vinrent en la court, et fissent venir avant tous les varlès et pages de ces chevaliers et esquiers de Hainnau qui partir devoient; et là avoient en un sach cent livres d'estrelins, monnoie d'Engleterre, car adonc il n'estoit encores nulles nouvelles de nobles. Et qant chil varlet furent venu, li mestre d'ostel dissent tout hault, en prenant le sac qui estoit de quir : « Tenez, entre vous, varlès des Hainnuiers, qui partir devés, madame la roine vous donne cent livres d'estrelins : priés pour lui. » Tout ou en partie respondirent et dissent : « Dieux doinst à madame la roine bonne vie ! » Se lor demora chils argens, et le departirent entre euls à grant joie. Il en i ot auquens qui bien le gardèrent ce que en lor pareçon en eschei, et en devinrent puis rice, pour mettre en bonne moutepliance; et li aultre le jeuvèrent as dés, qui ne s'en savoient comment delivrer.

Che disner fait, et ces signeurs, chevaliers et esquiers de Hainnau servis en la fourme et manière que je vous di, et tous ces jeuiaux requelliés et mis en paniers et en bonne ordenance pour le plus aise porter et sans froissier, il prissent congiet de madame la roine, de son fil et dou conte de Qent. Et les aconvoia jusques en mi la court à Eltem li sires de Biaumont, messires Jehans de Hainnau; et tout un et un prissent congiet à lui, et il lor donna.

Adonc montèrent ils et messires Thomas Wage, aussitos comme il fissent; et se departirent de Eltem, et jà estoit tout tart, et vinrent jessir à Dardeforde, et à l'endemain à Rocestre, et au tier jour à Saint Thomas de Cantorbie, et fissent là lor offrande au corps saint. Et apriès disner, il cevauchièrent et vinrent à Douvres, et tout partout estoient delivré de par les gens la roine. Qant il furent venu à Douvres, on lor pourvei vassiaus de par la roine. Il esqipèrent lors chevaus, et puis entrèrent ens ès vassiaus passagiers. Et là prist messires Thomas Wage congiet à euls, et retourna deviers la roine, et le trouva à son retour à Eltem et messire Jehan de Hainnau. Et li Hainnuier singlèrent par mer, et furent tantos à Wissan. Pour ce temps, il i avoit une très bonne ville, et sciet entre Boulongne et Calais. Et devés savoir que, avant que li Hainnuier issirent de Londres, il furent paiiet en deniers apparillies, ensi que couvenance se porta au departir de Hainnau entre la roine et euls, et si largement que tout s'en contentèrent. Et retournèrent en Hainnau tout fouci d'argent et de jeuiaulz, et vinrent à Valenchiennes deviers le conte et la contesse qui les veirent volentiers, et lors recordèrent des nouvelles d'Engleterre. Et sus mains de quatre mois orent il fait tout ce voiage. Nous retournerons à parler de la roine d'Engleterre et des ordenances dou pais. F<sup>o</sup> 11 et 12.

P. 35, l. 13 : Londres. — *Ms. B 6* : et là furent recheu à grant joye du maieur de la ville et des bonnes gens, qui moult desiroient à veoir la damme et le filz le jouène Edouart. Sy rechut le foyalté des hommes de la ville la ditte roynne, ou nom de son filz. Asés tos après, le vinrent veoir ou palais de Wesmoustier où elle se tencit, dehors Londres, tout ly prelat et les chevaliers d'Engleterre, qui encore ne l'avoient veu. Et ly firent grant reverense et ossy à che gentil chevalier monsieur Jehan de Hainau, desquels il fu grandement honnorés. F<sup>o</sup> 20.

P. 36, l. 3 : estoit. — *Ms. d'Amiens* : ens ou castel de Bercler. F<sup>o</sup> 5.

P. 36, l. 14 : petit fu. — *Ms. B 6* : mais le plus grant partie des chevaliers de Haynau, qui avecques luy avoient esté venus, retournèrent, tels que messire Robert de Bailleuel, messire Sanses de Bieaurieu, le sire de Floyon, le sire de Gornegnies, le sire de Aubechicourt, le sire de Mastain, messire Sanses de Boussut, le sire de Mongtyny et pluseur autre. F<sup>o</sup> 21.

P. 36, l. 26 : paiiet. — *Ms. d'Amiens* : en argent tout seck et tantost en purs estrelins d'Engleterre. F° 5.

P. 36, l. 28 et 29 : compagnons. — *Ms. de Valenciennes* : aucuns de ses plus privez. F° 13.

§ 20. P. 37, l. 11 : Noel. — *Ms. de Rome* : Environ siis jours devant la feste dou Noel, que on apelle en France Calandes, furent venu en la chité de Londres de toutes les parties d'Engleterre li signeur et li prelat et li consauls des bonnes villes. Et là ot un grant parlement au palais de Wesmoustier, presente la roine et son fil. Et estoient tout li fait dou roi Edouwart, liquels estoit ens ou chastiel de Bercler, ensi que chi desus est dit, tous par articles mis en escript. Et là ot un clerc qui les lissi tout en publ[i]c, oant le peuple. Quant li furent tout leu, li arcevesques de Cantorbie se leva et demanda, de par la roine d'Engleterre, quel cose en estoit bonne à faire; et prioit, par la bouce dou dit arcevesque, que elle fust si' consillie que elle et li roiaulmes d'Engleterre i euissent honnour et pourfit, car de ces cas elle en cargoit tous ses hommes et en descargoit sa conscience. F° 12.

P. 37, l. 18 : feste. — *Mss. A20 à 22* : Celle feste dura huit jours. F° 23. — *Ms. B 6* : Sy dura la feste plus de quinze jours. F° 22.

P. 38, l. 8 : de roy. — *Ms. de Rome* : Et pour ce que li roiaumes ne puet estre sans chief et sans gouverneur, et que il apertient que en Engleterre ait roi, ordonné fu et aresté que Edouwars ses fils seroit rois couronnés et solempniés à roi le jour de la Nativité Nostre Signeur, et presist conseil bon, sage et meur dalés lui, par quoi li roiaulmes et li pais fust en avant mieuls gouvrenés que esté n'eüst, par quoi en nul tourbie ne disension li dis roiaulmes ne se peuist esmouvoir. Adonc fu chils consauls ouvers, et revinrent li vaillant homme et li sage et li prelat, sus lesquelz on avoit assis et tourné ce conseil, en la presence de la roine et de son fil et de mesire Jehan de Hainnau et dou conte de Qent et aussi dou conseil des bonnes villes. Et fu tout ce publiet generaulment. Et se departi li consauls sus celle entente et volenté que li jones Edouwars seroit rois enoins et sacrés le jour de la Nativité Nostre Signeur. Et demorèrent tout signeur et tout prelat et toutes gens, qui là estoient venu à la priere et ordenance la roine, pour estre à celle solempnité. Et furent toutes ordenancez aministrées, qui apertenoient à estre et

à avoir, tant d'abis que d'autrez coses, pour le dit jone roi, et li eglise de Wesmoustier apparillie très reveramment. F° 12.

§ 21. P. 38, l. 19 : Edowars. — *Ms. de Rome* : Edouwars de Windesore, liquels en son temps a eu tant de belles aventures d'armes et victorieuses, ensi que elle[s] vous seront remoustrées et recordées ensievant en l'istore; et fu consacrés et oins solempnement selonch l'ordenance d'Engleterre. Et furent à sa comsacration deus archevesques et douse evesques et quarante wit abbés d'Engleterre. Et rechut li rois toutes les dignités et solempnités que rois doit et puet recevoir, et estoit pour lors ou sessime an de son eage; il les ot complis à la Conversion saint Pol apriès. Et porta ce jour la couronne de saint Edouwart, laquelle est moult digne et moult riche; et furent fait à sa coronation nouviaux chevaliers quatre cens et quinze, et vellièrent le nuit dou Noel, toute la nuit, en l'eglise de l'abeie de Wesmoustier. Et qant li rois vint de l'eglise au palais, montés sus un blanc coursier, paré et vestis de sambuc jusques ens ès fellons des piés, armoiiés des armes d'Engleterre d'une part, et des armes de saint Edouwart de l'autre part, chevauchièrent tout chiel nouvel chevalier devant lui. Et fu ensi amenés de l'eglise dedens le Palais, liquels estoit aournés si ricement comme on pooit. Et sist à table, deus arcevesques, de Cantorbie et d'Iorch, au desus de li, et puis li rois, et puis la roine sa mère et puis mesires Jehans de Hainnau, et puis li contes de Qent, et puis li contes Henris de Lancastre. F° 12, v°.

P. 38, l. 20 : armes. — *Mss. A 11 à 13* : tant par mer comme par terre. F° 10.

P. 38, l. 23 : saint Pol. — *Ms. d'Amiens* : en l'eage de seize ans à l'entrée, car il les devoit avoir en janvier eusivant, le jour de le Conversion saint Pol l'apostle. F° 6.

P. 38, l. 24 : li gentilz. — *Mss. A 1 à 6, 20 à 22* : du gentil. F° 11.

P. 39, l. 3 : Behagne. — *Ms. d'Amiens* : li gentils et nobles Carles. F° 6.

P. 39, l. 4 : frères. — *Le ms. d'Amiens ajoute* : .... li dus de Bourbon, messires Robiers d'Artois, li comtes Raoulx [d'Eu<sup>1</sup>], li comtes d'Auçoïrre, li comtes de Sansoire. F° 6.

1. *Mss. d'Amiens et de Valenciennes* : de Deus ou de Deu. *Mauvaise leçon.*

P. 39, l. 6 : criés. — *Ms. de Rome* : et ma dame la roine et li rois vinrent tenir lor mancion à Windesore, et en ama li rois grandement le lieu et la place. pour tant que il i fu nés; et tout partout où il aloient, messires Jehans de Hainnau aloit. Tantos apriez l'Aparition des Rois, nouvelles vinrent à messire Jehan de Hainnau que li rois de Behagne, son chier et amé cousin, avoit fait crier un tournoi et assis à estre sus le sabelon, à Condet en Hainnau. Qant les nouvelles furent venues en Engleterre et messires Jehans de Hainnau en ot la congnaissance, nuls ne l'eüst retenu en Engleterre, car li rois de Behagne li escripsoit que à ce tournoi il devoient estre compaignon ensamble. Et moustra li gentils chevaliers les lettres à la roine et au roi aussi, et dist que il le couvenoit partir, et tous jours estoit il près de faire service au roi là où il en seroit requis. F<sup>o</sup> 12 v<sup>o</sup> et 13.

P. 39, l. 13 et 14 : Behagne. — *Ms. d'Amiens* : qui durement l'amoit. F<sup>o</sup> 6.

P. 39, l. 18 et 19 : quatre cens. — *Ms. B 6* : seize cens mars de revenue, sa vie durant, et les florins delivrés à Bruges et là païiez. F<sup>o</sup> 23.

P. 39, l. 24 : dit est. — *Ms. de Rome* : Et avoech les dons on bailla les lettres toutes seelées dou seel dou roi, qui tesmon- gnoient et certefioient ces dons. Encores fu il delivré au mestre d'ostel de messire Jehan de Hainnau grant fuïsson de blanche monnoie d'Engleterre, pour païier lors menus frès sus le cemin. Adonc se departi messires Jehans de Hainnau dou roi et de sa mere, dou conte de Qent et de mesire Rogier de Mortemer. Si fu acompagnies et aconvoïés de messire Thomas Wage et des chevaliers dou roi. Et li maires de Londres et plus de cent hommes d'onneur de Londres l'accompagnerent jusques à Darde- forde; et prisent là congiet à lui, et puis retournèrent. Mais li chevalier dou roi et de la roine l'accompagnerent jusque à Douvrez, et paioient partout les frès de li et de ses gens; et leur pourveirent vassiaus passagiers qui les passèrent à Wissant. F<sup>o</sup> 13.

P. 40, l. 6 : d'Engleterre. — *Ms. de Rome* : Et les amena messires Jehans de Hainnau à Valenchiennes deviers le conte son frère et la contesse qui les conjoirent et requellièrent bellement, pour l'onneur et amour dou roi d'Engleterre et de madame sa mère. Si se tint li tournois à Condet sus Escaut, ensi que non- chiet et criet fu; et i ot deux cens et soissante chevaliers tour- nians. Si en i ot des bien batus. Des François en ot le pris, pour

le mieuls tournoiant et p[r]enant painne, li sires de Biausaut dables Montdidier, et des Hainnuiers messires Miqiez de Ligne. F° 13.

P. 40, l. 8 : estre. — *Ms. B 6* : Retourna le chevalier en Hainau où il fut grandement rechet du conte son frère et de tous les barons. Et bien le valloit, car au vray dire il avoit fait ung biel voiage et une haulte emprise. Dont il en devoit bien estre honnourés, et osy fust il tout son vivant et est encores de tous cheaus qui en oient parler. F° 23 et 24.

P. 40, l. 10 : deus fois. — *Ms. de Valenciennes* : Et pour l'amour d'eulx, refist on en celui an encore ung aultre tournoy à Condet. F° 14.

§ 22. P. 40, l. 14 : Apriès. — *Ms. de Rome* : Apriès ce que messires Jehans de Hainnau se fu departis d'Engleterre, li jones rois et madame sa mère gouvrenèrent le pais par le conseil dou conte de Qent et de messire Rogier de Mortemer et de messire Thomas de Wage, et par le conseil de pluisseurs aultrez que on tenoit le plus sages d'Engleterre. Et fu tous li roiaulmes reconcilliés et remis en bon estat, et estoit justice gardée souverainement.

Celle première anée dou resgne le jone roi Edouwart, avint que la fenme à mesure Hue l'Espensier, qui justichiés fu, ensi que vous avés oy, se traist deviers le roi et son conseil et amena un moult biau fil, que elle avoit de l'eage de neuf ans, et estoit nommés Edouwars; et mist en avant par un avocat une plainte. Et dist ensi la dame par la parole de l'avocat que, se son mari avoit fourfait le sien, il ne pooit fourfaire l'iretage de la dame, et le couvenoit vivre li et son fil. Or estoit avenu que on avoit confixset et atribuet à la couronne d'Engleterre tous meubles et hiretages que li Espensier avoient, li pères et li fils, par tout le roiaume d'Engleterre, et tenoient bien soissante mille [mars] de revenue. La roine d'Engleterre et li rois ses fils eurent pité de la dame, car elle estoit des plus nobles d'Engleterre; si s'enclinèrent à ce que la dame fust aidie et ses fils aussi. Et li furent rendu et restitué tout li hiretage qui venoient de son costé, et par especial en la contrée de Gallez, et retourna bien la dame à quatre mille mars de revenue par an. Et depuis avint que, quant li fils ot eage, li rois le maria, mais ce ne fu pas selonc le linage dont il estoit issus; ce fu à la fille d'un sien chevalier baceleur, que on nonma messire Raoul de Ferrières. Chils Edouwars



li Espensiers et sa femme ne furent que chinq ans en mariage, car il fu ocis ens ès gerres de Bretagne, ensi que vous orés recorder en l'istore, mais ce sera bien avant, [et] orent quatre filz : li troi en furent chevaliers, Edouwars, Hues et Thomas, et li quars ot nom Henris et fu evesques de Nordvich.

Je Froissars, actères de ces croniques, le di pour tant que, en ma jonèce, je fui moult bien et tous sus amés de l'ainnet frère Espensier, que on nonma Edouwart, ensi que son père, et ot en mariage la fille à messire Bietremieu de Bruhés, un moult vaillant chevalier. Et fu cils sires Espensiers, de son temps et dou mien, li plus jolis chevaliers, li plus courtois, li plus honnourables et amoureux et bacelereus assés qui fust en toute Engleterre, et li plus larges de donner le sien là où il veoit que il estoit bien emploïet, et qui mieuls sceut vivre et dou plus biel estat et bien ordonné. Et oy dire en mon temps les plus hautez et nobles dames dou pais que nulle feste n'estoit parfaite, se li sires Espensiers n'i estoit. Et pluisseurs fois avint que, qant je cevauchioie sus le pais avoecques lui, car les terres et revenues des barons d'Engleterre sont par places et moult esparses, il m'apelloit et me disoit : « Froissart, veés vous celle grande ville à ce hant clochier ? » — Je respondoie : « Monsieur, oil : pourquoi le dittes vous ? » — « Je le di pour ce : elle deuist estre mienne, mais il i ot une male roine en ce pais, qui tout nous tolli. » Et ensi par pluisseurs fois m'en moustra il semées en Engleterre plus de quarante; et appelloit la roine Issabiel, mère au roi Edouwart, le male roine, et ausi faisoient si frère.

En ce temps dont je parole, et que li roiaulmes d'Engleterre estoit tous en paix et ou gouvrenement de la roine Issabiel et dou conte de Qent et dou jone roi et de lor conseil, avint que Robers de Brus, rois d'Escoce, qui en son temps ot moult à faire contre les Englois, et qui tous jours les tint en gerre et reconquist sus euls ce que si predicesseur avoient perdu encontre le bon roi Edouwart, et les desconfi par bataille devant Struvelin, et dura la cace jusques outre la rivière du Thin, et reprist Bervich, Dombare et pluisseurs chastiaus que li Englois tenoient en Escoce, chils rois Robers de Brus entendit comment li rois d'Engleterre avoit esté pris et desposés de sa couronne, et ses consauls justichiés; si s'apensa que il desfieroit ce jone roi Edouwart, et supposa que grandes hainnes estoient nouries et engendrées en Engleterre par les mors des signeurs Espensiers et le conte d'A

rondiel, et que, qant ses gens se meteroient sus les camps, li linages des desusdis se bouteroient en lor compagnie, pour contrevengier lors amis. Si envoya desfier le roi Edouwart et toute sa poissance. Et aporta la desfiance uns hiraus d'Escoce, lequel on nonmoit Glas. Et estoit contenu en la lettre seelée dou roi d'Escoce et des barons de celi pais, que jamais il n'entenderoit à aultre cose, si aueroit si avant courut en Engleterre que passet la rivière dou Thin et le Hombre et contrevengiet tous ses torsfais; et se combatre on le voloit, il li asignoît journée devant Ewruich.

Qant li jones rois d'Engleterre ot recheu ces desfiances ou premier an de sa creation, li coers li commença à engrossier, et ne moustra pas ne ne dist au hiraute toute sa pensée, mais li fist donner un mantiel qui bien valoit cent florins; et aussi la roïne, li contes de Qent, messires Rogiers de Mortemer, et li signeur li donnèrent [tant] que il fu tous rices. Et li fu dit de l'un des chevaliers dou roi : « Glas, vous vos poés bien partir, qant il vous plaist, car li rois et li pais se tient à tous desfiés sus les lettres que vous avés aporté. » Adonc se departi li hiraute, et li rois et ses consauls et toute Engleterre demorèrent en ces desfiances. Et bien sentirent toutes gens, as quels la congnaissance en vint, que de par les Escoçois il aueroient la guerre. F<sup>o</sup> 13 v<sup>o</sup> et 14.

P. 40, l. 17 : roy. — *Ms. d'Amiens* : et le comte Henry de Lancastre au Tors Col. F<sup>o</sup> 6.

P. 40, l. 23 : Thumas. — *Ms. de Valenciennes* : Wautier. F<sup>o</sup> 14.

P. 41, l. 7 : malades. — *Ms. d'Amiens* : de gouttes. Nonpourquant ses coers estoit encoires assés fors et en grant desirier de guerrier, mès que il veyst son plus biel. F<sup>o</sup> 6.

P. 41, l. 8 : disoit on. — *Mss. A 11 à 13* : Et disoit on qu'il en mourroit, car nulle guarison trouver il n'en pavoit. F<sup>o</sup> 10 v<sup>o</sup>.

P. 41, l. 21 : manda. — *Ms. B 6* : par ses hiraus que il vendroit mettre le siège devant la bonne cité de Ewruich, et que il ne s'en partiroit sy l'aueroit, ou on luy leveroit le siège. F<sup>o</sup> 24.

§ 23. P. 41, l. 30 : Evruich. — *Mss. A 18, 19, 34, 35* : Bruich. F<sup>o</sup> 12. — *Mss. A 30 à 33* : Bervich. F<sup>o</sup> 98 v<sup>o</sup>. — *Mss. A 23 à 29* : Vervich. F<sup>o</sup> 14. — *Mss. A 11 à 13* : Warvich<sup>1</sup>. F<sup>o</sup> 10 v<sup>o</sup>.

1. Les mêmes mss. reproduisent les mêmes variantes partout où on lit *Evruch* dans le texte.

P. 41, l. 30 : north. — *Ms. d'Amiens* : sus les marches de Norhombrelant. F<sup>o</sup> 6 v<sup>o</sup>.

P. 42, l. 2 : messages. — *Ms. de Rome* : Or fu consillié en la cambre dou roi que, tantos et sans delai, li rois envoiait ses messages et ses lettres deviers messire Jehan de Hainnau, et li priast que il le venist veoir et servir, et se pourveist de cinq cens armeures de fier, chevaliers et esquiers, et tout seroient delivret et bien paiiet, et li escripsist que c'estoit pour aler en Escoce, car li rois d'Escoce et li Escocois l'avoient desfié. Et fu dit ensi, en la cambre dou roi et en conseil, que on ne pooit mieuls emploier lettres ne messages, que d'envoier en Hainnau. Tout ensi comme il fu ordonné, il fu fait. Et escripsi li rois d'Engleterre à messire Jehan de Hainnau et envia ses messages, qui passèrent la mer et vinrent en Hainnau, et trouvèrent le gentil chevalier que il demandoient, en la ville de Biaumont dont il portoit le nom, et li baillèrent les lettres que il li apportoient, tant de par le roi que de par la roine d'Engleterre. Il les lissi, qant il les ot ouvertes, et considera comment on le prioit et mandoit. Si fu tous resjois de ces nouvelles, et dist que il estoit tenus de servir le roi et le pais d'Engleterre, puis que il s'estoit ahers et aloiés à euls de foi et d'ommage; et rescripsi au roi d'Engleterre et à la roine par ceuls meismes qui cez lettres avoient aporté. Et fu contenu ens ès dites lettres que il seroit en Engleterre, et à ce n'aueroit nulle defaute, dedens le jour que on li avoit assis, et à otant de gens ou plus que on ne li avoit escript. Li messagier d'Engleterre retournèrent.

Messires Jehans de Hainnau se pourvei, et escripsi et manda as chevaliers et esquiers autours de li, des quels il pensoit à estre acompagniés et servis, tant en Hainnau, en Braibant, en Flandres et en Hasbaing. Tout furent apparilliet à sa prière et ordenance, et se pourveirent tantos et sans delai de tout ce que à lor estat apertenoit, et se departirent de lors lieux, et vinrent li aucun à Wissant, et li aultre à Calais. Toutes fois, messires Jehans de Hainnau vint à Wissan; et passèrent oultre, car il trouvèrent les vassiaus passagierz que li rois d'Engleterre lor avoit envoiiés, et tant fissent qu'il furent oultre et en Engleterre. Et atendirent tout l'un l'autre à Cantorbie, et entendirent que li rois et la roine et li signeur s'en aloient à grant esfort viers Escoce. Si se esplotièrent li Hainnuier ce qu'il peurent, et passèrent Rocestre et Dardeforde et vinrent à Londres. Et là se rafresquirent de tout ce

que il lor besongnoit, de chevaux, de sellerie, d'armes et de toutes aultres choses qui apertienent à gens d'armes. Et là trouvèrent le tresorier des gerres dou roi, qui lor delivra monnoie et paiement bien et largement. Et puis il se departirent et misent au cemin, et passèrent le Ware et Lincole. Et partout où il venoient, il estoient requelliet liement, conjoï et festiïet. Et passèrent à Danfront et à Dancastre, et vinrent à Evreuich, une grose chité et bonne, qui sciet en bon pais; et passe la rivière dou Hombre tout parmi, qui va ceoir en la mer.

Jà savoient li rois d'Engleterre, madame sa mère et li baron d'Engleterre que messires Jehans de Hainnau venoit à belle compagnie de gens d'armes, encores plus assés que on ne li eüst escript et mandé. Si en estoient tout resjoy et atendoient sa venue. Et devés sçavoir que li Escçois avoient passet la rivière dou Thin amont vers les montagnes qui departent Galles et Engleterre, et moult priés de une chité que on nonme Carlion, et estoient venu entre la chité de Durames et Evruich, et ardoient le plat pais, tant que on en pooit bien veoir les fumières. Et n'estoit point li rois Robers d'Escoce en celle chevaucie, mais se tenoit à Haindebourch en Escoce sus la litière, car il estoit si atains de la grose maladie que il ne pooit mais chevauchier. Et là estoient pour lui li contes de Moret et messires Guillaumes Douglas, doi vaillant chevalier qui conduisoient les Escçois, où moult avoit de bons chevaliers et esquiers et vaillans as armes. F<sup>o</sup> 14.

P. 42, l. 6 : compagnie. — *Ms. B* 6 : à cinq ou six cens lances. F<sup>o</sup> 24.

P. 42, l. 8 : mandement, — *Ms. B* 6 : sy en fu tous resjois et dist aus messaigiers que il estoit tout aparliés ou serviche du roy d'Engleterre et de madame sa mère. F<sup>o</sup> 25.

P. 42, l. 23 : Wissant. — *Ms. B* 6 : et là sejourna deus jours. F<sup>o</sup> 26.

P. 42, l. 27 : Douvres. — *Ms. B* 6 : et là sejourna deus jours. F<sup>o</sup> 26.

P. 42, l. 28 : jour. — *Ms. d'Amiens* : tant qu'il passèrent le bonne chité de Londres, et chevauchièrent à exploit tout le grant chemin d'Escoche parmy le comté de Lincelle, et vinrent à Dancastre et puis à Evruich, quatre jours devant le Pentecouste. F<sup>o</sup> 6 v<sup>o</sup>.

P. 42, l. 30 : Evruich. — *Ms. B* 6 : une moult riche cité seant sur le rivière de Hombre, ou nort. F<sup>o</sup> 27.

P. 42, l. 31 : barons. — *Mss. A 11 à 13* : de gens d'armes, et d'archiers. F° 11.

§ 24. P. 43, l. 18 : Haynau. — *Les mss. A, B 6 et de Rome ajoutent aux noms mentionnés dans le texte* : messire [Sanse<sup>1</sup>] de Biau-rieu<sup>2</sup>. *Ms. de Rome*, f° 14 v°. — *Les mss. d'Amiens et de Rome ajoutent* : ... li sirez de Potelles, li sirez de Waregny. F° 6 v°. — *Le ms. de Rome ajoute* : ... le seigneur de Vertain, ..... le seigneur de Blargnies, le seigneur de Mastain, messire Nichole d'Aubrecicourt, le seigneur de Flosies, le Borgne de Robertsart. F° 14 v°.

P. 43, l. 20 et 21 : dou Rues. — *Ms. d'Amiens* : dou Roelx. F° 6 v°. — *Ms. B 6* : dou Ruelt. F° 25.

P. 43, l. 21 : Bailluel. — *Ms. d'Amiens* : qui puisedi fu sirez de Fontainnez l'Evesque, de Morriaumés. F° 6 v°.

P. 43, l. 23 : Brifuel. — *Mss. A 1 à 6, 8, 9, 11 à 19, 23 à 33* : Briseul, Brisuel ou Brisueil.

P. 43, l. 24 : Fastres de Brifuel. — *Ce chevalier n'est mentionné que dans les mss. B 1 à 3.*

P. 43, l. 24 : Ligne. — *Mss. A 13 à 19* : Ligny ou Ligney. F° 12.

P. 43, l. 26 : Bousoit. — *Mss. A 1, 3 à 6, 23, 25 à 29, 34, 35* : Bussort ou Boussort. — *Mss. A 2, 24* : Buissat ou Boussat.

P. 43, l. 27 : Semeries. — *Mss. A 11 à 13* : Sameries. F° 11. — *Ms. A 34, 35* : Surenes. F° 12 v°. — *Mss. A 30 à 33* : Fevriers. F° 99.

P. 43, l. 27 : Floion. — *Mss. A 13 à 19, 34, 35* : Florion, Floron ou Flouron.

P. 43, l. 28 : Flandres. — *Le ms. d'Amiens ajoute aux noms mentionnés dans le texte* : ... li sirez de Halluin, li sires de Brughedent. F° 6 v°.

P. 43 : l. 29 : Rodes. — *Mss. A 1, 3 à 6* : Condes. F° 12. — *Ms. A 2* : Rondes. F° 12 v°. — *Ms. B 6* : Rohais. F° 25.

P. 43, l. 30 : Ghistelles. — *Les éditions de D. Sauvage ajoutent* : et messire Jaques de Guistelle son frère. *Édition de 1559*, p. 14.

P. 44, l. 2 : Rasses. — *Mss. A 20 à 22* : Roches. F° 27 v°.

P. 44, l. 3 : Grés. — *Ms. B 6* : Gros. F° 25.

1. Le prénom *Sanse* ne se trouve que dans le ms. de Rome.

2. *Mss. A 1 à 6, 20 à 22* : Beaugeu. F° 12.

P. 44, l. 3 : Casebèke. — *Mss. A* 18, 19 : Cassebelie. F° 13. — *Mss. A* 34, 35 : Gastebolie. F° 13.

P. 44, l. 4 : Pilisre. — *Mss. A* 18, 19, 34, 35 : Pelisce F° 13. — *Mss. A* 1, 8, 11 à 13, 23 à 33 ; Pilistre, Philistre, Philleste ou Pilestre. — *Mss. B, mss. A* 2, 3 à 7, 9, 15 à 22 et *mss. d'Amiens et de Rome* : Pilifre, Pelifre, Pilliffe, Philifre. — *Ms. de Valenciennes* : Pillesore. F° 15.

P. 44, l. 4 : Gilles. — *Mss. A* 11 à 13 : Jehan. F° 11.

P. 44, l. 4 : Coterebbe. — *Ms. A* 7 : Contereble. F° 10. — *Mss. A* 18 et 19 : Courterebles. F° 12. — *Mss. A* 20 à 23 : Cothetelle, Courtelle, Courterelle. — *Ms. de Valenciennes* : Quaderobe. F° 15.

P. 44, l. 5 : Harlebèke. — *Ms. de Valenciennes* Harbecque F° 15.

P. 44, l. 7 : Hesbegnons. — *Mss. A* 1 à 7, 11 à 19, 23 à 35 : Behaingnons. F° 12 v°.

P. 44, l. 7 : li Biaus. — *Ms. d'Amiens* : canonnes de Liège. F° 6 v°. — *Ms. B* 6 : le Viauls. F° 25. — *Mss. A* 23 à 33 ; de Libeaux. F° 15.

P. 44, l. 9 : d'Ohay. — *Mss. A* 1 à 10, 15 à 35 : de Hay. F° 12 v°. — *Ms. de Valenciennes* : Hue de Hary. F° 15. — *Ms. de Rome* : Hues Hay. F° 14 v°. — *Mss. A* 11 à 13 : messires Huon de Hainault, bastart. F° 11.

P. 44, l. 10 : Libines. — *Ms. d'Amiens* : qui tous quatre devinrent là chevalier. F° 6 v°. — *Ms. B* 6 : Librués. F° 25. — *Mss. A* 2, 23 à 33 : Livines. F° 12 v°. — *Mss. A* 34, 35 : Libidines. F° 13.

P. 44, l. 10 : d'Oppey. — *Mss. d'Amiens et de Rome, mss. B et mss. A* : du Pel, du Pal, du Pelz. — *Ms. A* 3 : de Duxel. F° 19.

P. 44, l. 11 : Gillebers. — *Mss. A* 11 à 13 : Robert. F° 11. — *Ms. B* 6 : Guillaume. F° 25.

P. 44, l. 11 : Hers. — *Mss. A* 11 à 13 : Hars. — *Ms. B* 6 : Hors.

P. 44, l. 13 : d'Artois. — *Ms. B* 6 : et de Vermendois. F° 26.

P. 44, l. 18 : Guillaume de Jullers. — *Mss. A* 1 à 6 : Jacques de Juilliers [qui depuis fut duc de Juilliers<sup>1</sup>] après le deceptions de son père. F° 12 v°.

1. Les mots mis entre crochets ont été omis par une distraction du copiste dans le ms. A 1.

P. 44, l. 20 : conte de Los. — *Mss.* A 20 à 22 : qui depuis fut connestable de l'ost<sup>1</sup>. F° 27 v°.

§ 25. P. 45, l. 2 : six cens. — *Mss.* A 1 et cinq cens. — *Ms.* A 24 : cent. F° 21. — *Ms.* B 6 : plus de cinq cens. F° 27.

P. 45, l. 4 : quinze. — *Mss.* A 11 à 13 : dix huit. F° 11 v°.

P. 45, l. 6 : soixante. — *Mss.* A 11 à 13 : quatre vingt. — *Mss.* A 20 à 22 : deux cens. F° 28. — *Ms.* B 6 : cinq cens dames et demoiselles. F° 27.

P. 45, l. 6 et l. 7 : mandées. — *Ms. de Rome* : là environ et ou pais de Northombrelant. F° 14 v°.

P. 45, l. 16 : arciens. — *Ms.* B 6 : du conté de Lincheles F° 28.

P. 45, l. 19 : car. — *Ms. de Rome* : Car ensi que chil garçon se combatoient à auquns de ces Englois, la noise se commença à monter en la ville, et crièrent : « Lincole ! » Chil de la nation de Lincole estoient là grant fuison : si se missent tantos ensamble et prissent lors ars et se rengièrent, et entrèrent en la rue où li Hainnuier estoient logiet ; ot couvint ceuls qui là estoient des Hainnuiers retraire dedens lors hostels. F° 15.

P. 45, l. 32 : doi nulle. — *Mss.* A 23 à 29 : trois mille. F° 15 v°.

P. 46, l. 20 : cent. — *Ms. d'Amiens* : deus cens. F° 7.

P. 46, l. 24 : compaignons. — *Ms. d'Amiens* : Là fu messires Jehans li Biaux, cannonnes de Liège, sus les quelx cronicques et par quel relacion de ce fet et d'autrez j'ay fondé et ordonné ce livre, en grant peril ; car tous desarmés il fu enemy yaux ung grant terme. Si volloient saiettes à tous lés, et il meismes en fu consievris et navrés, et plusieurs de ses compaignons, priès jusques à mort. F° 7.

P. 47, l. 2 et 3 : Boussoit. — *Le ms. d'Amiens ajoute aux noms mentionnés dans le texte* : .... messires Jehans de Montegny, li sirez de Vertaing, li sirez de Potelles, li sirez de Wargny, messires Hectors Villains, messires Jehans de Rodes, messires Wafflars de Ghistelles, messires Thieris de Wallecourt, messires

1. Cette erreur provient sans doute de ce que, dans les *ms.* A 1 à 6, d'où dérivent les *ms.* A 20 à 22, et notamment dans le *ms.* A 1, F° 12 v°, *Los* est écrit *lost*.

Rasses de Grés, messires Jehans Pilifre, messires Gille de Coterêbe, messires Lambers dou Pels, très bon chevalier. F° 7.

P. 47, l. 7 : carlier. — *Ms. de Rome* : chiés un archier. F° 15.

P. 47, l. 11 : mors. — *Ms. d'Amiens* : Et en tuèrent bien seise vingt ou environ, tout archier, le plus qui estoient de l'esvesquet de Lincelle. Et encoires en ewissent plus ocis en l'eur, qui les ewist layet convenir, car c'estoit leur entente que d'iaux tous mettre à l'espee et de prendre à otel merchy que les archers les ewissent pris, se il en ewissent estet maistre; mais ly roys y envoya monseigneur Thumas Wage, marescaul de l'ost, monseigneur Richart de Stamford et le seigneur de Moutbray, en yaus priant que il se volsissent retraire et souffrir, et que le roys leur feroit amender ceste forfaiture.

A le prière et ordonnance dou roy, se retrairent li Haynuyer et leur compaignon bellement et sagement. Et s'en vinrent parmi la grant rue et encontrèrent monseigneur Jehan de Haynnau bien armet et ses bannières devant lui, acompaigniet de messire Guillaume de Jullers, de monseigneur d'Enghien, de monseigneur Henry d'Antoing, de monseigneur Robert de Bailluel, de monseigneur Alart de Briffosel, de monseigneur Micquiel de Ligne, de monseigneur de Gonnignies, de monseigneur Guillaume de Strate, de monseigneur Gosuin de le Meule, de monseigneur Jehan de Ghasebecques, de monseigneur Wautier de Heteberge, de monseigneur Jehan de Libines, de monseigneur Gillebiert de Hers, de monseigneur Fastret dou Roelx et de pluseurs autres compaignons qui tous s'estoient mis en se route, et encorrez en y avoit as hostelx qui s'armoient toudis qui mieux micux. Quant messires Jehans de Haynnau cult encontrés ses compaignons et chiaux de se kecke ensanglentés et ensonniés d'ocire et de mehaygnier ces feleurs archers, enssi comme vous avés oy, et avoecq yaux les barons d'Engleterre à laquelle ordonnance et prière il retournoient, si leur demanda, en arestant tous quois sour le rue et toute se route, comment il leur estoit. Et il li disent : « Monseigneur, bien seloncq l'aventure : si avons cset en grant peril de nos vies, mès cil qui les bargignoient y ont plus mis et laiïet que pris. » — « En non Dieu, sire, dist monseigneur Thumas Wage, se nous ewissiens veu que vos gens en ewissent eu dou pieur, nous les ewissiens grandement aidiés et confortés, car il nous estoit commandéz de par monseigneur le



roy et me damme se mère; mès, Dieu merchy, li honneurs et li victoire leur en est demourée, car il les ont cachié jusquez as camps et en ont grant plentet mort. » — « Che poise moy que de si peu, » ce respondi monseigneur Jehan de Haynnau. Adonc se retrairent en leurs hostelz paisiblement, et se desarmèrent li pluseur et regardèrent as navrés comment il leur estoit. Si pensèrent li Haynuyer, pour les blechiés yaux medeciner et garir, et ceux qui mort estoient ensepvelir. Che propre soir, on commanda par le noble roy que nuls Englès ne se meust contre les estrangers, sus le teste à perdre. F<sup>o</sup> 7.

*Ms. de Rome :* La cose ne se fust point passée ensi, mais i fust encores avenus un trop grans meschiés, se li rois ne se fust ensonniés. Mais qant les nouvelles en vinrent à madame la roine, elle tantos dist au roi : « Biaux fils, montés à cheval et alés celle part, et vous traiiés avoecques les Hainnuiers; et faites un commandement très fort et très cruel que nuls Englois, sus la painne à perdre la teste, ne se mueve et ne face fait ne debat, et prendés la cose sus vous. » Li rois obei à madame sa mère et monta à cheval. Et montèrent plus de soissante barons et chevaliers, et trouvèrent sus les rues messire Jehan de Hainnau, qui venoit tous armés, et plus de trente cevaliers avoecques lui, et crioient : « Hainnau! » et estoient en volenté de ocire tous les archiers que il trouveroient ens ès fourbours où lors gens estoient logiet. Considerés le grant meschief que il fust tantos avenus, car ces Englès, archiers et aultres communautés, se requelloient et metoient ensamble; et estoit lor intension d'entrer en ces fourbours et tout ocire ou bouter le feu dedens et tout ardoir. Premièrement li rois s'aresta sus la rue, car on li dist : « Sire, vechi messire Jehan de Hainnau et grant fuisson de Hainnuiers avoecques lui, et viennent en ordenance de bataille, banières et pennons tous desvolepés. Arestés les et apaisiés, et prendés la cose sur vous, et leur dißtes que vous lor ferés amender ce mesfait si grandement comme ils vodront; et leur priés que il ne facent pas cose par quoi vostres voïages soit rompus. »

Li rois entendì à ses hommes, et fist ensi que il li consellèrent. Messires Jehans de Hainnau, qui avoit l'atr en la teste, et qui moult dur estoit enfourmés sus ces archiers, dist en hault : « Sire, sire, nous sommes venu en ce pais pour vous servir et vostre pais contre vostres ennemis; et vostres communs, entrues que nous sommes en esbatemens dalés vous, esmuevent debas et

voellent nos gens ocire et nous aussi. Nous ne le poons souffrir, et n'en savons prendre millieur amendement, que sus ceuls qui ont esmeu la rihote. » Donc dist li rois : « Messire Jehan, souffrés vous, et faites tenir en paix vostres gens. Je ferai tenir en paix aussi tous ceuls de ceste nation; et se ce venoit à la bataille, je demorroie dalés vous, car je congnois bien que par vous et par vos gens ai je recouvré mon roiaulme. Si vous pri que vous me donnés ceste besongne, et retournés et ne venés plus avant; car je meterei partout telle atemprance et par si bonne ordenance que vous et li vostre vous en contenterés. » Ces douces paroles, que li rois dist, apaisa grandement messire Jehan de Hainnau et les Hainnuiers. Or voloit li rois que il ne venist plus avant, mais il respondi à che et dist : « Sire, sire, et ne fust riens dou debat et dou hustin de ma gent, puis que vous estes hors de vostre hostel, il apertient que je voie et demeure dalés vous, car espoir vous et vostrez consauls, ne savés pas bien le fons de ceste matière : otretant bien puet estre contre vous que contre nous. » Donc respondi messire Thomas Wage, marescal dou roi, et dist au roi en son langage : « Sire, il parole sagement, et puet estre tout ce qu'il dist. »

Adonc chevauchièrent li rois et toute sa route et vinrent ens ès fourbours, où li logeis des Hainnuiers estoit; si trouvèrent la rue moult esmeue, et des mors couchiés sus les cauchies. Donc ala li rois tout oultre et sus les camps où li grans hustins avoit esté, et encontrèrent pluisseurs Englois qui trop fort se plaindoient des Hainnuiers, et on lor disoit : « C'est à bon droit, se vous avés esté batu. Pourquoi les aliés vous asallir à lors hostels? » Encores avoecques tout ce, leur disoit messires Thomas Wage : « Li rois s'enfourmera de ce fait, et chierement le comparront chil qui ont commenchié la meslée. » Quant chil archier veirent que il n'estoient aultrement plaint et que on les manecoît encoires, et que inquisition et information se feroit sus euls, si se doubterent dou roi et de sa justice, et ensepefirent les mors et entendirent as bleciez. Li rois retourna à son logeis, et messires Jehans de Hainnau avoecques lui.

Si fu, de par le roi, fais uns bans et un cris d'un sergant d'armes à cheval tout parmi la ville et chité de Evruich, que nuls, sus la teste à perdre, ne fesist debat ne rihote, ne ne s'emeuist jamais de ce fait qui avenu estoit, ens ne hors. Encores avoecques tout che, li rois envoya deus de ses bannières ens ès logeis des

Hainnuiers et quatre chevaliers. Et furent ordonné à euls tenir tous quois, nuit et jour, et garder lez banières le roi, par quoi archier englois ne communaulté ne se esmeussent, de jour ne de nuit. Car vous devés sçavoir [que] chil qui avoient eu lors frères, lors pères, lors enfans, cousins ou proismes mors, avoient grant felonnie ou coer; et disoient, qant il veoient les Hainnuiers aler ensamble sus les rues : « Velà ceuls qui nous ont ocis nos amis, et si n'en poons aultre cose avoir; et par Dieu si auerons, avant que il retournent en lor pais. »

Et disoient bien li aucun baron et chevalier d'Engleterre as chevaliers de Hainnau, qui point n'entendoient le langage des Englois, et liquel ne haioient point les Hainnuiers. mais le disoient pour euls aviser, à la fin que il fuissent le mieuls sus lor garde : « Chil archier de Lincole, et moult d'autres communs, pour l'amour d'euls, vous ont quelliet en grant haine; et se il n'estoient brisiet de par le roi, il le vous mousteroient et de fait. » Li chevalier de Hainnau respondoient : « Il nous en fault attendre l'aventure; et se là venoit que nous fuissiens asalli, des quels vous tournertiés vous? » — « Il nous est commandé et ordonné, respondoient li chevalier d'Engleterre, sus qanq que nous tenons dou roi, que, se rihote conmenche par euls, que nous soions avoecquez vous. Et bien nous lor disons et remoustrons que il se tiengnent en paix, car se la rihote commence, nous serons pour vous avoecques euls et contre euls, et nous est commandé dou roi. Et pour ce que il voient que li rois et nous vous volons aidier et porter à l'encontre de euls, il se refrènent de moustrer de fait lor mautalent; et à ce que nous entendons, il sont bien euls sùs mille de une aliance. » F<sup>o</sup> 15 et 16.

P. 48, l. 1 : alloüet. — *Ms. d'Amiens* : en ung village, à douse lieuwes d'Ewruich. F<sup>o</sup> 7 v°.

§ 26. P. 49, l. 16 : angousse. — *Ms. d'Amiens* : Mès li grant seigneur de Haynnau, qui estoient souvent dallés le roy, reconfortoient lor mesnies; et lor disoient que li roys lez asseuroit, et qui mal leur voroit, il le feroit à lui meysmes. Et est cose assés creable que, se li rois et ses conssaux n'y ewissent mis trop grant remède, il n'en fuissent jammais partis sans dammaige, car entre trois cens ne seise vingt hommes mors, et encoires de gens estrangniers, il ne puet y estre qu'il n'y ait grant pleuté de lors proismes qui dolent en sont, et qui vollentiers les contrevengeroient,

se il veoient leur plus bel et il osoient. F<sup>o</sup> 7 v<sup>o</sup>. — *Ms. de Rome* : Et qant il aloient veoir le roi et la roine et les dames et les damoiselles, il estoit ordonné de par le roi, à quelle heure que ce fust, il fuissent raconvoiet et mis dedens lors hostels. F<sup>o</sup> 16.

P. 49, l. 24 : n'eust. — *Ms. d'Amiens* : un gros capon pour trois estrelins, douse frès hairens pour un estrelin, un gallon de bon vin de Rin pour huit estrelins, et celi de Gascoingne pour sis estrelins, de quoy li gallons fet les deus quartes de pois. F<sup>o</sup> 7 v<sup>o</sup>. — *Ms. de Rome* : le potel pour trois estrelins et les milleurs cervoisses dou monde. F<sup>o</sup> 16.

P. 49, l. 26 : d'Aussay. — *Mss. A 1, 3, 20 à 35* : Ausoie. F<sup>o</sup> 13 v<sup>o</sup>. — *Mss. A 11 à 13* : Ausoy. F<sup>o</sup> 12 v<sup>o</sup>. — *Mss. A 18, 19* : Aussy. F<sup>o</sup> 14.

P. 49, l. 29 : litière. — *Ms. de Rome* : à milleur marchiet que en Hainnau ou en Vermendois. F<sup>o</sup> 16.

§ 27. P. 50, l. 2 : trois. — *Ms. d'Amiens et mss. A 1 à 6, 8, 9* : quatre. F<sup>o</sup> 7 v<sup>o</sup>.

P. 50, l. 10 : hors. — *Mss. d'Amiens et de Rome* : de Ewruic. F<sup>o</sup> 7 v<sup>o</sup>. — *Ms. B 6* : Si se party de Ewruich, et lascia là madamme sa mère. F<sup>o</sup> 29.

P. 50, l. 12 : del roy. — *Ms. de Rome* : tant pour honneur que pour les archiers de Lincole, qui ne pooient ne ne voloient oublier le ocision et la perte de lors amis ; et volentiers se fuissent pris as Hainnuiers, se il euissent veu que point d'avantage il euissent eu sus euls. F<sup>o</sup> 16 v<sup>o</sup>.

P. 51, l. 1 : Escos. — *Ms. de Rome* : Et ne savoient encores li Englois là où li Escocois estoient. Et disoient li auqun : « Il sont retrait en lor pais : il ont usage que il guerrient en courant ; et qant il ont fait celle course, et il sentent que gens viennent sus euls à pooir, il se retraient. » Mais pour ces jours il n'estoient pas retrait, avant ardoient en Northombrelant, et avoient ars en Gallez et jusques à Carduel, et tout le pais de là environ. Et tant alèrent chil de l'avant garde que, de desus les montagnes, il veirent les fumières d'auquns petis hamelès que li Escocois faisoient. Et li auqun Englès disoient que cen'estoient pas fumières des feus des Escos, mais des ouvriers qui faisoient carbon ens ès bois. F<sup>o</sup> 16 v<sup>o</sup>.

§ 28. P. 53, l. 1 : trois mille. — *Mss. A 18, 19, 23 à 29* : quatre mille. F<sup>o</sup> 15. — *Mss. A 1 à 6* : deux mille. F<sup>o</sup> 14 v<sup>o</sup>.

P. 53, l. 2 et l. 3 : vingt mille. — *Ms. d'Amiens* : dix mille. F° 7 v°.

P. 53, l. 6 : bruières. — *Ms. de Rome* : Et je Froissars, actères de ces croniques, fui en Escoce en l'an de grasce mil trois cens soissante et cinq, car la bonne roine, madame Philippe de Hainnau, roine d'Engleterre, m'escripsi deviers le roi David d'Escoce, liquels fu fils au roi Robert de Brus, et au conte de Douglas qui pour le temps resnoit, et à mesire Robert de Versi, signeur de Struvelin, et au conte de la Mare, liquel, pour l'onnour et amour de la bonne roine desus ditte qui tesmongnoit par ses lettres sceelées que je estoie uns de ses clers et familiers, me requellièrent tout doucement e: liement. Et fui en la compagne dou roi un quartier d'un an, et each celle aventure que, ce que je fui en Escoce, il viseta tout son pais, par laquelle visitation je apris et considerai moult de la matère et ordenance des Escocois, et sont de toute tèle condition que chi desus vous est devisé. F° 17.

P. 53, l. 9 : maladie. — *Ms. d'Amiens* : tant estoit il fort as-trains de gouttes et de forte maladie, ains se tenoit à Donfremelin, une moult bonne ville seloncq le pays en Escocche, et où tous leur ancestrez gisent en une abbeye qui là est. F° 7 v°. — *Ms. de Valenciennes* : car il ne pooit chevauchier pour deux grandes maladies, l'une de goutte et l'autre d'escaupine. F° 17.

P. 53, l. 11 : Moret. — *Mss. A 11 à 14* : le conte de Moret en Escoce, non mie en Gastinois. F° 13 v°.

P. 53, l. 12 : orilliers. — *Mss. A 1 à 6, 20 à 29* : oreilles. F° 14 v°.

P. 53, l. 20 : proèces. — *Ms. d'Amiens* : Encoires estoient là li comtez de Surlant, li comtes Patris, li contez de Mare, li comtes de Fi, li comtes d'Astredène et moult de bons chevalliers et escuiers. F° 8.

§ 29. P. 53, l. 29 : bataille. — *Ms. d'Amiens* : En chacune avoit bien huit mille hommes d'armes et seize mille de piet. F° 8. — *Ms. de Valenciennes* : Et avoit bien en chacune huit cens hommes d'armes et seize mille de piet, F° 17.

P. 54, l. 1 : trente mille. — *Mss. A 11 à 14* : vingt quatre mille. F° 13 v°.

P. 54, l. 6 : vingt et quatre. — *Ms. B 6* : vingt mille. F° 29. — *Ms. de Rome* : vint trois mille. F° 17.

P. 54, l. 6 : sans le ribaudaille. — *Ms. de Rome* : sans les archiers à cheval. F° 17.

P. 54, l. 8 : rengiés. — *Ms. de Rome* : ou cevauçà tout rengiet sicvant les banières le roi. Et en i avoit quatre; et les portoient li sires de Sées, li sires de Ferrière, li sires de Morlais et li sires de Hastings. F° 17.

P. 54, l. 12 : cinq. — *Mss. A 11 à 14* : deux. F° 13 v°.

§ 30. P. 55, l. 9 : d'abbaye. — *Mss. A 11 à 14* : de moines noirs. F° 14.

P. 55, l. 14 : ensamble. — *Ms. d'Amiens* : et là fu mēssires Jehans de Haynnau appelés, ce fu bien raison. F° 17 v°.

P. 55, l. 16 : estoient. — *Ms. d'Amiens* : Tout consideret, entr'iaux il disoient malement, car encorres n'en avoient il nuls veus ne ilx ne savoient où il gisoient, ne se jà point les trouveroient, pour le fort pays où il estoient enbatu. Si sambla as aucuns seigneurs qui là estoient, tels que le seigneur de Persi, le seigneur de Ros, le seigneur de Moutbray et le seigneur de Luzi, qui congnissoient auques le pays; et disent à l'avis des Escos pour certain que il s'en raloient en leur pays, et que nullement.... F° 8. — *Ms. de Rome* : et fu avis à aucuns que li Escot s'en raloient en leur pais, et que on ne les aueroit point; et pooit estre que il savoient bien tout le couvenant des Englois, mais on ne savoit riens dou leur. F° 17 v°.

P. 56, l. 18 : marès. — *Ms. d'Amiens* : car chilx pays de Norhombrelant se diffère assés de diverseté à le marce d'Engleterre. Et ossi font les gens : il sont enviers les Englès ensi que demy sauvage. F° 8.

P. 56, l. 22 : crolières. — *Ms. d'Amiens* : ne en ces cras marès plains de bourbe. F° 8.

P. 56, l. 29 : marès. — *Ms. d'Amiens* : crolièrez et autrez plassis. F° 8.

P. 56, l. 31 : au col. — *Ms. d'Amiens* : le targe sus le dos. F° 8 v°.

P. 57, l. 9 : bestes. — *Ms. d'Amiens* : et chil derière cuidoient que ce fussent li annemy. F° 8 v°.

§ 31. P. 57, l. 15 : vespres. — *Ms. de Rome* : en ces lons jours d'esté. F° 17 v°.

P. 57, l. 17 : rapasser. — *Ms. d'Amiens* : che disoient chil

dou pays pour certain, car ailleurs n'y avoit point de gué ne de passage, fors que droit là. F° 8 v°.

P. 58, l. 4 : vingt et huit — *Ms. B* 6 : vingt et deus. F° 30.

P. 58, l. 16 : tourset. — *Ms. de Rome* : ou bouté en lor sain. F° 17 v°.

P. 58, l. 22 : tortis. — *Mss. A* 2 et 8 : alumez. F° 16 v°.

P. 59, l. 1 : nonne. — *Mss. A* 1 à 6, 9, 20 à 22 : ainçois que le jour feust passé. F° 16.

P. 59, l. 12 : nonne. — *Ms. de Rome* : Environ heure de nonne, aucun povre homme, ouvrier de carbon au bois, furent trouvé des varlès qui estoient alés as verges au bois, pour euls logier : il furent amené devant les signeurs, liquel orent de lor venue trez grant joie. Il lor fu demandé où il estoient : il respondirent que il estoient à quatorze lieues englesces priès dou Noef Chastiel sur Thin, et à onze lieues de Carduel en Galles; et si n'avoit nulle ville plus priès de là, où on peüst riens trouver pour euls aisier.

On prist ces hommes, on les monta sus chevaus pour ensengnier le chemin. On envoya tantos et sans delai de par le roi nonchier au Noef Chastiel sus Thin que, qui voloit gaegnier, on venist avitaillier le ost. Et i furent de le ost envoiïés plus de deux cens petis chevaus, pour apporter vivres pour lors mestres. Mais li cheval estoient si foullé et si lassé que il ne pooient aler que le pas; et fu toute nuis, avant que il venissent au Noef Chastiel.

Quant ces nouvelles furent sceues au Noef Chastiel que li rois, lors sires, et lors gens estoient en tel lieu et en tel dangier, toutes manières de gens se prissent priès que de tourser vins et viandes et cervoises et fains et avainnes pour les chevaus, et se missent tantos à voie, non sus les chevalès que il avoient amenés, mais sus autrez qu'il prissent tous reposés. Environ mie nuit, vinrent li premier en le ost, dont on ot grant joie, car hommes et chevaus estoient si afamet que plus ne pooient. F° 18.

P. 59, l. 15 : quatorze. — *Ms. B* 6 : quinze. F° 31.

P. 59, l. 16 : onze. — *Mss. A* 11 à 14 : douze. F° 15. — *Ms. B* 6 : vingt cinq. F° 31.

P. 59, l. 23 : avainne. — *Mss. A* 11 à 14 : poulailles, eufs, fromaiges. F° 15.

§ 32. P. 59, l. 28 : A l'endemain. — *Ms. de Rome* : A l'en-

demain, dedens heure de tierce, fu li hoos assés avitaillie. Et quisièrent celle nuit toute nuit li four, et s'i hastèrent à faire dou pain. A painnes estoit la paste escaufée, qant il le traioient hors dou four, et le metoient en sas et en paniers; et puis sus petis chevalès il virent en le ost. Tout estoit requelliet en bon gré et vendu. Et furent chil de le ost grandement apaisiet. Et fist li rois donner à trois povres hommes que lors gens avoient trouvé, dont il avoient eu celle adrèche, vint livres à l'estrelin. Et sejoynèrent là li rois et toute li hoos, sus la rivière de Thin, wit jours tous entiers, attendans que li Escocois retournaissent, mais ils n'en avoient ne oient nulles nouvelles. Aussi li Escocois ne savoient riens des Englès et les esqievoient par avis de pais che qu'il pooient; et se tenoient en la marche de Carduel, entre roces et montagnes, et pais inhabitable.

Ces uit jours que les Englez sejoynèrent sus la rivière de Thin, atendants la revenue des Escocois, il travillièrent tellement le pais de pourveances et si les quissent que, un pain d'un estrelin, on lor vendoit siis. Encores le toloient il l'un l'autre. Vin tout bahuté, le galon qui ne valoit en devant que siis estrelins, il l'achatoient vingt quatre estrelins. Chars avoient il assés, mais toutez aultres coses lor estoient si chières et si court tenues qu'il n'en pooient recouvrer. Et encores avecques tout ce meschief, il ne cessoit point de pleuvor, par quoi lors selles, penniaux et contreçangles furent tout pourit, et tout li cheval ou la plus grant partie quassé sus le dos; et ne savoient de quoi cheuls ferrer qui estoient desferret, ne de quoi couvrir fors que de leurs tourniquias d'armes. Ne euls meismes encontre la plueve il ne se savoient comment desfendre; et passoient bien souvent, qant il aloient et venoient pour querir pourveances ou pour veoir l'un l'autre, en la bourbe jusques as qieviles.

Et encores l'avoient li Hainnuier trop plaz dur parti que li Englois, car depuis basses vespres il ne s'osoient desfouchier, mais tenir ensamble et faire doubles gais toute nuit, pour la doub-tance des archiers de Lincole, qui volentiers les eussent couru sus et fait grant damage, se il ne dobtassent le roi et les signeurs à courouchier. Et n'avoient de quoi faire feu, forz que de verde lagne qui ne voloit ardoir; et n'avoient ne pot, ne chaudière, ne caudron, car tous lors charois estoit demorés derrière, qui ne pooit venir par nul cemin jusques à euls pour la diverseté dou pais; et rotissoient toutez lorz carz, et avoient trop



grant defaute de sel; et ne savoient à quoi boire de l'aige ou de l'autre buvrage, qant il en pooient avoir, fors en vasselles que il avoient fais dez escorces des auniaux et d'aultres arbes dou bois. F<sup>o</sup> 18.

P. 60, l. 4 : barilz. — *Ms. B. 6* : Et sy coustoit le denier quatre. F<sup>o</sup> 32.

P. 60, l. 7 : huit jours. — *Ms. d'Amiens et mss. A* : environ huit jours. F<sup>o</sup> 9. — *Ms. B. 6* : En cel estat furent dix huit jours. Sy vous dy que les Englès eurent moult de disettes et de pouvreté, car toudis nuit et jour il gisoient en leur armure. Et faisoient les Haynuers deus gait, l'un pour les Escocois, et l'autre pour les archiés de Linchelle. F<sup>o</sup> 32.

P. 60, l. 15 : six estrelins. — *Ms. d'Amiens* : sis estrelins ou sept. F<sup>o</sup> 9.

P. 60, l. 15 : un paresis. — *Ms. d'Amiens* : une obole estreline. F<sup>o</sup> 9.

P. 60, l. 16 : de vin. — *Mss. A* 18 et 19 : sis esterlins qui ne deust valoir que sis parisis. F<sup>o</sup> 17 v<sup>o</sup>.

P. 60, l. 17 : six, — *Ms. d'Amiens* : quatre. F<sup>o</sup> 9.

§ 33. P. 61, l. 4 : passer. — *Ms. de Rome* : mais li Escocois qui sont soutil de gerre, sceurent bien prendre un aultre cemin; car il congnoissent otant bien toute la marce où il estoient, aloient et venoient, que il font lor pais d'Escoce. F<sup>o</sup> 18 v<sup>o</sup>.

P. 61, l. 5 : De quoi. — *Ms. de Rome* : et n'i avoit si fort, si jone, ne si joli, qui ne fust tous pesans de merancolie. F<sup>o</sup> 18 v<sup>o</sup>.

P. 61, l. 11 : sept. — *Ms. de Rome* : sept lieues plus hault viers Carduel, au desus de la rivière. F<sup>o</sup> 18 v<sup>o</sup>. — *Mss. A* 18, 19 : six lieues. F<sup>o</sup> 17 v<sup>o</sup>.

P. 61, l. 18 : cent livrées. — *Ms. de Rome* : en deniers apparilliés cent livres d'estrelins. F<sup>o</sup> 18 v<sup>o</sup>.

P. 61, l. 21 : Adonc. — *Ms. B. 6* : Adonc monterent à cheval pluseur escuiers qui desiroient à avoir che prouffit et honneur, et se mirent en esqueste. Dont il avint à ung escuier englès, qui s'apelloit Thomelin Housagre, que il chevaucha si avant que d'aventure il s'enbaty entre les Escocois, qui estoient logiet sur une montaigne, à sept petites lieues priès des Englès, et riens n'en savoient. Sy fut pris l'escuyers et amené devant messire Gillame de Douglas et le conte de Mouret, chief et meneurs des gens d'armes, car le roy d'Escoche n'y estoit mye presens.

Quant les seigneurs et les barons d'Escoche virent l'escuier englès devant yaulx, il luy demandèrent dont il venoit et quel cose il queroit. Et il leur dist toute la verité, et comment le roy d'Engleterre et ses gens les avoient quis et demandé jà le terme de vingt jours. Dont dist mesirres Gillame de Douglas, qui ot grant joie de ces nouvelles : « Chertes, compains, puisque vous estes venus jusques à chy pour chelle cause, nous vous quiterons vostre prison, car nous vollons que vous soies chevalier, et que vous gaigniés cent livres de terre à l'estrelin. Et se dirés ensy au roy et à vos seigneurs que, se il nous quierent et ont quis, et nous les quérons; et que droi chy il viengnent, et il nous trouveront. » L'escuier fut moult joieus de ceste response, et leur dist : « Seigneur, grant merchy, et je le diray au roy et as barons par delà. »

Adonc se party d'eulx, et chevaucha tant que il vint en l'ost devers le roy d'Engleterre. Et là vinrent tout li baron, pour oïr nouvelles. « Sire, dit l'escuier au roy, je ay veut et trouvé les Escos et parlé à iaus. Et sont bien logiet sur une montaigne, à sept petites lieues de chy. Et vous ont quis et là attendu ung grant temps, et vous desirent à trouver otant bien que vous faites eulx. Et demain au matin je vous menray à celle part et les vous monstreray, se il vous plaist, car il dient que il vous atendent. » De ces nouvelles fut le roy et tous les barons resjoy. F<sup>o</sup> 33 et 34.

P. 61, l. 23 : seize. — *Mss.* A 11 à 14 : jusques à seize ou dix huit. F<sup>o</sup> 15 v<sup>o</sup>.

P. 61, l. 27 : L'endemain. — *Ms. de Rome* : le bon matin. F<sup>o</sup> 18 v<sup>o</sup>.

P. 62, l. 2 : rapasset. — *Ms. de Rome* : une petite lieue en sus. F<sup>o</sup> 19.

P. 62, l. 6 : à Paris. — *Ms. d'Amiens* : à Londrez ou à Paris. F<sup>o</sup> 9. — *Mss.* A : en paradiz. — *Ms.* A 1, f<sup>o</sup> 17.

P. 62, l. 9 : ars. — *Ms. de Rome* : mais il ne veoient homme ne femme; tout s'en estoit fui et repus pour la doubtance d'euls. F<sup>o</sup> 19.

P. 62, l. 13 : menoit. — *Ms. de Rome* : et n'ooient nulles nouvelles des Escos. Considerés la grant painne et diligense que il rendoient à trouver les maleois Escocois. Et se contentoient mal li auqun de ce que on les pourmenoit ensi, et dissoient : « Nennil, nous travillons en vain : les Escos sont retrait, grans

jours sont passé; car aultrement, se il ne fuissent enclos en terre, nous en euissions oy nouvelles. »

Au quart jour, sus l'eure de tierce, evous revenu trois esquiers deviers les marescaus, qui les Escoçois avoient trouvés et parlé à euls. Tantos li doi marescal, mesure Thomas Wage et messires Lois Hay fissent cesser l'oost, dont dissent toutes gens : « Nous avons nouvelles : chil chevaucour ont trouvé les Escos. » Messires Thomas Wage amena ces esquiers deviers le roi. Qant il furent venu jusques au roi, il li dissent : « Sire, certainement nous avons veu les Escos, et la place là où il sont logiet et aresté; et à ce que il moustrent, il vous atendent. Et avons parlé à l'un de lors hiraus, et disoit que il venoit de Durames; et vous quidoit là trouver, et vous portoit la bataille. Et nous mena si avant sus son conduit que nous avons veu une partie de lor couvenant; et là vous menrons, se vous volés. » — « Oil, dist li rois, nous ne desirons aultre cose. » — « Et sont il lonch de chi? » denianda li rois. — « Sire, nennil; environ siis lieues englesces. » F° 19.

P. 62, l. 18 : huit jours. — *Ms. de Valenciennes* : six journées. F° 19.

§ 34. P. 63, l. 2 : arrester. — *Ms. B 6* : à heure de vespres. F° 35.

P. 63, l. 2 : blés. — *Ms. de Rome* : et fu li rois logiez en une abbeie que on clainme ou pais le clostre Saint Pière, et est de blans monnes. Et ne l'avoient point ars li Escoçois, pour tant que l'abbé estoit cousins à un baron d'Escoce, le seigneur de Lindeséc, et estoit chils en celle oevauchie.

Encores fu demandé à ces trois esquiers pourquoi li hiraus n'estoit venus parler au roi, qant si mestre l'avoient envoïet jusque à Duramez pour li trouver et les signeurs, et fait son message. Il respondirent à ce et dissent : « Nous li remoustrasmes bien et le volions amener avoecques nous, mais il nous pria que nous vosisions faire son message, et se moustroit à estre deheitiés : c'est la cause pour quoi il s'en retourna deviers ses signeurs. » En celle abbeie se loga li rois celle nuit, et toute li hoost là environ; et pooit avoir quatre lieues englesces de là où li Escoçois estoient logiet. F° 19.

P. 63, l. 11 . Apriès. — *Ms. de Rome* : Qant ce vint au matin. F° 19.

P. 63, l. 14 : conduisoit. — *Ms. de Rome* : Et aloient li troi

esquier, qui les nouvelles avoient apporté des Escoçois, devant, et menoient les banières. F<sup>o</sup> 19 v<sup>o</sup>.

P. 63, l. 17 : chevaucièrent. — *Ms. de Rome* : en tournant deus montagnes. F<sup>o</sup> 19 v<sup>o</sup>.

P. 63, l. 22 : montagne. — *Ms. B 6* : ronde et ague de tous lés, excepté du costet par où les Escochois estoient montés. F<sup>o</sup> 35.

P. 64, l. 11 : ordonnées. — *Ms. d'Amiens* : messires Jehans de Haynnau et cinq des plus grans seigneurs d'Engleterre amenèrent.... F<sup>o</sup> 9 v<sup>o</sup>.

P. 65, l. 14 : plairoit. — *Ms. de Rome* : et se il ne pooient venir par là, il alaissent autour des montagnes querre la voie. F<sup>o</sup> 19 v<sup>o</sup>.

§ 55. P. 65, l. 16 : commander. — *Ms. de Valenciennes* : par les marissaulx. F<sup>o</sup> 20.

P. 65, l. 29 : juper. — *Ms. de Valenciennes* : huer à plaine geulle tout à une fois. F<sup>o</sup> 20.

P. 66, l. 4 : Pière. — *Ms. d'Amiens* : li solaux leva biaux et clers, et fu li airs assés atemprés et en boin point. F<sup>o</sup> 9 v<sup>o</sup>.

P. 66, l. 32 : avis. — *Ms. de Rome* : mais li Englès, qui congnissent lor manière, n'en font compte; bien dient : Olà! les diables qui se resvellent, qui nous quident esfreer et eshider par lor juperie. F<sup>o</sup> 20.

P. 67, l. 10 : en l'ewe. — *Mss. A 1 à 6, 11 à 19* : en pot. F<sup>o</sup> 18.

P. 67, l. 12 : gramment. — *Ms. de Rome* : mès que il aient de la farine et une plate pièce à faire des oublies. Et aussi ne font auquens Englois ne Gallois : il sont tout de une painne et de une matère et condition. F<sup>o</sup> 20.

P. 67, l. 23 et 24 : montagne. — *Ms. B 6* : à quatre lieues en sus. F<sup>o</sup> 37.

P. 67, l. 26 : repus. — *Mss. A 1 à 6, 20 à 22* : pour plus estre à repos. F<sup>o</sup> 13 v<sup>o</sup>. — *Mss. A 18, 19* : pour estre plus pont. F<sup>o</sup> 19 v<sup>o</sup>.

P. 68, l. 9 : yaus. — *Ms. d'Amiens* : Li Englès estoient logiés de une part de le rivierre, et li Escot d'autre; et demorèrent en tel estat, dis huit jours et dis huit nuis, sus celle seconde montaigne, et tous les jours rengiés l'un contre l'autre. Si y eult plusieurs escarmuches, en le rivierre et sus le rivaige, d'aucuns archiers et legiers compaignons qui s'aventuroient. F<sup>o</sup> 10.

P. 68, l. 15 : acorder. — *Ms. d'Amiens* : de quoy li roys et li signeur d'Engleterre estoient tout courchiet, et si ne le pooient amender que ce ne fuist trop à leur grant dammaige. F° 10.

P. 68, l. 9 : dix-huit. — *Mss. A 1 à 6, 20 à 22* : huit. F° 18 v°.

P. 68, l. 17 : mesaises. — *Ms. d'Amiens* : Si n'eurent oncques li Escot, tout ce temps que je vous compte, pain, ne vin, ne sel, ne quir tanet ne conret pour faire estivaux, ne sorlers; ains faisoient sorlers de quir tous crus à tout le poil. Et li Englès, de l'autre part, n'estoient mie trop à aise, car il ne savoient de quoy yaux logier, ne de quoy couvrir, ne où aller fourer fors en bruière. Si puet chacuns savoir que il avoient grant faute et grant mesaise de leurs tentes et de leur caroy, de leurs coses et de leurs hostilz qu'il avoient en devant fès, ordonnés et achatés, pour yaux servir et aaisier. Et si les avoient en ung bois laissiet sans garde, et ne savoient où c'estoit; ne il n'y pooient venir ne envoier.

Ensi en celle cache et poursuite des Escos, furent li Englès ung mois tout plain, à tel meschief et à tel mesaise que vous avés oy, que toutes leurs pourveanches leur estoient fallies à leur plus grant besoing. Et comment que pourveanchez leur venist à vendre tous les jours de pluseurs costés, sy n'eurent il oncques si bon marchiet que uns pains mal quis et de mauvais bled ne leur coustast trois estrelins englès, qui ne dewist valloir que ung denier parsis à le ville, et ung galon de povre vin escauffet douse estrelins, qui ne valloit au tounel que trois. Ensi vivoient il à dur et en grant meschief, et livroient leurs garchons par portion bien escarsement, car encoires avoient il paour de plus grant fammine, et que argens ne leur fausist par trop loinge demorée. F° 10.

*Ms. de Valenciennes* : Mais onques les Escos ne s'i vaurent acorder ne prendre le parchon; et si vivoient en tel povreté qu'il n'est homme qui n'en deuist avoir pitié, et pareillement les Englès, nonobstant que un pau euissent il mieulx que les Escos. F° 20 v°.

§ 36. P. 68, l. 22 : deux cens. — *Mss. A 11 à 14* : trois cens. F° 17 v° — *Ms. B 6* : quatre cens. F° 37.

P. 68, l. 24 : si feri. — *Ms. de Rome* : et se feri moult vassaument en l'oost des Englois, en criant : « Glas! Glas! » Et conmenchièrent il et si compaignon à faire une grande envaie, et à coper et mehaignier gens et à abatre, car ce fu sus le point dou premier sonne. F° 20 v°.

P. 68, l. 26 : baron. — *Mss.* A 7 à 10, 13 à 19 : larron. F<sup>o</sup> 16.

P. 68, l. 27 ; trois cens. — *Ms.* B 6 : deux cens. F<sup>o</sup> 37.

P. 69, l. 4 et 5 : montagne. — *Ms. de Rome* : Celle envaie fist li chevaliers, dont il acquist trez grant renommée, des Englès meismement. F<sup>o</sup> 20 v<sup>o</sup>.

P. 69, l. 12 : vingt et deus. — *Ms.* B 6 : cinq. F<sup>o</sup> 38

P. 69, l. 16 : aultres. — *Ms. d'Amiens* : En tel manniere que je vous ay compté, demorèrent li Englès vingt deus jours sus ces deus montainghes devant les Escos, toudis escarmuchant qui escarmuchier volloit, et priès que tous les jours rengiés les ungs contre les autres, une foix ou deus. Et moult souvent quant on estoit retrais et desarmés, recrioit on : « As armes ! Li Escot sont passet. » Si les couvenoit armer de rekief, et puis trouvoit on que c'estoit bourde. En apriès, il couvenoit getter toutes lez nuis par connestablies sus lez chans en trois lieux et à trois costéz de l'host, apriès ce que messires Guillaumes de Douglas eut fait ceste envaie que vous avés oyt. Et commandoit on bien et à çascun gart deus cens armez de fier, car çascun jour dounnoit on à entendre à ces seigneurs d'Engleterre que li Escot estoient tout ordounnet de venir par nuit courre sour yaux, car il ne se pooient plus ensi tenir, ne endurer telle fammine. Ces nouvelles faisoient plus ententivement gaitier les Englès que nulle autre cose, et estoient de ces ghaïs durement travilliés, avecq le mesaise et le povreté qu'il enduroient.

De quoy li Haynuiers et chil qui estoient là avecques monseigneur Jehan de Haynnau, estoient là en ung dur parti, car il leur couvenoit faire deus gais, l'un avec les seigneurs d'Engleterre par l'ordounnance dez mareschaux, et l'autre pour les archiers d'Engleterre qui plus les heoient que il ne fessissent les Escos, et bien leur disoient et leur reprouvoient souvent le fier et le dure bataille qu'il leur avoient fet à Ewruich, ensi que vous avés oy, et souvent les appelloient mourdreours. Ensi estoient il toudis, par jour et par nuit, en troix grande paours, en paour des Escos qui si priès leur estoient, en paour des archiers englèz qui entre yaux se logoient, et en paour de plus grant fammine et grant mesaise avoir par trop loinge demourée. F<sup>o</sup> 10 v<sup>o</sup>.

§ 37. P. 69, l. 17 : vingt et deus. — *Ms. d'Amiens* : le dix huitième jour. F<sup>o</sup> 10 v<sup>o</sup>. — *Mss.* A 20 à 22 : le derrenier jour

des huyt. F<sup>o</sup> 36 v<sup>o</sup>. — *Mss. A* 30 à 33 : le derrenier jour des vingt quatre. F<sup>o</sup> 104 v<sup>o</sup>. — *Ms. B* 6 : le sixième jour. F<sup>o</sup> 38.

P. 69, l. 20 : leurs. — *Ms. d'Amiens* : et toutesfoi tant fu il enquis et examinés qu'il s'en descouvri ung petit, car on li eut en couvent à faire douche raenchon. F<sup>o</sup> 10 v<sup>o</sup>.

P. 69, l. 21 : souverain. — *Ms. de Valenciennes* : les capitaines des Escos. F<sup>o</sup> 21 v<sup>o</sup>.

P. 70, l. 6 : armé. — *Ms. d'Amiens* : et jurent toute celle nuit chacuns tous sus armes, en le place devant le feu et desoubz les bannierrez, le teste sour le cul ou sour les jambes de son compaignon. F<sup>o</sup> 10 v<sup>o</sup>. — *Ms. de Rome* : et proprement li rois i estoit, et le couvint villier aussi bien comme les aultres. Et attendirent les Escocois en cel estat, qui point ne viurent, mais ordonnèrent autrement bien et sagement. Car, si tos que la nuis fu venue, il furent tout prest et se departirent, sans faire noise ne cri; et furent moult eslongié, avant que il fust jours. F<sup>o</sup> 20 v<sup>o</sup> et 21.

P. 70, l. 13 : d'Escoce. — *Ms. de Rome* : qui trop avoient dormi. F<sup>o</sup> 21.

P. 71, l. 3 et 4 : montèrent. — *Ms. B* 6 : environ sollail levant. F<sup>o</sup> 39.

P. 71, l. 4 : englès. — *Ms. d'Amiens* : et haynuyers. F<sup>o</sup> 10 v<sup>o</sup>

P. 71, l. 8 : bestes. — *Ms. de Rome* : vaces, buefs et viauls. F<sup>o</sup> 21.

P. 71, l. 11 : chaudières. — *Ms. de Rome* : caudrons pendans à havès de bois. F<sup>o</sup> 21.

P. 71, l. 14 : hastiers. — *Ms. d'Amiens* : mil chartiers. F<sup>o</sup> 40 v<sup>o</sup>.

P. 71, l. 24 : mareschaus. — *Ms. d'Amiens* : Et au soir il se logièrent en un biel pret et trouvèrent assés à fourrer, qui bien besongnoit à leurs chevaux, qui estoient si foullet et afammet, si esfondut de froit et de pleuve, et si desfroissiet de leurs povrez selles que à grant meschief les pooient il cachier avant, ne seoir sus pour le froissure, car il n'avoient peniel à cengle, ne contre-cengle, culière, bride, ne poitral, que tout ne fussent desromput et pourri. Ains en couvenoit le plus fairre peniaux de viés wambais ou de viés pourpains ou de viés flassars, qui avoir en pooit, pour mettre desoubz leurs selles et cengles de sourcengles. Et avoecq, li plus de leurs cevaux estoient defferet par deffaulte de fier et de marescaux; et y vendi on mil claux de fier, chacun claux sis estrelin : encoires tous liés qui les pooit avoir. Par

quoy on poroit bien dire, qui tous les meschiefs, les mesaises, les travaux et les paours seroit considerer de le première chevauchie et de ceste autre, que oncques si jouènes prinches comme li gentilz roys estoit, n'avoit empris ne enduret deus si durez, si travillans ne si perilleuses chevauchies comme ces deux avoient estet, et ambedeux dedens une année emprises et achievées; et si n'avoit li roys que seize ans. Ainssi le disoient tous li plus preux de l'ost, et cil qui plus avoient veut. Ensi furent il celle nuit logiet en cel biel pret, dalléz ung biel park. F° 41.

P. 72, l. 4 : l'eglise. — *Ms. de Rome* : catedral. F° 21.

P. 72, l. 4 : Durem. — *Ms. B* 6 : Et le prumière ville que il trouvèrent, che fu Durem où il y avoit grant foison de leur harinas. Sy s'en vint le roy au Noef Castel. et là se rafresqui trois jours. Et au quatrième il se party et s'en vint à Durem, et là donna il le plus grant partie de ses gens congiet. Mais il retint dalés luy monseigneur Jehan de Haynau et les Hainuiers; et chevauchèrent en la compaignie du roy jusques à la cité de Ewruich. F° 40.

P. 72, l. 14 : recognoistre. — *Ms. d'Amiens* : s'il furent liet et joiant quant il oïrent ces nouvelles, che ne fet point à demander, car tous leurs draps et leurs avoirs estoit sus les charettes. Si n'avoient que vestir fors leurs pourpains puans et flairans, tous pouris de pleuve et de sueur, et pures brayes pouriez et mal buées. Si se renouvelèrent celle nuit de toutes choses, qui bien leur besongnoit. F° 41. — *Ms. de Rome* : Si se tinrent là trois jours et s'i rafresquirent, et fissent ferrer lors chevaus qui grant besongne en avoient. Et tant en chei à referrer que li fiers falli, et se couvint aidier de ceminiaus, de bendes de chars et de hastiers de fier et de qievilles. Et coustoit uns fiers pour un cheval, d'un seul piet, siis estrelins. Encores i eut si grant presse, sus les trois jours que il furent à Durames, que bien la tierce pars des chevaus furent encloés. F° 21.

P. 72, l. 20 : Evruich. — *Ms. de Rome* : et li rois vint à Uruich c'on dist Iorch. F° 21 v°.

P. 73, l. 4 : compagnons. — *Ms. de Rome* : Et ne furent pas adonc tout hors paiiet en denierz apparilliés, car li receveur et officier dou roi avoient trop mis hors d'argent pour ce voiage. Et qant finance fu revenue, on en fist paiement à Bruges. Si fu casqus paiiez et satisfais selonch sa porsion. F° 21 v°.

P. 73, l. 16 : Flandres. — *Ms. de Rome* : Environ sept jours,



se tinrent messires Jehans de Hainnau et li Hainnuier à Wruich, c'on dist Iorch, depnis la revenue dont je vous ai parlé, d'alés le roi et madame la roine et les signeurs d'Engleterre. F<sup>o</sup> 21 v<sup>o</sup>.

P. 73, l. 19 : douze. — *Mss. A 11 à 14* : deux. F<sup>o</sup> 18 v<sup>o</sup>.

P. 73, l. 21 : archiers. — *Ms. d'Amiens* : pour le doubtaunce des archiers, qui trop les hayoient, et qui au departir de l'ost trop fort manechiet les avoient. Pour celle cause, et que li roys ne vol-sist nullement que messires Jehans de Haynnau ne se route ewis-sent rechupt nul dammaige, les fist il aconduire de douse cheva-liers et de bien trois cens armurez de fer, dont messires Regnaulx de Goben et messires Thumas Waghe estoient chief; et les amenè-rent tout sauvement à Douvres. F<sup>o</sup> 11. — *Ms. de Valenciennes* : Et en conduit que le roy y envoia, pour le grant soing qu'il avoit, furent douze chevaliers et trois cens hommes d'armes. Premiers y fu messire Regnault de Gobeham et messire Thomas Waghe, qui estoient meneur de le route. F<sup>o</sup> 22. — *Ms. de Rome* : Ensi se departirent le Hainnuier dou roi et des signeurs; maiz il en-voiièrent par la rivière dou Hombre, qui rechiet en la mer, et par vassiaus, la grignour partie de lors harnois et de lors varlès, li-quel vinrent depuis, à l'aide de Dieu et dou vent, à l'Escluse en Flandres; et il ceminèrent par terre, et vinrent à Londres. Et les fist li rois aconvoïier et acompagnier de messire Thomas Wage, marescal d'Engleterre, pour la doubtaunce des archiers de Lin-cole, car il les couvenoit rapasser parmi lor pais; et ne trouvè-rent, Dieu merchi, nul encombrer. Et orent li Hainnuier moult à cevauchier de Iorch jusques à Londres. Et qant il furent là venu, il s'i rafresquirent deus jours, et puis s'en departirent et se missent au chemin. Et ne les laissa messires Thomas Wage, si fu-rent à Douvres; et là montèrent il en mer, et arivèrent à Wis-san. F<sup>o</sup> 21 v<sup>o</sup>.

P. 74, l. 2 et 3 : Boulongne. — *Ms. de Rome* : et li aultre vinrent à Saint Omer. F<sup>o</sup> 21 v<sup>o</sup>.

P. 74, l. 3 : Haynau. — *Ms. de Rome* : Messirez Jehans de Hainnau vint deviers son frère le conte et madame la contesse, qui les veirent volentiers, li, le signeur de Ligne et les barons et chevaliers, qui en sa compagnie avoient esté. F<sup>o</sup> 21 v<sup>o</sup>.

P. 74, l. 9 : savoit. — *Ms. d'Amiens* : En telle manière comme je vous recorde, fu ceste dure grande chevauchie sus les Escos departie, et s'en ralla chacun en son lieu. Et remerchia

grandement messires Jehans de Haynnau lez compaignons qui en ceste cevaucie avoient estet avoecq lui, et especialment et premierement les plus lontains, les Hasbegnons et les Braibenchons et ossi tous lez Haynnuiers; et li proummissent au departir toute amour et bon service, se il lui besongnoit. F<sup>o</sup> 11 v<sup>o</sup>.

§ 58. P. 74, l. 13 : Ne demora. — *Ms. de Rome* : Depuis ne demora pas demi an que madame la roine d'Engleterre et tous li consauls de li et de son fil le roi avisèrent l'un parmi l'autre que il couvenoit le jone Edouwart roi d'Engleterre marier. Et ne pooient veoir lieu ne hostel, par l'avis et imagination de tous et de toutes, où il eüst fenme mieuls à la plaisance de li, car on l'en demanda, que en l'ostel de Hainnau, à l'une des filles le gentil conte Guillaume de Hainnau. Et quant il li fu demandé, il comença à rire et dist : « Oïl, il me plaist mieuls là que d'altre part, et à Phelippe, car elle et moi nous concordions trop bien ensamble; et plora, je le sçai bien, quant je pris congiet à lui, et je me parti. » Adonc dist madame se mère : « Biaux fils, vous dittes voir, et nous sommes moi et vous grandement tenu à nostre cousin de Hainnau; et vous verai là plus volentiers mariet que ailleurs. Et i enverrons souffissans messages, car la damoiselle le vault bien; et escripons et priérons à messire Jehan de Hainnau que il s'en voelle dou tretier, comme bons moiens, ensonniier. »

On ne recula point de ce pourpos, mais furent ordonné li evesques de Durames et doi baron d'Engleterre, le signeur de Biaucamp et messire Renault de Gobehe. Et leur furent delivret lettres, et dou sourplus qanq que ou dit voiage pooit apertenir. Et passèrent la mer à Douvres, et vinrent à Wissan; et ne cessèrent, si vinrent à Valenchiennes. Si se traissent à hostels sus le marchiet, au Chine, à le Bourse et à la Clef. Pour ces jours, estoient li contes de Hainnau et la contesse et si enfant au Kesnoi. Il demandèrent où messires Jehans de Hainnau estoit. On leur dist que il en oroient nouvelles à Biaumont en Hainnau. D'aventure, il trouvèrent Phelippe de Castiaus, qui estoit venus à Valenchiennes. Tantos que il sceut lor venue, il se trest viers euls. Il le recongneurent, car il l'avoient veu en Engleterre; et estoit li plus proçains de mesire Jehan de Hainnau. Il en demandèrent à lui; il l'en dist la verité, et cevauca à l'endemain avoecques euls, et les amena à Biaumont.

Messires Jehans de Hainnau fu très grandement resjois de lor venue. Et le trouvèrent pourveu et aourné de chevaliers et d'esquiers, et madame sa fenme, contesse de Soissons et dame de Dargies, aussi pourveue de dames et de damoiselles. Là estoient li sires de Fagnuelles, li sires de Haverés, li sires de Wargni, li sires de Potelles et li sires de Montegni. Chil signeur d'Engleterre recommandèrent grandement l'estat de li et de sa fenme. Il moustrèrent les lettres, que il avoient de par madame d'Engleterre, et le jone roi son fil, et lors consauls. Messires Jehans de Hainnau rechut les lettres, et les ouvri et lissi tout au lonch. Et quant il ot veu et entendu la matère dont elles parloient, et que c'estoit pour l'avancement et mariage de sa cousine de Hainnau, si en fu grandement resjois; et dist à l'evesque et as chevaliers qui là estoient, que il obeirot volentiers à tout ce que on li avoit escript, car il i estoit tenus de foi et d'onmage. Li gentils chevaliers fist à ces signeurs d'Engleterre la milleur chière que faire lor pot, car bien le savoit faire, et tant que tout s'en contentèrent; et les tint à Biaumont deus jours tout aise.

Et puis au tierch jour, il s'en departirent tout ensamble, et vinrent à Maubuege et de là au Kesnoi; et trouvèrent le conte et la contesse bien acompagniet de chevaliers et d'esquiers, de dames et de damoiselles dou pais, qui requellèrent toute la compagnie moult doucement et liement, ensi que bien le savoient faire. Messires Jehans de Hainnau fu promotères de ce mariage et s'en aquita bien, ensi que escript on l'en avoit, et tant que li contes de Hainnau acorda Phelippe, sa fille, en cause de mariage, au jone roi d'Engleterre, voires là où li papes les vodroit dispenser pour le linage, car il estoient moult proçain, lors deus mères cousines germainnes. En tant que de la dispensation, li ambasadour d'Engleterre s'en cargièrent, et envoièrent en Avignon deus chevaliers et deus clers de droit.

Pour ce temps, resgnoit papes Jehans, qui descendi tantos à la dispensation faire dou mariage d'Engleterre et de Hainnau. Et li fu avis et à tout le colège que c'estoit une cose bien prise. Et retournèrent arrièrre à toutes les bulles de dispensation, et vinrent à Valenchiennes deviers les signeurs, l'evesque de Durames et les aultres qui là les atendoient. Si en orent toutes les parties grant joie. Et fu la damoiselle espousée par la vertu de une procuration; et puis retournèrent en Engleterre nonchier ces nouvelles. Pour lors estoit Phelippe de Hainnau, ou tressime an

de son eage. Longe et droite estoit, sage, lie, humble, devote, large et courtoise; et fu en son temps aournée et parée de toutes nobles vertus, et amée de Dieu et dou monde. F<sup>o</sup> 21 v<sup>o</sup> et 22.

P. 74, l. 14 : li contes. — *Ms. B 6* : Aimon. F<sup>o</sup> 41.

P. 74, l. 14 : de Kent. — *Ms. d'Amiens* : ses oncles. F<sup>o</sup> 11 v<sup>o</sup>.

P. 74, l. 19 : marier. — *Ms. B 6* : Sy regardèrent où, et dirent adonc entr'eulx que on ne le povoit mieulx assener ne marier que à l'une des filles de che vaillant et honnouré prinche, le conte Guillaume de Haynau qui sy grant amour et courtoisie avoit fait à la royne d'Engleterre et à son filz, et que aydiet luy avoit, quant tout le monde luy avoit failly, et envoiet son frère et ses gens pour luy aydier à reconquerre son pais, ou autrement il estoit perdu. Chel avis et consauls fu tenus, et fut demandet au jone roy quelle chose il en diroit. Ilz respondy que il n'y sentoit que tout bien, et que plus vollentiers le prenderoit yl que aultre part. Et lors luy fu demandé à laquelle il avoit mieus son plaisir, car le conte de Haynau avoit trois filles à marier. Et le roy respondy : « à la plus jouène, exsepté unne, qui s'apelle Phelippe, » car celle luy avoit toudis moustré plus d'amour que nulle des aultres, du tamps que il fut en Haynau. F<sup>o</sup> 41 et 42.

P. 74, l. 19 : un evesque. — *Ms. d'Amiens* : l'evesque de Nordvich. F<sup>o</sup> 11 v<sup>o</sup>. — *Ms. B 6* : deus evesques et ung conte et six chevaliers. F<sup>o</sup> 42.

P. 74, l. 23 : filles. — *Ms. d'Amiens* : madammoiselle Phelippe sa fille. F<sup>o</sup> 11 v<sup>o</sup>.

P. 74, l. 27 : lui. — *Ms. B 6* : Adonc passèrent l'ambassade la mer à Wisant, où le passaige estoit lors tout commun. F<sup>o</sup> 43. — *Ms. d'Amiens* : Chil messagier de par le roy, ensi que je vous di, vinrent à Vallenchiennes en grant arroy, et trouvèrent monseigneur Jehan de Haynnau à son hostel de Biaumont; et se traissent premierement deviers lui, et li disent tout ce dont chargiet estoient : « Chiers sirez, nous sommes chy envoiet de par nostre seigneur le jouène roy d'Engleterre et madamme se mère et tout son consseil de delà. Et vous priient que vous voeilliéz adrechier à ceste besoingne et estre dallés nous, et prier à monseigneur le comte vostre frère que il voeille acorder en cause de mariaige madammoiselle Phelippe sa fille, car il l'aroit plus chier que nul autre, tant pour l'amour de vous que dou noble sancq dont elle est extraite. » F<sup>o</sup> 11 v<sup>o</sup>.

P. 74, l. 29 : faire. — *Ms. B 6* : Le gentil chevalier respondy que vollentiers il y seroit pour yauls, et que che n'estoit mie petite chose de sa nièche, car sa seur ly mainsnée auroit à mari le roy d'Allemaigne qui jà tiroit à estre empereur de Romme. F° 43.

P. 74, l. 31 : frère. — *Ms. B 6* : le conte qui estoit en la ville de Valenciennes où adonc il se tenoit. F° 43.

P. 74 et 75 : rechut — *Ms. B 6* : grandement, car bien le savoit faire, mieulx que nul prinche. F° 43.

P. 75, l. 16 : deus de leurs chevaliers. — *Ms. B 6* : quatre chevaliers. F° 44.

P. 75, l. 17 : Saint Père. — *Ms. B 6* : pape Jehan. F° 44.

§ 39. P. 76, l. 4 : Quant. — *Ms. de Rome* : Qant li contes et la contesse de Hainnau orent ordonné et entendu à l'estat de madamoizelle Phelippe lor fille, et aourné ensi comme à lui apertenoit, qui devoit estre roine d'Engleterre, on pourvei chevaliers et esquiers qui avoecques lui devoient partir. Adonc prist elle congiet à son signeur de père et à madame sa mère et à Guillaume de Hainnau, son frère, et à Jehane et à Issabiel, ses serours, car Margerite, li ainnée, n'estoit point là; avant estoit en Alemagne et acouvenenchie à l'empereour le roi Lois de Baivière, roi d'Alemagne et empereour de Ronme. Après tous ces congiés, la jone roine Phelippe d'Engleterre, en l'eage entre trèse et quatorse ans, se departi de Valenchiennes en la compagnie de messire Jehan de Hainnau son oncle, dou signeur de Fagnuelles, dou signeur de Ligne, dou signeur de Brifuel, dou signeur de Haverech, dou signeur de Wargni et plus de quarante chevaliers et esquierz de Hainnau. Et servoit devant lui adonc uns jones esquiers qui se nonmoit Watelès de Mauni, qui puis fu messires Watiers, vaillans homs et preus as armes, ensi que vous troverés ses grans proèces escriptes en ceste histoire, car ce fu uns homs qui fist en son temps par sens et par proèce le corps et la cavance. Et se departirent de Hainnau pluisseur jone esquier, en entente que pour demorer en Engleterre avoecquez la roine. Si cheminèrent tant que il vinrent à Wissan; si furent esqipé lors chevaus et mis ens ès vassiaus passagiers d'Engleterre qui là les atendoient. Si furent tantos oultre, et là estoient li sires de Biaucamp et messire Renault de Gobeheim, liquel avoient attendu la venue de la jone roine bien quatre jours. Si entra la ditte roine Phelippe

de Hainnau en Engleterre à si bonne heure que tous li roiaulmes en deult estre resjois et fu; car depuis le temps de la roine Genoivre qui fu femme au roi Artus et roine d'Engleterre que on nonmoit adonc la Grant Bretagne, si bonne roine n'i entra, ne qui tant d'onnour requist, ne qui si belle generation eüst, car elle eut dou roi Edouwart son mari, en son temps, sept fils et cinq filles. Et tant comme elle vesqui, li roiaulmes d'Engleterre eut grasce, prosperité, honnour et toutes bonnes aventures; ne onques famine ne chier temps, de son resgne, n'i demorerent, ensi que vous orés recorder en l'istore.

Tant esloita la jone roine d'Engleterre et sa compagnie que il vinrent en la chité de Cantorbie, et alèrent veoir le corps saint Thomas et i fissent lor offrande, et puis passèrent oultre. Et par toutes les villes où il passoient, on lor faisoit feste et honnour, dons et presens, et passèrent à Rocestre et puis à Dardorde; et vinrent à Eltem, et là s'arestèrent. Et là estoit li évesques de Durames qui par procuration l'avoit espousé à Valenciennes ou nom dou roi, et grant fuisson de signeurs et de dames d'Engleterre, qui requellèrent doucement la roine et toute sa compagnie. Et m'est avis que messires Jehans de Hainnau pour celle fois, ne li chevalier et esquier qui la roine avoient acompagniet, n'alèrent plus avant, fors chil et celles qui avoecquez lui devoient demorer, car li rois, pour ces jours, et madame sa mère et li contes de Qent estoient en la marce de Northumbrelande. Si regardèrent li signeur d'Engleterre que li Hainnuier aueroient trop de painne à aler si lonch, et en furent deporté, et là donnés et pris li congies de toutes parties. Et plora la jone roine Phelippe assés, qant son oncle et li cevalier de Hainnau le laissièrent. Toutes fois ensi fu fait. Il s'en retournèrent en Hainnau, et li signeur et les dames d'Engleterre, qui de ce faire estoient cargiet, ordonnèrent lor jone dame et l'enmenèrent. Et passa tout parmi Londres, mais adonc point n'i aresta; car on voloit que li Londrien la rechuissent une aultre fois, qant li rois l'auroit espousé, et elle seroit roine d'Engleterre, de tous poins et à telle solempnité comme il estoient et sont tenu dou faire qant une roine d'Engleterre, et li rois l'a espousé, entre la première fois en la chité de Londres.

Tant esloitièrent chil qui la jone roine menoient, que il vinrent à Evruich. Là fu elle receute très solempnement et grandement. Et issirent en bonne ordenance tout li signeur

d'Engleterre qui là estoient, à l'encontre de li, et meisment li jones rois qui le trouva sus les camps montée sus une hagenée très bien amblans et très ricement aournée et parée, et le prist par la main et puis l'acola et baisa; et cevauchièrent coste à coste, et à grant fuission de menestrandies et d'onnours il entrèrent dedens la chité; et ensi fu amenée jusques au lieu où li rois et madame sa mère estoient logiet. La roine, mere dou roi, rechut celle jone roine moult doucement, car elle savoit d'onnours tout quanq que on en pooit sçavoir. Je n'ai que faire de plus demener ce pourpos. Li jones rois Edouwars espousa Phelippe de Hainnau en l'eglise catedral, que on dist de Saint Guillaume. Et les espousa li arcevesques dou lieu par la vertu de la dispensation que on avoit empetré en Avignon; et fu le jour de la Conversion saint Pol. Et avoit li rois disse sept ans d'eage, et la jone roine sus le point de quatorze ans; et fu en l'an de grace Nostre Seigneur mille trois cens vingt sept. Si poés et devés sçavoir que toutes solempnités et festes, sans riens espargnier, furent à ces jones, et hiraut et menestrel largement paiiet. Et se tint depuis ces espousailles li rois Edouwars, madame sa mère et la jone roine lor fille, à Evruich ou là environ, jusques au temps Pasqour, que il vinrent à Londres et à Windesore. Et furent de rechief là toutes festes faites; et i ot ou mois de mai que la roine entra en Londres, grandes joustes faites. Et i furent grant fuission de Hainnuiers; et par especial messires Jehans de Hainnau et messirés Guillaume de Jullers i furent, et li sires d'Enghien qui fourjosta lez joustes. Je me tairai un petit à parler de ceste matère, et parlerai des Escocois. F<sup>o</sup> 22 v<sup>o</sup> et 23.

P. 76, l. 4 et 5 : espousée. — *Ms. B 6* : Lors espousa ly evesque de Lincheille la fille du conte de Haynau ou non du roy d'Engleterre. F<sup>o</sup> 44.

P. 76, l. 10 : Wissant. — *Ms. B 6* : Et la convoia l'on parmy Artois jusqu'à Wissant. Là trouva on les nefes d'Engleterre toute aparlies qui estoient venus querre toute la compaignie..... Sy ariverent à Douvres, et là se reposèrent, tant que les nefes furent toute deschergeries. Et puis se partirent et chevauchèrent devers Saint Thomas en Cantorbye..... Ensy fu la jone dame, en le aige de quatorze ans, amenée jusques à la cité de Londres. F<sup>o</sup> 43.

P. 76, l. 22 : festes. — *Ms. d'Amiens* : Durèrent ces grandes

et nobles festes plus de trois sepmainnes, ainchois que elles se departesissent. F<sup>o</sup> 11 v<sup>o</sup>.

P. 76, l. 25 : s'en parti. — *Ms. d'Amiens* : et fu là en Engleterre messires Jehans de Haynnau ung grant tierme, ains qu'il s'en peüst partir. F<sup>o</sup> 11 v<sup>o</sup>.

P. 76, l. 29 : damoisicl. — *Ms. d'Amiens* : ung jouène escuyer de Haynnau, qui s'apelloit adonc Gautelés de Mauny, qui fu puis messires Ghautiers de Mauny, bons chevaliers, rades, preux, hardis, sages et bachelereux, et mout amés dou roy et de tout le pays. F<sup>o</sup> 12. — *Ms. de Valenciennes* : ung josne escuier de Haynnau pour ly servir, que on appelloit Watelet de Maugny, qui puis fu messire Wautier de Maugny, bon chevalier, preux et hardis, qui moult fu amez en le court et ou pays. F<sup>o</sup> 23. — *Ms. B 6* : ung jone escuiers, qui s'apelloit Wastelet de Masny, que monseigneur son père luy donna. F<sup>o</sup> 46.

§ 40. P. 77, l. 16 : Galles. — *Ms. de Rome* : Qant il se veirent si eslongiet des Englois, et il sentirent lors chevaus foulés, il se logièrent entre montagnes et bois, et furent là toute la nuit. Et ne mengièrent ne mengiet n'avoient, quinze jour estoient passet, les trois pars de l'oost, ne pain ne paste, fors que chars, et beu de l'aige; et se li Englès avoient eu painne de euls poursievir, li Escocois, pour euls garder et sauver, avoient eu painne et souffreté de toutes coses au double. F<sup>o</sup> 23.

P. 77, l. 19 : Assés. — *Ms. de Rome* : Assés tost apriès ce que les nouvelles furent venues en Escoce que li jones rois Edouars estoit mariés à la fille dou conte de Hainmau, et encore se tenoit ils à Evruich là où les noces et festes avoient esté, auqun baron d'Escoce et de Northombrelande se missent ensamble sus asegurances et vinrent sus une place que on dist la Mourlane, entre Escoce et Engleterre. Et là parlementèrent tant li un à l'autre que unes trieuvez furent prisses, à durer trois ans entre Engleterre et Escoce. Et pour ce se tint li jones rois d'Engleterre si longement à Evruich que li trettié de ces trieuves estoient. Et qant elles furent données et acordées de toutes parties, li rois d'Engleterre, contre le mois de mai, retourna en la marce de Londres, et ma dame sa mère et la jone roine Phelippe. Et furent les festes adonc à Londres à la venue de la roine, ensi comme il est contenu ichi desus. F<sup>o</sup> 23.

P. 77, l. 23 : trois ans. — *Ms. B 6* : pour tant que le roy



d'Escoche quey en grant maladie et ne pooit mais chevaucier, et le roi d'Engleterre estoit jouènes. Sy furent celle[s] trièves prises six ans durant, et furent bien tenues le vivant du roy d'Escoche. F<sup>o</sup> 47.

P. 77, l. 30 : devant lui. — *Ms. de Rome* : Qant il furent devant li, si leur dist : « Biau signeur, je voi bien que il m'en couvient aler la voie commune : à cela n'i a nul remède. Je vous reconmande David, mon fil. Li enfes est jones et auera mestier d'avoir bon conseil. Se li bailliés tel que li roiaulmes en vaille mieuls, et le couronnés tantos apriés ma mort, et le mariés en lieu à vostre samblant, dont il vaille mieuls. Et à vous, messire Guillaume Douglas, compains et trez grans amis, je vous ai tous jours trouvé fiable, de bon conseil et de haute emprise ; je vous pri que vous me voelliés donner un don que je vous demanderai ; et qant vous le m'auerés accordé, j'en morrai plus aise. » Li gentils chevaliers, tout en plorant, li accorda et li dist : « Monsigneur, dites et demandés : je le vous accorde, mais que ce soit cose licite, et que je puisse faire. » — « Oil, respondi li rois. Chiers compains et amis, je voai une fois à Dieu, et ce veu, je l'ai tous jours tenu en secré, que, se je pooie jà veoir le temps et les jours que le roiaulme d'Escoce je peuisse obtenir en paix à l'encontre des Englois, en l'onnoir de Jhesu Cris, qui volt mort recevoir en crois pour nous et son sanch espandre, je voloie faire un voiage sus les ennemis de Dieu et là expose[r] mon corps et mes biens. Or ay je tous jours eu tant à faire encontre les Engloiz, ensi que vous savés, que je sui devenus vieuls et cheus en debilité de corps et de maladie, par quoi je ne puis mon veu acomplir. Et puis, chiers compains et amis, que li corps ne puet faire le voiage d'oultre mer, ne aler au Saint Sepulcre, ne espanir mes pechiés, sus les ennemis de Dieu, laquelle cose me touce de trop priés, je vous pri que, qant je serai trespasés de ce siècle, que vous faites ouvrir mon corps et prendre le coer et metre en telle ordenance comme il apertient, et que vous le portés outre la mer sus les mescreans et jusques au Saint Sepulcre, et là le laissiez, se l'aventure poés avoir d'aler si avant. Or me respondés se vous m'accomplirés mon darrain desiriier. » Messires Guillaume Douglas respondi tout en plorant et dist : « Monsigneur, puis que vous me volés cargier de si grant cose, jà soit que point ne le vaille, j'en ferai mon devoir et mon pooir. » Et li rois respondi et dist : « Grant merchis. » F<sup>o</sup> 23 v<sup>o</sup>.

P. 78, l. 17 : crestienne. — *Ms. B* 6 : et visseter le saint mont de Calvaire, et Dieu merchy les besoignes au lés par dechà de mon royaume sont assés en bon estat. F° 48.

P. 80, l. 4 : siècle. — *Ms. d'Amiens* : Lui trespasset, on l'ouvri, ensi que ordonnet l'avoit, et prist on son coer, et fu boulis et enbaumés. F° 12. — *Ms. de Rome* : Depuis ceste ordonnance faite, li rois Robers de Brus ne vesqui que trois jours. Si fu ouvers et enbaupsumés, et son coer pris et enbaupsumés et couchiez en un petit vasselet d'or si ricement ouvré que on ne pooit mieulx, et mis en une chainne d'or. Et tout cela encarga li gentils chevalier de Douglas, au jour que on fist l'obsèque dou roi Robert, en l'abeie de Donfremelin en Escoce. Là fu li rois Robers ensepelis; et, presens les barons, les prelas et les chevaliers, messires Guillaumes de Douglas encarga la çainne et le vasselet d'or où li coers dou roi Robert estoit enclos, et le mist en son hateriel; et dist que jamais de là ne partiroit, de nuit ne de jour, si l'auroit porté outre mer, et sus les mescreans, et laissiet au Saint Sepulcre en Hierusalem, ensi que proumis avoit. F° 23 v°.

P. 80, l. 9 : Donfremelin. — *Mss. A* 1 à 6, 20 à 22 : d'Es-trumelin. F° 21 v°.

P. 80, l. 9 : reveramment. — *Ms. d'Amiens* : et y furent tout li noble de son pays. Apriès ceste ordonnance fête, li gentilz chevaliers messires Guillaume de Douglas se coummencha a pourveyr et à appareillier pour mouvoir, quant temps et saison seroit, pour achiever ce que proummis avoit. F° 12 v°.

P. 80, l. 11 : le septime. — *Ms. B* 6 : le neuvième jour de septembre. F° 49.

P. 80, l. 12 : novembre. — *Ms. de Rome* : Et trespassa de ce siècle li rois Robers de Brus en l'an de grascie Nostre Signeur mil trois cens vingt huit, le septime jour dou mois de jullé, qui fu la nuit dou Saint Sacrement. Et le jour saint Jehan Baptiste ensievant, fu couronnés à roi David ses fils; et li fissent tout li baron d'Escoce feaulté et hommage, les hommes des chités et des bonnes villes, des pors et des havenes; et estoit en onsiue an de son cage, et demora ou govrenement dou conte de Moret, de mesure Robert de Versi et d'Arcehaut Douglas. F° 23 v°.

P. 80, l. 13 : contes. — *Ms. d'Amiens* : de Moret d'Escoche. F° 12 v°.

P. 80, l. 14 : d'Escoce. — *Ms. d'Amiens* : Si en furent gran-

dement afoibli tant dou roy que de ce conte, que de monseigneur Guillaume Douglas qui wuidoit le royaume d'Escoce. F° 12 v°.

P. 80, l. 15 : orilliers. — *Mss. A* 20 à 33 : oreilles. F° 40. — *Mss. A* 18 et 19 : coilliers. F° 22 v°.

P. 80, l. 15 : geules. — *Mss. A* 1 à 6, 18 à 33 : d'or. F° 24 v°.

§ 41. P. 80, l. 16 : prin tamps. — *Ms. B* 6 : au mars ensievant. F° 49.

P. 80, l. 20 : en Escoce. — *Ms. d'Amiens* : ou havene de Haindebourch, F° 12 v°.

P. 80, l. 25 : douze. — *Ms. B* 6 : quinze. F° 50.

P. 80, l. 30 : d'Escoce. — *Ms. d'Amiens* : et avoit en se compaignie deux chevaliers bannerèz et sept autre chevaliers des plus preus de son pays, et bien vingt cinq escuiers biaux et jouènes, les plus souffissans qu'il pot eslire en tout son pays, sans l'autre mesnie. F° 12 v°. — *Ms. de Rome* : et avoit en sa compaignie un baron et siis chevaliers et trente esquiers, et tous à sa delivrance, sans l'autre mesnie. F° 24.

P. 80, l. 30 : compaignie. — *Ms. B* 6 : luy vingt cinquième, que chevaliers et escuiers. Et y estoit le conte de Mouret. F° 49.

P. 81, l. 8 : vins. — *Ms. de Rome* : et servis de deus ou trois manières de vins, et casques selonch son estat. Et le vinrent veoir de Flandres pluisseurs chevaliers et esquiers, et de Hainnau et d'Artois, et à tous il fist bonne chièr. F° 24.

P. 81, l. 11 : entendî. — *Ms. de Rome* : il entendu que Alphons, li rois de Chastelle, avoit guerre contre le roi de Grenade et au roi de Bougie et au roi de Thunes et au roi de Bellemarie, et tout estoient Sarrasin. F° 24.

P. 81, l. 17 : l'Escluse. — *Ms. B* 6 : et singla devers Castille et tant exploita que il ariva, en la compaignie de aucuns Espaignos, au port de Seville. Là se reposèrent par quatre jours. Au cinquième, il se partirent et puis yssirent des bateaulx, et montèrent à cheval, et allèrent devers le roy Alphons qui estoit devant Arsesille. F° 50, 51. — *Ms. de Rome* : et puis se départi de l'Escluse, et orent li maronnier vent à volenté, et singlèrent sans peril et sans damage, et vinrent à la Calongne en Galise. Et là, quant il furent issu de lor vassiel qui estoit grans et biaux, et l'avoit fait faire et ouvrir li rois Robers de Brus, et

il furent sus terre, il se pourveirent de chevaus, et puis s'en alèrent deviers le roi d'Espagne qui se tenoit à Burs en Espagne, et s'aquintèrent de li. Li rois avoit bien oï parler de messire Guillaume Douglas et de ses proèces. Se li fu li très bien venus, et le rechut à grant joie et toute sa compagnie, et li fist avoir sa delivrance et son estat bien et grandement, et le plus à ses coustages. Avint que li rois Alphons d'Espagne entendî que li rois de Grenade, lui quatrime de rois, estoit venus à poissance logier à l'entrée de son pais. Jà avoit mandé ses hommes, et se mist aussi à poissance à l'encontre de ses ennemis. F° 24.

P. 81, l. 22 : pays. — *Ms. d'Amiens* : sept jours apriès ce que li dis messires Guillaummez de Douglas fu là venus. F° 12 v°.

P. 81, l. 26 : ennemis. — *Ms. de Valenciennes* : et dalez lui estoit venus aussi en bon arroy le sire d'Engien en Haynnau pour honneur acquerre, et jà avoit esté grant espasse en Espaigne. F° 25.

P. 81, l. 28 et 29 : batailles. — *Ms. B 6* : et estoient bien trente mille hommes en trois batailles. F° 51.

P. 81, l. 30 : route. — *Ms. B 6* : ot bien cinq cens armés de fier. F° 51.

P. 81, l. 32 : effort. — *Ms. de Valenciennes* : et aussi fist le dit seigneur d'Engien sur les costés où il furent ordonné à tout leur charge. F° 25.

P. 82, l. 14 : meschief. — *Ms. de Valenciennes* : Et aussi y demoura la banière le seigneur d'Engien, que portoit Gille de Hembisse, et pluseurs autres, mais le sire d'Engien se sauva.... et sachiés que ceulx qui là demourèrent très bien se vendirent. Et parmi le mort il acquirent très grant honneur et le salvement de leurs ames. F° 25.

P. 82, l. 15 : Espagnolz. — *Ms. B 6* : Les Espaignos qui là estoient, et qui bien les oïrent assamblar as Sarasins, se tinrent tout cois sur leur pas, ne oncques ne s'en partirent ne firent samblant de conforter les Escocchois. Et les bons chevaliers messire Guillaume de Douglas et le conte de Mouret et bien dix chevaliers d'Escoche, qui s'estoient mis en che voyage pour l'amour de messire Gillame, furent tout mors, ne de tout leur gens n'en escapa nul. Dont che fut pité et domaiges et defaulte, et tout par les Castelens qui bien les eurent secourut, se il eurent voillut. Et ensy demoura le cuer du roy d'Escoche en Castille, ne il ne fu porté plus avant. F° 51 et 52.

P. 82, l. 16 : blasmet. — *Ms. de Rome* : Considerés la grant mauvesté des Crestiens qui laissièrent perdre ce vaillant homme ensi et tous les siens; car il furent là tout mort; ne onques ce jour li rois d'Espagne ne li sien ne se combattirent. Mais messires Guillaumes Douglas et li Escocois i fissent mervelles d'armes, et ocirent et abatirent moult grant fuison de Sarrasins. Finablement, il demorèrent là tout mort sus la place, dont ce fu damages et grant mauvesté pour les Espagnols; mais li aucun dient que il le fissent tout volentiers et par envie. Ensi demora li coers dou roi Robert de Brus là, et li gentils chevaliers qui l'i portoit, et toute la route des Escos, reservé les varlés.

Considerés entre vous qui entendés raison, le povre aventure chils gentils chevaliers messires Guillaumes Douglas eut et rechut en roiaulme estragne et lointain, pour bien faire. Pluisseur voellent dire et supposer que li Espagnol orent envie sur lui et sus ses compagnons, pour tant que il s'avanchièrent de estre li premier requérant les ennemis et assallant, et que il vodrent avoir celle honneur devant euls. Quant les nouvelles furent sceues en Escoce de la mort dou gentil chevalier, tout chil dou roiaulme en furent courouchié, car il avoient perdu un trop grant capitaine, et le regretèrent moult. Et li fissent faire si parent et li baron et chevalier d'Escoce, son obsèque aussi solempnement que donc que li corps fust presens. Et chanta la messe, en l'abeie de Sainte Crois, en l'abeie de Haindebourch, li évesques de Saint Andrieu en Escoce. Et i furent tout li baron et li prelat d'Escoce.

En cel meisme an, trespassa aussi sus son lit li contes de Moret d'Escoce. Ensi fu li roiaulmes d'Escoce afoiblis de deus vaillans hommes et d'un vaillant roi, le roi Robert de Brus, père au roi David. F<sup>o</sup> 24.

P. 82, l. 24 : trettièrent. — *Ms. d'Amiens* : aucun vaillant homme d'Escoce. F<sup>o</sup> 12 v<sup>o</sup>. — *Ms. de Valenciennes* : aucuns vaillans seigneurs et sages. F<sup>o</sup> 25 v<sup>o</sup>.

P. 82, l. 25 : fu fais. — *Ms. d'Amiens* : Et envoya li roys d'Engleterre mademoiselle Ysabel sa soer moult honnorablement deviers le jone roy David d'Escoce, liquelx le rechupt liement et l'espousa à grant joie. F<sup>o</sup> 12 v<sup>o</sup>.

P. 82, l. 26 et 27 : d'Engleterre. — *Ms. B 6* : mademoiselle Isabiell. F<sup>o</sup> 49.

P. 82, l. 28 : Bervich. — *Mss. A 11 à 14* : Warvich. F<sup>o</sup> 21. — *Mss. A 15 à 19* : Ewruich. F<sup>o</sup> 21 v<sup>o</sup>.

P. 82, l. 28 : en Escoce. — *Mss.* A 1 à 6, 18 à 22 : en Gales. F<sup>o</sup> 22.

P. 82, l. 29 : l'autre. — *Ms. de Rome* : Qant li demorant des barons et chevaliers d'Escoce veirent que il estoient ensi afoiblis de vaillans hommes et avoient un jone roi, si orent conseil ensamble à savoir là où il poroient lor roi marier et asener en lieu dont il vausissent le mieux. Bien scavoient chil qui congnisoient le roiaulme d'Engleterre, que li jones rois Edouwars avoit une jone soer à marier. Si regardèrent et jettèrent lor visée à ce que, se lors sires li rois Davids pooit avoir à femme et espeuse la serour le roi d'Engleterre, par ceste aliance ou temps avenir, il en deveroient mieuls valoir, et que paix raisnable en poroit bien venir, au pourfit de l'un roiaulme et de l'autre, car la guerre avoit trop longement duré. Si s'en ensonnièrent anquns vaillans hommes d'Escoce, prelas et autres, et en tretièrent premierement deviers le conte Ainmon de Qent et mesire Rogier de Mortemer, qui pour lors avoient en gouvrenement le roiaulme d'Engleterre. Chil doi signeur assés legierement s'enclinèrent as requestes et tretiés des Escocois et delivrerent la serour dou jone roi d'Engleterre, madame Isahiel, à ambassadours dou roi d'Escoce ; et lor fu menée au Noef Chastiel sur Thin, sans ce que prelas, barons, ne li consauls des chités et bonnes villes d'Engleterre en seussent riens, ne fuissent apellé.

Pour laquelle cose, grant murmuración s'en esleva en Engleterre contre le conte de Qent et messire Rogier de Mortemer. Et disoit la renomée dou pais que il ne deussent pas cela avoir fait, ne le mariage acordé si legierement, de la fille d'Engleterre à lor adversaire le roi d'Escoce, que il n'eussent convoqiet l'especial et general conseil dou pais ; et couvenoit que il i eust entre ceuls qui de ce mariage s'estoient ensonnié, aucune cautelle secrée qui se descouveroit, qanq que ce fust. Vqus devés sçavoir que pour celi cause pluisseur en Engleterre entrèrent en doubte et en soupeçon mauvaise, jà n'i eust nulle cause, à l'encontre des desus dis le conte de Qent et mesire Rogier de Mortemer, et les [prissent] à grant haine, car Englès sont merveilleus et croient plus legierement le mal que le bien. Toutes fois, la jone dame d'Engleterre fu delivrée as barons et prelas d'Escoce, et le prissent au Noef Chastiel sur Thin et l'enmenèrent en la chité de Bervich, c'on dist en Escoce. Et là l'espousa li rois Davids d'Escoce, et vint faire sa feste depuis en Haindebourch en Escoce, et

i ot joustes noncies et publiées tout parmi le roialme d'Engleterre; mais moult petit de chevaliers d'Engleterre i furent, car il considerèrent la vois commune dou pais que chils mariages n'estoit pas fais à la plaisance dou pais d'Engleterre, fors que de eulz deus. F° 24 v°.

§ 42. P. 83, l. 18 : estoit. — *Ms. d'Amiens* : et qui en dispenssa le roy de Franche. F° 13.

P. 83, l. 26 : d'Evrues. — *Ms. d'Amiens* : et fu noummée la damme la bonne roynne Jehanne. F° 13.

P. 83, l. 27 : au roi. — *Ms. de Rome* : Lois de Navare. F° 23.

P. 83, l. 30 : Quant. — *Ms. de Rome* : Qant il senti et congneut que morir le cuvenoit, il manda les nobles de son roialme, ceuls que en haste on peut avoir, tant des douze pers de France comme des autres; et qant il furent en la presence de li, il leur dist : « Biau signeur, vous estes tout mi obeissant et de mon linage. Je sent bien et congnois que aler m'en couvient en la commune voie, ensi que li aultre vont. Je vous laisse ma femme la roine enchainée. Se il avient que Dieus li donne un hoir male, ce que la couronne de France desire à avoir, je vous pri que vous en faites bonne garde et le couronnés à roi, qant il vous samblera que il apertiengne à estre; et, se elle est femme, si ordonnés de la couronne de France à juste election, car bien scai, se elle est fille, par les estatus et ordenance de France, elle ne le poet avoir. » Tout li orent couvenant que loiaument s'en acquiteroient. F° 23.

*Ms. B 6* : Quant le roy Charles deubt mourir, il manda les douze pers de France et les barons; si leur dist ensy : « Signeurs, vous veés que mourir me couvient, ensy que il plaist à Nostre Seigneur. Je vous rechergeray ma femme la roine; elle est enchainée de moy. S'elle porte hoir malle, ilz sera roy. Se c'est une fille, sy ordonnés de la couronne de France à vostre consienche et avis, et le donnés au plus prochain hoir masle. Autrement n'en saroie ordonner. » Il respondirent tout que ensy le feroient.

Et puis après ung pau de temps, le roy Charles morut et fut ensevely à Saint Denis en Franche. Ne demoura gaire de tamps après, que ly douze pers et les saiges du roialme de France s'asablèrent à Paris, et regardèrent qui seroit manbours, tant

que la royne Jehenne seroit acouchie. Sy ordonnèrent par commun acort messire Phlippes de Vallois, filz jadis au conte de Vallois. F<sup>o</sup> 52 et 53.

P. 84, l. 8 : Paskes. — *Mss. A 8 à 17* : environ la Chan-deleur, l'an mil trois cens vingt sept. F<sup>o</sup> 20 v<sup>o</sup>. — *Ms. d'Amiens* : le dix septiesme jour dou mois de march, l'an mil trois cens vingt huit. F<sup>o</sup> 13. — *Ms de Rome* : la nuit de la Pentecouste, l'an de grasse mil trois cens vint huit. F<sup>o</sup> 25.

P. 84, l. 15 : royaume. — *Ms. B 6* : Sy eslurent pour le plus prochain, à leur avis, de par le coumun acort de tout le royaume. F<sup>o</sup> 53 et 54.

P. 84, l. 18 : son fil. — *Ms. de Rome* : Et fu bien nouvelle de Edouwart le jone roi d'Engleterre, fil de sa serour, mais la querelle fu debatue et point longement soustenue. F<sup>o</sup> 25.

P. 84, l. 24 : livre. — *Ms. d'Amiens* : Li douze per de Franche et li vois des haux barons de celi royaumme s'asentirent et acordèrent à couronner le roy Phelippe de Vallois, fil au comte de Vallois, liquelz comtez de Vallois avoit estet frères au biel roy Phelippe, pèrez à ce roy Charlon, par laquelle sucession il eut le royaume.

Après le electon fête, gramment ne demoura mies que li nouveaux roy Phelippes s'en vint deviers Rains pour lui faire consacrer et couronner, et fist là son mandement à estre y le merquedi de la Pentecouste; et le jour de la Trenité ensuiwant, il devoit recepvair se consacration. Dont s'esmurent tout li grant signeur dou royaume et pluseur de l'Empire; et là vinrent, pour lui honnourer, Carles, li roys de Boesme, et Phelippes, li roys de Navarre, qui à ce jour l'adestrèrent. Et là furent li dus de Braibant, li comtez de Haynnau, messires Jehans de Haynnau, li dus de Bretaingne, li dus de Bourgoingne, li comtez de Blois, nepveux au roi Phelippe, li comtez d'Alençon, li comtes de Flandrez, messires Robers d'Artois, qui mis avoit grant painne à che couronnement, li dus de Lorainne, li comtes de Bar, li comtes de Namur, li comtez d'Auçoire, li ducs de Bourbon, li sirez de Couchy, li comtez de Saint Pol, li comtez d'Aumale, li comtes de Halecourt et tant d'autrez seigneurs que li recorders seroit ungs grans detris.

Avint que, au jour de le Trenitet, ensi que ordonnet estoit, fu li roys Phelippes couronnés et consacrés en le grant eglise de Nostre Damme de Rains, present tous ces seigneurs devant noum-



méz et moult d'autres. Et là estoient li grant et li hault seigneur qui devoient servir le roy de leur offisce, li ungs de çaindre l'espée, li autre de li chauchier ses esperons et ensi de toutes choses. Et bien estoient appareilliet de faire chacuns son devoir, excepté le comte de Flandres, mès il se traioit arrière. Dout fu il appelléz en hault, et dist on par deus fois : « Comtes de Flandres, se vous estes ceens ou personne de par vous, si venés faire vo devoir; » et li comtes, qui bien oy ces parolles, se tut tous quois. Lors fu il de rechief apellé le tierche fois et amonestés, de par le roy, qu'il venist avant, sour quanque qu'il pooit fourfaire.

Adonc, quant il s'oy ensi conjurer, il vint avant et enclina le roy et dist : « Monseigneur, se on m'eüst appellés Loeys de Nevers et non comtez de Flandres, je me fusse très avant. » — « Coumment, dist li rois, non estes vous comtez de Flandres? » — « Sire, dist il, j'en porte le nom et non le prouffit. » Dont vot li roys savoir comment che pooit estre. « Monseigneur, dist li contez, chil de Bruges, d'Ippre, de Popringe et de Berghes et de le castelerie de Cassel m'ont boutet hors, et ne me tiennent point à comte ne à seigneur. Encoires assés escarssement m'ose jou veoir à Gand, tant troeuve jou le pays plain de rebellion. » Dont parla li roys Phelippes, et dist : « Loeis, biaux cousins, nous vous tenons pour comtez de Flandres, et par le digne unction et sacrement que nous recevons hui, jamais ne rentrerons en Paris si vous arons mis en possession paisieulle de le comtet de Flandres. » Lors s'engenouilla li contez et dist : « Monseigneur, grant merchis. » Depuis fist li comtez son devoir, et fu tous resjoys de ceste proumesse, et ce fu bien raisons. F° 13.

P. 84, l. 26 : Trinité. — *Ms. de Rome* : A celle concordation de la couronne de France donner et Phelippe de Valois couronner, rendirent grant painne li contes de Hainnau, li contes Guis de Blois et messires Robers d'Artois, car chil troi prince avoient ses trois serours espousées. F° 25.

P. 84, l. 32 : ala. — *Ms. d'Amiens* : et s'en vint à Arras et là se tint ung tamps; apriès s'en vint il à Aire, car on li dist que li Flamencq estoient ensamble dessus le mont de Cassiel. F° 13 v°. — *Ms. de Rome* : et vint de Rains à Pieronne, et puis à Arras, et là atendi tous ceuls que il avoit mandés. Li contes de Hainnau, ses serouges, et messires Jehans de Hainnau, son frère, le vinrent servir par prière et par amours, et

amenèrent belle route de genz d'armes, chevaliers et esquiers. Aussi fissent li signeur de France, qui estoient tenu de ce faire.... Li rois Phelippe à poissance s'en vint d'Arras à Leus en Artois, et de là à Bietune et puis à Aire. Et se loga entre Aire et le mont de Cassiel, et avoit le plus belle hoost et plus belle gent dou monde. Et avoient li signeur tendu tentes, trés, auques et pavillons sus lez camps, et sembloit que ce fussent grandes villes de lors logeis. Et là estoit li bons rois de Boesme en grant arroi, li contes de Hainnau et messires Jehans de Hainnau ses frères, li contes Guis de Blois, li dus de Lorraine, li dus de Bar, messires Robers d'Artois. Et tenoient li signeur là grant estat et noble F° 25 v°.

P. 83, l. 3 : Bruges. — *Ms. de Rome* : non que Gant, Bruges, Courtrai, Granmont et Ippre en fesissent fait, mais s'en dissimuloient et consentoient bien que une congregation de fourbanis de Flandres fussent à l'encontre dou dit conte. F° 25.

P. 83, l. 3 : d'Ippre. — *Ms. B 6* : et de le chastelerie de Bergues et de Cassiel. F° 54. .

P. 83, l. 7 et 8 : escarsement. — *Ms. B 6* : Sy que, à la complainte du dit conte, le roy Phelippes esmeut ses gens et fit ung grant mandement. Et vint logier à Aire et là environ, et puis desoubz le mont de Cassel. Et là furent les Franchois, je ne say quans jours, à tentes et pavillons, F° 54.

P. 83, l. 9 : seize mille. — *Mss. A 15 à 17* : environ sèze raille. F° 22. — *Mss. A 20 à 22 et B 6* : bien quinze mille. F° 41 v°. — *Mss. A 11 à 14* : dix huit mille. F° 21 v°. — *Mss. A 1 à 6, 18, 19, 23, 25 à 36* : onze mil. F° 22 v°. — *Ms. A 24* : douze mil. F° 33.

P. 83, l. 10 : chapitainne. — *Ms. d'Amiens* : Et avoient fet ung cappittainne qui s'appielloit Clais de Dennequin<sup>1</sup>. Chilz estoit merveilleusement orgueilleux, hardis et outrageux. Et li proumetoient li autrre qui à lui obeissoient que, se il pooient desconfire le roy de Franche, qu'il le feroient ung très grant seigneur. Et bien s'en misent en aventure, ensi que vous orés. F° 13 v°. — *Ms. de Rome* : Qant le chapitainne de ces Flamens, qui se nommoit Clais Dennequins, entendit que li rois de France, en sa nouvelleté, avoit juré que jamais il n'enteroit en Paris, ne enten-

1. *Ms. de Valenciennes* : Clais Zanderquin. F° 27 v°.

deroit à aultre cose si aueroit remis en Flandres le conte Lois et confondus tous ses ennemis et nuisans, si s'en enfellonna grandement et dist que chils rois poroit bien fallir à ses pourpos, et toutes fois pour lui brisier, ils s'en meteroit en painne. Et asambla tous ceuls des quels il pensoit à estre aidies, car chil de Bruges, d'Ippre et de Courtrai l'aidoient couvertement, et avoient banis et mis hors de lors villes des fors et jones compagnons, tisserans et aultres, qui tous estoient de l'aliance ce Clai Dennequin. Et s'en vint logier sus le dit mont de Cassel. Et pooient estre en sa compagnie environ seize mil hommes, tous des plus cruels et envenimés de Flandres, et tous as gages des bonnes villes de Flandres, reservet Gant. Car chil là, tant que des rices hommes de Gant, s'en dissimuloient et ne faisoient point partie à l'encontre dou conte. F<sup>o</sup> 23 v<sup>o</sup>.

P. 83, l. 16 : se partirent. — *Ms. de Rome* : Li Flamench estoient sus le mont de Cassiel et logiet d'aultre part au lés deviers Yppre, et veoient tout contreval les logeis dou roi de France, et eurent espies qui lor vinrent rapporter tout le convenant des François, et comment il estoient logiet espars.... Et s'avalèrent un jour sus l'eure de bassez vespres dou mont de Cassiel, et s'en vinrent tout droit, sans euls tourner ne bestourner. F<sup>o</sup> 23 v<sup>o</sup>.

P. 83, l. 21 : le roy. — *Ms. de Rome* : Clais Dennequins iroit tout droit devant lui à la tente dou roi de France; et le trouveroient soupant. F<sup>o</sup> 23 v<sup>o</sup>.

P. 83, l. 22 : souper. — *Ms. de Rome* : et furent sus le point li François que de estre souspris. quant on cria : « A l'arme! Monjoie Saint Denis! »

P. 83, l. 26 : de Haynau. — *Ms. B 6* : Le conte de Haynau et messire Jehan son frère, qui là estoient à tout grant compaignie de Haynuiers, lequel estoient logiet à l'un des bous de l'ost et furent les premiers qui virent les Flamens, sy s'armèrent incontinent et toute leurs gens, et firent adonc ung très grant secours au roy de France et as Franchois. Car, se il ne fussent sy tos venus au devant des Flamens qu'il firent, et que il leur copèrent la voie, pour certain il euissent au dit roy porté moult grant damaige. F<sup>o</sup> 33.

P. 83, l. 31 : assamblet. — *Ms. B 6* : Sy avallèrent le dit mont sy coyement que oncques nul ne s'en donna garde. Sy furent tous jus et bien avant en l'ost. Et tuèrent ung chevalier de

Franche, en venant, qui s'apelloit messire Renault de Lore, que d'aventure il encontrèrent. F° 55.

P. 86, l. 2 : de Dieu. — *Ms. de Rome* : Toutes fois Dieus ne volt pas consentir que li signeur fussent là desconfi de tel merdaille. F° 25 v°.

P. 86, l. 5 : escapa. — *Ms. d'Amiens* : De tout ces seize mil Flamens n'en escappa mil; et eurent li Haynnuyer, li comtes de Haynnau et messires Jehans ses frèrez premiers desconfis leur bataille, car ossi ce furent li premier assailli. Et les encloient li Haynnuier par derière tellement que, quant li Flamencq quidièrent retourner, il ne peurent. Là y eult grant bataille, grant lancheis et grans fereis, et trop bien s'i vendirent, car il avoient hacez et espaffus et gros bastons fieréz à pickot, dont il donnoient grans horions. Et là rechurent li doy frèrez de Haynnaur moult de painne, et y furent trop bien batus. Et y eult li comtes de Haynnau mors deus coursiers desoubz lui; et à toutes ces deus fois fu il relevés de monseigneur Jehan de Haynnau, son frère. Et fisent tant li Haynnuyers, avoecq lor seigneur, qu'il desconfirent celle bataille dez Flamens tout nettement; et encloient lez autrez qui le roy de France avoient assailli, en escriant : « Haynnau! Haynnau! »

Là eut grant ocision et grant mortalité de Flamens, car on n'en prenoit nul à merchy. Et là fu ocis Colins Dennekins, cappittainne d'iaux, et ossi fu ungs bons escuiers de Haynnau qui s'apielloit li Borgnes de Robersart; mès ce fu par son outrage, car il tous seux encachoit six Flamens qui portoient longhez pickez, et leur escrioit en chascant : « Retournés, laron, car je vous ocirai tous. » Enssi les poursuiwy une longhe espasse; et quant il le virent aseullet et arrière de toutes aïes pour lui, il retournèrent tout à une fois sour lui. Et le feri li uns de se picke desous sou bachinet, et li enbara le fer en le cervelle, et le reversa à terre. Ensi fu mors li escuyers, dont ce fu dammaigez, et mout fu plains de chiaux de son pays.

Ceste bataille fu moult felenesse et moult dure. Et bien se vendirent Flamencq tant qu'il peurent durer; mès finablement il furent si assailli de tous costéz et si courageusement combatu, qu'il furent desrout et desconfi et ocis, et mis par mons ensi que bestes. Et en y eut bien mors quinze mil. Et furent li Haynnuyer premier qui portèrent les bannierrez de Haynnau, de monseigneur le comte et de monseigneur Jehan sen frère, sus le mont

de Cassiel; et lez misent sus lez murs de le ville, et haut sus le tour dou moustier. Depuis y furent aportées les bannières dou roy de France, qui envoia saisir le ville, et y mist garde de par lui. Ceste bataille fu en l'an de grace Nostre Seigneur mil trois cens vingt huit, le jour Saint Bretremieu en aoust. F° 13 v°.

P. 86, l. 6 : mors. — *Ms. B 6* : Adonc le conte de Haynau et messire Jehan son frère se combatirent moult vaillamment, et rechurent de ces plançon de Flandres maint pesant horions. Finalement, les Flamens furent desconfis et près que tous mors. Et demorèrent toute leur capitaines ochis sur la plache. Et furent les bannières du roy de Franche portées sur le mont de Cassiel. F° 56.

P. 86, l. 13 : Bietremieu. — *Ms. de Rome* : au soir. F° 26.

P. 86, l. 15 : Cassiel. — *Ms. d'Amiens* : se tint li rois de France là toute le nuit, et l'endemain ossi. F° 13 v°. — *Ms. de Rome* : Quant ce vint à l'endemain, li rois de France envoia ses marescaus, le signeur de Montmorensi et le signeur de Trie, et es bannières sus le mont. F° 26.

P. 86, l. 16 : Popringe. — *Ms. d'Amiens* : Cez nouvelles vindrent à Bruges, à Yppre, à Popringhe et ès villez voisinne, qui rebellez estoient au conte, que Clays Dennekins estoit mors et desconfis et toute se route. Dont baissièrent lez testes chil de se partie, et n'osèrent moustrer nul samblant d'aler à l'encontre dou roy et de leur seigneur. Et disent que Clais Dennekins estoit folz et outrageux, et que sans leur conseil il s'estoit combatus, car il li avoient mandet qu'il ne se combatesist point encores; et pour ce qu'il l'a fet oultre leur deffence, il l'en est mesavenu. Si n'en fait nient à plaindre. Ensi fu il plorés des Flamens qui, devant ce, li avoient esqueilli à faire ceste emprise.

Et li rois de Franche chevaucha, et toute li os deviers Yppre. Dont vint li castelains de Berghes; et aporta les clefs dou castel, avecq grant fuison des gens de ceste castelerie, au roy de Franche. Et li rois les prist, et en rendi le seignourie au comte de Flandres. Puis chevaucha li rois vers Yppre. Et quant cil de Yppre oïrent nouvellez de se venue, il vinrent contre lui à grant pourcession, et li offrirent les clefs de le ville. Li roys les prist et les rendi au comte; et fist jurer chiaux de le ville d'Yppre foy et loyauté à leur seigneur. Puis entra li roys dedens Yppre, et y fut très honnorablement receus. Et tant s'i tint que cil de Bruges et dou Francq de Brughes furent venu faire feaulté et houn-

maige au comte Loeys, et li jurèrent et proumissent qu'il le tenroient à pès et à seigneur. Et li contez ossi en tel mannierre leur jura. Ensi fu il remis en le possession de se terre, et par le puissanche et confort dou roy de Franche. F<sup>o</sup> 14.

P. 86, l. 23 : juré. — *Ms. de Rome* : mais depuis le relenquierent et boutèrent hors de Flandres, ensi que vous orés recorder en l'istore; et ne le peurent onques parfaitement amer; et disoient que il estoit trop françois, et que il ne savoit estre en paix et en amour avoecques ses gens. F<sup>o</sup> 26.

P. 86, l. 23 : Paris. — *Ms. d'Amiens* : Quant li roys Phelippes entra premierement en Paris comme roys, il y fu très noblement et solempnelment receus et à grant joie. Et furent touttez lez rues par où il passa, tant qu'il vint au Pallais, couvertes et parées de draps d'or. Et estoit li rois de France adestré dou roy de Behaingne et dou roy de Navarre, et accompaigniés de tant de grans seigneurs que sans nombre. Che seroit unes tannissonz de recorder les festez et les honneurs et les grans solempnités c'on li fist, tant à Paris comme ailleurs, où il prist en ceste année le feaulté de ses bonnes villes et le hoummaige de tous ses hommes. Tout obeyrent à lui comme à roy, et ce fu raisons, car, par le election et acors des douse pères de Franche et des haulx barons de celui royaume, il en fu roys. F<sup>o</sup> 14.

*Ms. de Rome* : Qant li rois Phelippes de France eut remis le conte de Flandres en son pais et desconfi les Flamens, il s'en retourna à Aire et remercia les signeurs qui l'estoient venu servir, le conte de Hainnau son serourge et le seigneur de Biaumont son frère, le duch de Bar, le duch de Lorraine et les lontains, et donna à tout homme congiet de retourner en son lieu. Et ils meismes prist le cemin de France, et exploita tant par ses journées que il vint à Compiengne, et là se tint, car il volt ordonner une grande feste à estre à Paris à sa bien venue, car encores il n'i avoit point entré comme rois. Et qant il i entra, ce fu à très haute solempnité. Et fu adestrés dou roi de Boesme et dou roi de Navare, et cevauca tout premiers à l'eglise Nostre Dame de Paris. Et de là il retourna au Palais, et là tint son estat; et aussi fist la roine sa femme. Et i ot tant de noblèces, ce jour, que meruelles seroit à penser ne à recorder.

Chils rois Phelippes augmenta grandement l'estat roial de France, et ama à faire joustes et tournois et tous esbatemens. Et avoit un jone fil, le quel on appelloit Jehan, et le fist duch de

Normendie, et le maria à la fille dou bon roi de Boesme. Chil rois Phelippes, en son jone temps, avoit esté uns rustes, et pour-sievoit joustes et tournois; et encores amoit il moult les armes, quoi que son estat fust moult augmenté. Mais il croeit legierement fol conseil, et en son aïr il fu crueuls et hausters. Et aussi fu la roine sa fenme et perilleuse, la mère dou roi Jehan, qui fille fu au duch Oede de Bourgongne.

Chils rois fist en son temps tamainte hastieue justice dont il se fust bien deportés, se il vosist. Il fist pendre à Montfaucon messire Engherant de Maregni, un très vaillant et sage chevalier, et qui tamaint bon conseil li avait donné. Et tout ce fist faire la roine de France sa fenme. Quant elle avoit aquellié en haine un baron ou un chevalier, quels qu'il fust, se il estoit tenus ne trouvés, il en estoit ordonné, [et] il couvenoit qu'il fust mors. Trop male et perilleuse fu celle roine de France, la mère dou roi Jehan, et aussi elle morut de male mort. F° 26.

§ 43. P. 87, l. 11 : mère. — *Ms. d'Amiens* : monseigneur Henry de Lancastre au Tors Col. F° 14.

P. 87, l. 13 : Mortemer. — *Ms. de Rome* : Et tout se passoit par ces deus, liquel avoient esté si bien d'acort ensamble tous jours que nul different on n'i avoit point veu. Or avint que messires Jehans d'Eltem, frères mainnés dou roi, et que li rois amoit otant que soi meismes, ala morir assez soudainnement. De laquelle mort on fu moult esmervilliet et courouchiet. Et en parlèrent pluisseurs gens assés estragnement et murmurèrent sus le conte Ainmon de Qent, pour tant que li enfes estoit en sa garde. Et meismement li rois en fu trop grandement courouchiés sus son oncle.

Avint, assés tos apriès. que discorde et haine s'esmurent entre le conte de Qent et messire Rogier de Mortemer, et si grosses paroles que il desmentirent l'un l'autre. Et sentoit bien li dis messire Rogiers que li contes de Qent n'estoit pas bien en la grace dou roi, car se il i eüst esté, les paroles fuissent autrement tournées; et ne l'eüst osé courouchier li dis messire Rogier. Avocques tout ce, la roine, la mère dou roi, portoit trop grandement messire Rogier à l'encontre dou conte de Qent. Et se monteplièrent tellement ces haines entre ces deus signeurs que la conclusion en fu très male; car li rois fu enfourmés de messire Rogier de Mortemer et d'autrui que li contes de Qent

voloit enpuisonner le roi et faire morir, ensi que il avoit fait messire Jehan d'Eltem, et pour venir à la couronne d'Engleterre. Li rois crut ces paroles legierement, et en parla à madame sa mère. La roine Issabel, qui mieuls amoit messire Rogier que le conte de Qent, ne l'escusa aultrement que elle dist : « Ce poroit bien estre, biaux fils, on ne scet en qui avoir fiance aujourd'ui. On li donne en ce pais povre renommée de vostre frère ; et se vous estiés mors, il seroit rois d'Engleterre : c'est li plus prochains. »

Ces paroles entrèrent tellement ou coer le roi d'Engleterre qui estoit jones, que onques depuis elles ne li porent issir, et fist prendre son oncle et mener en la Tour à Londres, et de là au palais de Wesmoustier. Li contes de Qent, qui avoit esté tenus tous jours à preudomme et sage et vaillant homme, ot cel incovenient si grant contre li que morir le couvint. Et fu decolés ens ès gardins de Wesmoustier, là où li rois Edouars, ses frères, en avoit fait decoler des plus grans barons d'Engleterre jusques à vint deux. Et ce greva et apesa trop grandement le conte Ainmon de Qent en la grace et renommée des Londriens, que il avoit sa cousine la soer au roi d'Engleterre donné et acordé en mariage au roi David d'Escoce, sans ce que li pais en seüst riens ; et n'en fu point tant plains que il eüst esté et aidés, se il n'eüst fait ce marcié. De ce conte de Qent mort et decolé, demora une jone fille. Pour lors, elle pooit avoir sept ans. Se le prist la jone roine Philippe dalés lui, qui en ot pitié et eüst volentiers aidé à son père que il ne fust point mors ; mais qant chil qui le haihoient veirent que elle s'en voloit ensonniier, il le hastèrent, et le couvint morir, ensi que vous avés oy. Celle jone damoiselle de Qent estoit cousine germainne dou roi Edouart d'Engleterre ; et fu en son temps la plus belle dame de tout le roiaulme d'Engleterre, et la plus amoureuse ; mais toute sa generation vint à povre conclusion par les fortunes de ce monde qui sont moult diversez, ensi que vous orés recorder avant en l'istore.

De la mort et decolacion le conte Ainmon de Qent fu li roiaulmes d'Engleterre moult afoiblis, et li rois en pluisseurs lieux grandement blamés, qant il avoit fait morir son oncle, et tout chil qui ce conseil li avoient donnet et par especial messires Rogiers de Mortemer. F<sup>o</sup> 26 v<sup>o</sup>.

P. 87, l. 19 : enpuisonner. — *Mss.* A 4 à 10, 15 à 19 : emprisonner. F<sup>o</sup> 23.



P. 88, l. 15 : enfourmés. — *Ms. de Rome* : et li fu dit pour sen honneur, il couvenoit que il i pourveist. F° 26 v°.

P. 88, l. 24 : à Londres. — *Ms. d'Amiens* : à Wesmoustier, son palais. F° 14 v°. — *Ms. de Valenciennes* : en son palais, à Westmenster, hors de Londres. F° 30.

P. 88, l. 23 : nobles. — *Ms. d'Amiens* : et dez preias. F° 14 v°.

P. 88, l. 27 : fais. — *Ms. d'Amiens* : Et compta li roys meysmes par devant tous chiaux qui là estoient mandet et assamblet, les fès et les oeuvrez le seigneur de Mortemer, ensi que infourmés en estoit et que trouvet l'avoit souffissamment, si ques grant partie en approit. F° 14 v°.

P. 89, l. 1 : à faire. — *Ms. de Rome* : Adonc entrèrent tout chil signeur en une aultre cambre et parlèrent ensamble. F° 27.

P. 89, l. 3 et 4 : infourmés. — *Ms. d'Amiens* : et ainchois lonch terme que li roys en seuwist riens. F° 14 v°.

P. 89, l. 6 : justiciés. — *Ms. de Rome* : car il estoit fauls, mauvais et traites contre son signeur. F° 27.

P. 89, l. 8 : bahut. — *Ms. de Rome* : et puis amenés en la grande rue de Cep. F° 27.

P. 89, l. 13 : coraille. — *Ms. d'Amiens* : Et apriès on li coppa le teste, et puis fu pendus par lez costés. F° 14 v°. — *Ms. de Rome* : et puis fu mis jus de l'escelle, et estendus sus un estal de bouchier, et copés la teste et esquartelés. F° 27.

P. 89, l. 15 : tieste. — *Ms. de Rome* : et la teste de lui fu misse sus une glave au pont de Londres. F° 27.

P. 89, l. 20 : castiel. — *Ms. B 6* : sur les marches de Galles, moult belle place. F° 58.

P. 89, l. 25 : revenues. — *Ms. de Rome* : et rentes et revenues et bien païies de terme en terme. F° 27.

P. 89, l. 28 : raison. — *Ms. d'Amiens* : Et ordonna li rois que nullement elle ne vuidast point dou castiel plus avant que à le barrière, mais là dedens presist ses esbatemens en vergier et en gardins qui mout bel y estoient, et par lez edefficez dou castiel dont il y avoit grant fuison. F° 14 v°. — *Ms. de Rome* : Li rois d'Engleterre, par le conseil qu'il ot, fist ma dame sa mère envoïer en un castiel et là tenir sans point issir de la pourprise. F° 27.

P. 89, l. 32 : bellement. — *Ms. de Rome* : Depuis vesqui la roine Issabiel là en cel estat, bien trente quatre ans. F° 27.

§ 44. P. 90, l. 20 : feaulté. — *Ms. B 6* : de la duché d'Aquitaine et de la conté de Pontieu et de la conté de Monstreul. F° 58. — *Ms. de Rome* : tant de la ducée de Guienne comme de la conté de Pontieu. F° 27.

P. 92, l. 24 : grandement. — *Ms. d'Amiens* : et les list sejourner par l'espace de quinze jours. F° 14 v°.

P. 93, l. 23 : cité. — *Ms. A 2* : en la bonne chité d'Arras ou d'Amiens. F° 23 v°. — *Ms. de Rome* : et que là tenroit li rois son estat, et i seroient à ce jour li douse per de France ou chil qui i poroient estre. F° 27.

P. 94, l. 3 : mi aoust. — *Cette date fausse ne se trouve pas dans les mss. A 11 à 14. F° 23 v°.*

§ 45. P. 94, l. 7 : estat. — *Ms. de Rome* : et envويا ses lettres en Hainnau deviers le signeur de Biaumont, et li manda que il fust à Amiens en ce jour, car il i seroit. Messires Jehans de Hainnau ne l'eüst jamais laissiet que il n'i fust venus. F° 27.

P. 94, l. 18 : quarante. — *Mss. A 11 à 14* : quarante quatre. F° 23 v°. — *Mss. A 20 à 22* : cinquante. F° 43. — *Ms. B 6* : à cinquante chevaliers. F° 59.

P. 94, l. 23 : monta. — *Mss. A 11 à 14* : à cheval. F° 24.

P. 95, l. 5 : d'Amiens. — *Ms. de Rome* : Che prope jour que le roi vint, entra en la chité d'Amiens messires Jehans de Hainnau, de quoi li rois et tout li Englois furent moult resjoï. F° 27.

P. 95, l. 17 : quinze. — *Mss. A 23 à 29* : seize. F° 34 v°. — *Mss. A 11 à 14* : dix huit. F° 24. — *Ms. de Rome* : environ huit. F° 27.

P. 96, l. 1 : vorroit. — *Ms. de Rome* : La nature des Englès est telle que tous jours il se crientment à estre decheu et repliquent tant apriès une cose que mervelles; et ce que il aueront en couvenant un jour, il le delieront l'autre. Et à tout ce les encline à faire ce que il n'entendent point bien tous les termes dou langage de France; ne on ne lor scet comment bouter en la teste, se ce n'est tout dis à lor pourfit. Et encorez en avint adonc ensi. Dont li signeur et li per de France, qui là estoient venu et asamblé pour celle matère, en furent trop fort esmervilliet; et en parlèrent especiaument à mesire Jehan de Hainnau, et li remoustrèrent tous les poins et les articles dou dit hommage comment il se devoit faire.

Messires Jehans de Hainnau, qui estoit ensi que moiiens entre ces parties, remoustra ce au conseil le roi d'Engleterre, et les paroles des François, et quel cose il disoient, comment il deussent estre là venu aultrement pourveu que il n'estoient. Il respondirent à ce et s'excusèrent que il apertient et couvient que as parlemens qui sont à la Saint Michiel à Wesmoustier, où tous li consauls generauls d'Engleterre est, soient remoustrées tels choses, car bonnement il ne le poroit faire sans le sceu de tout le pais; et se li rois fait l'avoit, il en seroit blâmés, et aussi seroient tout chil qui conselliet li aueroient; et n'en vodroient riens tenir en Engleterre, et diroient que il aueroient esté deceu: si ques, sus cel estat, messires Jehans de Hainnau en fist response à ceuls qui cargiet l'en avoient. Et quant il veirent que souffrir leur convenoit, il le portèrent et passèrent courtoisement, et li rois de France trop plus doucement encores que son conseil, car il avoit en imagination que d'enprendre la crois et aler au Saint Sepulchre et delivrer des mescreans; ouquel voiage il en menroit avoecques lui, ce disoit, son cousin le jone roi d'Engleterre; si le voloit tenir en amour et faire pour li tout che que il poroit. F<sup>o</sup> 27 v<sup>o</sup>.

P. 96, l. 23 : s'apertient. — *Mss. A.* 1 à 6, 18 à 33 : s'acomparage. F<sup>o</sup> 23. — *Mss. A* 11 à 14 : ne fait à comparer. F<sup>o</sup> 24 v<sup>o</sup>.

§ 46. P. 96, l. 31 : à Londres. — *Ms. de Rome* : au palais de Wesmoustier. F<sup>o</sup> 27 v<sup>o</sup>.

§ 48. P. 100, l. 9 : Li homs. — *Ms. d'Amiens* : Vous avés bien oy chy devant dire et recorder le trespas dou roy Charlon de Franche, et coumment li père et li hault baron del royaume de Franche eslisirent et couronnèrent à roy Phelippe, fil jadis au comte de Vallois. Et sachiés que à celle election faire messires Robiers d'Artois, ses serourges, qui adonc estoit li ungs des plus grans et mieux oy en parlement del royaume de Franche, y mist et rendi grant painne. F<sup>o</sup> 19.

P. 100, l. 20 : lui. — *Ms. de Valenciennes* : entre le contesse d'Artois et le duc de Bourgogne. F<sup>o</sup> 38.

P. 100, l. 21 : d'Artois. — *Ms. d'Amiens* : laquelle comté messires Robiers callengoit et demandoit contre le duc de Bourgogne. F<sup>o</sup> 19 — *Ms. de Rome* : laquelle comté messires Robiers d'Artois proposoit et calengoit comme sienne, car il en

venoit d'estration, mais la male roïne de France, femme au roi Phelippe, aidoit trop fort son averse partie et tant que elle li moustra et prouva merveilleusement à fause une lettre, laquelle li dis messires Robers d'Artois mist avant, et s'en voloit aidier. Et fu celle lettre condampnée en parlement à Paris, et une damoiselle d'Artois arse, que on clamoit la damoiselle Divion, et messires Roberz d'Artois jugiés à morir honteusement, se on l'eüst tenu; ne onques li rois Phelippes ne le volt sousporter, tant fu il dur enfourmés contre li, et tout par la roïne de France. F<sup>o</sup> 28 v<sup>o</sup>.

P. 100, l. 26 : remède. — *Ms. B 6* : Et à che avoit la roïne de France grant coupe, car le plait estoit contre le duc Oede de Bourgoigne, son frère. Sy y bouta sy fort que le roy le fist banir publicquement. F<sup>o</sup> 60.

P. 100, l. 29 : France. — *Ms. d'Amiens* : Il wuida le royaume au plus tost qu'il peult, et s'en vint en Haynnau deviers le comte Guillaume, qui adonc regnoit et se tenoit en l'ostel de Hollandes, à Vallenchiennes, maladiëus et travilliés par heures de gouttes. Et recorda au comte sen avenue, et coumment li rois de France l'avoit aqueilliet en grant hayne. Si l'en demanda à avoir conseil. Li comtes de Haynnau, qui ses serourges estoit, car il avoient deux serours espousées, fu durement esmerveilliez de ces nouvelles, et li dist que vollentiers pour l'amour de lui il envoieiroit deviers le roy de Franche, et li aideroit à faire sa pais. Si em pria monseigneur Jehan de Haynnau, son frère, et l'evesque de Cambrai, qui estoit pour le temps, que il y volsissent aller. Cil li acordèrent vollentiers et vinrent en Franche deviers le roy, pourveu et avisé de lettres de par le comte de Haynnau, et de biel langage pour excuser le dit monseigneur Robert, en lui priant que il lui vosist pardonner son mautalent et li rendre ses enfans et sa terre. Mès li roys n'y volt onques de riens entendre, ains manda au comte de Haynnau, par monseigneur Jehan de Haynnau son frère que, se il soustenoit ne tenoit ne confortoit en riens le dit messire Robert, il n'aroit pieur ennemit, ne plus grant de lui.

De quoy li comtez de Haynnau fu moult corouchiés, quant il oy ces nouvelles et si fors mandemens dou roy. Et s'en conseilla as pluseurs grans barons de son pays qu'il en estoit bon à faire, car il amoit durement le dit monseigneur Robert; et bien disoit que, se il fuist hetiés et que il pewist chevauchier, il li cuideroit bien faire se pès, avec l'ayde dou duc de Braibant. Dont dissent

li baron de Haynnau que il n'avoit que faire d'entrer en haynne, ne mettre son pays en guerre contre le roy de Franche pour messire Robert d'Artois; mès, se il le volloit aidier et conforter de mise secretement, faire le pooit, et le laissast pourcacher et querre amis là où bon li sambloit, car il avoit bien des plus prochains qu'il ne li fust. Li comtes crut son conseil et fist delivrer à messire Robert secretement six mille viés escus pour paier ses frès; et li donna draps, chevaux et jeuiaux au departir, et le recoummanda à Dieu. Et s'en vint adonc le dit messires Robiers d'Artois à Namur veoir sa soer la comtesse de Namur et le jouène comte Jehan de Namur, son nepveult et les autrez, Guillaume, Robert et Loeis, qui estoient adonc mout jone damoizel. Sa serour le rechupt à joie, et li fist feste ce qu'elle peult; che ne fu nient longement, car li roys de Franche y mist remède.

Quant li roys Phelippes oy dire que messires Robiers d'Artois se tenoit à Namur dalés le jouène comte son nepveult, si en fu courouchiéz et manda et coummanda outreement et très especialement au comte que, se il ne li faisoit wuidier sa terre, il le courouceroit hasteement, et li torroit tout ce que il tenoit de lui en Franche, et li feroit ardoir et courir son pays de ses voisins meysmes. Quant li jouènes comtez de Namur et ses consaux ofrent che, si ne vorent pas courouchier le roy, et obeirent à ses mandemens. Lors se parti messires Robers et s'en vint en Braibant deviers le duc Jehan son cousin, qui lors se tenoit à le Leuwre et qui le rechupt à joie, à qui messires Robiers d'Artois dist toute sen aventure et coumment li roys le decachoit et faisoit decachier de pays en pays, et ne savoit mès où aller, s'il li falloit. Dont li dist li ducs de Braibant : « Biaux cousins, ne vous esbahissiez de riens, car j'ai terre et mise assez pour vous conforter, ne je ne sui de riens tenu de obeir au roy de Franche. Si vous tenés dallés moy, et je regarderay et penseray à vos besoingnes. » F° 19 v°.

*Ms. de Rome :* Et couvint le dit messire Robert soudainement laisser fenme et enfans, des quels li rois de France estoit oncles, et partir dou roialme et venir en l'Empire. Et se tint à Namur un petit de temps, car la comtesse estoit sa serour. Et de là il vint en Braibant, et le quida li dus de Braibant apaisier au roi de France, mais il ne peut.

Adonc vint il en Hainnan, car li contes et li avoient deus serours [espousées]. Li contes se mist en painne de remettre à paix messires Robers d'Artois au roi de France, et i envia sa feme,

qui serour estoit dou roi Phelippe, et messire Jehan de Hainnau, son frère; mais il retournèrent sans riens faire.....

Quant messires Robiers d'Artois se vei ensi aquelliés dou roi Phelippe et de la roine, et que à la prière dou duch de Braibant, dou conte de Hainnau et dou conte de Blois, il ne pooit venir à paix, et estoient sa fenme et si enfant enprisonné, il li deubt tenir et tourner à grant desplaisance, car encores n'avoit il de quoi vivre, se li signeur ne li aidoient. Si s'avisa, puis que ensi estoit, il honniroit tout, et meteroit tel tourble et descort en France que les traces i demorroient deus cens ans à venir. Il prist congiet au conte de Hainnau et à la contesse. Ce fu li darrains hostels adonc, dont il se parti. Li contes, qui fut moult amis et honnourables, et qui avoit grant pitié de li, et aussi avoient tout signeur et toutes dames de bien, li fist delivrer et baillier or et argent pour paier ses menus frès, car il s'en voloit aler en Engleterre; mais il s'avisa que il iroit prendre congiet aussi au duch de Braibant, qui moult l'amoit, et li contes de Hainnau li consella.

Si se departi de Valenchiennes et vint à Mons, et puis à Halle et à Brouselles, et là trouva le duch de Braibant. Se li remoustra, quoi que li dus en seust assés, toutes ses tribulations. Li dus en ot pitié et li dist : « Biaux cousins, on vous fait tort, et li rois de France est mal consiliés. Bien veons et entendons qu'il est aournés et parés de mauvais conseil : se l'en pora bien mesceir. Nous avons terre et pais assés pour vous tenir à l'encontre de tous vos nuisans. » De ces proumesses se resjoï messires Robers d'Artois et se tint dalés le duch de Braibant, son cousin, pour tant que il en pensoit mieuls à valoir, et que li dis dus, qui rices et poissans estoit, le deuist mettre à coron de tous ses incoveniens, mais non fist; car la poissance dou roi de France est trop grande et avoit en trop grande haine encargié le dit messire Robert d'Artois, ensi que il fu apparans. F<sup>o</sup> 28 v<sup>o</sup> et 29.

P. 101, l. 27 : soustenroit. — *Ms.* B 6 : Sy le soustint le plus longement le ducq Jehan de Brabant, qui ly presta son chastel d'Argentuelle. Mais le roy Phelippes fist deffier le duc de Brabant pour celle cause, et envoya douze prinches qui ardirent le pais. Et y furent les Lygois adonc jusques à [Hanut<sup>1</sup>]. F<sup>o</sup> 61.

1. *Ms.* B 6 : huit. *Mauvaise leçon.*

P. 102, l. 2 : poroit. — *Ms. d'Amiens* : Li dus de Braibant ne fist comte de ces manaces et remanda au roy, par ses messagiers meysmez, que messires Robiers d'Artois estoit ses cousins bien prochainz et ung des plus nobles de sancq du monde. Si le devoit aidier et conforter par linage. Et encoires li mandoit il que il ne creoit mies que messires Robiers d'Artois eust cause nulle à ce dont il l'amettoit, et que il faisoit mal et pechiet, quant ainssi pour amise il le deshonneroit et tolloit son hiretaige. F° 19 v°.

P. 102, l. 9 : tant — *Ms. de Rome* : par son or et par son argent dez grans amis en Alemagne. F° 29.

P. 102, l. 11 : Liège. — *Ms. d'Amiens* : messire Awous de le Marce, qui estoit evesque pour le tamps. F° 19 v°.

P. 102, l. 12 : Coulongue. — *Les mss. de Valenciennes et de Rome ajoutent* : l'arcevesque de Trièves. F° 40. — *Le ms. d'Amiens ajoute* : le arcevesque de Maience. F° 19 v°.

P. 102, l. 12 : li dus. — *Ms. de Rome* : le conte de Gerlles. F° 29.

P. 102, l. 13 : Jullers. — *Le ms. d'Amiens ajoute* : le comte de le Marche, le comte des Mons, messire Ernoul de Bakehen. F° 19 v°. — *Ms. de Valenciennes* : conte de Jullers. F° 40.

P. 104, l. 15 : tout. — *Ms. de Rome* : sus un jour et à une fois. F° 29.

P. 102, l. 16 : roy. — *Ms. d'Amiens* : et leur donna grant or et grant argent, affin que il vosissent deffier le duc de Braibant et le guerrier; et il s'i asentirent parmy les grans dons qu'il en eurent. Encoires y vot mettre et bouter li roys le jouène comte de Namur, mais il s'en excusa bellement et dist qu'il serviroit le roy de France en toutes autrez manières, fors en ceste. F° 19 v°.

P. 102, l. 18 : Hanut. — *Ms. de Rome* : et demorèrent deus jours. F° 29.

§ 49. P. 103, l. 16 : Vous avés. — *Ms. de Rome* : Vous sçaves, si com il est contenu ichi desus en nostre histore, comment les trieuwes furent prisses et données entre Engleterre et Escoce, et aussi comment li mariages fu fais dou jone roi David d'Escoce à la serour le roi d'Engleterre. De quoi li Escocois enquidièrent trop grandement mieuls valoir, mais li Englès ne l'entendoient pas ensi, eulz qui ne pueent amer les Escos, ne

ne fissent onques, ne jà ne feront. Quant les triewes furent fallies entre euls et les Escos, qui avoient duret trois ans, il ne vodrent point sousfrir par nulle voie que les triewes fuis-sent reprisses, car il voloient avoir la guerre, car li sejourners lor desplaisoit trop grandement, Engles sont de celle nature : il ne sèvent, ne pueent, ne voellent longement sejourner sans euls ensonniiier en gerre; et demandent les armes, n'ont cure à quel tite, et trop grandement s'i dilitent et abilitent. Encores estoient les Escocois assés au desus de lors besongnes et tenoient la chité de Bervic, que li rois Robers de Brus, quant il leva le siège de Struvelin, avoit conquis sus le roi Edouwart, père au jone roi Edouwart, dont il desplaisoit grandement as Engles. Et pour ce avoient li aucun parlé vilainnement en Engleterre sus le conte de Qent, quant il acorda si tos sa cousine, Isabiel d'Engleterre, par mariage, au roi d'Escoce, lor adversaire.

Quant les triewes furent fallies d'Engleterre et d'Escoce, li Escocois, qui quidièrent trouver aucune amour et aliance deviers le roi d'Engleterre et son conseil, pour la cause de ce que lors sirez avoit à fenme la serour le roi d'Engleterre, envoièrent ambassadeurs d'Escoce, tels que l'evesque de Saint Andrieu, l'evesque d'Abredane, messire Robert de Versi, messire Arce-baut Douglas, messire Simon Fresel et messire Alixandre de Ramesai, deviers le roi d'Engleterre et son conseil. Et vinrent chil prelat et chil chevalier d'Escoce, sus bonnes asegurances, en la chité de Londres. Pour lors, li rois d'Engleterre et la roine Phelippe tenoient leur hostel, une fois à Eltem, et l'autre fois à Windesore. Pour ces jours que li Escocois vinrent, estoient li rois et la roine à Eltem; si se traissent deviers euls tout pre-mierement, ensi que pour mieuls valloir. Car au voir dire, il avoient plus chier à entendre à unes longues triewes ou avoir paix que la guerre; car lor poissance en Escoce estoit trop afoiblie, tant dou roi Robert qui mors estoit, que de mesire Guillaume Douglas et dou conte de Moret.

Li rois d'Engleterre et la roine et li chevalier d'ostel requel-lièrent assez courtoisement ces signeurs d'Escoce, pour la cause de ce que li rois Davis, lors sires, avoit à fenme leur serour; et remoustrèrent au roi moult doucement ce pourquoi il estoient là venu et envoiet de par tout le pais. Li rois respondi à ce et dist que il fuissent li bien venu, et que volentiers il meteroit son conseil ensamble et là seroit; et toute l'adrèce que il poroit



faire, fust de trieues ou de paix, salve l'onnoir de li et de son roiaulme, il i meteroit. Ceste response souffi assés as Escocois, et retournèrent en la chité de Londres. F° 29.

P. 104, l. 14 : barons. — *Ms. d'Amiens* : Lors assambla tout son conseil, les nobles et les grans barons d'Escoce et ossi les prelas. F° 14 v°. — *Ms. de Valenciennes* : Lors assambla tout son conseil, prelas, barons et citoiens. F° 30 v°.

P. 108, l. 12 : conseil. — *Ms. d'Amiens* : qui desiroient à avoir le guerre as Escos, et contrevengier le mort de lor proisemes, qui furent ochis devant Struvelin et en le cache qui fu assés dammagable et honteuse pour les Englès. F° 15.

P. 108, l. 20 et 21 : decaciés. — *Mss. A* 1 à 6, 18 à 22 : de Braibant. F° 27.

P. 108, l. 28 : l'Empire. — *Ms. d'Amiens* : Enssi ne se peut messires Robiers d'Artois tenir ne en France ne en l'Empire. Si eult avis et conseil qu'il s'en yroit en Engleterre veoir le jouène roy Edouwart, et li metteroit avant tel cose dont gaires ne se donnoit garde, qui coustèrent au royaume de Franche. Si prist congiet au duc de Braibant qui li fist au partir delivrer six mille viés escus pour paiier ses frès, et se parti couvertement de Braibant et vint en Anwerz. Là entra il en ung gros vaissiel et toute se mesnie, et fist tant et naga par mer qu'il ariva à Zanduch<sup>1</sup> en Engleterre, en ce tamps que li rois englès estoit en Escoce, ensi que vous avés oy chy devant.

Quant messires Robiers d'Artois oy ces nouvelles que li roys d'Engleterre estoit en Escoce, qui gherioit là les Escos, si n'en fu mie plus liés. Nonpourquant il prist ghides pour lui mener celle part, et se parti de Zandvich o toute se route, et prist l'adrèce pour venir vers Stanfort et vers Lincelle et tout le droit chemin d'Escoce; et passa ces villes que je vous nomme et pluiseurs autrez, et vint à Dancastre et de là à Yorch<sup>2</sup> c'on dist Ebruich, où la roynne Phelippe d'Engleterre sa cousine et sa nièche estoit toute enchainée du biau fil, qui depuis fu noummés Edouwars et princhez de Galles<sup>3</sup>. Quant la roynne seut la venue de monseigneur Robert d'Artois son oncle, si en eult grant joie, et le requëilli et festia grandement, ensi que bien le seut faire.

1. *Ms. de Valenciennes* : Ewrewich. F° 40.

2. *Ibid.* : Bervich. F° 40 v°.

3. *Ibid.* : qui fu moult vaillans, dont tant avez oy parler.

et le retint dalléz lui environ six jours. En ce termine, vinrent certaines nouvelléz à le roynne que li roys sez maris avoit pris le castel de Haindebourch, et s'estoient chil dedens rendu au roy, sauve leurz viez, par les enghiens qui nuit et jour jettoient à le forttrèche. Eusi eult la roynne double joie.

Lors se parti messires Robiers d'Artois, et dist que il volloit aller deviers Escoce, et veoir le roy comment il s'i maintenoit. Dont fist la roynne appareillier grans gens d'armes et bien trois cens archiers, dont messires Henris de Biaumont fu chiéz, pour aconduire le plus sauvement jusques au roy monseigneur Robiert son biel oncle, liqués chemina et exploita tant avoecc se route qu'il vint à Bervich en Escocche qui se tenoit de par le roy d'Engleterre. Et rechurent chil qui dedens estoient, par le congnaissance qu'il eurent de monseigneur Henry, le dit monseigneur Robert et toutes ses gens à grant joie, et se rafreschèrent en Bervich trois jours. Là eurent il nouvelles que li roys estoit partis de Haindebourch, et avoit mis grant garnison ou castel, et en estoit allés devant Struvelin et l'avoit asegié. Lors se parti li dis messires Robiers d'Artois de Bervich, et chevaucha à esplot celle part,

Tant exploita messires Robiers que il approcha l'ost le roy. Et quant il fu ensi que environ trois lieuwes englesces priés, messires Henris de Biaumont qui le conduisoit, chevaucha devant, et vint deviers le roy, et li dist les nouvelles de monseigneur Robiert qui venoit. Liquelex roys fu moult liés, et fist monter aucuns de ses barons et venir contre lui; et l'amènèrent tout parlant et devisant en l'ost et en le tente dou roy, qui vint contre li bien avant et le festia grandement et li demanda : « Biaux cousins et oncles, quelz besoingnes vous amainnent maintenant en ce pays ? » — « El non Dieu, sire, dist messires Robiers, vous le saréz, car c'est raisons. » Adonc li compta il toute sa fortune et sen aventure, et coumment li roys Phelippes, à qui il avoit fait tant de biens, li avoit tollut sa terre et emprisonnet ses deus fieux, Jehan et Carle, et bani publicquement du royaume de Franche. Plus avant il ne le laioit en nulle place delà le mer demourer; ne il n'estoit comtes de Haynnau, ne duc de Brabant, ne comtes de Namur, ne autrez sirez qui, pour le doubte dou roy de France, le pewist ne osast conforter, ne tenir dalés li.

De ces parolles et de plusieurs autres que messires Robiers li

recorda, fu li rois moult esmervilliéz. Si recomforta le dit monseigneur Robiert et li dist : « Biaux oncles, nous avons assés pour nous et pour vous. Ne vous sousiés ne esbahissiés de riens, car se li royaume de France vous est petis, li royaumes d'Engleterre vous sera grans assés. » — « Monsigneur, che dist messires Robiers, toute men esperance gist en Dieu et en vous, et me confesse chi que, à tort et à pechiet, je consenti jadis vostre deshirement. Et<sup>1</sup> fis en partie celui roy dou noble royaume de Franche, qui nul gret ne m'en set, et qui pas n'y a si grant droit comme vous advés. Car, par droit, et par proismetet de le sucession monseigneur Carlon, roy de Franche, vostre oncle, vous deveriés tenir l'iretaige et en estes sans cause eslongiés; car cils qui l'est estoit plus lointains de vous ung point : il n'estoit que cousins germains, et vous nepveux. » De ces parolles fu li rois tous penssieux, et toutesfois il les oy volentiers; mès, tant qu'adonc, il n'en fist mies trop grant compte, car<sup>2</sup> bien savoit qu'il y retouroit quant il vouroit. Si fist le dit messire Robert pourveyr de logeis et de toute ordonnance qu'il li appartenoit. F<sup>o</sup> 20.

P. 105, l. 27 : Ricemont. — *Ms. de Rome* : De rechief, pour tant que tous li consauls d'Engleterre estoient là asablés, li clers meismes, liquels avoit parlé et remoustré les besongnes qui touçoient au roi et au roiaulme par le commandement et ordenance dou roi, parla là pour le asignation de mesire Robert d'Artois avoir, qui estoit li uns des plus gentils homs de ce monde. Et remoustra li dis clers tout au lonc comment Phelippes de Valois l'avoit de fait et de poissance banit et escachiet hors dou roiaulme de France. Se avoit il sa serour espousée, laquelle il tenoit en prison et ses enfans. Or voloit li rois d'Engleterre, qui l'avoit retenu et de son conseil, puisque on li avoit osté et pris le sien en France, que en Engleterre il eüst terre et revenue, pour lui deduire et tenir son estat.

A ceste requeste et ordenance descendirent et s'enclinèrent tout li signeur legierement. Regardé fu que il i avoit une conté en Engleterre qui estoit en la main dou roi; et pooit par an valloir la revenue trois mille mars, et la conté est nommée Bete-

1. *Ms. de Valenciennes* : et fis pour celui roy plus que nulx. F<sup>o</sup> 41.

2. *Ibid.* : car à ce convenoit grant conseil et advis de le laisser pour l'eure ensy.

forde. Si fu dit et acordé que il seroit contes de Beteforde, et en leveroit tous les pourfis. Messires Robers d'Artois remercia le roi de ce don et tous les signeurs, et devint là homs au roi d'Engleterre de la conté de Beteforde. P<sup>o</sup> 34 v<sup>o</sup>.

§ 50. P. 106, l. 8 : messages. — *Ms. d'Amiens* : Quant li roys d'Engleterre eut oy les hommes de bien qu'il avoit envoïet en Escocche devers le roy son serourge, et les responsses tellez que li rois li avoit fait, se li samblèrent d'un lés assés durez contre l'onneur de lui et de son royaume, et ossi assés raisonnables tant qu'à fraternité, car voirement estoit il tennus à souffrir de lui, pour le cause de sa sereur que il avoit espousée; et assés legierement s'en fust souffers, sauve l'onneur de lui et de son pays. Mais chil qui dallés lui estoient, et par qui conseil en partie il ouvroit de ceste besoiigne, ne li laièrent guairez longement endormir; ains li disent pour lui esmouvoir et escauffer : « Sire, vous avés juret solemnelment, par dignité de roy, à tenir, maintenir, soustenir, defendre et garder et acroistre lez drois de vostre royaume. Dont, se vous laissiéz celle bonne chité de Bervich et ce bel castel de Roseburch, qui sont sus marce et clefs de vostre pays à l'encontre del royaume d'Escoche, ens ès mains des Eschos, vous ne vos acquittés mies bien contre vo sierment, et en afoiblissiéz vostre honneur et vostre hiretaige; et mains en seréz doubtez et honneréz, qui estes jouène et en vo venir. Et poront dire tout chil qui parler en oront, que faute de hardement et faintize de coer, che qui n'est pas bien seans en jouène seigneur, le vous vont faire. Encorres plus avant tous les jours, li Escchois poevent, par l'entrée de Bervich et par le castel de Roseburch, entrer et courir en vostre royaume bien avant, ce que pas ne feroient se chil hiretaige, qui jadis fuirent à vos predicesseurs, estoient racquis à vous, ensi que de legier le pourés faire se vous vollés, car li forche des Escos est moult amenrie et afoiblie puis trois ans en enchà. Si sont il grant et orgueilleux, et qui petit amirent ne prisent vostre pays. Encorez tous les jours sus marche, ensi que nous sommes enfourmet souffissamment par nos voisins qui les marchissent, chiaux dou Noef Castiel sur Tin, de Branspes, de Persi, de Urcol et des autres castiaus voisins, li Escchois les manachent<sup>1</sup> et dient qu'il chevaucheront encorres

1. *Ms. de Valenciennes* : Car encore est le orgeul des Escos ai grans

plus avant en vostre pays que li roys Robiers ne fist oncques, mais que li rois David leur sires ait ung peu plus d'eage; et que pour ce que vous volliés nourir pès à yaux et tenir vostre terre sans guerre, acordastez vous le mariaige de medamme vo soer à yaux. Dont telx choses et plus assés que toutes ne poons mies recorder, mès tous les jours en oons nouvelles par les marchissans, ne font mies à souffrir ne à consentir. Si aliés sour ce bon advis et hastieu conseil, nous vous en prions. »

Quant fu li rois Edouwars d'Engleterre conseillés et enfourmés contre les Escos que il fist crier une moult belle feste à Londrez, et furent de trente chevaliers de dedens et ossi de trente escuyers, et manda que tous nobles et prelas fuissent à Londres ou environ à le Purification Nostre Damme qui fu l'an mil trois cens trente et un, tout y furent ensi que ordounnet estoit. Et fu la feste mout noble, bien festiée et bien joustée; et à celle feste fu messires Jehans<sup>1</sup> de Haynnau, lui douzime de chevaliers. Et eut adonc, de chyaux de dehors, le pris des joustes li sires de Faignoellez, qui estoit de le compagnie monseigneur de Biaumont; et des escuyers de dehors, Francque de Halle qui encoires n'estoit mies chevaliers, mès il le fu celle année ens ès armées d'Escoce, en le compagnie dou roy. Tout les huit jours, on josta et festia grandement à Londrez; et grant fuison de seigneurz, de dammes et de dammoiselles il y eut. Au chief des huit jours, sus le departement de le feste, li roys assumbla tout son conseil, prelas, comtes, barons, chevaliers et bourgeois sagez et honnestes des bonnes villez. Et là leur fist li roys remoustrer par ce vaillant prelat le evesque de Lincolle, coumment il avoit fait requerre au roy d'Escoce son serourge que il volsist oster se main de le chité de Bervich et dou castel de Rosebouch que il detenoit à tort, et qu'il volsist faire hommaige à lui de son royaume d'Escoce, ensi qu'il devoit, et ossi coumment li roys d'Escoce avoit respondu à ses mesages. Si pria à tous li rois, par le bouche dou dessus dit evesque, que chacuns le volsist sur chou si consiller que se honneur y fuist gardée.

Adonc tout li baron, li chevalier, li consaulx des chités et

qu'ilz ne leur souffist point à ce qu'ilz tiennent de vostre heritage, mais menacent. F<sup>o</sup> 31 v<sup>o</sup>.

1. *Ms. de Valenciennes* : et par especial y fu messire Jehan de Haynnau, lui douzième de chevaliers, et eut le prix de ceulx de dehors. Et estoit avec le dit messire Jehan le seigneur de Faigneulles. F<sup>o</sup> 32.

dez bonnes vilez et tous li communs pays se consseillèrent sur chou, et raportèrent leur conseil tout d'un acord. Liquelx consseils et rappors fu telx que il leur sambloit que li roys ne pooit plus porter par honneur les tors que li rois d'Escoche li faisoit : « car il est bien sceu et est tout cler que anchienement li roys d'Escoche faisoit hounmage au roy d'Engleterre, car jà n'ont il en leur pays nulle provinse, mès sont enexé et conclavé en le provinse de Evruich, qui est archevesquie et dou royaume d'Engleterre. Encoires avant il prennent le fourme de leur monnoie sus les commenez et ordonnances d'Engleterre, et ont touttez telx loix et telx coustumes que li Englèz ont, et ung meysme langage. Dont il appert que li royaumes d'Escoche se depent et descent dou royaume d'Engleterre. Et troevent bien li Englèz que ychil doy pays furent jadis tout à ung seigneur roy d'Engleterre, liquelx rois eut deus filz. Si departi ens ou lit de le mort, presens tous les noblez des deus pays qui à ce devoient y estre appellés, les deus royaumes; et donna l'ainet Engleterre et au maisnet Escoce, parmy tant qu'il le devoit tenir en sief et hounmaige de son frère le roy d'Engleterre. Or ont li Escot, qui sont dur à entendre, tenu depuis une aultre opiūon, liquele ne fet mie à souffrir. Si conseillonz et voullons, chiers sirez, que ces coses soient encorrez remoustrées au roy d'Escoche et à son consseil, et y metons cel loisir et grace pour l'onneur et amour de medamme vostre sereur qu'il a espousée; et s'il ne vient à voic de congnaissance des requestez que on li a faittez et fera, il soit deffiés; et vous pourveés si efforchiement que pour entrer ou royaume d'Escoche apriès les deffiances faittez, si poissamment que pour ravoir et raquerre le bonne cité de Bervich, qui est de vostre hiretaige; et ayés tel par forche et par contrainte le roy d'Escoche qu'il soit tous joians s'il puet venir à vous à hounmaige et faire satifation des tors et des outraiges qu'il vous a fès ou li rois ses pères. Et ensi nous sommes tous desirans d'aller avoecq vous à vostre commandement. »

Quant li rois d'Engleterre eut oy le rponse de son consseil, et il eut veut le bonne volenté de ses hommes, si fu moult liés et les en remerchia grandement. Dont fu là regardé et avisé qui yroit en Escoce. La besoingne et li voiaiges fu assis sus l'evesque de Durem et sus le seigneur de Persi et le seigneur de Moutbray et le seigneur de Felleton. Chil prelas et chil troy hault baron, qui là estoient presens, acordèrent, à le prière et requeste dou

roy, ce voiaige. Encores pria li roys à tous que il se volsissent pourveir et appareillier à ung jour qui adonc fu nommés, chascuns seloncq son estat, à estre au Noef Castel sur Tin; et il li disent qu'il y seroient bien et volentiers, et n'y aroit point de deffaute. Ensi se departi li consauxx del roy, et s'en ralla chascuns en son lieu. Et ossi messires Jehans de Haynnau prist congiet au roy, et se presenta à lui de bon coer et de grant vollenté. De quoy li roys l'en seut grant gret, et li dist : « Biaux oncles, très grant merchis à vous, et à vostre aye ne renunche jou pas; et se besoings me croist ne touche, je vous manderay. » Sur che se parti li dis messires Jehans del roy et de le roynne, se nièche, qui moult doucement l'acolla au partir, et li pria qu'il le volsist recoummander à monseigneur son père et à madamme se mère, et saluer ses bellez soers; et il li dist qu'il le feroit volentiers. Sour ce, se parti li dis messires Jehans et toute se compaignie, et s'en revint en Haynnau. F<sup>o</sup> 45.

*Ms. de Rome* : Depuis ne demorèrent point lons jours que li rois d'Engleterre auna tous les barons et prelas d'Engleterre qui ordonné estoient à lui consellier, et les hommes des bonnes châtés et villes, qui par droit estatut y devoient estre convoqiet, car il estoit ensi acordé que riens ne se devoit ne pooit passer sans euls. Qant tout furent venu à Londres, li parlement et li conseil commenchièrent à Wesmoustier, et furent li ambassadour d'Escoce apellé. Il vinrent et entrèrent tout en la cambre dou conseil, et là estoit li rois d'Engleterre presens. Là lor fu demandé quel besongne les amenoit pour ces jours en Engleterre. Li evesques de Saint Andrieu d'Escoce, qui fu uns moult sages et discrez homs, remoustra la parole pour tous, et bien le sceut faire. Qant il ot parlé, on les fist issir de la cambre, pour euls consillier et faire response. Il alèrent petiier le parvis et le clostre, tant qu'il fuissent rapellé.

Or commenchièrent chil dou conseil à parler et à proposer pluisseurs coses, et ne peurent estre d'acort, et furent li Escocois apellé; il vinrent. Qant il furent venu, li archevesques de Cantorbie lor dist que il ne pooient estre si tos definitivement respondu, mais il le seroient au plus tos que on poroit, et que lor demande ne requeroit pas si brief conseil. Il n'en porent aultre cose avoir, et se departirent de là et retournèrent à lors hostels. Et li consauxx demora; et parlèrent d'aultres besongnes qui lor touçoient, car il n'estoient pas asamblé tout pour une cose.

Et li rois s'en vint à Cènes, assés priés de Wesmoustier, un hostel roial qui sciet sus la Tamise. Chil Escocois demorèrent plus d'un mois à Londres et ne pooient estre respondu, car li consauls ne voloit, et tant que il furent si hodé et si tané que il requissent et prièrent que, fust pour euls ou contre euls, il fuisent respondu.

La cause qui metoit detriance ou conseil dou roi, je le vous dirai. Il consideroient generaulment entre euls deus coses : li une si estoit que lors sires li rois estoit jones et à faire, et ne le voloient pas tenir ne nourir en wiseuses, mais en painne et en travel d'armes; car, par les wiseuses que ses pères avoit eu, estoit d'onneur li roiaumes d'Engleterre requiés, à laquelle cose il voloient retourner ou tout parperdre. Li secons articles estoit que li Escocois tenoient la chité de Bervich et Struvelin, Dombaré, Dalquest, Haindebouch et tout le pais jusques à un pas que on dist Quinnesferi, où la mer d'Escoce doit departir les deus roiaumes, et que li Escocois l'auroient trop bon parti, se uns si grans hiretages lor demoroit pasievement, et que ce ne faisoit pas à requerre ne à sousfrir : « Voire, disoient li aucun vaillant homme ou conseil dou roi, li Escocois sont bien fol et ignorant, qui quident, pour une femme qui est serour de nostre roi, que nous doions cest, que est hiretages à la couronne d'Engleterre, quitter. Il nous tourneroit à grant blame et reproce, et aussi nous ne le poons faire. Nous avons cause raisonnable de respondre as Escocois et dire ensi : Il nous rendent Bervich et tout le pais, ensi que li bons rois Edouwarz le tint en son temps; et puis dou sourplus, nous entenderons à lors tretiés. »

Ensi fu conclu ens ou conseil d'Engleterre, et li Escocois respondu, qant il orent sejourné à Londres bien un mois. Qant li Escocois oïrent ceste response, il furent tout abus et veirent bien que li Englès voloient la guerre. Toutes fois, il respondirent et dissent que il n'estoient pas cargié de proceder sus tels tretiés, et que les paroles, que il avoient oy et entendu, seroient reportées au pais. Si issirent hors dou conseil, et monterent sus lors cevaus, et se departirent dou palais de Wesmoustier. Et cevauchièrent au lonch de Londres, et vinrent à Saint Jehan Lane en Griscerche, là où il estoient descendu. Et fissent par tout lors hostels compter et païer, et puis issirent de Londres; et cevauchièrent tant par lors journées que il retournerent en Escoce.

On estoit trop esmerveillie pourquoi il demoroient tant. Qant il



furent revenu, li baron et li signeur d'Escoce vodrent savoir des nouvelles. Ils ne les publièrent pas sitos que il furent revenu, mais fissent venir à Haindebourc tous ceuls qui tailliet estoient d'en savoir. Quant tout furent venu en la presence dou roi meismes, li evesques de Saint Andrieu parla et remoustra toute l'ordenance de lor voiage, et quel et comment il avoient trouvé le roi d'Engleterre et son conseil, et que plus d'un mois il avoient attendu à avoir response. En la fin il l'eurent tèle. Adonc lor remoustra li dis evesques toute l'ordenance des paroles que li consauls d'Engleterre avoient respondu.

Quant chil qui là estoient entendirent que les besongnes se portoient ensi, si furent tout abus, et dissent li plus sage : « Nous auerons la gerre, il manque dou pourveir. A celle fois ichi, li Englès nous rueront jus, ou nous les meterons en ce parti. Nostres rois est jones, et aussi est le leur. Il fault que il s'asaient. Desous le solel, n'a plus orgueilleus ne presumptieus peuple que le peuple d'Engleterre est. » Li jone chevalier et esquier d'Escoce, qui amoient les armes, et qui se desiroient à avanchier, furent tout resjoy de ces nouvelles, car il avoient assés plus chier la guerre que la paix. F<sup>o</sup> 29 v<sup>o</sup> et 30.

§ 51. P. 107, l. 5 : Li jours. — *Ms. d'Amiens* : Or revenrons à le matère des Englès et des Escos. Li jours, qui denommés estoit, aprocha; et vint li noblez rois Edouwars à tout son ost au Noef Castiel sur Tin, et encoirez toudis li croissoient gens. Et là se tint par l'espasse de huit jours, attendans chiaux qu'il avoit envoiés en Escoche deviers le jouène roy David et son conseil, liquel revinrent deviers lui au neuvième jour, comme chil qui ne raportèrent aultre response que le premierre. Et dissent bien au roy d'Engleterre que li Escot estoient tout appareilliet de lui recepvoir, puisque guerrier les voloit : « Dont, sire, quant nous veysmes l'ordonnance d'iaux et le affection qu'il ont de tenir leur oppinion, nous deffiames le roy et les siens de vous et des vostre. Si poés d'ores en avant, et sans fourfet, entrer sur yaux. Or, regardés de quel costet. » Dist li roys : « J'en aray avis. » Adonc, s'en consseilla, et on li dist que premiers on alaist deviers Rosebouch, et le assiegast on de tous lés, car c'est ungs castiaus qui siet sus marche, et que li Escos tiennent pour conqûes. Ceste cose fu acordée.

Dont se parti li nobles roys Edouwars dou Noef Castiel, et fist

ses marescaux chevauchier devant, le comte de Sufforch et monseigneur Thummas Waghe. Che premier jour, s'en vint li rois jesir à Urcol, ung castel et une ville qui est au seigneur de Persi. Li ville estoit toute gastée des Escos, mais li castiaux n'avoit garde. L'endemain, vint li roys dinner à Persi, et se tint là tout le jour, en attendant ses os et ses gens, qui encoires estoient par derière. F<sup>o</sup> 13 v<sup>o</sup>.

*Ms. de Rome :* Environ la Saint Jehan Baptiste, que on compta l'an de grasse mil trois cens trente et un, li jones rois Edouwars d'Engleterre et la roine s'en vinrent à Evruich euls tenir et lor estat, et cachier as cerfs, as dains et as chevruels. Et entruies se ordonnoient les pourveances, et se faisoient très grandes et très grosses, pour aler ens ou roiaume d'Escoce. Et fist li rois faire un mandement que toutes gens tenans de li, portans armes, fuissent, le premier jour d'aoust, à Evruich. Li mandemens dou roi s'estendi par toutes les parties d'Engleterre jusques ens ou fons de Cornuaille, et tout vinrent à Evruich. Adonc se desloga li rois et vint à Durem; et ensi que il ceninoit, la roine sa femme le sievoit. Et vint li rois au Noef Chastiel et là s'aresta, pour tant que tous ceuls des lointaines marches d'Engleterre n'estoient point encores venu.

Ces nouvelles estoient bien sceues en Escoce, comment li rois d'Engleterre, à poissance de gens d'armes et d'archiers, les venoit veoir. Les aucuns en faisoient grant doubte, et li autre non. Toutes fois, ils pourveirent les villes et les chastiaux tenables, et par especial la chité de Bervie. Et i ordonnèrent li sireigneur d'Escoce à chapitaine, mesire Alixandre de Ramesai, un trez vaillant et sage chevalier, et des aultres chevaliers et esquiers assés avecques lui. Et li rois et la roine se tinrent en la marce de Haindebourch. Et n'avoient pas li Escocois entension que d'atendre le roi d'Engleterre, et de combatre à lui poissance contre poissance, car il n'avoient pas gens pour resister encontre les Englois. Il laisseroient bien perdre une partie de lor pais et puis le recoueroient; et aussi il poursievroient les Engls sus lors logeis, de nuit ou de jour, et lor poroient bien par ce parti porter aucun damage. En ce conseil s'arestèrent il. Et li rois d'Engleterre se tenoit au Noef Chastiel sur Thin, et toutes ses gens estoient logiet autour de li; mais point n'avoient encores passé la rivière, pour la doubte des Escos.

Entrues que li rois d'Engleterre estoit sus ce voiage, vint de-

viers lui messires Robers d'Artois, ensi comme uns chevaliers tous desconfortez, et il le savoit bien où prendre. Li rois d'Engleterre et la roine le requellièrent moult doucement, car il lor estoit moult prochains de linage. Et li dist li rois : « Messires Robert, biaux cousins, nous avons assés pour nous et pour vous. Puis que vostre amie de delà la mer vous deffallent, nous ne vous faudrons point à vostre besoing. » Et messires Robers li avoit respondu et dit : « Monsigneur, grant merchis. » Li intension dou roi et de son conseil estoit tèle que, le roi retourné de ce voiage et venu en la marce de Londres, il [li] asignerait en Engleterre terre, rentes et revenues, pour vivre honnorablement et tenir son estat.

Quant li rois ot sejourné au Noef Chastiel sur Thin environ douse jourz, et toutes ses gens furent venu, moult i avoit grant peuple. On nombra les hommez d'armes, chevaliers et esquiers, à sis mille hommes, et les archiers à chiequant mille. Si passèrent tout oultre la rivière dou Thin, sus le pont dou Noef Chastiel; ailleurs ne le pooient passer. Et passèrent chil de l'avantgarde, laquelle li connestables d'Engleterre et li marescal menoient; et s'en alèrent logier sus le pais encontre la frontière de Northombrelande, et ne prissent pas le chemin pour aler vers Bervich, mais vers Rosebouch; et vinrent à Anwich et en la terre le seigneur de Persi.

Ensi que li rois d'Engleterre estoit logiés en la ville de Anwich et toutes ses gens là environ, uns hiraus d'Escoce, qui s'apelloit Dondée, vint deviers le roi et deviers les signeurs, et pria que il peüst estre ois; il le fu. Il dist au roi, presens ceuls qui le peurent oïr : « Très chiers sires, je sui chi envoiés de par aucuns prelas et barons d'Escoce, qui sont venu jusques à la Mourlane, et là me doient il atendre tant que je soie retournés deviers euls; et venroient volentiers parler à vous et à vostre conseil, sauf venant et sauf retournant. » Li rois regarda sus le conte Henri de Lancaestre, et sus aucuns barons et prelas qui là estoient. Adonc fist on traire le hiraute arriere, tant que li rois fu consilliés. Acordé fu que li hiraus les nonmast là par noms, liquel c'estoient, qui venir voloient : on lor acorderoit volentiers la venue et le retour. Li hiraus les nonma : il en i avoit sept, deus prelas, et chevaliers jusques à chiench. Tantost, une lettre de sauf conduit fu escripte et seelée et delivrée au hiraute, qui se départi de là et retourna à ses mestres, et leur bailla le sauf conduit.

Quant il l'orent, il i ajoustèrent foi; et se departirent de la Mourlane, et cevaucièrent tant que il vinrent à Anwich. Li rois d'Engleterre, à l'eure que li Escos vinrent, estoit alés logier ou chastei, et là tenoit son estat. Quant li Escocois furent venu et descendu de lors chevaux, il furent logiet de par les officiers dou roi. Adonc vinrent aucun chevalier d'Engleterre qui les requellièrent, et qui à ce faire estoient commis; et les enmenèrent deviers le roi et les signeurs, qui atendoient lor venue. Tout li signeur d'Engleterre, qui là estoient en la presence dou roi, s'ouvrirent et laissièrent les Escocois passer. Il enclinèrent le roi, et non plus avant. Li rois les requelli de une parole tant seulement, ce fu que il dist en son langage : « Bien venant. » De trop petit se disèrent li uns langage de l'autre.

Or vous nonmerai les deus prelas et les chienc chevaliers, l'evesque de Saint Andrieu et l'evesque d'Abredane, messire James Douglas, frère à messire Guillaume qui porta le coer dou roi Robert de Brus en Grenade et là morut, messire Arcebaus Douglas son fil, le conte de Qarrich, mesire Robert de Versi et mesire Simon Fresiel. Li evesques de Saint Andrieu fu chils qui remoustra la parole et dist : « Sire rois, et vous baron et prelat d'Engleterre, qui chi estes, nous sommes ichi envoiiés de par toute la generalité dou roiaulme d'Escoce, et sommes esmerveillié, euls avoecques nous, et nous avoecquez euls, à quel tite si soudainement apriès les trieuves fallies entre Escoce et Engleterre, vous estes esmeu à nous faire gerre, quant nostres sires li rois d'Escoce a, sire rois d'Engleterre, espousé vostre soer. Nous i adjouctions au dit mariage grans aliances, et fuimes generaulment en toute Escoce moult resjoi, quant la dame nous demora roine. Et nous torne à grant merveille celle duresce que vous avés empris à faire à vostre frère, nostre roi, et vostre serour, nostre roine, quant ce tant de petit hiretage que Dieus lor a donné, vous volés destruire. Si vous prient, par nous, nostres sires li rois et madame la roine que vous ne voelliés pas faire celle cruaulté que d'ardoir et essillier lor hiretage; et retraiiés vous et faites retraire vos hommes, et leur donné[s] congié çascun de retourner en son lieu. Et prenés trois ou quatre prelas des vostres et otant des vostres barons d'Engleterre, et nostres sires li rois en metera otretant à l'encontre; et ce que chil trouveront ou decret de lor disposition, il deposeront sus l'ordenance des deus roiaulmes. Et sera tenu à ferme et à estable, pour tous jours

mès, ce que deposé en sera ; et demorrés, vous et vostre frère, en paix, et ensi vostre hiretage. C'est la parole que nous vous remoustrons, et pour qoy nous sommes venu, et sur ce nous demandons à avoir response. »

Quant li évesques de Saint Andrieu d'Escoce ot ensi parlé, il fu moult bien oïs et entendus, Donc fu dit as Escocois que il se traissent arrière, on conselleroit lor parole, et puis aueroient response. Il le fissent ; et s'en alèrent li Escocois tout ensamble en une aultre cambre qui estoit ordonnée pour euls. Encores fu conmandé que tout widassent de la cambre dou roi, reservé ceuls dou conseil. Il widièrent chil qui là n'avoient que faire. Là replièrent li signeur, en la presence dou roi, toutes les paroles et requestez des Escocois, et demandèrent : « Or sus, qui fera la response, et qui parlera à point sus che que il ont dit et proposé? » Donc parla messires Renauls de Gobehen, uns moult sages et vaillans chevaliers, pères à mesire Renault, qui fu depuis aussi uns moult preus et vaillans chevaliers, et dist : « A tout ce que chil Escocois requièrent et demandent, ne fault pas trop grant conseil. Il seront respondu ensi, pour ce que il ont demandé à quel title li rois nostres sires et nous lor faisons gerre : c'est por le mauvesté et rudèce de euls. Car jà sèvent il et ont sceu leur père, passé sont li terme de cinq ans, que li rois d'Escoce doit tenir et relever et faire hommage au roi d'Engleterre de tout le roiaulme d'Escoce, reservé auquns isles qui marcissent à l'encontre d'Irlande et de Norvègue, les quels isles sont nonmé les sauvages Escos, et ont un signeur pour euls, qui se nonme Jehans des Adultilles. Chils obeist au roi d'Escoce, et non à nous. Et ceste raison, on lor metera en termes tout premiers, car elle est toute clère ; et bien le scèvent, quoi que il en ignorent. Secondement, pour reconquerre ce qui est nostre, la chité de Bervich et tout le pais jusques à la mer c'on dist d'Escoce ; et se ce il nous voellent rendre debonnairement, et que li rois viengne à hommage au roi nostre sire et reconnoisse l'onmage à estre lige, presens les barons d'Engleterre et ceuls d'Escoce, et que de ce soient lettres escriptes et seelées dou roi d'Escoce et des barons d'Escoce, il demorront en paix. » Adonc fu dit à messire Renault de Gobehen : « Sire, il plaist au roi que vous fachiés la response, car avés la matère toute pourveue. » Donc respondi messires Renauls et dist : « Je le ferai volentiers. »

Adonc furent appelé li Escot. Il vinrent avant et entrèrent

dedens la cambre, et nuls fors euls. Li consauls dou roi se mist sus deus èles, et les Escocois enmi euls. Quant il furent tout aquoisié, messirez Renauls de Gobeheim parla et dist : « Entre vous, signeur d'Escoce, vous demandés à avoir response et non aultre cose, et vous l'auerés, et bien briefment. Vous avés demandé à quel tittle nous vous volons presentement faire guerre. Vous le savés bien, quoi que vous ignorés ; mais puis que il faut que nous renouvelons la parole, je parole pour nostre sire le roi et pour tout le pais generalement d'Engleterre. Et dissons que vestres rois est tenus, et ont esté tout si predicessour, roi d'Escoce, et seront li successour, à faire hommage au roi d'Engleterre, à ceuls qui furent et seront. Et cela avoech le calenge nous volons tenir en droit, et le demandons et requerons comme le bon hiretage à la couronne d'Engleterre. Avoecques tout ce, nous disons, et pour ce sommes nous logiet sus les camps, que vous, qui estes d'Escoce des plus grans et li consauls dou roi, tenés contre l'onmour et majesté roial dou roi d'Engleterre et de ses hoirs, la chité de Bervich et grant pais qui s'estent jusques à bonnes de la mer d'Escoce, et volés demorer en celle tenure par manière de conquès. Sachiés que nostres sires li rois ne le puet sousfrir ne voelt. Et se il le voloit par aucune dissimulacion, pour tant que avés mis en termes que il deveroit tenir en pais ce tant de petit hiretage que son frère le roi d'Escoce et sa seur ont, et tient à present, se ne le sousferroient pas si homme, et sont tout conforté que toutes ces choses vous remeterés arrière. Et fera vestres sires li rois foi et hommage lige à nostre sire le roi d'Engleterre, se il voelt demorer en paix. Et le feront aussi tout chil qui sont enexsé et conclavé ens ès terres, qui sont et doivent estre tenues et relevées de foi et d'onmage de nostre signeur le roi d'Engleterre. Et se vous estes fort, de par vostre roi et les vestres, de acorder toutes ces choses recordées, si ditez oil ; et nous entenderons à la paix. » Donc respondirent li Escocois et dissent : « Nennil, ne nous n'en sommes ne cargié ne introduit. » Donc respondi li chevaliers englois et dist : « Vous perdés aultrement vostre langage ; et puis que vous volés proceder dou contraire, retrahiés vous viers les vestres, et lor dites ce que vous avés trouvé en nous, car vous n'enporterés aultre cose. »

Quant li Escocois orent entendu messire Renault de Gobeheim ensi parler et souterre la querelle des Englois par celle voie, si

furent tout abus et ne sceurent que dire, ne que repliqier, mais il prissent congiet dou retraire; on lor donna, Et issirent dou chastiel, et retournèrent là où lor cheval estoient; et burent un eop et mengièrent, car des biens de l'ostel dou roi on lor envoia assés. Et puis montèrent sus lors chevaus, et partirent de An-wich; et chevauchièrent tant que il trouvèrent le roi et auquns des signeurs d'Escoce, par lequel conseil il estoient venu deviers le roi d'Engleterre et son conseil. Si lor recordèrent tout au lonch quel cose il avoient trouvé, et la response graude et orgueilleuse que il avoient eu des Englois. Et moustroient bien en lor parole que li rois d'Engleterre n'avoit en toutes ces choses nulle poissance, et que li pais et roiaulmes d'Engleterre faisoit fait et partie dou calenge et dou proceder, avant; et avoient bien entendu que, se li rois d'Engleterre se voloit dissimuler, taire tous quois et quiter l'onmage et le calenge, se ne le quiteroient pas ses gens, Adonc dissent ils entre euls : « Confortons nous et faisons dou mieuls que nous poons. Nous auerons la gerre, et ne l'eumes onques si dure ne si folle que nous auerons pour le present. »

Ensi demorèrent les choses en cel estat, ne depuis n'i ot trettie nul quelconques, pour celle saison, entre Engleterre et Escoce; mais se departi li rois d'Engleterre et toute sa poissance de An-wich et de là environ, où ses gens estoient logiés. Cil avoient encores cent mille chevaus; et ensi que il ceminioient, pourveances les sievoient à esfort, as sonmiers et à charroi. Et prissent li Englois pour celle fois le cemin de Rosebouch et de Miauros. Encore s'esten toute Engleterre jusquez à là. Miauros est une abbeye de Saint Benoit; et là se depart, à une petite rivière qui i court, li roiaulmes d'Escoce d'un lés, et li roiaulmes d'Engleterre d'autre. La première ville que on trueve en alant en Escoce, c'est la Mourlane : là vinrent logier li connestables d'Engleterre, li contes de Norhanton et li marescal, li sires de Felleton et messires Thomas Wage. Qant ce vint à l'endemain, toute li hoos fu logie en Escoce, et laièrent Bervich à la bonne main. Bien savoient que il i retourneroient qant il aueroient fait lor emprise; mais il voloient veoir se il trouveroient à qui parler, car il ne demandoient que la bataille. Si exploitièrent tant li rois d'Engleterre et ses hoos que il foulèrent grandement la plainne Escoce, et ardirent et essillèrent moult de villes et de hamiaus.

Moult petit de villes fremées sont en Escoce : il i a grant fuis-

son de chastiaus, et non pas tant de diis fois que il i a en Engleterre. Et ont li Escocois celle manière et condition, qant il sentent les Englois venir à poissanche telle que pour lors il avoient, il tiennent les camps. Et ne s'encloent point li signeur en lorz chastiaus; et dient que uns chevaliers, qui là est enclos, ne puet non plus faire que un aultre homme. Li Englois quidièrent trouver le roi en Haindebourc, car c'est Paris en Escoce, mais non fissent; car il en estoit alés oultre et mené sa femme sus la sauvage Escoce. Et li chevalier et esquier dou pais s'estoient requelliet et mis ensamble, et avoient fait mener tous lors meubles et cachier lors bestail, dont il ont grant fuission, ens ès forès de Gedours qui sont inhabitables; et bien scèvent que les Englès ne les iroient jamais là querre, car point ne congnoissoient les entrées et les issues, et sont fortes à cevauchier.

Si vinrent li rois d'Engleterre et ses gens en la ville de Haindebourc, qui est grande et plentiveuse, et point n'est fremée. Si se loga li rois en l'abeie de Sainte Crois, et tout li signeur là où le mieuls il peurent; et i furent quinze jours, pour tant que on entendit à prendre le chastiel, liquels se rendi, salve lors vies de ceuls qui dedens estoient. Donc le fist li rois d'Engleterre remparer grandement et ravitaillier et rafresqir de nouvelles pourveances; et i mist un chevalier à chapitainne, dou pais de Northombrelande. Et fu li entension dou roi et de son conseil que il le tenroient, et en feroient frontière contre les Escocois. Aussi prissent li Englois un aultre chastiel fort assés, à cinq petites lieues englesces de Haindebourc, lequel on clainme Dalquest, et est hiretages à ceuls [de] Douglas; et en fissent garnison, et de pluisseurs aultres. Et ardirent li Englois toute l'Escoce jusques à à la ville de Saint Jehan en Escoce, ne nuls ne lor ala au devant; et ne savoient chil dou pais à dire où li rois et la roine estoient.

Qant li rois d'Engleterre et ses gens orent chevauchié et couru toute la plainne Escoce et ars, et exsillié tout le plat pais, et n'estoit nulle nouvelles des Escos qui lor contredessissent lor chemin, et il veirent que li iviers aproçoit, et il orent pourveu et rafresqi tous les chastiaus que il pensoient à tenir pour guerrier et heriier le demorant dou pais, il se missent tout souef au retour. Et fu li rois logiés en une moult belle petite ville, que on appelle Donfremelin. Et là a une abbeie de noirs moines, qui est assés grande et belle; et là dedens celle abbeie sont les se-



pultures communelment des rois d'Escoce. La ville fu arse, mais li rois desfendi à non ardoir l'abeie, pour tant que il i avoit esté logiés. Puis se missent li rois et ses hoos au retour; et ne prissent pas le chemin que il estoient venu, mais celi desus la marine, car ce fu lor intension que, de ce voiage, il meteroient le siège devant Bervich. Et exploitièrent tant les Englois que il vinrent devant Dombare, qui sciet sus la mer. Et furent là et environ chinq jours; et se missent en grant painne de le prendre et de l'avoir. Et i fissent li archier plüsseurs assaus, et ne le peurent avoir. F<sup>m</sup> 30 à 32.

§ 52. P. 109, l. 14 : li rois. — *Ms. d'Amiens* : Li roys d'Engleterre avoit bien en celle armée dix mil hommes à cheval et vingt mil à piet, archiers et gallois, sans le autre ribaudaille, qui sieuvoient l'ost. Et exploita tant li os que il vinrent devant [Bervich<sup>1</sup>]. Donc se logièrent que mieux micus, et environnèrent le castel et assiegèrent de tous costés. Et envoièrent lors fourcurs chevaucier, fourer et ardoir en Escoche, et prendre prisonniers et bestez grant fuison, et ramener en l'ost. Et fist li rois d'Engleterre drechier enghiens grans et hault au plus priès dou castiel qu'il peult, liquel jettoient souvent nuit et jour sus lez tours du castel et dedens ossi. Et ce durement les travilloit, car li enghien leur abatirent les offechinnex de laiens et meysmes lez comblez des sallez et des cambrez; et n'y avoit mès que deux grosses tours où il se peussent tenir. Moult furent ehil qui le fortresse gardoient et tenoient, bonne gent et bien deffendant; mais enfin, quant il parchurent qu'il estoient si cuvriiet dez enghiens, et que longhement ne pooient souffrir tel assault, car lez grosses pièrez que on leur jettoit desrompoient et froissoient trop durement leur castel, si eurent avis de tretier deviers le roy d'Engleterre. Et traitièrent une souffrance de quinze jours, et que li uns de

1. Dans ce passage du ms. d'Amiens et dans plusieurs autres qui suivent, on lit : *Rosebouch*, au lieu de : *Bervich*. C'est cependant de Bervich qu'il s'agit : la fin de ce récit, où le nom même de Bervich reparaît, et tout le contexte, ne permettent pas d'en douter. Cette erreur, qu'il faut sans doute attribuer à une distraction du copiste, se trouve reproduite dans les passages correspondants du ms. de Valenciennes; et la reproduction servile d'une erreur aussi grossière et purement matérielle est un des faits qui donnent lieu de supposer que ce dernier ms. a été fait d'après le ms. d'Amiens, auquel il est évidemment postérieur.

chiaux dedens peüst aller deviers le roy d'Escoche remonstrer en quel parti il estoient; et se, au seizième jour de le souffranche durant, li roys d'Escoche ne les avoit confortéz et levet le siège, il devoient mettre et rendre le castel en le vollenté le roy d'Engleterre, et cil s'en devoient partir sauve yaus et le leur. Li roys leur acorda ceste besoingne, et fist cesser les enghiens; et laissa passer et paisivlement ung escuier des lors qui devoit fère ce messaige.

Or dist li comtes que chiux escuyers, qui partis estoit de [Bervich], exploita tant qu'il vint à Saint Jehans Tonne, une bonne vile seant sus ung brach de mer, où li roys d'Escoce se tenoit et li roynne, et li jouènes comte de Moret, et messires Guillaume de Douglas qui estoit adonc escuiers, nepveux au bon messire Guillaume de Douglas de qui vous avés oy chy dessus, et messires Robiers de Versi, et messires Simons Fresel, et grant fuison de jouène bachelerie d'Escoce; car li roys avoit fet son especial mandement comme chil qui volloit chevauchier contre lez Englèz et defendre son pays. Lorsque li escuyers fu venus, il s'engennilla devant le roy. Et li dist, tout ensi que vous avés oy chy devant, en quel parti li castiaux de [Bervich] estoit; et se briefment il n'estoit confortéz dedens le terme qui mis y estoit, on le devoit rendre. Dont dist li rois d'Escoce : « Oil, s'il plaist à Dieu, nous chevaucherons celle part. » Adonc renforcha il son mandement, et se parti de Saint Jehans Tonne, et s'en vint deviers Haindebourch; et toutes ses gens le sieuwirent, qui mieux mieux et à effort. Lors se parti li roys de Haindebourch, et se mist as champs o toutes ses os, pour venir deviers [Bervich]. Tant s'exploita li roys d'Escoce que, l'endemain à heure de relevée qu'il se fu partis de son castel [de] Haindebourch, il s'en vint à une grande abbeie de noirs moinees qui dou tempz le roy Artus estoit nommée li Noire Combe, pour ce que elle gist en ung val et sus une noire rivierre qui depart anciennement Escoce et Engleterre. Et est celle abbeye exens de le guerre des deux pays, et de ces ont il bien cartre et bien burle. Là se loga li roys d'Escoce et ses gens tout sus ceste rivierre, qui est à neuf lieues englesses de Rosebourch, à dix huit de Bervich.

Celle nuit, ensi c'à soleil esconssant, se parti li jouènes messires Guillaume de Douglas et li jouènes comtes de Moret et messires Robers de Versi et messires Simons Fresel, à bien quatre cens armurez de fer bien montéz et bien abillies. Et chevauchiè-

rent fort par voies couvertez et landez nient antéez ; et vinrent environ mienuit assés priés de [Bervich], en ung biel pret, environ une petite lieue englesce de l'ost. Là descendirent il et restraindirent leurs armures, et recenglèrent leurs chevaux et se rabillèrent bien de tous poins ; et puis montèrent et ordonnèrent coumment il se maintenoient. Bien veoient les feux de l'ost et chiaux que li gait faisoient. Si eurent advis que point n'yroient celle part, mais s'adrecheroient à l'autre costet ; et ne diroient mot tant qu'il seroient ferut en l'ost. Et quant il seroient entré dedens, il criroient tout d'une vois : « Douglas ! Douglas ! » ; et si trestos qu'il veroient les pignonchiaux de Douglas et de Moret retourner, il les sieuwissent. Tout furent enfourmé de ceste besoingne, et chevauchièrent autour de l'ost englesce, et si coient, que oncques nulz ne s'en donna garde. Si furent li Escot entré dedens, puis escrièrent d'une vois : « Douglas ! Douglas ! » et disant : « Tout y morés, larron d'Engleterre ! » Lors coummenchièrent à ferir et à frapper, et à decopper et reverser tentez et logies, et à abattre, navrer et tuer Englès et mettre en grant meschief.

Celle nuit, faisoient le gait doi seigneur d'Engleterre, li sirez de Felleton et li sirez de Moutbray, à cinq cens hommes d'armes et cinq cens archiers<sup>1</sup>. A le vois et à le huée et à l'abateis des loges, et au meschiés de chiaux qui crioient où li Escot estoient embatu, s'estourmy li os ; et s'armèrent par tout coumunaument qui mieux mieux. Meysmes li roys s'arma moult vistement, et se mist devant se tente ; et fist lever bannierres et pignons, et fu moult courchiés des Escos que ensi souspris l'avoient. Là se rassemblèrent dalléz le roy et en son logeis li seigneur et li baron d'Engleterre ; et li gèz s'efforcha et avancha che qu'il peult de venir celle part où li noise estoit. Mais ainchois qu'il y pewissent parvenir, li Escochois qui avoient en partie achievet leur emprise, se retournèrent tout sagement et enmenèrent bien quarante<sup>2</sup> prisonniers, dont il y eult sept<sup>3</sup> chevaliers et douze escuiers ; et entrèrent ens ès bois sanz dammaige, comme chil qui n'avoient garde puisque là estoient, car il savoient tous lez chemins et adrechés, che que li Englès ne savoient point. Quant che vint au matin, on regarda en l'ost quel dammaige li Escot y avoient fait. Si

1. *Ms. de Valenciennes* : mais il estoient d'autre part. F<sup>o</sup> 34.

2. *Ibid.* : soixante. — 3. *Ibid.* : huit.

fu trouvet qu'il avoient bien, que mors que navréz, treize vingt<sup>1</sup> hommes et s'en menoient plus de quarante<sup>2</sup>. Moult en fu li roys courouchiés, mès amender ne le peut, tant que à celle foix. Si ordonna que, d'orez en avant, il feroient deux ghaïs ossi grant chacun que il avoient acoustummet de faire, et aroient gettes et escoutes pour gettier et garder les chemins, affin que il ne fussent plus ainssi souspris. Tout ce fu ordonné et accordé de par le roy et les mareschaux.

Or vous pauraï des Escos qui liet et joiant revinrent l'endemain, environ heure de primme, devers le roy et leurs gens, à qui il recordèrent leur aventure. Moult acquisent chil quatre jouène seigneur d'Escoche, de ceste première chevauchie, grant grace de leurs amis; et ossi fissent il grant renoummée de leurs ennemis, car depuis toudis il en furent le plus doubtet. Or eult li rois David conseil de deslogier et d'aprochier lez ennemis. Et chevauchièrent li Escot, le second soir que li Englèz avoient estet resvilliet, et se partirent de leurs logeis apriès soleil esconssant; et chevauchièrent tout secretement devers [Bervich]. Et avoient, très dont qu'il se partirent de l'abbie, ordonné coumment il se maintenroient, comme chil qui congnoissoient le pays. Il pooient y estre tout comptet environ seize mille hommes, et tout à cheval seloncq leur usaige, chevaliers et escuyers montés sus bon coursiers et gros ronchins, le demourant sus hagenées bien apertez et bien travaillans. Et yaux venus en ung bois, à deus lieuwes englesces ès preis de [Bervich], chil devoient partir leurs gens en deus moitiés, le mendre part envoïier resvillier l'ost et escarmuchier, et leur plus grosse bataille retenir et mettre sus elle, et venir, apriès ce que li os seroit esmente, sur costet et ferir ens; et chevauchaient en cel estat que je vous di. Or fu leur venue sceue en l'ost par les escoutes et gettez que li Englès tenoient sus les chemins de toutes pars; et vinrent en l'ost mout hastement, en disant : « Armés vous ! Armés vous ! car li Escot chevauchent à tout leur effort et seront, s'il voellent, tantost chy. » Adonc s'estourmy li os de tous costéz. Et li doi get se misent ensamble, et se tinrent tout quioient sur les chans tant que toutes lors gens fussent armé, et pour requieillier lez Escos, s'il fussent venu, ensi que dit leur estoit.

Si tost que li roys d'Engleterre fu armés et toute li os, il se

1. *Ms. de Valenciennes* : deus cens. Fo 34 vo. — 2. *Ibid.* : soisante.

partirent de leur logeis tout bellement sans crier et sans noisier, et vinrent ensus, environ le tretie<sup>1</sup> de trois ars. Et avoient ordonné qu'il lairoient les Escos entrer en leur logeis, et yaux ensonniier de prendre et de toursser che que laissiet y avoient; et puis tout à ung fès venroient acourant sur yaulx. Et enssi comme il l'ordonnèrent, il le fissent. Et li Escot, d'autre part, prisent le avantaige dou bos et d'une petite montaigne dallés le bois; et affin qu'il ne fuissent decheu, il envoièrent trois escuiers, montéz sur trois hongres chevaux trop appers, pour savoir se li gés estoit de ce lés là où il volloient entrer en l'ost. Chil vinrent à chevauchant jusques as loges des Englès, et si priès que droit à l'entrée; et ne virent ne oïrent personne : dont il furent tout esmervilliet, car encoirez dedens l'ost n'y avoit point de lummiere. Si disent entre yaux : « Ou il s'en sont fui et parti, ou il sont tous endormy. » Enssi le raportèrent il à leurs gens en le montaigne où il estoient, dont li pluseur eurent assés grant merveille.

Quant li rois d'Escoche et ses conssaux qui daléz lui estoit, eurent oy le rapport que li escuier eurent fet, si se conseillèrent l'un par l'autre coumment il se maintenoient. Si disent li plus anchien, et chil qui le plus avoient uset les armes, au roy : « Sire, ne pensés jà que si vaillant chevalier que li roys d'Engleterre a avoecques lui, s'en soient fui ne parti en tel manniere; mès puet y estre qu'il ont sceu nostre affaire et venue. Si se tiennent tout armé couvertement dedens leurs logeis, pour nous atraire où il sont, à bataille rengie, mis sus les chans, et ont pris leur avantaige. Si aiïés avis sur che. » Adonc demanda li roys à ses mareschaux qu'il en estoit bon affaire. Il conseillèrent qu'il se tenissent là tout quoy, tant que clers jours fuist venus et qu'il veroient entour yaux; et mesissent tous lors chevaux dedens le bois paistre. Enssi fissent il. Tout se misent à piet et chachièrent lors chevaux et hagenées ens el bois, et les fissent garder de leurs varlèz; et se rengièrent et misent tout en une bataille sus le montaigne, qui n'estoit pas trop grande. Et estoit ceste montaigne, d'un lés, si roste que nulx ne peuist de che costé venir à yaux; de l'autre part, elle estoit plus plainne, et toutes voies y avoit grant terre à monter. Au plus plain par où on les pooit aprochier, il chouchièrent grant foison d'arbres et de bois, dont trop

1 *Ms. de Valenciennes* : bien de longueur de trois trais d'arch.

bien se fortelièrent. Et ne les pooit on que par une entrée aprochier ne venir à yaux; et ceste entrée estoit bien gardée des marescaux de leur ost. Ensi se turent il tout quoy, tant que li jours fu venus biaux et clers, et qu'il veirent environ yaux, et les Engles tous rengiés et ordonnés aus ung terne, ensi que dit est chy devant.

Ossi li Engles les pooient bien perchevoir et avisser, si comme il fisent. Lors eurent conseil entre yaux coument il se maintenoient; et envoierent ung<sup>1</sup> hirault des leurs de par le roy d'Engleterre deviers le roy d'Escocho, liquelz y vint et li dist ensi comme vous orés ensuiwant : « Sire, li nobles roys d'Engleterre m'envoie devierz vous et vous mande que, se li journée d'ui se part sans bataille, et que par force vous ne levés le siège à le boune chité de Bervich, n'attendés jammais riens, car elle sera sienne toute liège pour tousjours mès. Et pour tant que vous y estes venus si avant que vous monstrés que vous voeilliés nostre roy combattre, afin que vostre desir et emprise soient accompli, voeilliés descendre de celle montaigne là où vous estes et li vostre : il vous laira tout paisieusement en ces biaux plains ordonner, et vous combatra sans avantaige. Et se che vous ne voullés faire, eslisiés des vestres vingt<sup>2</sup> ou trente ou quarante ou cent ou deux cens. li roys d'Engleterre otant, et chil se combateront pour son droit et pour le vostre; et à qui li place demoura il en ait l'onneur, et li chité li demeure. » A ces parollez respondi bien brièvement li conseil le roy d'Escoche et dist ensi : « Hiraux, vous soiés li bien venus. qui si biaux fais d'armes nous aportéz. Mès vous diréz à vostre roy de par le nustre, qu'il n'a nul droit de sejourner en che pays; mais s'il nous voelt combattre, il nous voit à yeux : si viègne à nous, et nous le requellerons. Car au descendre de ceste montaigne nous n'en sommes point maintenant bien conseiliet, ne des vingt<sup>3</sup>, ne des trente, ne des cent, ne des deux cens combattre ossi corps à corps, ne de mettre le droit que li roys nos sirez [a] à le chité de Bervich en tel pareon; et serons chy tant qu'il nous plaira. Et quant bon nous semblera, nous savons bien voie pour descendre et pour combattre, non à l'entente de nos anemis, mès de nos amis. » Che fu toute la responce que li hiraux eult adone, et laquelle il raporta au roy d'Engleterre et à son conseil.

1. *Ms. de Valenciennes* : deux heraux. F<sup>o</sup> 35.

2. *Ibid.* : soisante ou cent. — 3. *Ibid.* : ne des soisante ne des cent.

Quant li roys englès vit et oy dire par son hirault que li Escot ne descenderoient point de le montaigne se bon ne leur sanbloît, si eut vollenté et coummanda que on lez alast veoir de plus priès et escarmuchier, car il sont chault et boullant, si lez poroit on bien par ceste manière jus atraire. Li advis et commandement dou roy ne fu point brisés; et furent ordené mil archiers<sup>1</sup>, cinq cens d'un lés et cinq cens d'un autre, et cinq cens hommes d'armes enmy yaux, qui les virent escarmuchier. Et fist là li roys pluseurs noviaux chevaliers : le seigneur de Willebi, le seigneur de Brasetoine<sup>2</sup>, le fil le seigneur de le Ware, messire Edouwart le Despenssier, fil au seigneur Despenssier darrain mort, le seigneur de Gresop qui là leva bannierre, et pluseurs autrez d'Engleterre. Encoires furent là fet chevalier messires Gautiers de Mauny et messires Guillaumes de Montagut, qui estoient compaignon ensamble et très appert bacheler. Dont se partirent chil seigneur englès et chil archier, et aprochièrent les Escos moult vistement; et li roys et sés batailleiz demourèrent là où il estoient ordonné, sans yaux en riens desrouier. Et fu coumandé de par le roy, et sour le teste, que nulz ne se partesist de le montaigne, ne se mesist devant lez bannierrez des marescaux.

Quant li Escot virrent aprochier les Englès et venir de celle part là où il estoient le plus ouviers, sachiés que il ne furent pas trop offreet; mais se misent apertement li plus hardit et li plus bachelereux à cel lés et ce qu'il eurent d'arciers devant yaux, et fissent leur roy tenir tout quoy à ses bannierrez. Evous venus les Englès qui coummenchièrent à traire as Escos, et li Escos à yaux. Là y eult grant escarmuche et tainte belle appertise d'armes, mainte aventureuse prise et mainte belle rescousse. Et avint ensi que, sus le plus fort de l'assaut, li marescal d'Engleterre fissent tout à ung fès retourner leurs pignons, pour yaux faire chachier et les Escos jus atraire. Mais li Escot, et par especial leurs cappitainnes, qui sont assés sage de guerre et de telz fès, ne se desrouièrent pour ce noient; ains se tinrent en leur parti, ensi qu'il devoient. Et quant li Englès virent qu'il n'en aroient autre cose, si se sont retret devers leurs grosses batailleiz, car à l'escarmuchier pooient il plus mettre que prendre, yaulx fouller et faire navrer, et peu grever les Escos.

1. *Ms. de Valenciennes* : cinq cens hommes d'armes, mille archiers d'un lez et autant d'autre lez. F<sup>o</sup> 35. — 2. *Ibid.* : Brantonue.

Enssi se tinrent li Englès, tout le jour, leurs batailles ordounnées, et li Escuchois d'autre part. Et, sus le soir, li roys d'Engleterre se retraist à ses logeis; et soupèrent en grant haste et tout armet, et fissent celle nuit leur ost bien escargaitier et priès garder. Quant ce vint environ mienuit, li Escot, qui sont trop biel resveilleur de gens, envoièrent leurs novviaux chevaliers et aucuns compaignons qui aventurer se vorent, devers l'ost as Englès, mais bien leur besoingna qu'il fuissent bien monté, car il furent cachiet et reboutet; et en y eut des leurs pris, ainschois que il se pewissent estre remis en leur montaigne. Depuis ceste envaie n'y eut riens fet, car li Escot se partirent assés tost apriès, car il virent bien qu'il n'estoient mie fort pour combattre le roy englèz ne se puissance. Si eurent plus chier à perdre le chité de Bervich<sup>1</sup> à ceste foix que yaux mettre en l'aventure de plus perdre.

Quant ce vint au matin, li Englès regardèrent deviers le montaigne où li Escot s'estoient tenu le jour devant, et n'en virent nul; si le nonchièrent au roy. Adonc y envoya li roys veoir se c'estoit verité; et on trouva qu'il estoient parti et avoient laisset petit remannant, car il ne mainnent point de charoy. Si rapporterent ces nouvelles certainnez au roy, chil qui envoiet y avoient estet.

Et che jour devant, estoit close li triewe à chiaux de Bervich. Si envoya li roys deviers yaux<sup>2</sup> quatre chevaliers assavoir quel cose il volloient faire. Chil respondirent qu'il tenroient leur couvent, tel qu'il l'avoient au roy. Li couvens estoit que il devoient rendre le chité et le castiel au roy, et il s'en devoient partir tout chil et celles qui partir s'en volloient, salve leur corps et le leur, enssi qu'il fissent; et<sup>3</sup> aportèrent les clefs au roy d'Engleterre, et entra en le ville et puis ou castiel, à grant joie, et tout chil qui entrer y peurent; et qui n'y peult entrer, si se loga dehors. Enssi conquist li roys d'Engleterre le chité et le castel de Bervich, et y entra en l'an de grasce mil trois cens trente trois, le septième jour de juillet. F<sup>o</sup> 15 v<sup>o</sup> à f<sup>o</sup> 17 v<sup>o</sup>.

*Ms. de Rome :* Si passèrent outre et ceminèrent tant que il vinrent devant la chité de Bervich. Si l'asiegèrent, et se logiè-

1. *Ms. de Valenciennes :* et le chastel de Rosebouch. F<sup>o</sup> 36.

2. *Ibid. :* devers le fort.

3. *Ibid. :* et rendirent le forteresse.



rent au plus priès que il porent. Pour ces jours, en estoit chapi-tainne uns vaillans chevaliers d'Escoce, qui se nonmoit Alixandres de Ramesai. Et avoit avoecques lui des aultres chevaliers d'Escoce et esquiers, qui tout estoient vaillant homme. Si se logièrent les Englois au lonc de la rivière de Taie, qui rentre en la mer desous Bervich. Et est uns havenes de mer, et par là par mer venoient moult de pourveances au roi d'Engleterre et à ses gens, dont il estoient tous les jours rafresqi. Et sciet Bervich en bon pais et pourveu de bleds, d'avainnes et d'autres grains et de bons fains; et i trueve on grant fuisson de venissons et de volilles. Et avoit là li rois d'Engleterre ses chiens et ses oiziaus où il prenoit ses deduis; ne nuls ne li aloit au devant, ne brisoit ses esbatemens. Car tous les jours, qant il voloit faire ce mestier, li conestables d'Engleterre, li contes de Norhanton, avoit bien chinq cens lances et mille archiers, qui costioient les bois et les rivières toute jour, tant que li rois retournoit arrière.

Considerés comment les saisons s'i portent et diffèrent de l'une à l'autre. Vous trouvés ichi desus en ceste histore, le roi Robert de Brus d'Escoce resgnant, père à ce roi David, que il donna moult à faire as Englois; et se il eüst vesqu, et messires Guillaume de Douglas qui fu ocis par sa vaillance en Grenade, et li contes Jehans de Moret, li rois d'Engleterre n'eüst osé avoir ensi pris ses deduis de chiens ne d'oisiaus en Escoce, ne chevauchiet sans avoir eu des grans rencontres. Mais les Escoçois commençoient à doubter ce roi Edowart. Et disoient li ancien et et li sage en Escoce que il feroit un vaillant homme, et en avoit bien la chièrre et la manière. Et en celle vaillance si homme d'Engleterre l'introduisoient et nourrissoient: si faisoient bien, car uns rois, puisqu'il voelt tenir terre et signourir peuple, doit estré de bardies et grandes emprises.

Encores disoient les Escoçois, liquel congnoissoient assés parfètement la nature des Englois, et l'un à l'autre, par manière de colation: « Et pensés vous pour ce, se nos rois a à femme la seurrou dou roi d'Engleterre, que nous en doions mieuls valoir et estre deporté à non estre guerriiet, mais Dieus, nennil! Il fault que li rois d'Engleterre obeise à son peuple, et face tout ce qu'il voellent. Et s'i[l] fait le contraire, et qu'il fuie et hée les armes et soit precheus et endormis, et quière et demande ses deduis, il ne le poront amer, mais le disfameront et querront sur lui voies et adrèces obliques, jà soit il preudons en consience,

par quoi il le destruiront. Et trop grans perils est en Engleterre d'un roi qui vient en la possession dou roialme, qant i auera eu un vaillant predicesseur devant lui, car se il n'ensieut ses oèvres, il est tous les jours en peril et en aventure d'estre mors de son peuple meismes, ensi comme il en est esceu et pris au roi Edouwart, père de cesti qui regne en present, que si homme ont fait morir de male mort ens ou chastiel de Bercler, et ont son fil couronné à roi. Ce sont grant exemple pour lui, et pour tous les rois qui par succession pueent avenir et venir à la couronne d'Engleterre. »

Ensi disoient li Escocois, et non pas euls tant seullement, mais toutes aultres nations, qui congnoissent la nature et condition des Englois; car, desous le solel, ne sont gens plus perilleus ne merveilleus à tenir, ne plus divers que sont Englois. Il sont de belles aquintises et de biau samblant; mais nulz qui sages est, n'i doit avoir trop grant fiance.

Tant fist li rois Edouwars en celle saison, devant la chité de Bervich, que par poissance il les constraindi et mena si avant que messires Alixandres de Ramesai, qui chapitainne en estoit, entra en trettiés deviers euls, c'est à entendre deviers le roi et son conseil, car il vei que secours ne confors ne li apparoit de nulle part; et estoient fort amenries lors pourveances et lors artellerie, pour les grans assaus que on lor avoit bailliet et livrés, car priès que tous les jours i estoient avenü fait d'armes et escarmucez; et en avoit parlé à ses compagnons, car sans l'acort et consentement de euls, il n'en cuist jamez riens fait. Si se porta tretiés que il avoient trieuves quinze jours, et dedens ce terme, il devoient envoier deus de lors cevaliers deviers le roi d'Escoce et son conseil pour compter lor estat; et se li rois d'Escoce voloit là venir, si poissans que pour lever le siège, la chité de Bervich li demorait; et se dedens les quinze jours il ne venoit, il se devoient rendre au roi d'Engleterre, et de ce jour en avant demorer bon Englois; et se pooient chevalier et esquier, qui dedens estoient, partir segurement sans riens perdre dou leur; et devoient li manant de Bervich demorer en bonne paix sans estre foulé ne pressé, ne avoir aucune violense de lors corps et de lors biens. Les trieuves furent bien tenues; ne onques, tous les quinze jours, il n'i eut assaut ne escarmuce. Et envia messires Alixandres de Ramesai deviers le roi d'Escoce et son conseil, qui se tenoit en Abredane, et là environ sus la sauvage Escoce, deus

chevaliers. Je les vous nommerai : messire Guillaume de Glaudiguin et messire Robert Bourme. Chil chevalier se departirent de la chité de Bervich, et cevauchièrent parni l'Escoce; et trouvoient en cevaçant tout le pais ars et destruit, et ne savoient à qui parler. Tant exploitièrent que il vinrent en la chité d'Abredane, et là trouvèrent le roi et la roine et auquns chevaliers d'Escoce qui lor faisoient compagnie.

Quant li rois vei les chevaliers venus, il senti tantos que il apportoient nouvelles; si leur dist : « Bien venant ! Comment vous portés vous dedens Bervich ? » Adonc li recordèrent li chevalier toute l'ordenance dou tretié ensi que il se portoit. Et quant li rois l'ot entendu, si pensa un petit, et vei bien que il n'i pooit pourveir, si dist : « Il me fault Bervich perdre, la souverainne chité de mon roialme. A ce ne puis je aidier. » Et puis il dist encores ensi : « Se nous le pardons pour ce temps, uns aultres retournera que nous le recouverons. » Et dist ensi as chevaliers : « Messire Guillaume et vous messire Robert, je vous remerchie grandement de ce que si vaillamment vous vos estes tenu en Bervich. Vous veez bien que il n'est pas en ma poissance que je puisse amender à ce tretié. Il n'i a nului en Escoce, depuis la mort de messire Guillaume de Douglas et dou conte Jehan de Moret; il n'i a gaires de cevaliers qui se doient ne puissent relever contre la poissance d'Engleterre. Englois sont male gent. Li baron de ce pais tretièrent jadis, et n'i a pas encores cinq ans, dou mariage de ma fenme et de moi, au conte de Qent qui fu uns vaillans preudons et à la roine Isabiel d'Engleterre, pour tant que il quidoient que je et toute Escoce en deuissions mieuls valoir, mais nenni : nous avons plus forte guerre assés que devant. Et chil qui s'acordèrent au mariage, la roine, la mère ma fenme, li contes de Qent et messires Rogiers de Mortemer en sont venu à povre conclusion, et tout par envie et le mauvesté des Englois. Robert et vous, Guillaume, vous retournerés et ferés dou mieuls que vous porés; je voi bien que il fault que je perde Bervich. »

Depuis ceste response que li rois David d'Escoce fist à ses chevaliers, il ne demorèrent que deus jours que il se missent au retour, et ceminèrent tant par lors journées que il vinrent à Bervich, et passèrent tout parmi l'oost as Englois paisieusement, et rentrèrent en la ville. Euls revenus, il parlèrent au capitaine et as tous ceuls de la ville, bourgeois et autres, et lor [recordè-

rent<sup>1</sup>] en general tout ce que il avoient trouvé ou roi d'Escoce et en son conseil, et la response tèle que faite on lor avoit; et sur ce [orent] conseil et avis. Donc dissent il l'un par l'autre : « Il n'i a aultre cose; il nous fault tenir le trettié tel que nous l'avons deviers les Engls. Aultrement ne poons nous finer. Et à tout considerer, voirement ne le puet li rois amender, car il n'a pas à present gens ne poissance pour combatre les Englois. »

Les chevalierz d'Escoce retournés sus la fourme et estat que je vous di, li rois d'Engleterre et sez consaulx vorrent sçavoir quel cose il avoient raporté. Il leur dissent que Bervich estoit lour, parmi les couvenances acomplies. Li rois d'Engleterre lor tint et acompli de point en point. Et s'en departirent tout chevalier et esquier qui en garnison i avoient esté, et enportèrent tout che qui lour estoit et sans rihote. Et li bourgeois de la ville demorèrent en paix, parmi tant que il jurèrent solempnement à estre bons et loiaus Englois, à tous jours mès, et eussent li Englois la possession. Et i entra li rois d'Engleterre à grant fuisson de trompes et de trompètes et de menestrandies. Et i tint son tinel et son estat, et la roine Phelippe sa fenme avoecques lui, laquelle estoit enchainte, et ce fu de Edouwart son ainné fil, qui puis fu princes de Galles et si vaillans homs, comme vous troverés dedens ceste histore, qant temps et lieus seront à parler de lui. Avocques la chité de Bervich, ot li rois d'Engleterre le castiel qui est biaux et fors et oevre sus les camps et en la ville. Et tout fu mis ens ou trettié dou rendage. Et furent la chité de Bervich et li chastiaus ravitailliet et rafresqi de pourveances et de gens d'armes et d'archiers et de bon chapitaine. Et fu toute la marce et la terre de là environ recargie et mise en garde, de la bouce dou roi, au signeur de Persi qui resgnoit pour ce temps.

Toutes ces choses faites et ordonnées, li rois d'Engleterre comença à donner de sa gent congiet. Et se departirent li plus lointain premierement. Et ils meismes s'en retourna au Noef Chastiel sur Thin, et i institua à chapitaine le signeur de Noefville; et puis s'en parti, et vint un jour disner en un chastiel priès de là scant, et la roine aussi. Et le castel on l'apelle Branspes, et est dou signeur de Persi. Et furent là li rois et la roine deus jours. Et entrues passoient ses gens, et se retraioient casquns en son lieu. Et où que li rois et la roine aloient, mes-

1. *M. de Rome* : recorda. F<sup>o</sup> 33

sires Robers d'Artois estoit tous jours en lor compagnie. Qant li dis rois et la roine et ses gens, voires ceuls liquel estoient ordonné pour son corps, eurent esté en Branspes deus jours, et li sires de Persi et la dame les orent bien festoiés, il prissent congiet et se departirent. Et vinrent à Durem, et là se tinrent trois jours; et puis s'en departirent, et vinrent à Evruich. Et là furent li rois et la roine et tous li hostels un temps jusques à la Pasque ensievant, que on compta l'an de grasce mille trois cens trente deus. Et là fist la roine sa jesine de Edouwart, son premier fil, qui depuis fu nonmés prinches de Galles et dus d'Acquitaines, et qui tant fu preus et vaillans homs, ensi que vous orés dire en l'istore. F<sup>o</sup> 33.

P. 111, l. 10 : au chief. — *Mss.* A 18 et 19 : en la fin. F<sup>o</sup> 30 v<sup>o</sup> — *Mss.* A 20 à 36 : au bout. F<sup>o</sup> 50 v<sup>o</sup>.

§ 53. P. 112, l. 3 : Ensi. — *Ms. d'Amiens* : Apriès le conqès de Bervich, li roys eult conseil et advis qu'il yroit devant le castel de Rosebouch, qui estoit à douze lieüwes de là, et qui est de ce costet li entrée d'Escoche et li departemens dou royaume d'Engleterre et de Norhombrelande; car en ce castiel pooient li Escot mettre une grant garnison, et trop fort grever Bervich, et yaux aidier à deffendre et garder le marce, s'il estoit de leur accord. Dont fu criet et coumandet de par le roy que on s'en allast de celle part, ainssi que on fist. Et sieuwirent toutes pourveanches l'ost; et s'en vinrent devant Rosebourq, et l'asegièrent de tous costéz, car c'est ung castiau sus une roce en plain pays. Et y a fossés assés profons, mès peu d'aighe y descent ne se tient. Dedens ce castel y avoit ung très bon escuier d'Escoce, que on clammoit Alixandre de Ramesay, qui dou garder fist bien son devoir. Et avoit touz les jours l'assault, jusquez as murs, de traire et de lanchier; et il se deffendoit si bien qu'il en avoit le grace de chiaux de dedens et de dehors ossi. Or vous dirons ung peu dou couvenant et de l'ordonnance le roy David d'Escoce et de son conseil, et coumment il se maintinrent depuis le departement, si comme vous avés oy.

Quant li Escot se furent parti de le montaigne, si comme il est dit chy devant, il chevauchièrent ce jour tout à leur aise, car bien sentirent que li Englès n'avoient nul talent d'iaux poursuiwir; et se logièrent, de haulte nonne, sus une petite rivierre,

que on claimme ou pays la Boée<sup>1</sup>. Et là se traissent tout li seigneur d'Escoche à conseil quel cose il feroient, et coumment le plus honnerablement de ceste guère as Englès il se maintenaient. Là y eut plusieurs parollez dittez, devisées et remoustrées. Et ne sambloit pas bonne as aucuns ceste ordonnance d'ensi fuir devant lez Englès, et qu'il se metoient en parti de tout perdre, leur honneur et leur pays. Dont disoient li plus sages que nullement il ne se veoient fort de combattre le roy englès, qui avoit avoecq lui bien soixante mille hommes d'eslite, et que il leur valloit mieus ensi maintenir que tout aventurer et perdre. Dont eurent conseil et pour le mieus que li jouènes roys leurs sirez s'en alast à Dubretan, ung très fort castel sus le sauvaige Escoche, et là se tenist, il y seroit tout aseur, et la roynne avoecq lui; et li jouènes messires Guillaume de Douglas et li comtes de Moret et li comtez de Surlant<sup>2</sup> et messires Robiers de Verssi et messires Simons Fresel<sup>3</sup> et tel route de gens qu'il voroient prendre, se tenissent ens ès forès de Gedours; et costiaissent lez Englès et les heriaissent : par celle voie il les gueriroient sagement et leur porteroient à le fois grant dammaige; et li autre se maintenaissent au plus bel que il pewissent.

Chilz consaux fu creus et tenus. Et se departirent leurs os, et s'en ralla chacuns en son lieu, sans faire ne moustrer aultre deffensce au pays, fors par le manniere que j'ay dit chy devant, fors tant qu'il envoièrent grant garnison en Haindebourch, en Saint Jehanston, en Abredane, en Dondier, en Darquest, en le ville de Saint Andrieu et ensi par les fortressez, et gastèrent yaux meysmes tout le plain pays. Et se retraissent hommes et femmez et enfans ens ès montaignez et ens ès bois et ens ès forès; et là menèrent tout le leur et s'i amasèrent. Et li chevalier et seigneur dessus dit, qui estoient estaubli et ordonné pour guerrier lez Englès, messires Guillaume de Douglas, li comtes de Moret, li comtez de Surlant, messires Simons Fresel et plusieurs autre se retraissent devers le forest de Gedours qui est forte, sauvaige et grande sans nombre, où nulle gens estranges ne oseroient ne poroient embattre, s'il ne vouloit y estre perdu d'avantaige<sup>4</sup>. Et li roys et li roynne d'Escoce s'en allèrent à Dubre-

1. *Ms. de Valenciennes* : la Bethe. F<sup>o</sup> 36 v<sup>o</sup>.

2. *Ibid.* : Surlaitre. — 3. *Ibid.* : de Versel.

4. *Ibid.* : Les costiaissent tousjours par les montaignes et passages où il avoient bien les chemins, et leur faisoient grant dommage.

tan, ensi qu'il est dit chy devant, et laièrent leur pays guernier en la manniere comme vous orés.

Ensi seoit li roys d'Engleterre devant le fort castel de Rosebouch, en Escocche, et y fu ung grant temps; et le fist par plusieurs fois assallir. Mès li bons escuiers Alixandres de Ramesay s'aquitta très bien et loyaument dou garder et dou deffendre, et vint avoecq ses compaignons par plusieurs fois à le barrière, et escarmuchier et combattre as Englèz. Et y fissent li Escot plusieurs belles appertisses d'armes, de tant que li roys y sist, qui disoit qu'il ne s'en partiroit mès jusqu'à tant qu'il aroit le castel par deviers lui, et en seroit sirez. Et là eut devant le castel ung fet d'armes d'un chevalier d'Engleterre, qui s'apelloit messires Guillaumes de Montagut, et de cel Alixandre de Ramesay, liquelx ne fait mie à oublier. Et pour ce ai je che livre coummenchiet que j'en doie et voeil recorder lez bellez avenues, et à ce je me sui acouvenenchiéz. Si n'est pas chilx fès d'armes escripts ne contenus ens ès cronicques messire Jehan le Bel; mès j'en fui enfourmés dez signeurs dou pays, quant je fui en Escocche.

Chils messires Guillaume de Montagut, qui puis fu comtes de Sallebrin par le vasselage et proèce de lui, et qui estoit fès nouveaux chevaliers, queroit les armes et lez aventurez che qu'il pooit. Dont, le siège durant devant Rosebouch, à une escarmuche qui estoit une foiz à le barrière dou castel, il estoit tout devant, une glaive en son poing, et faisoit là moult de bellez appertises d'armes; et li cappitainnez de layens, Alixandres de Ramesay, yssi contre li. Avint que li dis messires Guillaumez li dist: « Alixandre, Alixandre, nous nos hairions chy tout le jour au lanchier et au traire; et nous mettons en aventure d'estre ocis, et sans grant proèce. Si voeilliés faire une cose que je vous diray: armés vous demain, du mieux que vous poés, et jou ossi; et montés sus ung cheval, le milleur que vous aiiés. Et, se vous n'en advés nul qui bon ne vous samble, je vous en feray ung prester, et prendés vostre targe et vostre glave. Si, vous venés esprouver à moy, en ces biaux plains, devant le roy men seigneur et les barons d'Engleterre, par convent, se vous me conquerez par vostre proèche, ensi que bien faire polrés, vous enporterés devant vous mil nobles; et se je vous conquiers, je vous feray bonne compaignie. » — « Par me foy, respondi li escuiers, il ne seroit mies drois hommes d'armes qui refuseroit che parti, et je le vous accorde liement »

Ensi fu li bataille fianchie à l'endemain, et li escarmuche les-sie. Chacuns se pourvey en droit de lui, dou mieux qu'il peult. Et pour l'amour de le bataille, li rois d'Engleterre donna triewez à tous chiaux dou castel de Rosebouch, le jour entier, et l'endemain jusques à soleil levant. Quant ce vint au matin, messires Guillaume de Montagut s'arma très bien, fort et ablement, pour estre plus legiers. Et tous armés il monta sus son cheval, le glave ou poing, l'espée au costet et le targe au col; et s'en vint, ensi qu'il devoit, desus lez camps assés priès dou castel. Et là estoit li roys et li plus des barons d'Engleterre. Assés tost apriès, vint Alixandre de Ramesay, armés fricement et gentement de touttez pièches seloncq son usage, montés sus ung bon coursier, le bachinet en le teste, le glave ou poing, et acompaigniés de chiaux dou castel. Quant il se virent sur les camps, oncques ne parlementèrent de riens ensamble, ains abaissièrent les glaives et coindrent les targes à leurs poitrines, et ferirent chevaux des esperons, et s'en vinrent au plus droit l'un contre l'autre qu'il peurent, sans yaux nient espargnier. Et s'asenèrent, de premier encontre, de leurs glaives si roidement que chacun rompi le sienne en plus de trois pièces; et s'encontrèrent de leurs espaulles si dur que leur targe en passant se desbouclèrent et leur pendoient contre val assés à malaise; mais chacuns à se partie mist remède et aye. Et quant on leur eult rebouclé et remis à leur droit, il sachièrent les espées et ferirent chevaux des esperons; et vinrent l'un sus l'autre très fierement, et se requissent, sans yaux espargnier, de grant couraige. Et là mout vassauement et longhement se combatirent, et donnèrent li ung à l'autre sus leur bachinés à visièrè tamaint pesant horion. Et quant des espées il se furent ung grant temps combatu, il les jettèrent à terre avoecq les fouriaux, et puis se prisent as bras, et luitièrent sus leur chevaux; et fourmenèrent en luitant tant yaux et leurs chevaux que moult estoient afoibli de leur force. Dont dist li roys : « Chil doy bacheler se sont bien esprouvet, et fricement et vassaument se sont gouverné en leurs armures. Pour riens je ne vouroie qu'il mescheist à mon chevalier, et que li Escot ewist ossi trop grant dammaige de son corps. Ditez leur de par moy que je voeil qu'il cessent, car leur esbatemens nous doit bien souffire. » Dont vint celle part li sirez de Gresop, li comtes de Sufforch, li sirez de Ferières; et disent as champions che que li rois leur mandoit. et qu'il volloit qu'il fesissent. Ensi se departi



li bataille des deux bachelers qui vollentiers fu regardée, car vassaument et hardiement il s'estoient requis et combatu. Li Escocois en remenèrent leur cappittainne qui durement estoit travailliéz et lassés; et li Englèz, monseigneur Guillaume de Montagut qui n'en avoit mies plentet mains.

Chilz jours passa, la nuit ossi; et l'endemain au matin, à soleil levant, fu la trieuwe à chiaux de Rosebouch espirée. Si recoummenchièrent li assault fort et fier au castiel, et chil de dedens à yaux bien deffendre. Chilz sièges dura de l'entrée d'aoust jusquez à le Toussaint. Adonc fu li castiaux rendus, car plus ne le peurent chil qui s'en partirent, teuir. Et se sauvèrent yaux et le leur seullement, et en peurent aller quel part qu'il veurent, che fu deviers Dubretan li aucun, et li autre deviers le forest de Gedours, là où li bon chevalier et escuier d'Escoche se tenoient, qui souvent resveilloient les Englèz, messires Guillaume de Douglas, li comtez de ~~Winton~~ et li autres.

Quant li roys d'Engleterre fu entréz ou castel de Rosebouch, il se reposa à grant joie; et y tint se feste le jour de Tous les Sains, et y donna grans dons as chevaliers estranges, as hiraux et as menestrels<sup>1</sup>. Au huitième jour, il s'en parti et laissa bonne cappittainne et souffissant ou castel, cent hommes d'armez et deux cens archiers, puis chevaucha deviers Haindebouch, ung très bel castel et fort, seant sus une haulte roche, pour veoir le pays tout environ, et priès de le mer; mès, ains qu'il y parvenissent, il eurent mainte envaye des Escos et maint assault. Et ossi furent li Escot par pluseurs fois cachiéz et reboutet de messire Guillaume de Montagut et de messire Gautier de Mauni, qui estoient compaignon ensamble, et qui grant painne et grant soing mettoient et rendoient à yaux avanchir et aloser, et à adammagier lez Escos qui grant contraire leur portoient.

Ainchois que li roys englèz et ses os parvenissent devant le fort castel de Haindebouch, li marescal de son ost coururent toute le conté de Mare et contreval le marine jusques à Donbare et à Ramesée, et tout contreval le marine jusques à le ville de Saint Andrieu. Et puis reprissent ung bras de mer contremont, et s'en vinrent à une ville sur cel bras de mer que on appelle Kuinnesferri<sup>2</sup>, et robèrent et ardirent le ville, puis s'en

1. *Ms. de Valenciennes* : et as trompettes. F<sup>o</sup> 38

2. *Ibid.* : Kinfery.

partirent; et montèrent contremont, et vinrent jusques à Donfremelin. Et là eut ung grant assault, car grant fuïsson des gens del pays d'Escoche s'i estoient retret, qui si bien gardèrent celle ville, parmy l'ayde le seigneur de Lindesée et ses gens, que elle n'eut garde. Et y fu là durement navrés li comtez de Sufforch et messires Edouwars li Despensiars et messires Thummas Bisés et messires Ostes de Pontchardon. Et s'en partirent<sup>1</sup> li Englèz quant il virent qu'il n'y feroient riens, et s'en revinrent tout autour par desoubs Haindebourch; et trouvèrent le roy à siège devant Dalquest, ung castiel<sup>2</sup> au seigneur de Douglas, qui siet à cinq lieuwes de Haindebourch.

Chi<sup>3</sup> castiaux de Dalquest n'est pas trop grans, mès il est bien herbregiés de cambrez et de edeffices qui sont edeffiet en une grosse tour quarée, votée deseures, qui ne crient nul assault d'enghiens ne d'espringallez; et siet sus une petite roche bien taillie, environnée d'une rivierre qui n'est pas trop graus, se ce n'est par habundanche de pleuves. Et est li basse court ung peu ens sus, laquelle chil de layens avoient toutte arse et mise par terre, affin que elle ne leur portast point de dommage. Et avoit dedens le fort de Dalquest mis messires Guillaumez de Douglas bons compaignons et appers. Et estoient environ trente six, bien pourveu d'artillerie et de vivres, pour yaux tenir ung grant temps. Et avoient une cappittaine qui s'appielloit Patris de Hocle<sup>3</sup>, qui estoit bons hommes d'armes et seurs; et s'armoït d'argent à trois clés de sablez, car par pluisseurs fois il fu à le barrière dou castel armés de toutes pièches, escarmuchans as Englès bien et vassaument; et tant y vint escarmuchier qu'il l'en mesavint, si comme vous oréz.

Li rois d'Engleterre, qui seoit devant Dalquest, ne s'en voilloit nullement partir si ewist pris le fortrèche; et y fu tout l'iver enssuivant. Dont il avint sur le printamps que les aighes se coummencent à retraire, et plus une saison que une autre, et que li coraige dez preux bacelers par nature se raverdissent et resjoissent, adonc se fist ungs assaus des Englès à chiaux de dedens, grans et fiers et bien ordonnés; et avisèrent li seigneur d'Engleterre coumment il poroient dechevoir che chastelain. Bien savoient que, à tous les assaus que on faisoit, il s'abandon-

1. *Ms. de Valenciennes* : à grant perte. F<sup>o</sup> 38.

2. *Ibid.* : à messire Guillaume de Douglas. — 3. *Ibid.* : Hocleno.

noit moult avant; et entendoit toudis que il pewist prendre et retenir dez plus grans de l'ost par son advis, que il veoit devant lui à l'assault. Si fisent yaux huit des plus grans de l'ost, armer huit de leurs varlès en leurs propres tourniquiaus et parures d'armes, pour mieus veoir. Et les fisent assés foiblement acompaigniet de gens venir devant le pont leveis du castiel, et ung hiraut d'Engleterre, en une rice cote d'armes dou roy, vesti par parement devant yaux, qui crioit à chiaux dedens : « O Patris ! Patris ! regarde le belle aventure d'armes qui vous vient. Vechi ces seigneurs barons d'Engleterre, qui voèrent her soir après vin qu'il volloient hui escarmuchier à vous, sans autre ayde que de yaux meysmez. Se vous les poyés par biau fait d'armes prendre ne retenir, vous y ariés bien de prouffit cent mil florins <sup>1</sup>. »

Et quant li castelains oy ces parolles et il recongnut les armes au comte de Lancastre, au comte de Pennebrucq, au comte de Herfort, au comte de Sufforch, au comte de Warvich, au seigneur de Persi, au seigneur de Gresop, au seigneur de Nuefville et au seigneur de Felleton, et il lez vit tant seulement yaux huit à l'entrée dou pont, si quida bien que li hiraux li deist verité, et qu'il fussent là venu par voie de veu. Si dist à ses compaignons : « Seigneur, qui troeve saint Pière à l'uis, il ne l'a que faire d'aller querre à Romme. Vechy nostre recouvrance, se eur et fortune y a venue, pour tousjours mès : plus vassaument ne nous poons nous combattre ne aventurer, que à ces noblez seigneurs d'Engleterre, qui nous en requièrent. Il en y a tel quatre qui paioient deus cens mille florins, sans yaux grever. Avallons le pont, et nous hastons d'yaux combattre, et de mettre ceens par force d'armez. Si ferons une des bellez aventurez qui avenist oncques mès en Escocche. » Et chacuns dist : « Che soit fait. » Dont avallèrent le pont vistement tous jus, rés à rés de terre, et ouvrirent leur portes; et vinrent de plain cours sur cea varlès, qu'il cuidoiient grans seigneurs. Likel se coummenchièrent à deffendre faintement, et à reculer jusques à le jointure dou pont, et yaux laissier tirer et abatre, et dire : « Rendés vous » et respondre : « Non ferons. » Entroes qu'il s'ensonnioient ainssi, Englèz, qui estoient tous pourveu et avisé quel cose il devoient faire, vinrent à cours de cheval celle part; et monterent sour le pont si efforcement que oncques puis ne s'en

1. *Ms. de Valenciennes* : nobles. Fo 38

partirent, et en furent maistre; et prisent Patris le cappittainne et dix huit<sup>1</sup> de ses compaignons, et tuèrent tous les autrez. Et entrèrent en le porte qui estoit toute ouverte, et se saisirent le castiel; et en rendirent les clés au roy englès, qui en eult grant joie.

Tout ainssi comme vous m'avés oy compter, fu li castiaux de Dalquest pris<sup>2</sup>. Et y mist li roys englès garnison, pour le tenir et deffendre contre tous hommes, et le rafresqui de pourveanches. Puis s'en parti li rois et tout sen ost, et s'en vinrent en Haindebourch. Et se loga li rois en une abbeie de noirs moignes, assés priès de le ville, que li Escot avoient toute arse, pour ce qu'il ne volloient point que li Englès s'i herbergassent. Et environnèrent le castel, qui siet hault sus une roche de tous costés. Et y fist li roys pluisseurs assaulx grans et fiers et merveilleux, mès peu y conquist, car il y avoit dedens bonne bachelerie qui bien le deffendoient à tous venans. Lors eult conseil li roys qu'il le feroit assaillir d'enghiens, ensi qu'il fist. Et fist deus grans enghiens, haus et bien ordounés, drechier devant le castel, qui ouniement nuit et jour y jettoient; et rompirent et debrisèrent chil engchien toute le basse court. Ensi estoient chil de Haindebourch assailli et travillié des Englès. Et li coureur et fourreur d'Engleterre, dont messires Guillaume de Montagut et messires Gautiers de Mauny, qui nouvelement estoit devenu chevalier, estoient cappittainne, coururent le plainne Escoche bien souvent jusques à Struvelin<sup>3</sup> et jusques à Donfremelin; mès noient ne trouvèrent à fourer, car li Escot avoient yaux meysmes destruit et ars tout leur plain pays, et retret le leur et leur bestez ens ès foriès. Et euissent eu li Englès mout de malaise et de povreté de faminne, se il ne leur fuissent venu vivre par mer; mès il leur en venoit d'Engleterre assés et par raison, qui grandement recomfortoit leur ost. Or lairons ung peu à parler des gherres del royaume d'Escoche, et paurons des avenues de Franche.... F<sup>o</sup> 17 v<sup>o</sup> à 19.

.... Or revenrons au roy d'Engleterre qui estoit devant Struvelin, en Escoche. Struvelin<sup>4</sup> si est ungs castiaux biaux et fors, seans sus une roche et haulte assés de tous costés, horsmis de l'un, et est à vingt lieueuz de Haindebourg, à douze de Donfremelin, et

1. *Ms. de Valenciennes* : et tous ses hommes. F<sup>o</sup> 38.

2. *Ibid.* : Si entra le roy dedens luy rafrescir à grant joie.

3. *Ibid.* : Estrumelin -- 4. *Ibid.* : Strumelins. F<sup>o</sup> 42.

à trente lieues de le ville Saint Jehan. Et fu chilz castiaux anciennement, dou tamps le roy Artus, nommés Smandon. Et là revenoient à le fois li chevalier de le Reonde Table, si comme il me fu dit quant g'i fui, car ens ou castiel je reposay par trois jourz avoecq le roy David d'Escoche, si comme je poray bien dire sour le fin de ce livre. Et estoit li dis castiaux, pour le temps que g'i fui, à messire Robert de Verssi, ung grant baron d'Escoce, qui l'avoit aidiet à reconquerre sus les Englès. Et vous di que li roys d'Engleterre, de tant qu'il y sist, y fist faire plusieurs assaulx grans et fors. Et chil de dedens se deffendoient bien et loyaument, dont il annioit au roy que tant se tenoient; car messires Robiers d'Artois li disoit souvent : « Sire, laissiés che povre pays. Que mau feu l'arde, et entendés à vostre plus grant prouffit, le noble courounne de Franche, dont vous estes drois hoirs, et de quoy on vous fait tort. Il n'est si grans perilz que de gherrier povres gens. Chy poés vous bien perdre et nient gaignier. » Li rois entendit vollentiers à ses parollez, quoyqu'il poursuiwist le guerre d'Escoche, car il l'avoit empris à toute destruire jusque à le sauvage Escoche; et eüst fait, se chilz soings ne li fuist creus.

Endementires que il seoit devant Struvelin, nouvelles li vinrent que la royane sa femme estoit acouchie d'un biau fil, en le chité de Ewruich, et que il y volsist envoier certains messages et le nom qu'il porteroit à fons. Mout fu li rois joyans de ces nouvelles; et donna au chevalier, qui aportées li avoit, cent librez d'estrelins et ung biau courssier. Et envoya celle part messire Edouwart de Bailloel, ung bon chevalier qui le tint à fons, et contre qui il eult à non Edouwars, le nom dou roy son père. Et fu puis chilz enfes prinche de Gallez, et très bons, hardis et entreprendans chevaliers, et qui durement et fierement guerria tant qu'il vesqui<sup>1</sup>; mès il mourut dès le vivant le roy son père, ensi comme vous oréz en ceste histoire.

Tant sist li rois d'Engleterre devant Struvelin que li castiaux fu si apressés, grevés et demenés d'assaux de grans enghiens qui nuit et jour y jettoient, que chil de dedens, qui loyaument s'estoient deffendu et tenu, ne se peurent plus tenir; car il ne veoient apparant point de confort de nuls costéz, ne nulle asssemblée des

1. *Ms. de Valenciennes* : et fist en France et ailleurs moult de beaux fais d'armes, et morut joene du vivant son père. F<sup>o</sup> 42.

Escos qui se fesist pour combattre le roy ne lever le siège. Si tretièrement unez trieuwes deviers le roy à durer quinze jours<sup>1</sup>; et se dedens ces quinze jours, autres comfors ne leur apparroit, il devoient rendre le fortrèce au roy, sauve leurs corps et le leur. Li rois s'i acorda, et tint le trieuwe bien et paisivlement; mès oncques n'appari homs vivans, pour combattre les Englès. Quant li quinziesme jours fu passés, li rois fist requerre à chiaux dou castiel que il tenissent leur couvent, et ossi fissent il. Dont se partirent dou castiel enssi qu'il devoient; et en portèrent tout le leur, hors mis les vitailles et le artillerie dou castiel. Tout ce estoit reservet en le devise. Et s'en allèrent li Escot là où bon leur sambla. Et li rois prist le possession dou castel de Struvelin, et y mist bonne garnison de gens d'armes pour le garder et deffendre.

Quant li roys d'Engleterre eut pris le castel de Struvelin et toute le plainne Escoche courut, et pris et ars pluseurs villes fremées de fossés et de palis, si demanda conseil à ses hommes comment il se maintenroit, car l'imfourmation que il avoit de mouseigneur Robert d'Artois li touchoit moult. Et souvent y pensoit, et en avoit jà parlé as plus secrès de son conseil et à ses plus prochains de linages, à telx comme au comte de Lancastre, au comte de le Marce, au comte de Sufforch, au comte de Herfort, au comte de Warvich, au seigneur de Perssi et as pluseurs autres. Si trouvoit en conseil li rois que il pourveist les fortrèces que il avoit prises en Escoce, bien et souffissamment, de bonne bachelerie apperte et legière<sup>2</sup>, pour les tenir et garder contre les Escos; et s'en revenist arrière viers le cité de Londres, et fesist là assamblar son parlement des nobles, des prelas et de ses bonnes villes; et leur remoustrast ou fesist remoustrer sen intention, et ce dont messires Robiers l'avoit enfourmet. Li roys s'acorda à ce conseil, et fist de rechief pourveir et rafrescir<sup>3</sup> Bervich, Dalquest, Rossebourch, Dondieu, Astrebourch, le bastide de le Mare, le fort Saint Pierre, Haindebourch et Struvelin; et mist en chacun de ces castiaux grant fuison de bonnes gens d'armes et de archiers. Et fist souverains de tous ce pays conquis et de toutes gens d'armes<sup>4</sup> messire Guillaume de Monta-

1. *Ms. de Valenciennes* : adfin qu'il euissent vivres. F<sup>o</sup> 42.

2. *Ibid.* : de bonne chevalerie et de bons archiers. F<sup>o</sup> 42 v<sup>o</sup>.

3. *Ibid.* : les villes et places qu'il avoit prinses, jusques au nombre de neuf.

4. *Ibid.* : pour garder toute la marche.

gut et messire Gautier de Mauny. Puis se desloga et parti, et s'en revint arriere vers Rossebourc, et donna ses gens congiet. Et ordonna ung certain jour de parlement qui seroit à Londrez, et pria et enjoindi à tous barons, prelas et chevaliers qu'il y fuissent, et chacun li eut en couvent.

Tant s'esploita li rois englès, apriès che que ses os furent departi, qu'il rapassa le royaume de Norhombrelant, Urcol, Persi, le Noef Chastiel sur Tin, Durem, et s'en vint à Ewruich. Si trouva la roynne sa femme qui se devoit, dedens cinq jours, relever de sa gesinne. Là sejourna li rois tant que elle fu relevée; et y eut au jour de se purification grant feste. Puis se parti li roys assés briefment, et la roynne et messires Robiers d'Artois et tout leur arroy; et s'en revint arriere deviers le chité de Londrez. Et se tint à Wesmoustier, et à Cènes et à Eltem, et là environ Londres; et toudis messires Robiers d'Artois dallés lui, à qui il faisoit grant feste et moustroit grant amour. Et fist li rois faire as ' Augustins, à Londres, les obsèque et l'offisce de Monseigneur Jehan de Eltem, son frère, qui nouvellement estoit trespasés. Or vous paurons ung peu des Escos, et de chiaus que li roys englès avoit laissiet en Escoche.

Vous avés bien oy recorder chy devant coumment, à une assemblée des Escocois qui se fist devant Bervich, là où li roys David d'Escoce fu presens et que venu y estoient pour lever le siège, que point ne fissent, car il n'estoient mies fort pour le faire, si ordonnèrent messire Guillaume de Douglas et le jouène comte de Moret à gheriier sus les frontierrez les Englès, et à heriier ce qu'il poroient. De quoy, tantost qu'il seurent le retour dou roy d'Engleterre, il s'asablèrent et coummenchièrent à courre sus chiaus que li roys d'Engleterre avoit laissiet ou pays; et leur portèrent souvent pluisseurs dommaiges, car il congnoissoient leurs marches et leur pays. Si en avoient de tant plus grant avantage et mieux lieu de gheriier, et souvent resvilloient les Englès et leur portoitent dommaige. Ossi à le fois il estoient cachiet et racachiet mout avant; mès li Escos se tenoient et mettoient en si fort pays de marès et de crolières et de drus bois, que, quant il estoient là retret, il estoient assés bien asseur. Et vous di que, de ces chevauchies et puigneis qui adonc estoient et se faisoient en Escoce, en avoient toute la huée et le plus grant

1. *Ms. de Valenciennes* : au moustier des Augustins f<sup>o</sup> 43.

renommée des Escos quatre chevaliers d'Escoce, messire Guillaume de Douglas, messires Robers de Versi, li comtes de Moret, messires Simons Fresel; et de le partie as Englès, messires Gautiers de Mauny et messires Guillaume de Montagut, qui depuis fu comtes de Sassebrin et en eut madamme Aelis à femme, qui en estoit hoirs et de se jonèce de l'ostel le roynne d'Engleterre. Et li donna li roys, pour le bien et le proèche de lui, car en ces gherres il se porta très vassaument. Or lairons à parler des besoingnes d'Escoche, et paurons dou roy d'Engleterre, et comment il parsevera sus le infourmation qu'il avoit de monseigneur Robert d'Artois. F<sup>o</sup> 20 v<sup>o</sup> et 21.

P. 112, l. 21 et 22 : Rosebouch. — *Ms. B.* 6 : Et fist en che tamps messire Guillame de Montagu faire une fortesse contre les Escchois qui se nome de Rosebourcq, qui n'estoit que devant une bastille, qui siet sur les marches des deux royalmes de l'une partie d'Escoche. F<sup>o</sup> 64.

§ 54. P. 114, l. 31 : Benedic. — *Ms. d'Amiens* : Encorres envoya li roys de Franche devotement devers le pappe Benedicq en Avignon, en lui priant comme ses filx que le voiaige d'outre mer et le croix il li volsist confremmer, et le fesist preechier parmy sainte Crestienneté. Li papes li acorda doucement, et fu ceste croix preschie parmy le monde où li foy de Dieu est creue; et prisent pluseur vaillant homme et preudomme le croix, qui devoiement avoient d'aller en ce saint voiaige. F<sup>o</sup> 20 v<sup>o</sup>.

*Ms. de Rome* : En ce temps, vint il en devotion au roi Philippe d'aler en Avignon veoir le pape Benedich qui resgnoit pour ce temps, et de parler à lui, et par son conseil entreprendre le voiage d'outre mer et conquerre la Sainte Terre, car pour lorz il n'avoient que faire et ne savoient à quoi entendre, fors as joustes et as tournois et à tous aultres esbatemens. Et pour ce li rois Philippines avoit celle devotion de convertir ces armes et esbatemens à aler sus les Incrédulés et conquerre la sainte chité de Jherusalem et le roialme de Surie, et tant faire par poissance que de oster hors des mains dou Soudan et des Incrédulés. F<sup>o</sup> 33 v<sup>o</sup> et 36.

P. 115, l. 6 : grant arroi. — *Ms. d'Amiens* : Quant li rois de Franche eut en partie acompli ses vollentés de monseigneur Robert d'Artois <sup>1</sup>, ensi comme vous avés oy, et que il se vit en

1 *Ms. de Valenciennes* : avoir encachié. F<sup>o</sup> 41.



pès et en repos en ce noble royaume de France, si en carga grant estat<sup>1</sup>, et bien le pooit faire. Et tenoit trois roys de son hostel : le roy Carlon de Behaigne, le roy Phelippe de Navare et le roy de Mayogrez, et dus et comtes et barons sans nombre; et n'y avoit onques mès eut roy en Franche dont il souvenist, qui eüst tenu l'estat pareil au dit roy Phelippe. Et faisoit faire festes, joustes, tournois et esbatemens, et il meismes les devoisoit et ordonnoit. Et estoit ungs rois plains de toute honneur, et congnissoit bien que c'estoit de bachelerie; car il avoit estet bachelers et saudoüiers en son venir en Lombardie, dou vivant le comte de Vallois son père. Si en amoit encorrez mieus les petis compaignons. Par especial, il amoit et tenoit le plus dou tamps dalléz lui le gentil roy de Behaingne et le roy de Navarre, le comte d'Alençon, sen frère, monseigneur Jehan de France, duc de Normendie, son aîné fil, le duc Oedon de Bourgoingne, le comte Loeys de Flandrez, le comte Loys de Blois et messire Charle de Blois, car il estoient si nepveut, le comte de Bar, le duc de Bourbon et le duc de Lorraine<sup>2</sup>. Et n'estoit onques li rois si priveement, fust à Paris ou ou bois de Vicesnes, que chil seigneur ne fuissent dallés lui, et tout de son hostel à delivrance, et encoires grant fuïsson d'autre baronnie et chevalerie. Moult estoit li estas dou roy Phelippes de Franche grans et renoummés en tous pays, et tousdis croissoit sans amenerir. F<sup>o</sup> 20.

P. 115, l. 10 : Si chevauçà. — *Ms. de Rome* : Pour ces jours, estoit li rois Phelippes jà avalés et venus à Lion sus le Rosne. Qant on li dist que li rois Robers estoit en Prouvence, si se departi tantos et vint tout contreval la rivière dou Rosne en une nef en Avignon, pour ceminer plus aise. Et li aultre, c'est à entendre ses gens, vinrent par terre une partie; et se logièrent tout à Villenove dehors Avignon, et li rois de France ausi. Li papes, li cardinal et toute li cours furent grandement resjoï de la venue dou roi de France et dou roi Robert de Cecille, quant il estoient là venu; et furent graces ouvertes à tous clers qui empetrer voloient. Et donna li papes par plusieurs fois à diner en son palais, liquels, pour le temps dont jè parole, n'estoit pas

1. *Ms. de Valenciennes* : il tenoit plus noble estat que onques n'eüst tait roy que ou sceüst. F<sup>o</sup> 41

2. *Ibid.* : et moult d'autres qu'il avoit à sa delivrance.

si biaux ne si raemplis de cambres et d'edefiscs comme il est pour le present. F° 36.

P. 113, l. 16 et 17 : d'Arragon. — *Ms. de Rome* : Et jà en avoit li rois de France escript au roi Robert de Cecille, son cousin, et priiet que il se vosist avaler en Prouvence dont il estoit sires, et que sans faute en tel temps, se li nonma, il seroit en Avignon. Les quelles nouvelles et segnefiances furent à ce roi Robert moult plaisans, car il s'escripsoit rois de Cecille et de Naples et de Jherusalem, dus de Puille et de Calabre et contes de Prouvence. Si pensoit à recouvrer son hiretage de la Sainte Terre par la poissance dou roi de France et des Cresttiens, puis que li voïages de la vermelle Crois seroit empris. Et se departi de Sesille et de Puille, et exploita tant par ses journées que il vint en Prouvence. F° 36.

P. 113, l. 30 : Si preeça. — *Ms. de Rome* : Et là furent faites grandes predications et belles devant les rois, et toutes touchans à la Crois vermelle entreprendre. Et l'emprisent ou nom de Dieu et le jurèrent et voèrent à porter oultre mer en la Sainte Terre, en la capelle dou pape, li doi roi desus nonmé, li contes d'Anjou, frères au roi de France, li contes de Savoie, li contes d'Ermignac, li daufins de Viane, li daufins d'Auvergne, li dus de Bourbon, li contes de Forois, li cardinauls de Naples, li cardinauls d'Otun, li cardinaus de Melans et li cardinaus d'Urgel. Et tant que à ce jour, en issant dou palais, il furent plus de deus cens grans signeurs qui tous emprisent le vermelle Crois à porter; et voèrent que, au plus tart dedens deus ans, il seroient en l'ille de Rodes. F° 36.

P. 116, l. 14 : d'Arragon. — *Le ms. B 6 ajoute* : le roy de Mayogres. F° 69.

P. 116, l. 26 : se partirent. — *Ms. de Rome* : Quant li doi roi desus nonmé orent assés sejourné en Avignon, tant que bon lor fu, il prissent congiet au pape et as cardinauls, et aussi li un à l'autre, et se departirent. Et s'en retourna li rois Robers en Cecille, et li rois Phelippes en France. F° 36.

§ 55. P. 117, l. 22 : pors. — *Ms. d'Amiens* : Et fist li roys, sus le port de Marseille et de Aiguezmortes, appareillier ses vaisseaux et ses gallées et pourvoir de toutes pourveances, qui appartenoit à lui et pour trente mil combatans, parmy les grans seigneurs qu'il en volloit mener de son hostel. Et estoient de

toutte ceste navie souverain li comtes de [Nerbonne<sup>1</sup>] et messire Carles Grimaus, ungs Geneuois<sup>2</sup>. F<sup>o</sup> 20 v<sup>o</sup>.

P. 118, l. 2: Hongerie. — *Ms. d'Amiens* : ossi deviers le roy d'Allemagne Loey de Baivière, qui resgnoit pour le tamps, emperèrez de Romme, quoy que li Roumain li contredessissent, et liquelx avoit sa nièche espousée, madamme Margherite, fille au comte de Haynnau. Li quelx rois d'Allemagne li accorda le voiaige et se terre à ouvrir jusquez en Hongrie, se par là volloit passer; et li amenistroit vivre, et pour tous ciaux qui le Croix porteroient, et qui les Incrédulles voroient destruire et la foy crestienne essauchier. F<sup>o</sup> 20.

*Ms. de Rome* : En ce tamps, estoit avvenu que messires Lois de Baivière avoit tenu son siège devant la ville de Aix, en Alemagne, quarante jours. Et l'avoient li eslisseur esleu à estre emperères de Ronme; mais li rois Phelippes et li signeur de France i metoient un grant empecement, et voloient que Carles de Boesme, fils au roi de Boesme et dus de Lucembourc, fust emperères. Li Alemant se traioient au Baivier, et ne s'accordoient point à Carle de Boesme. Et très donc se commenchièrent à engendrer et nourrir haines entre les Alemans et les François; car li uns voloit d'un, et li aultres d'autre. Et faisoient partie avoecques le roi de France et les François, li Sains Pères Bnedic et tout li cardinal. Et ne pooit Lois de Baivière, rois d'Alemagne, finer que li papes envoias à Ronme un cardinal en legation et li donnast poissance pour li consacrer, et s'escusoit par voies obliques.

Quant Loys de Baivière vei ce que il n'en aueroit aultre cose, et que il estoit dez cardinaus et dou pape menés d'uisseuses et de frivoles, et veoit tout clerement que li François s'enclinoient à Carle de Lucembourc, et non à lui, il i pourvei, je vous dirai comment. Il cevauça à poissance, et à grant fuisson de gens d'armes, parmi la Lombardie, et vint à Melans; et fist son devoir de tout che que à roi d'Alemagne apertenoit à faire. Et institua l'arcevesque de Melan, qui pour le tamps resgnoit, à gouvrenier Melan et la visconté, parmi une somme de florins que il en devoit rendre tous les ans, et puis passa outre. Et partout où il venoit, il estoit courtoisement requelliés, et tenoit grant estat et estofé

1. *Ms. de Valenciennes*, f<sup>o</sup> 41. — *Ms. d'Amiens* : Verbonne.

2. *Ibid.* : ung vaillant Geneuois sur mer.

et poissance de gens d'armes, par quoi il estoit le plus doubtés; et vint à Ronme, et là fu recheus comme rois d'Alemagne. Et avoit envoïet en Avignon, son cemin faissant, souffissans messages pour sonner le pape et les cardinauls; et lor segneffoit, par ses lettres et par ses commissaires, que ils vosissent envoier à Ronme un cardinal pour li consacrer à empereour; et de ce il supplioit affectueusement le pape et les cardinauls. Chil qui i furent envoïet, fissent bien lor devoir de faire lor message, mais il ne pooient avoir nulle response; avant estoient menet de paroles. Et tout lor estat et couvenant, il escripsoient songneusement à lor signeur le roi Loys de Baivière. Quant il vei che que il n'en aueroit aultre cose, et que on li empeçoit sa consecration, il i pourvei, car il fist un pape et douse cardinauls, par l'acort des Ronnains; et se fist consacrer et couronner de ce pape et de ces cardinauls, et prononchier à estre emperères. Quant il ot recheu celle dignité par la voie que je vous di, assés tos apriès, il se departi de Ronme.

Li Alemant, qui servi l'avoient sus tout son voiage, et as quels il devoit grant finance, li demandèrent à estre paiiet: il s'escusa et dist que il n'avoit point d'argent là aporté, fors que pour ses menus frès paiier. Il li dissent de rechief, tout generaument, que, se il n'estoient paiiet, il se paieroient. Il lor acorda; et n'avoit cure comment, mais que il demorast en paix et en lor grace. Sitos que Loys li Baiviers fu issus de Ronme, li Alemant demorèrent derrière. Il avoient ordonné à courir Ronme, ensi que il fissent. Et pillièrent et prissent li Alemant sus les Ronnains tant et outre ce que on lor devoit, et n'en porent avoir aultre cose; et retournèrent, tout fenci d'or et d'argent et de jeuiaux, devierz l'empereour de Baivière qui les atendoit à Viterbe. Si aquellièrent li Ronmain ce Baivier en grant haine, et dissent que il lor avoit fait faire; ne onques depuis il ne rentra à Ronme. Et li papes et li cardinaul, qui le consacrerent, n'orent point de durée, et se vinrent rendre au pape d'Avignon; mais ce ne fu pas si tos.

Loys de Baivière qui s'escripsi, tant que il vesqi, rois d'Alemagne et empereour de Ronme, maugré tous ses malvoeillans, s'en retourna en Alemagne, et là se tint. Et avoit à femme madame Margerite, fille au conte Guillaume de Hainnau; et en ot de li un grant mout de biaux enfans, fils et filles. F<sup>o</sup> 36 v<sup>o</sup>.

P. 118, l. 6 et 7; recevoir. — *Mss.* A 11 à 14: moult benigne-ment son cousin. F<sup>o</sup> 29 v<sup>o</sup>.

P. 118, l. 11 : Cecille. — *Mss. A 14 à 14* : son cousin. F<sup>o</sup> 29 v<sup>o</sup>.

P. 118, l. 17 : Ossi fisent. — *Ms. d'Amiens* : Et fist on garnir et pourvoir toutes les costières de mer de le rivière de Gennes<sup>1</sup>, mouvant jusques en Napplez, et revenant en Venise et en l'ille de Crette. Et fist li roys de Franche pourvoir l'ille de Rodes, et y envoya le grant prieur de Franche à qui li Templier obeissent. F<sup>o</sup> 20 v<sup>o</sup>.

P. 118, l. 17 et 18 : Geneuois. — *Ms. B 6* : Il avoit donné à entendre qu'il passeroit, et par especial as Geneuois, dont il avoit trait avant sur les costes de Franche grant foison de gallées, de nefes et de barges toutesz apparillies. F<sup>o</sup> 70.

P. 118, l. 28 : voiage. — *Ms. de Valenciennes* : Mais pau greva aux Sarrasins, car le roy n'en fist riens. F<sup>o</sup> 41.

§ 56. P. 119, l. 4 : Engleterre. — *Ms. de Rome* : en la marce de Londres. Une fois tenoit (li rois d'Engleterre) son hostel à Eltem, et l'autre à Windesore. Et vivoient li rois et la roine en grans esbatemens; et faisoient faire festes, joustes et behours en Engleterre, et passoient ensi le temps. F<sup>o</sup> 33 v<sup>o</sup>.

P. 119, l. 5 : consilloit. — *Ms. de Rome* : Et disoit ensi et moult souvent li dis messires Robers d'Artois au roi d'Engleterre : « Monsigneur et biaux cousins, vous estes jones et à venir : si ne vous devés pas refroidier de demander vostre droit et de calengier. Vous avés deus ou trois coses qui grandement vous i pucent aidier et valoir avoecques le droit. Vous avés mise et cavance assés, et peuple de bonne volenté, qui desirent les armes, et qui point ne voellent estre wiseus. Si avés très grant commencement de requierir et calengier ce qui est vostre. Et si vous di encorés que vous trouverés dez bons amis par delà la mer, qui vous aideront, conselleront et conforteront en vostre calenge, si tretos que vous auerés commenchié la guerre, se guerrier vous en fault. Car il n'est riens, en ce monde, que li Alemant desirent si que d'avoir aucune cause et tître de guerrier le roiaume de France, pour le grant orguel qui i est abatre, et pour partir à la riçoise. Très chierz sires et biaux cousins, soiiés tous segurs : quoi que Phelippes de Valois fust couronnés

1. *Ms. de Valenciennes* : de le rivière de Jennes jusques à Palles en l'ille de Grèce et de Rodes. F<sup>o</sup> 41.

à roy de France, et que li douse per de France l'eslisirent et eslevèrent, si fustes vous bien mis en doute; et se vous l'eus-siés debatu ou envoïet debatre, jà on n'eüst procedé ens ou couronnement. Vous en serés ce que bon vous en samblera; mais se vous perdés vostre hiretage par estre trop mols, vous qui estes à venir, vous en serés mains prisiés et doubtrés; et se sera à vostre grande confusion et condampnation de corps et d'ame. A tout le mains, faites asambler vous hommes et vostre conseil; et euls venu, soit chi à Eltem, ou ailleurs, je, en la pre-sence de vous, leur remousterai et esclarchirai de point en point le droit que vous avés à la couronne de France. Se orés quel cose il en diront et responderont, qant vous demanderés à avoir conseil sur ce, par quoi il ne puissent dire ou temps à venir que vous ne vos soïés aquités de euls remoustrer le droit que vous avés au calenge de France. Car se vous estiés de vostre peuple reprociés que, par defaute de corage et par paour, vous aueriés laissiet aler le vostre, et vous seriés endurchis en ce pechiet, il le vous tourneroient en grant prejudisce et lasqueté de coer, et diroient que vous ne seriés pas dignes de porter couronne; et demorriés tous jours, le demorant de vostre vie, soupeonables deviers euls et en grant peril encorés, se partant vous poiés issir de ce dangier.—»

Tant dist, tant promeut et tant exploita messirez Robers d'Ar-tois que li jones rois d'Engleterre ouvri les orelles et se resvilla, et entendit à ce que il li disoit et remonstroït. Et voellent bien li aucun dire que il ne l'osa laisser, car jà grande murmuration se montoit en Engleterre des nobles et dou menu peuple, et di-soient : « Nostres sires, li rois, a trop grant droit à l'iretage et couronne de France. Et messirez Robers d'Artois li a bien sceu dire, remoustrer et esclarcir de point en point comment, par droite succession et membres d'iretage, il deveroit estre rois de France, dont on l'a arrieré à fraude et par cautèle, car il est fils de la serour le roi Carie de France; et celi que il eut cou-ronné à roi, Phelippe de Valois, n'est que cousins germains. Nous verons que il en vodra dire. Se le demande et calenge de-meure en sa proëce, et que il s'aherde à wiseusses, ensi que fist ses pères, il vivra en peril et en haine deviers nous; et se il ahert de bon corage son droit à poursievir, nous l'aiderons de nostres corps et dou nostre. » Si fu dit siablement au roi : « Sire, ensi dient li noble de ce pais et li peuples; il fault que

vous aiiés avis. Commune renommée geurt par toutes vos signouries d'Engleterre que vous devés estre rois de France, se en vous [proesse] ne demeure. Et sont toutes gens, asquels les paroles viennent, esmervilliet pourquoi vous detriüés tant que vous n'en faites vostre devoir, puisque vous en estes souffissamment enfourmés. » F<sup>o</sup> 34.

P. 119, l. 8 : conseil. — *Ms. d'Amiens* : Li roys avoit ordonné ung grant parlement à estre à Londres<sup>1</sup>, des barons, prelas et bonnes villes d'Engleterre; duquel parlement tout chil, qui priet et semons en furent, y vinrent. Et là fu remoustré et parlementé quel droit et quel prochainet li roys Edouars avoit à l'hiretaige de France. Et leur remoustra messires Robiers d'Artois, de point en point et de degret en degret, coumment et par quelle ordounnance ce pooit estre. Là eut pluisseurs paroles dittes, devisées et retournées; car de entreprendre ung si grant fait que de volloir bouter le possessant de le courounne de Franche hors del possession dou royaume, c'estoit fort affaire, et y couvenoit grans sens, pourcach et advis. F<sup>o</sup> 21.

*Ms. de Rome* : Adonc li jones rois d'Engleterre, qui veoit le bonne volenté de ses hommes, par le bon conseil qu'il ot, fist une grande asssemblée à Londres pour avoir un parlement, au palais de Wesmoustier, des prelas, des nobles et des consauls des bonnes villes d'Engleterre, et pour avoir conseil sur ce à savoir que il en poroit et deveroit faire. Quant tout furent venu, Londres fu moult fort garnie de peuple; car encores avoecques tous ceuls qui estoient escript et mandé, vinrent moult d'autre peuple pour aprendre des nouvelles, car la matère lor sambloit moult grande.

Or se fist chils consauls ou palais de Wesmoustier; et fu toute la plus grant sale raemplie de prelas, des nobles et des consauls des chités et des bonnes villes d'Engleterre. Et là fist on tout homme seoir sus escamiaux, pour casquin veoir le roi plus aise, liquels estoit assis en pontificalité, en draps roïans, et la couronne en chief, tenant un sepre roial en sa main. Et plus bas deus degrés, seoient prelat, conte et baron; et encores en desous avoit plus de siis cens chevaliers. Et de ce ricle seoient les hommes des chienq pors d'Engleterre, et les consauls des chités

1. *Ms. de Valenciennes* : là où furent les trois estats F<sup>o</sup> 43.

et bonnes villes dou pais. Qant tout furent auné et assis par ordonnance, ensi que il devoient estre, on fist silense.

Adonc se leva uns clers d'Engleterre, licenciés en drois et en lois, et moult bien pourveus de trois langages, de latin, de françois et dou langage englês; et commença à parler moult sagement. Et estoit messires Robers d'Artois dalés lui, liquels l'avoit enfourmé, trois ou quatre jours devant, de tout ce que il devoit dire. Si parla atempreement et remoustra tout en hault, et [en] englois, à la fin que il fust mieuls entendus de toutes gens, car tous jours sçut on mieuls ce que on voelt dire et proposer ens ou langage où on est d'enfance introduit qu'en un aultre, tous les poins et les articles desquels messires Robers d'Artois les avoit, le roi, le clerc et auquns signeurs, enfourmés; et con proçains li rois, lors sires, en quelle istance il estoient là venu et asamblé, estoit de l'iretage et de la couronne de France. Et qant il ot remoustré la parole tout au lonch, par grant avis et par bon loisir, tant que tout l'avoient volentierz oï, il demanda ens ou nom dou roi à avoir conseil de toutes ces choses.

Li signeur et li prelat regardèrent l'un l'autre, et fissent silense une espasse que nuls ne parloit, mais grande murmuration avoit entre euls. Il m'est avis, selonch ce que je fui enfourmés, que la response à faire fut cargie et tournée sus le conte Henri de Lancastre pour le plus proçain que li rois eüst là. Il qui fu bien avisés de respondre et tantos consilliés, dist ensi, en honnourant le roi et tous les signeurs, ce fu raison : « Je conselle de ma partie que ceste besongne soit mise en sousfrance, tant que li rois nostres sires ait souffissans hommes de son roiaulme envoïet par delà la mer pour parler au conte de Hainnau, qui fille il a, qui pour le present est nostre chière dame roine d'Engleterre, et à messire Jehan de Hainnau, son frère, qui sont doi prince sage, vaillant et de bon conseil; et tout ce que chil doi en conselleront, les ambassadeurs retournés en ce pais, et nous remis ensamble et la response et parole des desus dis oïe, nous procederons sus sans nulle faute. » Qant li contes Henris de Lancastre au Tors Col ot parlé, il respondirent tout d'une vois : « Il dist bien. » F<sup>o</sup> 34 v<sup>o</sup>.

P. 120, l. 5 et 6 : messages. — *Ms. d'Amiens* : as seigneurs telz comme estoit ly comtez de Haynnau, messires Jehans de Haynnau ses frères, li ducs de Braibant ses cousins germains, li ducs de Guerlez ses serourges, et que chil l'en volsissent con-



seillier et adviser quel cose en seroit bon affaire; et les mesages revenus et l'intention des dessus dis sceue, il fesist de rechief ordonner et assamblar ung parlement en ce meysme lieu, et on li donroit tel conseil qui li souffiroit. F<sup>o</sup> 21.

P. 120, l. 7 : de Haynau. — *Ms. B 6* : lequels estoit ung prinche saiges et ymaginatif. F<sup>o</sup> 66.

P. 120, l. 20 : Adonc pria. — *Ms. d'Amiens* : et fist li roys d'Engleterre, si comme consilliés estoit, escrire et fourmer toute sen intention et demande par le infourmation et advis de monseigneur Robert d'Artois. Et ordonna et eslisi quatre chevaliers sages et preudommes pour venir en Haynnau, en Braibant et en Guerles, telx que le seigneur de Biaucamp, le seigneur de Persi, le seigneur de Stanfort et monseigneur Gobam<sup>1</sup>. F<sup>o</sup> 21. — *Ms. de Rome* : Il m'est avis que li evesques de Lincole i fu nommés et li esleus d'Asquesufort, clerc en drois et en lois, mestre Robert Weston, avoecques euls mesires Renauls de Gobehe<sup>m</sup> et mesires Richars de Stanfort. Chil quatre emprisent le voiage à faire. F<sup>o</sup> 34 v<sup>o</sup>. — *Ms. B 6* : Adonc y envoya-t-on une esbassade; et y ala messire Thumas Waghe, marisal de Engleterre, le sire de Persy, le sire de Neufville, le sires de Mauné et deus clers en droit. F<sup>o</sup> 66.

P. 120, l. 27 et 28 : apparillèrent. — *Ms. d'Amiens* : Quant li baron dessus nounmés et doy clercq de droit<sup>2</sup>, avoecq yaux envoiés de par le roy d'Engleterre, furent arivet à l'Escluze en Flandres, il eurent conseil lequel chemin premiers des trois il tenroient. Si s'acordèrent et pour le milleur que de venir<sup>3</sup> en Haynnau; si enquistent où li comtes se tenoit, et on leur dist à Valenchiennes. Lors exploitièrent il tant par leurs journées qu'il vinrent à Vallenchiennes, et descendirent sus le marchiet; et eut chacuns des barons son hostel par lui. Et quant il se furent appareillié et de draps renouvellez, il s'en vinrent très ordonneement deviers le comte de Hainnau, qui adonc se tenoit en le Salle à Vallenchiennes. Et leur chei si bien que messires Jehans ses frèrez estoit dallés lui, desquelx seigneurs il furent convignablement recheu, car bien le savoient faire.

Quant li baron d'Engleterre eurent le comte salué et encliné, et monseigneur Jehan son frère, li ungs pour yaux coummencha

1. *Ms. de Valenciennes* : de Gobehe<sup>m</sup>. F<sup>o</sup> 43.

2. *Ibid.* : deux grans clers. — 3. *Ibid.* : premiers.

à parler, en lui tournant sus le comte, et dist : « Monseigneur, vostre biaux filz li roys d'Engleterre nous envoie par deviers vous en grant especialité avoecq ces lettrez que baillies vous avons, pour avoir conseil et advis de ceste besoingne qui à son honneur grandement li touche, si comme les lettrez font mention ; car il est emfourmés, et de certain et par pluseurs clères voies et raisons on li moustre et a on remoustré, que li royaumes de Franche deveroit de droite hoirie, et par le sucession dou roy Charlon son oncle, estre siens. Or considère li rois les perilx, les adventures, les haynes et les fortunes qui en puevent naistre et descendre, car il ne vouroit pas cose esmouvoir qui à sen deshonneur li peüst venir. Ossi il ne vorroit mies que, par faute de courraige, d'emprise et de vollenté, ses drois li fust tollus ne ostés ; car il troeve en bonne vollenté et en grant desir tout son royaume d'Engleterre de lui aidier. Et bien li ont dit que il ne se delaie mies de son droit à poursuiwir, pour doubte d'avoir peu de gens et de chevanche, car il l'en feront assés avoir. Or est li emprise si grande et si haulte que dou tout seulement il ne se velt mies fonder ne arester sur lui, ne sur l'envayissement de ses hommes. Si sommes envoiët par deviers vous, comme à son père, que de ces besoingnes vous en voeilliez dire vostre entente. » F<sup>o</sup> 21 v<sup>o</sup>.

*Ms. de Rome :* Et monterent en mer à Douvres, et vinrent à Wissan. Et là issirent des vassiaus, et cevauchièrent toute l'Alequine ; et vinrent à Tieruane et puis à Aire, et puis à Bietune, à Lens et à Douai, et puis à Valenchiennes. Il pooient bien faire tout ce cemin sans peril ne reprise, car encores n'avoit entre France et Engleterre nul mautalent ; et joissoit çasgus de ce que il devoit tenir, c'est à entendre li rois d'Engleterre tenoit la conté de Pontieu et en levoit lez pourfis, et ensi en Giane.

Quant chil ambassadour furent venu à Valenchiennes, il se logièrent sus le marchié à leur aise en trois hostels, au Chine, à le Bourse et à l'ostel à la Clef. Pour ces jours, estoit li contes de Hainnau en l'ostel de Hollandes, et gissans au lit de la maladie des gouttes. Tantos il fu segnefiés que chil signeur d'Engleterre estoient venu ; si envoya deviers son frère qui estoit à l'ostel de Biaumont, et là se tenoit aussi. Pour l'amour dou conte, messires Jehans de Hainnau vint tantos deviers son frère, qui li dist la cause pour quoi il l'avoit mandé, et que il aueroient nou-

velles, car là estoient venu ambassadours d'Engleterre de par le roi son fil. Ensi que li contes le dist, en avint. Car li evesques de Lincolle et li esleus d'Asquesuforch et li doi baron, qant il se furent rafresqi et apparilliet, ensi comme à euls apertenoit, il s'en vinrent en l'ostel de Hollandes. Si trouvèrent le conte de Hainnau, et son frère, et madame la contesse, et des chevaliers dou pais, qui les requellièrent doucement, ensi que bien le sceurent faire. Et entrèrent chil signeur d'Engleterre en la cambre dou conte, li quels estoit pour celle heure levés, vestis et parés moult ricement; et seoit sus une chaire moult bien aournée, car il ne se pooit soustenir sus ses piés. Si rechut ces signeurs d'Engleterre l'un apriès l'autre moult humlement. Et aussi tout l'enclinèrent et li fissent la reverense, et à la contesse aussi et à mesire Jehan de Hainnau; et puis moustrèrent les lettres de creance que il avoient aporté. Li contes les fist lire devant li par un sien clerc; et qant il ot oy la creance, il fist toutes gens widier hors de la cambre, reservé son frère et les Englès. Et qant il furent à lor requoi, il lor dist: « Or sus dites ce dont vous estes cargiés, et vous serés oy. »

Li evesques de Lincolle commença à parler pour tous, et dist: « Très chiers sires, nous sommes chi envoïet de par vostre fil le roi d'Engleterre et son conseil, à savoir que vous dirés de une nouvelleté qui est promeue en l'ostel d'Engleterre, et que vous en consellerés à faire. Li rois, nostres sires, est enfourmés moult avant et tout acertes de mesire Robert d'Artois, qui pour le present se tient et demeure dalés le roi en Engleterre, que de la couronne de France et de l'iretage, il deveroit estre escauciers, qui droit et raison li feroit. Et les poins de la proimeté, il sont tout cler, ensi que bien les savés, car li rois, vostres fils, est fils de la serour au roi Carle de France, darrainement mort. Ensi par ce point est il son neveu, et plus proçains d'un degré de la couronne de France ne soit li rois Phelippes, fils au conte de Valois; car il n'estoit que cousins germains au roi Carle, ensi que bien le savés. Et pour celi cause, nous sommes envoïet deviers vous, pour veoir et sçavoir que vous en responderés; car vostres fils, nostres sires li rois, est consilliés et esmeus à mettre avant le calenge de France. Tout si homme li offrent corps et cavance, mais ils ne voelt pas emprendre si très grant cose que de deffier le roi de France, et de renvoïer son hommage de terres que il a relevées à Phelippe de Valois comme à roi de

France, se vous ne le conselliés, car de ce et de toutes choses il voelt ouvrir par vostre conseil. » F<sup>o</sup> 37.

§ 57. P. 121, l. 13 : Quant. — *Ms. de Rome* : Quant li contes de Hainnau ot oy l'evesque de Lincole ensi parler, si feri sa main sus la poie de la chaudiere sus laquelle il seoit, et pensa un petit, et puis respondi et dist : « Vous tout ensi que chi estes, vous nous soiiés li bien venu. Vous demorrés dalés nous, trois ou quatre jours, et vous rafreschirés; et nous penserons sus ces besongnes et regarderons, en considerant toutes choses, lequel en est bon à faire, et adonc vous en serés respondu. » Il responderent tout de une sieute : « Monsigneur, nous ferons vostre plaisir. » Apriès, il entrèrent en aultres paroles; et lor demanda li contes de l'estat de son fil le roi et de sa fille, et des ordenances d'Engleterre, et comment on s'i ordonnoit. A toutes ses demandes et paroles, li evesques de Lincole et li baron responderent bien et sagement, et tant que li dis contes s'en contenta. Adonc vint là la contesse, qui estoit retraite en ses cambres, quant li signeur se missent ensamble pour parler de conseil; et honnoura moult grandement ces signeurs d'Engleterre, et leur demanda de son fil et de sa fille, et à tout il responderent bien et à point. Et demorèrent ce jour au disner dalés la contesse et messire Jehan de Hainnau, qui leur fist là et ailleurs la milleur compagnie que il peut; et lor donna deus disners et deus soupers moult solempnes, sus chienq jours que il furent là. Et tous les jours, il estoient de disner et de souper ou avoech le conte, ou la contesse sa fenme, ou messire Jehan de Hainnau.

Au chinquime jour, il furent respondu de la bouce dou conte, qui leur dist apriès les requestes que fait avoient : « Biau signeur, vous dirés ensi à nostre fil d'Engleterre que nous li savons bon gré de ce que il a envoiet deviers nous fiablement pour remoustrer l'entrée de son information; et que il poise la matère et fait doubte des avenues, car ce n'est pas petite chose voirement à desfier le roialme de France. Mais, en venant au fait, il est tout cler que mon fils li rois d'Engleterre est plus prochains voirement un degré de la couronne de France et de l'iretage ne soit Phelippes de Valois. Et plus chier auerions ce pourfit pour nostre fil, qui a nostre fille, et pour ses enfans, que nous ne ferions pour Phelippe de Valois; et qui onques riens n'emprist, riens n'achieva. Vous dirés ensi à nostre fil d'Engle-

terre, de par nous, et à son conseil, que tout le bon droit que ils sent à avoir en l'iretage et couronne de France, il le demande et calenge. Nous le aiderons et conforterons en toutes coses. Nous i sommes tenu, et le volons faire si avant que nostre poissance se pora estendre; mais c'est petite cose, de nous et de nostre pais, encontre la poissance dou roiaulme de France. Pour ce fault il que vostres sires nostres fils, avant que il entreprende si grant cose que de renvoyer son hommage au roi de France et li desfier, que il viengne par deçà la mer, acompagniés de son conseil, et il auera avoecques li Jehan mon frère qui le adrecera de ce que il pora; et iront deviers le duch de Braibant, cousin germain à mon fil d'Engleterre, et à son frère de par sa serour le conte de Gerlles, et aussi au marquis de Jullers, et aquirere amour et aliance à euls. Et se il puet avoir le confort et l'aide des Alemans avoecques la sienne, il pora bien adonc desfier le roi de France et demander son droit; mais toutes fois nous disons et mettons avant que riens n'en face, si sace la volenté de ceuls que je vous ai nonnés. Et velà le conseil et la response sus vostre demande, que je vous donne. » Chil signeur d'Engleterre generaument respondirent et dissent : « Grant merchis, et nous ouverrons apriès vostre conseil. »

Si prissent depuis congiet au conte et à la contesse et à mesire Jehan de Hainnau, et se departirent de Valenchiennes, et retournèrent arriere à la mer par le cemin que il estoient venu; car on quidoit partout que li rois d'Engleterre les eust envoiet en Hainnau pour veoir le conte, liquels n'estoit pas bien hetiés. Si vinrent à Wissan, et entrèrent là ens ès vassiaus d'Engleterre qui les atendoient; et puis se desancrèrent, et singlèrent viers Engleterre, et furent tantos à Douvres. Et exploitièrent tant que il vinrent deviers le roi et son conseil; et leur recordèrent tout ce que il avoient oy, veu et trouvé ens ou conté de Hainnau. F<sup>o</sup> 37 v<sup>o</sup>.

P. 121, l. 24 : grant joie. — *Ms. d'Amiens* : Et escei si bien à point adonc, pour le roy d'Engleterre, que li dis comtes estoit en grant haynne contre le roy Phelippe de Franche. Et je vous dirai pour quoy, car je n'y voeil riens oublier non qui à recorder face. Li comtez de Hannau avoit traitiet ung mariaige de madamme Ysabel, se fille, à l'ainnet fil le ducq de Braibant. Et quant li roys de Franche le seult, il exploita tant que li mariaiges fu deffès, et le fiancha ailleurs, che fu à sa fille. Pour quoy, li

comtes Guillaumes fu durement courrouchiés sus le roy Philippe.

Encoires, en ce meysme temps, eschei en vendaige li castiaux et li terre de Crievecoer. Et l'acata li comtes de Haynnau, et en presta as vendeurs grans deniers. Et le quidoit tenir et ajoûster à le comté de Haynnau, comme sen bon hiretaige; et en avoit grant joie, car ceste terre li estoit trop bien seans, pour estre ensi comme clés, sus les frontierres de Cambresis et le département de Haynnau. Et quant li roys Phelippes seut che, il en fu moult courrouchiés et manda le vendeur; et li amenda son marchiet, et li fist<sup>1</sup> renonchier le vendaige. Et le prist pour lui, et le dounna le duc de Normendie, son fil, liquelx s'en mist en possession; et fu depuis atribué au royaume de Franche, comme de l'hiretaige. Et ensi, par tel mannierre, li fors castiaux de Alues en Pailluel, sus le marce de Ostrevant et de Douay, fu hostéz au comte de Haynnau, qui le cuidoit avoir acatet pour acroistre son pays et clóre sus les frontières de France.

Ces trois choses estoient assés nouvellement advenues entre le roy de Franche et le comte de Haynnau, liquelx en avoit indignation, et n'en amoit mies mieux le roy ne son consseil. Et disoit bien que il li remousteroit, quant il venroit à point. F<sup>o</sup> 21 v<sup>o</sup> et 22.

*Ms. de Rome* : Pour ce temps, avoit li contes de Hainnau une haine couverte moult grande deviers son serourge, le roi Philippe de France; je vous dirai quelle et pourquoi. La terre et signourie de Crievecoer, en Cambresis, avoit couru à vendage. Et qant elle i fu mise, les premières offres en furent données au comte de Hainnau, et ensi de la terre et signourie dou chastiel c'on dist Alues en Pailluel, seant sus la rivière de la Sensée, sus les frontières d'Artois et de Douai. Et quidoit bien li contes de Hainnau ces deux terres avoir acatées; et estoient li denier tout prest pour les palier. Qant li rois Phelippes fu enfourmés de ceste marceandise. Jehans ses fils, qui estoit dus de Normendie et daufins de Viane, se traist avant et referi sus ce marchié par le commandement dou roi son père, et acata en l'Empire ces terres desus dictes. Dont li contes de Hainnau fut trop grandement courrouchiés; et dist et jura que, de le villennie que ses serourges li avoit fait, il l'en souvenroit et li remousteroit durement qant il cheiroit à point.

1. *Ms. de Valenciennes* : par deniers et par parolles. F<sup>o</sup> 44 v<sup>o</sup>.

Et eschei que les nouvelles de ces promotions dou roi d'Engleterre à calengier l'iretage de France se boutèrent avant; et desquelles choses on li demandoit le conseil, en l'année proprement, qant li vendage et li achat des hiretages desus dis furent fait. Si en estoit li contes plus tenres et plus enclins à estre tos courouciés, et lors secretement il remoustra son maualent. Car, se il eüst aussi bien, ens ou commencement de ces nouvelles, abatu les paroles et les oppinions des Englois que il les esleva, pluisseurs gens dient que, de la guerre de France et d'Engleterre qui tant a duret et coustet, riens net n'eüst esté; mais, ensi que on puet dire et supposer, ce qui doit avenir, nuls ne puet brisier ne oster. F<sup>o</sup> 38 v<sup>o</sup>.

P. 122, l. 17 : respondi. — *Ms. B 6* : Je luy conseille que il se traie en Allemagne, et s'acointe de mon filz le roy d'Allemagne, et du marquis de Jullers et des barons de l'Empire. F<sup>o</sup> 67 et 68.

P. 122, l. 21 : dus de Guerles. — *Ms. d'Amiens* : comte de Guerlez. F<sup>o</sup> 21 v<sup>o</sup>.

P. 122, l. 30 : volentiers. — *Ms. d'Amiens* : Et vous revenu en Engleterre, si dittes enssi au roy de par my que, par prière ou par contrainte, il fache tant qu'il ait à acord et pour confort le pays de Flandrez : se li sera ungs très grans avantages. Ossi il ne s'espargne mies d'aller ou d'envoier deviers le roy d'Allemagne, Loeys de Baivière, qui en ceste besoingne le poelt mout aidier et par pluisieurs cas. F<sup>o</sup> 21 v<sup>o</sup>.

P. 123, l. 3 : consaulz. — *Ms. d'Amiens* : Quant li baron d'Engleterre eurent oy les responsces dou comte de Haynnau et le conseil qu'il leur donnoit, si l'otrent volentiers; et dirent que grant merchis, et que par son advis il useroient. Depuis, furent il avoecquez le comte et monseigneur Jehan son frère, cinq jours, qui trop bien les festièrent. Au sixième, il se partirent et s'en vinrent en Braibant; et trouvèrent à le Leuvre le ducq Jehan de Braibant qui courtoiseinent les rechupt, pour l'amour dou roy leur seigneur à qui il estoit cousins germains, et à qui il contèrent tout leur messaige. Li ducs en respondi que par linaige il ne devoit mies faillir au roy d'Engleterre, et que il le conforteroit, aideroit et conseilleroit en tous cas si avant que il vorroit son droit repoursuiwir, car il y estoit tenus et avoit bonne volenté de le faire. De ce furent li messagier tout joyant. Et vinrent depuis en Guerles, et exploitièrent si bien que li comtez de Guerles s'abandonna dou tout, son corps, ses hommes et son pays,

ou service le roy englès. Lors retournèrent li baron d'Engleterre arrière, et rapportèrent au roy et à son conseil tout che que trouvet avoient.

Ainsi se pourveoit li rois d'Engleterre quoiement et secretement, et aqueroit amis en l'Empire cheux que avoir en povoit. Et souvent parloit à monseigneur Robert d'Artois, au comte de Lancastre, au comte de le Marce, au comte de Pennebrucq, au comte de Northantonne et à ses plus privés et especials amis, coumment de ceste haulte et grande entrepresure qu'il desiroit et esperoit affaire, il se maintenoit. Si l'en conseilloient loyaument, chacun selonc son avis. F<sup>o</sup> 22.

P. 123, l. 17 : France. — *Ms. d'Amiens* : et coumment il le proposoit à ghuertier, et que il acquerroit amis de tous lés en l'Empire. Si se doubta ung peu li roys de Franche. Nonpourquant il n'en fist mies trop grant compte, car<sup>1</sup> ghaires n'amiroit à che donc les Englès ne leur puissanche. F<sup>o</sup> 22 v<sup>o</sup>.

P. 123, l. 25 : preecie. — *Ms. d'Amiens* : Ossi li Sains Pères li deffendi et dispenssa et tous chiaux qui le Croix avoient pris. F<sup>o</sup> 22 v<sup>o</sup>.

P. 123, l. 26 : pourveances. — *Ms. d'Amiens* : Et furent les pourveanches, qui à Marseille, à Aigremortes, à Nerbonne et au port de Lates estoient, ailleurs employées. F<sup>o</sup> 22 v<sup>o</sup>.

P. 123, l. 29 : li rois. — *Ms. d'Amiens* : Et quant li roys d'Engleterre vit entamet si grandement les coers de telx trois grans seigneurs comme chil estoient, en recomfortant ses besoingnes, si en fu plus liés et tous ses conssaux. Et se fondèrent en partie sus les parollez et advis dou comte de Haynnau, et conseillèrent au roy que, s'il volsist envoier hasteement deviers le roy d'Alemaigne ung prelat et deus ou trois grans barons et sagez, pour aidier à tretier ceste besoingne et pour savoir quel samblant li dessus dis en feroit, il le fist. Et en fu cargiés especialment li evesque de Lincolle<sup>2</sup>, qui vollentiers et liement entreprist le voiaige pour l'amour dou roy. Et avoecques lui allèrent messires Richars de Stamford, li sire de le Ware et li sires de Multonne<sup>3</sup>. Et montèrent en mer ou havene de Tamisse à Londres, et singlèrent tant qu'il arivèrent en Hollandes à Dourdrech; et fissent mettre

1. *Ms. de Valenciennes* : car il estoit grans et puissans, et pau doubtoit la puissance des Englès. F<sup>o</sup> 45 v<sup>o</sup>

2. *Ibid.*, Nicolli. F<sup>o</sup> 45 — 3. *Ibid.* Mitoune



lors chevaux et leur harnas hors des nefz, et se rafreschirent là par deus jours. Au tierch, s'en partirent et chevaucièrent tant par leurs journées qu'il vinrent à Convalence, là où li Emperères et li Empereis se tenoient, qui les messagiers le roy d'Engleterre rechurent à grant joie.

Loeis de Baivière, rois d'Allemaigne et empereurs des Roumains pour le tamps, n'avoit mies adonc en trop grant chiereté le roy de France, ensi que li coer sont de divierses oppinions; et se acorda assés tos à conforter et conseilier le roy d'Engleterre. Et respondi as messagiers englès, si tost comme il eurent dit et comptet che pour quoy il estoient là venut, que, seloncq l'ordounanche d'Allemaigne<sup>1</sup>, li roys d'Engleterre avoit grant droit à le courounne de France; et, puisque li rois englès se retraioit deviers lui par fiabeté, et pour sen droit aidier à soustenir et à garder, il ne l'en devoit mès faillir : « Si dirés, ce dist li Emperères, au roy d'Engleterre que fiablement il me viègne veoir, et juer et esbattre dallés moy; si s'aquintera des Allemans qui bien en ceste besoingne le polront aidier, et je l'en aideray à aquintier. » Li evesque de Lincolle et li chevalier d'Engleterre furent de ces responsces tout joyant, et se partirent amiablement de l'Empereur et de l'Empereis madamme Margherite de Haynnau, qui au partir en eurent biaux dons et grans jeuiaux<sup>2</sup>. Et s'en revinrent arriere en Engleterre, et recordèrent au roy coumment il avoient exploitié; et donnèrent au roy lettres de par l'Empereur et aucuns seigneurs de l'Empire, telz que le marchis de Misse et d'Eurient, le marchis de Blanquebouch et l'archevesque de Maienche et celi de Couloigne. Si trouva li roys en leurs escriptions salus et amistés et toutes proummesses de confort. De quoy il fu moult resjoys, et bien y eut cause....

En ce tamps, se tenoit li comtez Loeys de Flandrez à Gand, et tenoit à amour les Flammens ce qu'il pooit; car li roys de France l'en prioit et li enjoindoit, et qu'il gardast bien les frontières de le mer à che costet, par quoy li Englès n'y ewissent nul avantaige. Chilx comtes de Flandres estoit bons Franchois et loyaux, et moult amoit le roy Phelippe. Et bien y avoit raison, car li roys avoit le comte remis en Flandres par puissance, quant il desconfit les Flammens à Cassiel, sy comme vous

1. *Ms. de Valenciennes* : selon les drois de l'Empire. Fo 45 v<sup>o</sup>.

2. *Ibid.* : pour l'amour de sa soer, la royne d'Engleterre

avés oy chy devant en l'ystoire del couronnement le roy Phe-  
lippe.

Li roys d'Engleterre, qui aqueroit amis à tous lés pour ses be-  
soingnes enbellir, entendy que li comtes de Flandres tenoit cou-  
vertement saudoiers et escumeurs sur mer, qui costioient à le  
foix Engleterre; et quant il veoient leur plus biel, si s'abandon-  
noient à gaignier ung vaissiel ou deux, se il le trouvoient. Dont  
mist li roys d'Engleterre gens sur mer, pour son pays et les mar-  
cheans deffendre et garder des perilx as escumeurs de mer. En-  
coires fist li roys englès, par l'ordounnanche de son conseil et  
pour contraindre les Flammens et mettre en son dangier, clore  
tous les pas d'Engleterre et deffendre que nulx ne envoiaist, ven-  
desist ne amenast nulles laines englescees en Flandres, ne as  
Flammens, affin<sup>1</sup> que il n'ewissent de quoy drapper. Et les fist li  
roys toutes en son non acheter et amener en certains lieux pour  
lui et sur lui et ses gens paier. Mais nulles n'en venoient en  
Flandres, dont li drapperie et li gaigne dou mestier commencha  
moult à afoiblir et à amener et moult de menues gens à apovrir,  
car on n'avoit en Flandres de quoy drapper, et sans le drapperie  
c'est ungs pays qui petitement se puet deduire. Et wuidoient li  
honnest homme del comté de Flandrez et venoient en Haynnau<sup>2</sup>,  
en Artois et en Cambresis, mendiant par deffaulte dou gaignage.  
Et mandoit bien li roys d'Engleterre, tous les jours, as Flammens  
que il leur toroit leur prouffit et le marchandise, s'il n'estoient de  
son accord. De quoy les bonnes villez de Flandres eurent par  
pluiseurs fois moult de parlemens ensamble, assavoir coumment  
il s'en maintenoient. Et volsissent bien li aucun que il tenissent  
à amour le roy d'Engleterre, car plus de prouffit leur pooit venir  
de ce costet que de Franche. Mès li comtes de Flandres leurs  
sires estoit le plus à leurs conssaux et parlemens, et brisoit tous  
les proupes qui bons estoient au commun prouffit dou pays, en  
tant que d'estre contraire à le couronne de Franche.

Encorres n'y avoit entre les deus roys nulles deffianches, fors  
que murmurations et suppisions de guerre. Et posessoit encoires  
li rois d'Engleterre le comté de Pontieu, qu'il tenoit de par  
medaïne se mère, et pluiseurs terrez ailleurs en Gascoingne et

1. *Ms. de Valenciennes* : affin que le commun, qui n'aroient de quoy  
ouvrer, se courouçaissent. Fo 46 v°.

2. *Ibid.* : en Haynnau, en Brabant, en Artois

en Normandie. Et vous di bien pour certain que il avoit pluseurs ymaginasions sus ceste emprise, quoyque messires Robiers d'Artois li consseillast et fust sus le col qu'il y envoiast son hounmaige au roy Phelippe et le deffiaüst appertement, car li roy d'Engleterre sentoît son royaunme petit ou regard del royaunme de Franche : si voloît ceste cose faire par grant deliberation et bon advis de consseil, ainchois que il esmeuist cose où il pewist recevoir point de doummage.

Or avint ensi que li papes Benedich et li collèges de Romme, qui lors se tenoient en Avignon, par le promotion et pourcach d'aucuns bonnes gens, seigneurs et damnes, de quoy g'i oy noummer le roy de Behaingne, le ducq de Lorraine, le comte de Bar et le comte de Namur, et medamme Jehanne de Vallois, comtesse de Haynnau, et madamme la comtesse de Soissons, femme à monsieur Jehan de Haynnau, et medamme de Garanez, soer au comte de Bar, qui estoit mariée en Engleterre au comte de Pennebrucq, qui les perilz et les gherrez redoubtoient entre leur prochains de France et d'Engleterre et les mesavenues qui venir en pooient, envoièrent deus cardinaux à Paris pour tretier deviers le roy Phelippe que il se volsist acorder à che que uns parlemens des deux roys se fesist et mesist ensamble de leurs plus grans barons et plus sagez, et oyssent les Franchois les demandez dou roi d'Engleterre; et se aucuns drois avoient en l'iretaige de Franche, par le bon avis de chiaux qui cargiet en seroient, satifation et apaisemens l'en fuissent fais. Tant traitièrent li cardinal au roy de Franche, avoecq leurs bons moiens, que il s'asenti ad ce que parlemens s'en fesist. Et fu ceste cose tant demenée que li rois d'Engleterre s'i acorda; et devoit envoier à Vallenchiennes gens souffissaus pour lui, à oyr et respondre as ententes des Franchois. Et li rois de France devoit ossi là envoier gens de par lui, bien fondés et advisés de respondre as opinions et demandes des Engles. Et devoient chil y estre puissant d'acorder les deus roys, par l'avis et consseil dou comte Guillaume de Haynnau, devant qui toutes les besoingnes seroient proposées.

Adonc envoya li roys d'Engleterre par dechà le mer dix chevaliers banerès de sen pays et dix autres et l'evesque de Lincolle et cesti de Durem; et virent à Vallenchiennes, et se representèrent au comte qui les rechupt à joie. Et faisoient chil seigneur d'Engleterre grans frès et grans despens, et tenoient bon estat et tant

de larghèches qu'il en aquisent grant grasse. En ce meysme temps, fist li comtez de Haynnau Guillaume son fil chevalier, à le Salle, à Vallenchiennes. Et y eut grant feste et grant joustes des Englès et des Haynnuyers et des Braibenchons; et fu à une Pentecouste, l'an mil trois cens trente et six. Assés tost apriès, fu fès li mariaiges de ce jouène seigneur, le fil dou comte, à medamme Jehanne, ainnée fille au duc Jehan de Braibant.

Enssi se tenoient chil seigneur d'Engleterre en Vallenchiennes et aloient de l'un à l'autre, et souvent visetant le comte Guillaume de Haynnau, qui par heures estoit mout agrevés de le maladie des gouttes, et se logoit en l'ostel de Hollandes. Et atendoient chil signeur les barons et seigneur de Franche que li roys Phelippes y devoit envoier et point ne venoient, dont il estoient durement esmervilliet à quoy ce tenoit qu'il ne venoient. Si en parlementèrent par pluseurs fois ensamble et devant le comte auquel il prièrent que il volsist medamme la oomtesse sa femme et monseigneur Jehan de Haynnau son frère enviers le roy de Franche envoier, pour savoir à quoy il tendoit, ne que il esperoit ne volloit faire. Si empria li dis comtes madamme sa femme et le seigneur de Biaumont, son frère, que il volsissent aller en che voiaige; et il li acordèrent vollentiers.

Lors se partirent de Haynnau medamme Jehanne de Vallois et messires Jehan de Biaumont; et chevauchièrent en bon arroy deviers Franche, et tant exploitièrent par leurs journées qu'il vinrent à Paris. Et là trouvèrent il le roy qui lez rechupt à joie; et festia et honnoura moult madamme sa soer et monseigneur Jehan de Haynnau. Adonc disent il au roy le matère pour quoy il estoient là venu; et que en partie, pour sen honneur escuzer et le conseil d'Engleterre apaisier, qui à grans fret sejournoient en Vallenchiennes et là environ, li comtes de Haynnau les avoit envoiés. Dont respondy li roys de France et dist: « Ma belle soer et vous, sires de Biaumont, voirs est que, par aucuns moiens et especialment des gens de l'eglise qui de ce se sont ensonniiet, [je m'acorday<sup>1</sup>] ad ce que d'envoier à Vallenchiennes aucuns noblez de mon royaume, pour parlementer as Englès. Or me sont depuis autres nouvelles revenues; et ay eu pluseurs parlemens de mes plus especiaux amis sur ces besoingnes. De quoy, tout considéré et ymaginé les affaires, j'ay trouvé en mon conseil que

1 Ms. de Valenciennes, n° 48. — Ms. d'Amiens (bonne).

de là envoïer je ne sui en riens tenus; et que, se je le faisoie ou ewisse fet, che eüst estet ou seroit à mon blamme et grandement au prejudisce de mon royaume. Car li roys d'Engleterre n'a nul droit de calenge, ne de partir à mon hiretaige : j'en sui en possession et y fui mis par l'assent et acord et le election des douze pères de Franche, des barons, et le conseil et acord des prelas et bonnes villez. Si tenray pour my, et le deffenderay à mon pooir contre tout homme. Et ces raisons j'ay envoïées proposer devant le Saint Père et le collège de Romme, qui assés bien maintenant s'en contentent; et ne troeve, par nul clerq de droit, que j'en doie autre cose faire. » A ces parolles respondi madamme Jehanne de Vallois, qui les perilx doubtoit entre son frère le roy et son fil le roy d'Engleterre, et dist : « Monseigneur, je ne tieng mies que li roys d'Engleterre tire ne voeil tendre ne entendre dou tout entirement à le courounne de Franche. Mès se, par proismeté de medamme se mère, il y a aucuns droix, et qu'il n'ait point estet bien partis des hiretaigez, salve vostre honneur amenrir, vous seriés bien se vous y volliés regarder, par quoy vous demorissiés bien amic enssamble. Car, se Dieux me vaille, la gherre et la haynne entre vous, qui estez li doi plus grant roy de tout le monde, y seroit trop mal seant. Si vous prichierement que vous voeilliés descendre ad ce que je soie ote; et que vous envoïés vostre conseil à Vallenchiennes, pour aprochier toutte bonne amour entre vous et le roy d'Engleterre. » Lors respondi li roys de Franche qu'il en aroit advis.

Sus ceste darrainne responsce, se departirent del roy la comtesse de Haynnau et messires de Biaumont, et revinrent à leurs hostelx; et laissièrent depuis le roy de Franche, par l'espasse de trois jours, adviser et conseilier. Likelx finablement ne trouva point en son conseil que il y envoïast, car, se il le faisoit, il donroit à entendre au roy d'Engleterre que il aïoit aucun droit en ceste querelle; et tout ensi en respondi à sa soer et au seigneur de Biaumont. Et quant il virent qu'il n'en aroient autre cose, si prissent congiet au roy et se partirent de lui; et s'en reparièrent arrière en Haynnau, et tout droit à Vallenchiennes. Et trouvèrent le comte en l'ostel de Hollandes, à qui il disent et recordèrent leurs nouvelles. Et quant li comtez les oy, il manda lez Engès et fist, present yaux, à madamme se femme et à monseigneur Jehan son frère, dire et compter tout che qu'il avoient trovuet en Franche. Si en furent li Engès bien esmervilliet et malcon-

tent sus le roy de France et son conseil, mais il ne le peurent amender. Lors demandèrent conseil au comte de Haynnau qu'il en estoit bon affaire. Et li comtes leur respondi qu'il savoient bien sur quel estat il estoient parti dou roy leur seigneur et que seloncq ce il s'avisasent, ou il desissent toutte leurs ententions ou au plus priès que dire le poroient, il lez en aideroit vollentiers à conseilier. Adonc respondi li evesques de Lincolle et dist ensi : « Sire, c'est li entencion del roy nostre seigneur et de son plus especial conseil de par delà que, se li roys de Franche ewist chy envoiet barons, prelas et son conseil de par lui, et nous n'ewissiens estet d'acord, que nous seussiens, present vous, quel affection li seigneur de l'Empire, qui comfort et ayde li ont proummis, ont de lui aidier, par quoy il se pourveist seloncq che; car, nous revenu en Engleterre, il ne vora point plentet sejourner qu'il ne guerrie. Or en i a chy aucuns de l'Empire; et tout n'y sont mies chil que nous voullons avoir et veoir. Si verions volentiers qu'il fuissent mandet au tître de vous et de nous ossi, et ewissiens parlement ensamble, par quoy nostre voie fuist employée en aucune manière. » Lors respondi li comtez de Haynnau et dist : « Vous parlés bien, et c'est une bonne voie; si le ferons enssi, et sans sejour. »

Dont escriptsirent et d'un acord li comtez de Haynnau et li baron d'Engleterre, comme messgier de par le roy englès, à aucuns seigneurs de l'Empire et à telz comme au comte<sup>1</sup> de Guerles, au marchis de Jullers, à l'arcevesque de Couloigne, à monseigneur Gallerant son frère, au marchis de Blancquebouch, que il volsissent venir en Haynnau et jusques à Vallenchiennes devant le comte, à ung parlement qui estre y devoit. Chil qui priet en furent, ne se vorent point escuzer; et rescriptsirent qu'il y seroient bien et vollentiers, au jour qui ordounnés y estoit. F<sup>o</sup> 22 et 23.

*Ms. de Rome* : Avisé fu, telle fois fu, ou commencement de lor conseil, que li rois d'Engleterre passeroit la mer à une quantité des nobles de son pais, et venroit en Hainnau et en Braibant, en Gerles et en Jullers. Et feroit ils meismes tous ces pourcas par le conseil que il aueroit de son grant signeur le conte de Hainnau. Et puis fu chils consauls brissiés. Et regardèrent chil qui le conseil-loient, que il n'i avoit encores que faire jusques à tant que on aueroit tretié deviers euls, et que on sauroit la volenté des Ale-

1. *Ms. de Valenciennes* : duc de Guerles F<sup>o</sup> 49.

mans. Si furent ordonné li evesques de Lincolle et li evesques de Durem, li contes de Sasleberi, li contes d'Arondiel, li contes de Northanton et li contes de Warvich, messires Renauls de Gobehen, messires Richars de Stanfort, li sires de Felleton et li sires de Sulli, à passer la mer et venir à Valenchiennes et parler au conte, et faire apriès son conseil, et tretiier au duch de Braibant et à tous ceuls desquels il poroient estre aidie et conforté.

Si ordonnèrent tout chil signeur lors besongnes, et cargièrent lors vassiaux sus la rivière de la Tamise de tout ce que il lor besongnoit. Et estoit lor intension que de prendre terre en Anwiers, car point ne voloient passer par France. Et en portoient chil signeur, en deniers tous apparillés, cent mille florins, pour tenir lor estat et pour donner des dons là où il apertenroient à faire, car bien savoient que Alemant sont durement convoiteus et ne font riens, se ce n'est pour les deniers. Quant toutes lors besongnes furent aparillies et li vassiel cargiet, il entrèrent dedens et esqipèrent en mer, et ancrèrent de ceste marée devant Gravesaundes. Et quant la mer fu revenue, il desancrèrent et se departirent; et orent vent à volenté, et entrèrent en la mer et singlèrent. Et ne furent depuis que deus jours sus mer que il vinrent à Dourdresc, en Hollandes; et là issirent il des vassiaux, et furent li bien venu en la ville. Ou mist hors les chevaus petit à petit, et se rafresquirent en la ville de Dourdresc quatre jours; et se pourveirent de chevaus chil qui nuls n'en avoient. Et quant toutes lors besongnes furent prestes, il se departirent en grant arroi. Et moustroient bien, à l'estat que il tenoient, que il avoient or et argent assés; et cevaucièrent à petites journées, et à grans despens. Et ne s'arestèrent chil signeur nulle part, si furent venu à Valenchiennes; car de tout ce que il avoient à faire, il se voloient ordonner de par le conte de Hainnau.

Quant il furent venu à Valenchiennes, il se logièrent à leur aise et i furent receu à joie. Et les regardoient toutes gens à merveilles, pour le grant estat que il tenoient; car il n'espargnoient nulles riens, non plus que argens lor apleuist des nues, et acatoient toutes coses le pris que on lor faisoit. Dont il avint que, quant li signeur qui la ville de Valenchiennes gouvrenioient pour ce temps, en veirent la manière, il missent par ban et sus painne à toutes coses fuer et pris raisonnable, et tant que li Englois s'en contentèrent grandement. Et estoit li evesques de Lincole logiés as Jacobins, et li evesques de Durem as Frères Meneurs.

Pour ces jours, estoit de tous poins alités li contes Guillaume de Hainnau de la maladie des goutes, mais il avoit tous ses sens avoecques lui; et aussi naturellement donnoit bon conseil que onques fait il avoit en devant sa maladie. Et furent chil signeur d'Engleterre requelliet moult doucement de li et de la contesse sa femme, et de Guillaume lor fil et de messire Jehan de Hainnau. Et aloient li dit signeur, tant des prelas comme des barons, veoir le conte et parler à lui des besongnes pour lesquelles il estoient là envoiet. Et li contes les en consilloit loiaument à son pooir; et à tous lors consauls estoit apellés messires Jehans de Hainnau, c'estoit raisons, comme homme de fief et d'onmage et de foi et sierement au roi d'Engleterre. F<sup>o</sup> 38.

P. 124, l. 24 : de Haynau. — *Ms. de Rome* : et de la contesse et de son fil. F<sup>o</sup> 38 v<sup>o</sup>.

P. 124, l. 27 : de Lincolle. — *Ms. de Rome* : et li contes d'Arondiel et li contes de Norhantonne et messires Renauls de Gobeheh et messires Richars de Stanfort et des aultres signeurs d'Engleterre. F<sup>o</sup> 38 v<sup>o</sup>.

P. 124, l. 28 : se traient. — *Ms. de Rome* : à Louvaing, deviers le duch Jehan de Braibant. F<sup>o</sup> 38 v<sup>o</sup>.

P. 125, l. 1 : faire. — *Ms. de Rome* : Et avoit adonc, entre li et le roi Phelippe de France, un grant disferent. F<sup>o</sup> 38 v<sup>o</sup>.

P. 125, l. 8 : florins. — *Ms. de Rome* : que il devoit avoir pour li et pour ses gens. F<sup>o</sup> 38 v<sup>o</sup>.

P. 125, l. 12 : nommés. — *Ms. de Rome* : se en propre personne il passoit la mer, à mille hiaumes couronnés. F<sup>o</sup> 38 v<sup>o</sup>.

P. 125, l. 15 : l'ystore. — *Ms. de Rome* : Chil seigneur d'Engleterre, qui poissance avoient de tout ce faire, car li rois lors sires lor avoit donnet, escriptsirent et seelèrent touttes ces couvenances et ce que li dus de Braibant volt. Et retournèrent en la ville de Valenchiennes, et recordèrent au conte de Hainnau comment il avoient exploitié. Desquels eslois li comtes fu tous resjois et lor dist : « Biau signeur, puisque vous avés d'acord le duch de Braibant, c'est uns grans sires et sages, et bien amés de tous ses voisins. Je espoire que vous auerés assés legierement le conte de Gerlles, le marchis de Jullers, l'arcevesque de Coulongne, mesire Ernoul de Baquehen, le signeur de Fauquemont et tous les Alemans : il couvient tretiier deviers euls. » F<sup>o</sup> 38 v<sup>o</sup>.

§ 38. P. 125, l. 19 et 20 : l'argent. — *Ms. de Rome* :



car ce sont coses qui moult i vallent et pueent. F<sup>o</sup> 38 v<sup>o</sup> et 39.

P. 125, l. 20 et 21 : dus Guerles. — *Ms. d'Amiens* : li comtez de Guerlez. F<sup>o</sup> 23 v<sup>o</sup>. — *Ms. de Rome* : li contes Renauls de Gerles. F<sup>o</sup> 39.

P. 125, l. 23 : Faukement. — *Le ms. d'Amiens ajoute* : li marchis de Blancquebourch, li sirez de Duvort, messires Ernoux de Bakehen<sup>1</sup>, li comtez des Mons et li sirez de Kuk ou lieu dou duc de Braibant. F<sup>o</sup> 23 v<sup>o</sup>. — *Ms. de Rome* : et pluisseur aultre chevalier desus le Rin et fort ruste. F<sup>o</sup> 39.

P. 125, l. 24 : Valenciènes. — *Ms. d'Amiens* : par l'espasse de trois sepmainnez. F<sup>o</sup> 23 v<sup>o</sup>. — *Ms. de Valenciennes* : pluiseurs jours. F<sup>o</sup> 50.

P. 125, l. 29 : France. — *Ms. de Rome* : sitos que il saue-roient que li rois d'Engleterre l'auroit deffiet, ou au plus tart un mois apriès. F<sup>o</sup> 39.

P. 126, l. 1 : couronnés. — *Ms. de Rome* : car pour lors on ne parloit point de lances ne de bachinés, fors de hiaumez. Or sont les coses transmuées aultrement, et encores se transmueront. F<sup>o</sup> 39.

P. 126, l. 11 : le pourquoi. — *Ms. d'Amiens* : Et disent li Allemant que, ou non de Dieu, li conseil d'Engleterre esmeuissent leur roy à che que il passast le mer et venist en Anwers, tant que il le pewissent veoir et oyr; car il en avoient grant desir, et ses besoingnes en vauroient mieux. F<sup>o</sup> 23 v<sup>o</sup>.

P. 126, l. 12 : pays. — *Ms. de Rome* : Vous devés sçavoir, et c'est cose legière à croire, que de toutes ces besongnes, de ces aliances des Alemans et des sejours que chil signeur d'Engleterre faisoient en Valenchiennes, et de l'estat que il i tenoient, li rois Phelippes estoit enfourmés. Mais il n'en faisoit compte, reservé ce que il li desplaisoit trop grandement de ce que li voiagez d'outre mer en seroit retardés; et se contentoit moult mal dou conte de Hainnau, son serouge, de ce que il soustenoit en son pais ceuls qui li voloient porter damage, et disoit bien : « Mon frère de Hainnau marceande de avoir son pais de Hainnau ars et courut. » F<sup>o</sup> 39.

P. 126, l. 29 : apriès. — *Ms. d'Amiens* : Endementroes que li roix d'Engleterre sejournoit à Wesmoustier daléz Londrez, da-

1. *Ms. de Valenciennes* : Ernoul de Bakem. F<sup>o</sup> 50.

lés lui sen cousin le comte de Lancastre, messire Robert d'Artois, le comte de Pennebrucq, le comte de Kent et pluseurs autres, et par uns paskères que on compta l'an mil trois cens trente<sup>1</sup> et sept, le treizième jour d'avril, et avoit adonc tenu court plènière en son palais à Wesmoustier, le mardi de ceste Pasque assés matin, vint ungs hiraux bien conneu dou roy et des barons; et estoit englèz, et l'appelloit on Cardoeil, car li roys meysmez l'avoit jadis fait hiraut en ces voiaiges d'Escoce, et li avoit dounet ce non. Chilz hiraux avoit demouré hors d'Engleterre jà par l'espasse de cinq ans, travaillans le monde; et avoit estet en Prusse, en Ifflant, au Saint Sepulcre, et retourné par ces biaux voiaiges en Barbarie et revenu en Espaigne. Et avoit demouret dalléz le roy d'Espaigne, ung grant temps, sus les voiaiges<sup>2</sup> de Grenade, et raportoit lettres dou roy d'Espaigne au roy d'Engleterre. Si estoit revenus le droit chemin par Navare et par Gascoingne, et le terre que li rois englès tient de sen hiretaige en ce pays de Gascoingne : si avoit yloec trovuet grans gherrez et grant esmouvemens de castiaux dez ungs as autrez.

Et jà y estoient, de par le roy de Franche, grant fuisson de seigneurs, telz que le comte d'Ermignach, li comtez de Foïs, li comtes de Commines, li comtez dauffin d'Auvergne, li comtes de Nerbonne, li senescaus de Toulouse, messires Floton de Reviel, li sires de Biaugeu, li sirez de Tournon, ly sires de Bays<sup>3</sup>, li sirez de Calençon<sup>4</sup> et pluseurs autrez. Et avoient fet deus sièges, dont li ungs estoit devant une fortrèce c'on clamoit Penne<sup>5</sup>, et li autres devant Blaves. Et constraindoient moult chiaux de Bourdiaux par le rivièrre de Gironde. Et disoient enssi li seigneur de France que chilz pays estoit fourfes et raquis au roy de Franche, par sentense ajugie et rendue ou palais à Paris, ensi comme vous orés chy apriès. Et n'y avoit adonc en Gascoingne nul homme qui se meüst, ne fesist fet encontre les Franchois, car il n'estoient mies fort aséz pour resister contre yaux; mès se tenoient les fortresses touttez closes, et se deffendoient à leur pooir. Et avoient le dessus dit hirault cargiet et priiet que il volsist faire bien hastiement ce message deviers le roy son seigneur. Et li avoient li seigneur de Gascoingne, qui pour Englès

1. *Ms. de Valenciennes* : l'an vingt sept. Fo 50 vo. *Mauvaise leçon.*

2. *Ibid.* : es guerres Fo 51. — 3. *Ibid.* : le Baie.

4. *Ibid.* : Collenches. — 5. *Ibid.* : Peme.

se tenoient, et li ville de Bourdiaux, cargiet lettrez de creance et enfourmet de tout ce fet, ensi qu'il estoit avenus, et si comme je vous diray. Likelx hiraux avoit si bien exploitiet que il estoit montéz en mer en le ville de Baione, qui se tient englèce; et estoit venus, en cinq jours et en quatre nuis, ou havene de Hantonne, et puis tant chevauchiet par hagenées que en jour et demy venus à Londres où li roys estoit, et lui remoustrés et toutes ses lettrez; et s'engenilla devant le roy, si comme vous avés oy. Likelx roys et tuit li baron orent au premiers grant joie, car bien il savoient qu'il aroient de lui pluseurs nouvelles.

Quant li roys englès vit le hiraux devant lui que, grant temps a, n'avoit veu, se dist : « A bien viengne, Cardoeil. Or nous dittez de delà le mer et des lointains pays où vous avés estet, depuis que nous ne vous veymes, car moult en desirons à savoir. » — « Monseigneur, dist li hiraux, vous lirés ou ferés lire, s'il vous plect, ces lettrez; et puis je vous en diray de pluseurs, car il en y a de tellez qui mout vous touchent. » Lors ouvri li roys aucunes des lettrez et regarda ens; et vit bien qu'il y avoit autrez choses qui toutes ne pooient pas estre escriptez, et desquelz li hiraux portoit creance. Et vit bien li roys que les besoignes par de delà, en Gascoingne, n'estoient mies trop belles pour lui; si en fu de tant plus hastieus dou demander. Et li hiraux li dist ensi : « Chiers sirez, il est ungs chevaliers, par de delà le mer, qui s'apelle li sires de Noielles; et est chilz poitevins. Et dist et maintient que, pour pluseurs servicez que chilz fist à vostre signeur de père, dont on li doit le somme de trente mille escus<sup>1</sup>. Et l'en fu bailliet en crand et en plège li ville et castelerie de Condon<sup>2</sup>, dont, si comme il dist, il ne pooit avoir nul paiement. Si s'en plaidi au roy de Franche, et moustra sez lettrez; et fu remis et envoiés par le cambre de Parlement. Et li fu jugiés que vous estiés tenus en celle dette, et à rendre tous frès et tous despens; et fu ensi dit par sentence en plain Paris. Dont, pour executer ces exploits et lui faire paier, il eut une commission generale à lever, prendre et arester partout en vostre terre de Gascoingne, tant qu'il seroit satisfès de le somme dessus dicte, et des frès que fet y avoit. Et y estaubli li roys, à le prière dou chevalier, ung procureur, liquelz s'appielloit mais-

1. *Ms. de Valenciennes* : florins. Fo 51 v<sup>o</sup>.

2. *Ibid.* : Courdem.

tres Raiemons<sup>1</sup> Fouchaus. Et exploitièrent tant qu'il vinrent à Condon, et se veurent mettre en le possession et saisinne dou dit castiel, par le vertu de le commission dessus dicte. Et en parla li procureur dou chevalier au castelain si orgueilleusement que mautalens y monta, car d'un baston gros il donna à ce mestre Raymon ung tel horion, present le seigneur de Noiielle, que il li pourfendi le teste; et prist le chevalier et le mist en prison, et dist qu'il estoit mout outrageux, quant en vostre hiretaige il osoit faire telx eslois. De quoy li roys de France a eut grant indination et despit; et dist que vostre terre par de delà est par ceste advenue toute fourfaite. Et y font si grant gherre chil qui y sont envoïet de par le roy et si mortelle, qu'il ont pris Prudaire, Sainte Basille et Saint Malquaire. Et quant je me parti dou pays, il seioient devant Penne<sup>2</sup> et devant Blaves. Si vous prient li chevalier et les bonnes villes de Ghascoingne que vous les confortéz et secourés hasteement; autrement vous poréz moult perdre. »

Quant li roys d'Engleterre eut oy les parollez de l'hirault et les nouvelles qu'il li apportoit de Ghascoingne, et coumment li Franchois et à petite raison li faisoient gherre, et y estoient si efforchiement que nuls ne pooit resister à l'encontre, si fut mout penssieux une longhe espasse. Et quant il leva le chief, si se retourna deviers ses barons, et demanda que ce estoit bon affaire. « En nom Dieu, sire, che respondirent li plus especial, à cel lés là vous faut envoïer; car, seloncq que vous avés affaire et entendés à parfurnir, li Gascon, qui sont bonnez gens d'armes, vous poroient grandement valloir ou nuire en vostre gherre. Si advisés qui vous en vouléz cargier de faire che voiaige. » Dont respondi li roys : « Or y regardons l'un par l'autre<sup>3</sup>. J'en priroie vollentiers monseigneur Robert d'Artois, et le feroie chief de ceste armée. Car en cel estet qui vient, je n'ay nulle affection ne entention de deffier le roy de Franche; mès voray touttez pourveanchez adviser et ordonner par bon loisir, et acquerre encoirez tous les amis que je pouray delà le mer, car bien me besongneront à guerrier si grant cose comme le

1. *Ms. de Valenciennes* : maistre Remon. F<sup>o</sup> 51 v<sup>o</sup>.

2. *Ibid.* : Peme. F<sup>o</sup> 52.

3. *Ibid.* : Donc dist messire Robert d'Artois : « Sire, je m'en chargeray, s'il vous plaist. » — « Certes, dist le roy, je vous en pensoie prier; or vous pourveez hastivement. »

royaume de Franche, » Lors respondi messires Robiers d'Artois liement au roy, et dist que ce voiaige il feroit très volentiers. Et li roys li dist : « Grans merohis. »

Depuis ne demoura mies loing tamps que messires Robiers d'Artois se parti d'Engleterre à cinq cens armures de fier et trois<sup>1</sup> mille archiers; et montèrent ou havene de Hantonne, bien ordonné et garny de toutes pourveances. Et estoient adonc avoecq le dit monseigneur Robiers d'Artois li comtez de Hestidonne, li comtez de Sufforch, li comtez de Cornuaille, messires Thummas d'Aghourde, messires Thummas de Hollande, messires Richart de Pennebrug, li sires Despenssiers, li sirez de Ferièrez ses serourgez, li sirez de Multonne, li sirez de Brassetonne et li sirez de Willebi. Si singlèrent tant par mer chil seigneur, à l'ayde de Dieu et dou vent, qu'il arivèrent parmi le Geronde ou havene de Bourdiaux, dont cil de le chité eurent grant joie et en furent grandement reconforté. Et là estoient li doi frère de Pumiers, messires Helyes et messires Jehans, qui vinrent sus le sablon contre lez nefz englesses; et ossi fisent<sup>2</sup> li plus grant partie de chians de le ville, car ce secours il desiroient.

Dont yssirent messires Robiers d'Artois et chil de se route hors des vaissiaux, et s'en vinrent tout à piet jusques à leurs hostels où il fuirent cunvoiet à joie. Et sus le soir, quant li mers fu retraite, ont li varlès mis hors leurs chevaux et leur harnois et toutes autres pourveances. Si se rafreschirent par trois jours en le chité de Bourdiaux, et puis se consellièrent quel part il se traioient. Si eurent conseil et advis que il yroient droit à Penne, pour lever le siège qui là estoit des Francois. Si s'ordonnèrent et abillèrent une matinée, et sonnèrent les trompettes et aroutèrent le charoy et leurs pourveances. Et fist là messires Robiers d'Artois, marescal de tout son ost le comte de Sufforch. Dont chevauchièrent deviers le castiel de Penne, à huit cens hommes d'armes et trois mille archiers tout à cheval, et quatre mille hommes de piet. Che fu environ l'Assention, l'an mil trois cens trente et sept.

Quant li comtes de Fois, li comtes de Charmain, li comtes de Pieregorch, li mareschaulx de Mirepoix, li comtes de Quersai,

1. *Ms. de Valenciennes* : quatre mille. f<sup>o</sup> 52.

2. *Ibid.* : Tous les nobles de la ville, qui moult desiroient le secours.

messires Floton de Reviel et li autre seigneur, qui là estoient et qui le castiel de Penne assegiēt avoient, oīrent ces nouvelles que Engls et Gascons assés efforchiement venoient là pour lever le siège, si eurent conseil coumment il se maintenoient. Tout consideré entr'iaux, il ne se sentirent mies assés fort que des Engls atendre, car il estoient trop ensus de leur grosse ost qui se tenoit devant Blaves, car li riviēre de Dourdonne estoit entre yaux et leur ost : si ne pooient mies legierement passer. Si eurent conseil que de yaux deslogier, ensi qu'il fissent; et se partirent dou siège de Penne, et s'en revinrent au plus droit qu'il peurent vers Blaves. Et les trouvèrent tous partis li Engls et jà esloignés plus de une grande journée. Et quant messires Robiers d'Artois fu là venus, il et li baron d'Engleterre entrèrent ou castiel où il furent rechupt à joie, et se rafrescierent là par deux jours. Et au tierch. s'en partirent et chevauchièrent ordeneement deviers Saint Malquaire, que li Franchois tenoient; et y avoient mis une bonne et grosse garnison, et le castiel bien pourveu de tout ce qu'il besongnoit, en vollenté que de tenir contre tout homme. Là vint messires Robiers d'Artois et toute se route, et i basti le siège fort et fier, et dist qu'il ne s'en partiroit jammais. se l'aroit à se vollenté.

Or dist li comtes que, quant messires Robiers d'Artois eult assegiēt le castiel de Saint Malquaire et juret qu'il ne s'en partiroid se l'aroit à se vollenté, il le fist assaillir vighereusement d'enghiens et ossi de compaignons archiers, qui tampre et tart y livroient merveilleusement grans assaux. Et chil dedens se defendoient ablement et vistement, car bien leur besongnoit. Ung jour entre les autres, il y eult ung si grant assaut et de si priēs l'aprochièrent li archier, qui si ensonnioient chiaux dou fort, qu'il ne s'osoient apparoir as deffencez. Et fisent li assallant ou mur ung tel trau qu'il y pooient bien entrer de froncq yaux huit; et fisent lez mures reversser ens ès fossés, et tantost jetèrent sus tant de bois, de terre et d'autre cose, que il peurent bien entrer et sans dammaige dedens le ville, si comme il fisent; et rompirent une porte par où li seigneur y entrèrent. Ensi fu prise li fortesse. Et y tuèrent grant fuison de gens, et y prisent deus chevaliers et sis escuyers gentilz hommes, le seigneur de Poupeestain et le seigneur de Zedulach; et tout le demourant misent à l'espée, excepté femmez et enfans et vieilles hommes, non tailliet d'iaux deffendre ne combattre.

Après le prinse de Saint Malquaire, il eurent conseil et avis qu'il yroient devant Sebilach<sup>1</sup>, ung castel que bidau et Geneuois tenoient; et y avoient mis en garnison ung escuyer, qui s'apelloit Beges de Villars. Bien estoit la fortrèce pourveue et rafreschiée de toutes choses, et chil de dedens en vollenté dou deffendre, maugret que li manant de le ville en ewissent de le tenir. Là vinrent messires Robiers d'Artois et li seigneur d'Engleterre et de Gascoingne et toutes leur routes; et assegièrent le ville à l'environ, et virent bien que elle estoit forte et mauvaise à prendre. Nonpourquant il disent qu'il ne s'en partiroyent nullement, se l'aroient; et y ordonnèrent logez et bastidez et toutes choses appartenans à ost. Et leur venoient souvent pourveanches de Bourdiaux, par terre et par aige, assés plentiveusement. Et toudis se tenoit li sièges, devant Blaves, des seigneurs de Franche dessus noummés : douquel siège je voeil ung petit parler, puis que g'i sui, pour une aventure qui avint à chiaux de le ville, assés contraire pour yaux, et de quoy la ville fu gaegnie, ensi comme vous oréz.

Bien avoient mandés et certainement senefiet chil de Blaves à chiaux de Bourdiaux que il estoient en grant destroit de famiune, et que vivre leur aloient durement defallant, et que il fuissent conforté, ou longement il ne se pooient tenir. Dont chil de Bourdiaux en avoient jà escript par plusieurs fois à mouseigneur Robert d'Artois qui estoit en ceste chevauchie, si comme vous avés oy; mès li dis messire Robiers et ses conssaux tiroient à che que il pewissent ravoir les fors concquis et acquis en leur cemin; et mandoient et prioient à chiaux de Bourdiaux que il confortassent et aidassent chiaux de Blaves, car bien briement il venroient de celle part après le siège de Sebillach; et chil de Bourdiaux le segnefoient ensi à chiaux de Blaves. Or avint que li seigneur de Franche, qui seoient devant Blaves et qui bien savoient le destroit de faminne et le nécessité qui dedens le ville estoit, avisèrent coumment il poroient leur siège acourchier. Si ordonnèrent une grant cantité de soummiers cargiés de vitaille, et les fissent une matinée monter sus ung terne assés priès de Blaves, afin que chil de le ville les veissent, et que il yssissent hors après pour yaux avitaillier. Et fissent encoirez li Francois armer jusqu'à deus mille hommez de leur ost; et les fissent enbuscier de-

1. *Ms. de Valenciennes* : Sebliach. F<sup>o</sup> 53 v<sup>o</sup>.

dens ung val, entre vignes et haies, pour sousprendre les yssans. Et de ceste embusche estoient souverain doy seigneur de Franche, li comtes daufins d'Auvergne et li mareschaux de Mirepoix avoecq leur routtez; et fissent dou<sup>1</sup> soir tout ensi comme ordounnet fu. Et s'armèrent li seigneur et li compaignon, et se misent en leur embusche couvertement. Et droit au point du jour, li soummier furent tout arouté, dont il en y avoit plus de cent<sup>2</sup>, cargiet de toutes pourveanches pour mengier. Et vinrent trois homme vilain devant, ensi comme marchant, à le porte de Blaves; et disent : « Seigneur, faittez bonne chièrre, et vous mettés en aroy; et venés requieillier le belle provision qui vous vient de Miremont, de Bourdiaus, de Coignach et des autres fortrèches de vostre acord. »

Quant chil de Blaves entendirent ces parolles, si en eurent grant joie, car voirement les veoient il approchier leur ville. Si s'armèrent moult vistement, et yssirent de leur ville environ deus mille hommes; et se misent entre le porte et les cans. Et li soummier coummenchèrent à aprochier, et jà en y avoit entrés en le ville, ne say dis ou douze; et s'ensonnoient moult et par couverture à l'entrée de le porte. Evous l'embusche grande et grosse qui vient en criant leur cry, li comtez Daufins et li sire de Merquel criant : « Fois et Auvergne ! » bannierrez et pignons ventellans par devant yaux. Et quant chil de Blaves lez perchurent, si furent tout esbahit et se retraissent vers leur ville, et Francois apriès abatans gens, navrant et mehaignant. Et chil qui lez soummiers menoient, affin que li porte fust tenue et empeschie, effondrèrent et reversèrent trois de leurs mulés tous chargiez desoubz le porte. Là y eut grant pestelit et grant encombrier; car chil qui dedens estoient ne pooient yssir. Et ossi il n'en avoient mies grant vollenté; mès rentroient en leurs maisons et prenoient tout le milleur de leurs coses, et le portoient sus le havene en le Geronde. Et là entroient femmez et enfans en nefs, en barges et en bacques; et s'en sauvèrent par celle mannierre pluseurs, entres que li autres se combatoient devant le porte de le ville.

Adonc s'estourmy li os as Francois, et s'armèrent chacun qui mieux mieux, et vinrent là moult ordonneement et par connes-

1. *Ms. de Valenciennes* : de nuyt. F° 53 v°

2. *Ibid.* : deux cens



tabliez; et se ferirent en chiaux de Blavez, qui assés bien se defendirent et vendirent seloncq leur pooir. Mais quant li grosse routte des Franchois fu venue, il ne durèrent point longement; et furent finaument tout mort et tout pris, et li ville de Blave prise adonc et gaegnie. Si s'en partirent et sauvèrent pluisieurs hommes, femmes et enfans, par le Geronde, qui vinrent à Bourdiaux avoecq le marée comme gens desconfis et desbaretés. Et recordèrent leur mesavenue, dont Bourdelois furent moult courouchiés; et segnefièrent ces nouvelles à monseigneur Robert d'Artoex qui estoit devant Sebilach, liquelx en fu moult courouchié, mais amender ne le peult tant que à celle fois.

Quant li Franchois eurent pris et conquis le ville de Blaves, et li pillart l'eurent toutte robée dou demourant de ce que trouvent y avoient, si eurent conseil li seigneur, tel fois fu, qu'il l'arderoient. Et puis fu brisiés chilz conssaux, et disent qu'il le tenroient, dont puis se repentirent, ensi comme vous orés; et prissent conseil de mettre le siège devant Miremont, qui siet sur le rivière de Dourdonne. Lors se partirent et deslogièrent de devant Blaves, et vinrent à Miremont, et misent le siège. Et recommandèrent le ville de Blaves à deus chevaliers, à messire Jehan Fouquère et messire Guillaume de Tyris<sup>1</sup>. Or vous dirons dou siège de Sebilach, et comment elle fu prise et par quelle manniere.

En le ville de Sebilach, avoit adonc une cappittainne, que on appelloit Begot de<sup>2</sup> Villars. Et estoit ungs fetis escuyers et de linage, ables et hardis et très bons compains; mais trop vollen-tiers jeuoit as dés, et par usaige mout felenès estoit, quant il y perdoit. Li compaignons sauldoiers et chil de le ville jeuoient à lui, et avoient souvent de son argent. Avint que, ung soir entre les autres, il jeuoit à ung jone homme de le ville, qui s'appelloit Simons Justins. Et avoit chilz ung frère mainnet de lui, que on clammoit Climent; et estoient chil doy li plus riche de le ville, et des plus grans amis. Debas s'esmut entre che Simon et ce Begot, par leur jeu de dés, et tant qu'il se desmentirent; et se levèrent tout doy en piés, et sachièrent leurs espées. Et escarmuchièrent li uns as autrez, et tant que Begos consievi che Simon

1. *Ms. de Valenciennes* : Si y mirent tel garnison qu'il appartenoit. Fo 54 vo.

2. *Ibid.* : Beghot de Villains

tellement qu'il li fendi toute le teste et le jeta là mort. Li haros monta; saudoier acoururent; gens y vinrent de tous lès. Climens Justins i vint acompaigniés d'aucuns de ses amis, qui son frère volloit contrevengier; mais adonc il ne peult, car li saudoier estoient tout avoecques Begot; et leur convint encorrez le place wuidier, ou il ewissent recheu plus grant doumaige. Toudis depuis, Begos n'aloit point si seuls acompaigniés que il n'ewist soissante ou douze vingt<sup>1</sup> compaignons avoecq lui, dont chilz Climens et ses linaiges avoient grant despit. Et regardèrent et parlementèrent ensamble qu'il n'en poient estre point contrevengiet à leur aise, fors par les Englès. Si traitièrent secretement de-viers monseigneur Robiert d'Artois et les Englès que il les meteroient en le ville, affin que tous les estraigniers il volsissent mettre à l'espée<sup>2</sup>. On leur acorda liement che marchiet, et souffrirent de nuit li amic dou mort le ville à escieller. Et entrèrent ens bien deus cens archiers englès, et furent maistre de le porte; et le ouvrèrent de forche, avoecq l'ayde de Climent Justin et des siens. Et entrèrent ens li Englès, et furent tout li saudoier mort et Begos de Villars et li autre. Chilz meschiés avint ensi, et tout par le jeu de dés: ce n'est point li premiers qui en est advenus, ne li darrains qui encores en avenra. Maudis soit il, car dou jeu de dés, c'est toute ennemie cose.

Après la prise de Sebillach, messires Robiers d'Artois le rafreschy de nouvelles gens et de pourveanches; puis s'en parti et s'en revint vers Bourdiaux, car li prise de Blaves li annoioit trop fort. Et quant il fu revenus à Bourdiaux, il fist sus le havene assambler toutes les nefes et les vaissiaux qui là dormoient à l'ancre; et les fist hasteement ordonner et pourvoir de toute artillerie. Et puis, sur ung soir, il fist entrer ens toutes manieres de gens qui combattre se pooient, et parti dou havene de Bourdiaux; et singla celle nuit avoecq le marée et vint, ung petit après<sup>3</sup> mienuit, devant Blave. Et estoit adonc li flos de le mer si hauls et si grans qu'il batoit as murs<sup>4</sup>. Adonc fist il vistement mettre avant eschielles et ordonner archiers, et aprochier les murs et sonner ses trompettes, et assaillir le ville où il n'eult mies grant

1. *Ms. de Valenciennes*: cinquante ou soixante. F° 55

2. *Ibid.*: et ceulx de la ville fussent sauf

3. *Ibid.*: devant. F° 55 v°.

4. *Ibid.*: Et ne savoient riens de leur venue

deffensce, car elle estoit wuide de gens d'armes et de compaignons, pour le deffendre et garder contre tel ost. Nonporquant li doy chevalier, qui dedens estoient, et leur route en fissent bien leur devoir; et le defiendirent, tant qu'il peurent durer. Che ne fu gaires, car archiers traioient si songneusement et si espesement que chil de dedens n'osoient aprochier as garites ne à deffensce; et en y eut là du tret pluseurs navrés. Que vous feroie je lonch compte? Eschiellez furent drechies et apoïées as murs à grans gravés de fier; et compaignon able et legier, et pour yaux esprouver et honnourer, rampèrent et montèrent sus; et entrèrent ens, volsissent ou non li deffendant. Enssi fu la ville gaignie. Et avoit une eglise moulte forte à l'un des lés de le ville : là se retrairent li doy chevalier et leurs gens, et contrebarèrent les huis et lez fenestrez. Et se tinrent ung jour et une nuit depuis le ville prise; et l'endemain il se rendirent, sauve lors vies. Et furent prisonnier as compaignons à qui il fianchièrent leurs fois.

Ensi et par le vasselaige de monseigneur Robiert d'Artois et de ses aidans, fu li ville de Blaves reprise. Dont li Franchois, qui devant Miremont seoient, furent moult courouchiet; et trop se repentoient de ce qu'il ne l'avoient ars. Quant messires Robiers d'Artois se vit en possession de Blaves, si en fu mout lié et alla au tour, et regarda se elle estoit à tenir; et vit bien que oil, mès que elle fuist bien pourveuve et avitaillie. Si le fist de rechief pourveir et avitaillier de tout ce qu'il y besongnoit, et refourbir les fossés, et drechier les murs et remaçonner, et de tous poins rapareillier; et y fist revenir hommes, femmes en enfans, qui parti s'en estoient, pour repeupler et mettre le ville en bon estat.

Encorres que il se tenoit en Blaves, et que li comtez d'Ermi gnach et li comtes de Foix et li autre seigneurs seoient devant Miremont, doy evesque, c'est assavoir chilz de Saintez et chilz d'Anghouloime<sup>1</sup>, aloient de l'un lés à l'autre, traitant ung respit. Et tant le parlementèrent que il se fist entre les pays et leurs aidans, à durer jusques au premier jour d'avril que on atendoit, et de ce jour en ung an. Parmi tant, se deffist li sièges de Miremont; et chacuns se devoit tenir à ce qu'il tenoit, et que conquis ou reconquis arroit. Et se departirent les deus os, et s'en

1. *Ms. de Valenciennes : et de Poitiers* F<sup>o</sup> 56.

ralla chacuns en son lieu, li Franchois en Franche et li Gascon en Gascoingne. Et retourna messires Robiers d'Artois avecq les Engles arriere en Engleterre deviers le roy, à qui il recorda coumment il avoit esplotiet. Li roys en eult grant joie et fu moult liés quant il le vit dalléz lui, parce que il y trouvoit et avoit trouvet pluseurs foix grant conseil de ses besoingnes. F<sup>o</sup> 24 à 26.

§ 59. P. 126, l. 31 : dissention. — *Ms. B 6* : Sy prirent tous ceulx de Gant leur signeur en telle hayne que depuis il ne s'osa tenir clerement ne couvertement en la ville de Gant, mais s'en vint tenir à Terremonde. F<sup>o</sup> 87. — *Ms. de Rome* : En ce temps dont je parole, avoit grande dissention entre le conte de Flandres et les Flamens. Car chils contes Lois, qui eut à fenme Margerite d'Artois, ne se sceut onques avoir ne dissimuler, ne estre en paix entre ses gens en son pais; ne ~~sez~~ gens aussi ne le peurent onques amer. Et le couvint de rechief widier et partir de Flandrez et venir en France, et là amena sa fenme; et se tenoient à Paris dalés le roi, liquels les soustenoit de une partie de son estat. Chils contes fu assés chevalerous; mais ses gens disoient que il estoit trop françois, et que jà nul bien ne lor feroit. F<sup>o</sup> 39.

P. 127, l. 3 : un homme à Gand. — *Ms. d'Amiens* : Or revenrons à le matère des Flamens. Vous avés bien oy compter chy devant coumment li roys d'Engleterre avoit clos tous les pas de mer, et ne laissoit riens venir ne ariver en Flandres, et especialment lainnez ne agnelins. De quoy tous li pays de Flandrez estoit tous esbahis, car la draperie est li plus principaux membrez de quoy il vivent; et en estoient jà trop de bonnes gens et rices marchans apovris. Et couvenoit widier hors dou pays de Flandres pluseurs honnestez hommes et femmez, qui par le labeur de le draperie estoient devant ce bien aisiet; et venoient querir leur chevance en Haynnau et ailleurs là où il le pooient avoir : dont grant murmuration estoient espars et semés par le pays de Flandrez, et especialment ens ès honnes villes. Et disoient bien qu'il comparoient amcrement et dolereusement l'amour que li comtez leur sirez avoit as Franchois<sup>1</sup>, car par lui et par ses oeuvres estoient il en ce dangier esceut et en le haine dou roy

<sup>1</sup> *Ms. de Valenciennes* : si grande au roy de France. F<sup>o</sup> 56

d'Engleterre; et que ce seroit mieux li commons prouffis de tout le pays de Flandrez, de estre en l'acord et amour dou roi englès que dou roy de France.

Voirs<sup>1</sup> est que de Franche leur viennent bien plusieurs blés; mès quant il ne l'ont de quoy acater ne de quoy paier, et tout par faute de gaignier, mal pour eux, car muy de bled a denier; dolent celui qui ne l'a. Mès d'Engleterre leur viennent laines et grans prouffis, qui tenir leur fait bons estas et vivre en joie. Si ont il de bleds assés dou costé de Haynnau, puisque li pays est de leur acord.

Ensi esment et de plusieurs autres parolez pour le commun prouffit, murmuroient souvent les gens par le pays de Flandres, et especialment en le ville de Gand; car c'est li ville de tout le pays de Flandrez où on drappe le plus, et qui le mains puet vivre sans draperie, et ossi adonc à qui li contrairez estoit plus grans. Si s'asambloient par places, par mons et par fouquiaux, et là en parloient et devoient en tamainte diverse mannière; et en parloient villainement, ensi que commune gens ont usage de pledier et parler, sus le partie le comte Loeys, leur seigneur. Et disoient entr'iaux que ce ne faisoit mies à souffrir et que, se ceste povreté duroit longement, tous li plus grans et plus rices s'en doleroit, et en yroit li pays de Flandres à destruction.

Bien savoit li comtes de Flandres que ses gens coummuniment murmuroient sur lui et contre se partie. Si les appaisoit il, et faisoit appaisier ce qu'il pooit; et leur disoit et faisoit dire : « Me bonne gens, sachiés que ceste cose ne poet durer longement, car j'ay oy nouvelles certainnes de par aucuns de mes amis que j'ay en Engleterre. Et dient ensi que li Englès sont en plus grant estrif contre le roy, affin que il puissent faire leur prouffit de leurs laines, que vous ne soiiés en desir de l'avoir. Il ne les penent vendre ne aloier ailleurs que à vous, se ce n'est à trop grandement leur dammage. Si vous appaisiés, car g'i voy et sens plusieurs biaux remèdes pour vous et dont vous seréz temprement resjoys; et ne pensés ne ne dictiez nul con-

1. *Ms. de Valenciennes* : « Vray est que des François nous viennent bleds, mais il convient avoir de quoy à achater et paier; et muy de bled a denier; dolant celui qui ne l'a. Mais d'Engleterre nous viennent laines et grans prouffis pour avoir les vivres, et tenir grans estas et vivre en joie; et du pays de Haynnau nous venroit assez blez, nous à eulx d'accord. » F<sup>o</sup> 56.

traire ne nulle mauvaistié de ce noble pays de Franche, d'où tant de biers vous habondent. »

Ensi, pouriaux reconforter et apaisier, leur disoit ou faisoit dire li comtez. Mais nientmoins tout li plus estoient si batu de celle disette et povreté, et tous les jours leur recroissoit, qu'il ne s'i pooient apaisier; car, quoy que on leur desist, il ne veoient nul apparrant de recomfort ne de prochain waignage. Pour quoy, il s'esmouvoient et s'enmençoient de jour en jour et de plus en plus. Et si n'estoit entreiaux si hardis qui osast entreprendre le fet pour le cremeur dou comte.

Si demoura ce ung grant temps et tant comme ensi qu'il s'asambloient par fouquiaux, en places et en quarefours. Et venoient ensamble parlementer de deviers lieux et de pluseurs rues, parmy le ville de Gand, aucun compaignon<sup>1</sup>, qui oy avoient trop sagement parler à leur agréé ung bourgeois, qui s'apelloit Jaquèmes d'Artevelle, et estoit brasserez de miéz. Si reprissent chil compaignon dessus dit ses parolles entre les autres; et dirent que c'estoit ungs très sages homs, et que li li avoient oy dire que, se li estoit oys et creus, il quideroit dedens brief temps tellement remettre Flandrez en bon estat que il raroient tout leur waignaige et seroient bien dou roy de Franche et dou roy d'Engleterre. Ces parolles coummenchièrent à mouteplier, et tant allèrent des ungs as autres que bien li quars<sup>2</sup> de le ville en furent enfourmet, especialment petites gens et communs asquelx li meschiéz touchoit le plus. Lors se coummenchièrent à rassambler des rues et des quarefours, et leurs assambles à remettre ensamble.

Et avint que, ung jour<sup>3</sup> après disner, il s'en partirent plus de cinq cens<sup>4</sup> sieuwans l'un l'autre; et appelloient leur compaignon de maison en maison, et disoient: « Alons, alons otr le conseil dou saige homme. » Et vinrent ensi jusques à le maison Jakème d'Artevelle, et le trouvèrent apoyant à son huis. De si loncq qu'il le perchurent, il ostèrent leurs capperons, et l'enclinèrent, et li disent: « Ha! chiers sirez, pour Dieu merchi, voeillies nous oyr. Nous venons deviers vous à conseil, car on nous dist que

1. *Ms. de Valenciennes*: En ce temps avoit ung bourgeois à Gand, brasseur de mier, lequel par plusieurs fois parloit bien vagement au gré de plusieurs. Si l'appelloit on Jaquemon d'Artevelle. F<sup>o</sup> 56 v<sup>o</sup>.

2. *Ibid.*: ly quars ou la moitié de le ville. F<sup>o</sup> 57.

3. *Ibid.*: une feste. — 4. *Ibid.*: plus de mille

li grans biens de vous remetera le pais de Flandres en boin point. Or nous voeilliés dire coumment : si ferés aumounne, car il est bien mestiers que vous avés considéré nostre povreté. » Lors s'avancha Jaquèmes d'Artevelle et dist<sup>1</sup> : « Seigneurs compaignon, bien est voirs que j'ay dit que, se j'estoie de tous oys et creus, que je meteroie Flandres en boin point, et se n'en seroit nos sires de riens grevés. » Dont l'acollèrent qui mieux mieux, et l'enportèrent entre yaux, et disent : « Oil, vous serés creus, ois, cremus et servis. » — « Seigneur, seigneur, ce dist d'Artevelle, il besoingne bien que au remoustrer toute li plus saine partie de le ville de Ghand soit et que vous me jurés, vous qui chy estes et tout chil qui de vostre acord sont ou seront, que vous me conforteréz et aiderés en tous kas jusques à morir. » Et il dient tout d'une vois : « Oil. » Dont leur dist que, l'endemain à primme, il fuissent en ung lieu que on apelle le Biloke; et le fesissent à savoir à tous parmy le ville de Ghand; et que là, presens tous, il leur remousteroit publicquement che dont toute la ville seroit resjoie. Et il respondirent tout d'une vois : « C'est bien dit, c'est bien dit. »

Enssi ces nouvelles s'espardirent parmy le ville de Gand, et en furent les trois pars de le ville tout sage. L'endemain à heure de prime, toute li place de le Biloke fu plaine de gens, et le rue où il demouroit toute plaine ossi. Et l'aportèrent monvant de se maison, entre leurs bras, et fendans toutes mannières de gens jusquez en le place de le Biloke; et li avoient ordounnet ung biel escautaut sus lequel il le misent. Et là coummença il à preschier si bellement et si sagement qu'il converti tous coers en son oppinion<sup>2</sup>. Et estoit sen entente que li pays de Flandrez se-

1. *Ms. de Valenciennes* : « Seigneurs compaignons, je sui natif et bourgeois de ceste ville, si y ay le mien. Sachiés que de tout mon pooir je vous vorroie aidier et tout le pays. Et s'il estoit homme qui vosist emprendre le fais, je vorroie exposer mon corps et biens à estre dalez lui; ou se vous aultres me vullés estre frère, amy et compaignon en toutes choses pour demourer dalez my, nonobstant que je n'en soy mie dignes, je l'enprendrois volontiers. » Alors dirent ilz, tout d'un assens et d'une voix : « Nous vous prometons lealment à demourer dalez vous en toutes choses, et d'y aventurer corps et biens, car nous savons bien qu'en toute le conté de Flandres n'y a homine, se nous vous, qui soit dignes de ce faire. » F<sup>o</sup> 57.

2. *Ibid.* : Par plusiours jours il fist grans consaulx et grandes assembléez de gens, en remonstrant qu'il tenissent le partie des Engliés à l'encontre de ceulx de France; et que il savoit bien que le roy

roit ouvers et appareilliés pour requellier le roy d'Engleterre et tous lez siens, se venir y volloient, pour paier tout ce qu'il y prenderoient, car li gherre ne li hayne des Flamens as Englez ne leur pooit pourfiter, mais trop conster. Et leur remoustra voies et conditions, lesquelles ne puevent mies estre toutes escriptez, car trop y fauroit de parollez. Mès la fin fu telle que il li eurent en couvent, et li jurèrent que de ce jour en avant il le tenroient pour souverain; et se ordonnèrent tout par lui et par son conseil. Et fu rammenés à son hostel si amiablement que à merveilles, et de jour en jour mouteploït en grant honneur. Che fu environ le Saint Michiel, l'an mil trois cens trente et sept, que li grans parlemens devoit estre à Londres en Engleterre, et dou quel nous vous compterons maintenant et coumment il se porta....

Or revenrons as Flammens pour mieux entendre le elevation Jaquemon d'Artevelle, qui gouvrena le comté de Flandrez par le tierme de neuf ans et fist en partie ses vollentéz, ensi que vous orés chy apriès. Vous avés bien oy chy dessus coumment il preecha en le ville de Gand et eult l'acort de toute le ville, especialment de toute le coummunalté, à faire ce qu'il voroit.

Quant li roys de France entendit lez nouvelles de lui, se li despleurent durement. Car il suposa assés que, se li Flamencq estoient contraire et ennemit à lui ne à son royaume, que trop leur poroit grever et mettre le roy d'Engleterre en son royaume par leur pais. Si manda au comte de Flandrez qui se tenoit à [Bapesmes<sup>1</sup>], que nullement il ne laiast resgner ne vivre ce Jaquemon d'Artevelle, car il estoit trop à son prejudissé, et que par lui, se il duroit longement, il perderoit se terre.

De quoy li comtez, qui bien sentoît tous ces meschiés, acquist

de France estoit si occupez en moult de manières qu'il n'avoit pooir ne loisir d'eulx faire mal; et avec ce le roy d'Engleterre seroit joieux d'avoir leur amour, et aussi feroit enfin celui de France. Et leur remonstroït qu'il aroient Haynnau, Brabant, Hollandes et Zelandes avec eulx. Et tant les mena de parolles que toute la coummunalté et grant plenté de la bourgeoisie se tirèrent avec luy et habandonnèrent de tous pons leur seigneur, sans riens plus convertir ne aler devers lui. Mais le compaignoient à si grant puissance que tous les jours dormoient en sa maison, buvoient et mengoient mille ou douze cens personnes; et le compaignoient à aler par la ville ou ailleurs leur bon lui sambloit. F<sup>o</sup> 57.

1. *Ms. d'Amiens* : Vipennes ou Bipennes. *Mauvaise leçon.*



amis des plus grans de lnage de le ville de Gand; et les jurés avoit il pour lui, car il li devoient foy par sierement. Si fisent pluseurs aghès et embuscez sus d'Artevelle; mès oncques ne le peurent avoir à leur aise, car toute li coummunaulté de Gand estoit si appareillie pour lui que, qui li volsist mal faire, il convenist estre plus fort que de trente mille ou quarante mille hommes. Et estoient toutes mannièrez de gens wiseux, pour lui mieus servir à gré et li deffendre, se mestiers fuist. F<sup>o</sup> 26 v<sup>o</sup> et 27.

*Ms. de Valenciennes :* Or avint que le conte de Flandres en sot à parler. Si le manda qu'il alast parler à lui en son hostel; mais il y ala à si grant compaignie que le conte n'avoit pooir de resister encontre lui là present. Le conte lui remoustra, par pluseurs points, qu'il volsist tenir la main à tenir le peuple en l'amour et pour le roy de France; comme celui qui en avoit plus d'auctorité que nul autre, et lui offry pluseurs biens à faire; et entre deulx lui disoit parolles de souppeçon de manaces. Lequel Jaquemon n'avoit nulles doubtes de sa manace leur il estoit; et au surplus, en son corage, il amoit les Engles. Si respondi qu'il feroit ce qu'il avoit promis au commun, comme celui qui n'avoit point de peur, et au plaisir de Dieu il n'en venist bien à chief Et ainsi se parti dou conte.

Nientmoins, le conte se conseilla à ses plus privez comment il feroit de ceste besongne, lequel avoit avec luy aucuns des bourgeois de la ville, qui avoient des grans amis et lignages dedens la ville. Si lui conseillièrent de les laisser convenir, et il le tue-roient secretement ou autrement. Et sur ce s'en misrent en paine par pluseurs fois, et firent pluseurs agais sur le dit Jaquemon. Mais riens n'i valoit, car toute le communalté estoit pour luy, tant que on ne lui pooit mal faire, qu'il ne convenist estre puissant de combattre contre toute la ville et le Franc. F<sup>o</sup> 58.

*Ms. B 6 :* Et le roy d'Engleterre, qui tiroit à atraire à amour et à sa cordelle ceux de Flandres, et qui bien savoit que le conte n'y estoit point bien amés pour le grande justiche que il y avoit fait, et par especial en la ville de Gant, adonc manda à ceux de Gant que, se il volloient estre de son acort, il leur renderoit l'estaple et la marchandise des laines sans lequel il ne povoient vivre, et que la coummunaulté de la ville de Gant estoit, pour la def-faute de wagnage, en grant dangier.

Or se resveilla et leva ung bourgeois de Gant, qui s'apelloit Jaques d'Artevelle, saige homme et ymaginatif durement, et qui tantost eult tout le comunaulté de son acort, pour faire et defaire tout che que ordonner et entreprendre volloit. Cheluy Jaques d'Artevelle estoit durement bien enlangaigiet. Sy fist plusieurs sermons, et sy s'y porta que par lui fu le conte enchachiés et boutés hors du pais de Flandres. Et disoit bien à son commencement que plus proufitable leur estoit estre de le partie des Englès que de le partie de Franche, car tous proufis et toutes bonnes marchandises, profitables et necessaires pour eulx, leur venoit d'Engleterre ou par le dangier d'Engleterre. tant que laines pour drapper, dont tout le pais de Flandres estoit soustenus, car sans draperie et marchandise communement il ne pouroient vivre.

Che Jaques de Hartevelle, en peu de temps, monta en sy grant fortune et en telle grace des Flamens, que c'estoit tout fait quant il volloit deviser et commander par toute Flandres. Et estoit sy bien enlangaigiet, et de sy saiges paroles et sy vives, que, par sez langaiges et pour che que il moustroit verité, che estoit bien avis à ceux de Gant. Et le firent mestre et souverain prumièrement d'eux, et puis de tout le pais de Flandres; car en son commencement ceux de Bruges, de Ypre et de Courtray furent rebelles à ses oppinions. Mais ceux de Gant, qui toudis ont esté mestre et souverain de toutes les villes et les pays de Flandres, de forche les firent obeir et estre enclins et obeissant à eulx, et à Jaques de Hartevelle, qui emprist le gouvernement de Flandres. Et convint le conte Lois widier et partir; et s'en vint en Franche dallee le roy Philippes, son cousin, qui le rechut liement et luy assina rentes, pour luy et madame sa femme vivre et entretenir leur estat; car en le conté de Flandres, le vivant de Jaques de Hartevelle, eurent ilz moult petit. F<sup>ms</sup> 87 et 89.

*Ms. de Rome :* Chil de Gand commencierent premierement à faire le mauvais, et à voloir suspediter tout le demorant dou pais de Flandres; et avoient de lor aliance Tenremonde, Alos et Grammont. Pour ces jours dont je parole, et entrues que chil signeur d'Engleterre se tenoient à Valenchiennex et faisoient lors pourcas, ensi que che chi desus est dit, avoit à Gant un bourgeois qui se nonmoit Jaquemon d'Artevelle, hauster homme, sage et soutil durement et fist tant par sa poissance que toute la ville de Gand fu eucline à lui et à ses volentés. Chil signeur d'Engleterre, qui se

tenoient à Valenchiennes, jettèrent lor visée, par le conseil et introduction que il orent dou conte de Hainnau et de son frère, que il envoieroient deviers che Jaquemart d'Artevelle et les bourgeois de Gand, afin que il vosissent estre de l'aliança et acord dou roi d'Engleterre : par quoi, se il li besongnoit, il peüst avoir, ils et ses gens, entrée en Flandres. Si i envoièrent l'evesque de Durem et le conte de Norhanton et messire Renault de Gobeheim.

Euls venu à Gand, il furent receu très grandement, conjoin, honnoré et festoïé. Et se portèrent si bien li trettié, par le moien Jaquemon d'Artevelle, qui i rendi grant painne et qui haioit le conte, que chil de Gand generaument s'acordèrent à ce que, se li rois d'Engleterre passoit la mer et voloit prendre son chemin parmi le pais de Flandres, fust à gens d'armes ou sans gens d'armes, lors deniers paians de toutes choses des quelles on lor feroit aministracion, il trouveroient le pais ouvert. Nequedent que chil de Bruges, d'Ippre et de Courtrai lor fuissent contraire et rebelle, il pensoient bien tant à esplotier, et dèdens briefs jours, que li pais seroit tous en une unité.

Ces aliances et concordances de Jaquemon d'Artevelle et de ceuls de Gand plaisirent grandement bien à ces signeurs d'Engleterre qui là avoient esté envoïet; et prisent de toutes ces convenances lettres seelées dou seel à causes de la ville de Gant. Et puis retournèrent à Valenchiennes, deviers le conte de Hainnau et lors compagnons; et moustrèrent de parole, et par les lettres que il avoient, en quoi et comment chil de Gand estoient de bonne volenté obligiet. Donc dist li contes de Hainnau à ces signeurs d'Engleterre : « Biaux signeurs, vostres besongnes s'avancent grandement, se vous avés les pais de Flandres et de Braibant d'acort. Dites à mon fil d'Engleterre que ce li sera uns grans confors, et que sa gerre en sera plus belle; mais il convient que il passe la mer à la saison qui retourne, pour apprendre à cougnoistre les signeurs et les pais qui le vodront aidier et servir : si ques, vous revenu en Engleterre, esmouvé[s] le à ce que, à une quantité de gens d'armes et d'archiers, il viengne deçà la mer et face venir de la finance; car Alemant sont convoitous et ne font riens, se li denier ne vont premierement devant, car ce sont gens moult convoitous. » F<sup>o</sup> 39.

P. 127, l. 11 : quatre vingt. — *Ms. d'Amiens* : six vingt ou sept vingt varlèz arméz, entre lesquels il y en avoit cinq ou six

especialment outrageux et dont il faisoit se bourle, et qui sa-voient ses secrèz et quel cose il volloient faire. F<sup>o</sup> 27 v<sup>o</sup>

P. 127, l. 29 : au soupper. — *Ms. d'Amiens* : et faisoient de nuit bon get devant son hostel; car bien savoit qu'il n'estoit mies bien amés de tous et especialment dou comte, car jà en avoit il veu pluseurs appairans, dont il s'estoit bien sceu oster. F<sup>o</sup> 27 v<sup>o</sup>.

P. 127, l. 30 : quatre. — *Ms. B 6* : six. F<sup>o</sup> 90.

P. 128, l. 22 : longement. — *Ms. d'Amiens* : le tierme de neuf ans ou environ le pays de Flandres. F<sup>o</sup> 27 v<sup>o</sup>.

P. 128. l. 26 et 27 : maletotes. — *Ms. B 6* : Sy en despendoit la moitié à sa vollenté, et l'autre moitié metoit en tresor. F<sup>o</sup> 92.

P. 130, l. 1 : prester. — *Ms. d'Amiens* : Ensi estoit il fortunés de ses besoingnes. F<sup>o</sup> 27 v<sup>o</sup>. — *Ms. B 6* : tant estoit redoubtés par my le pais de Flandres. F<sup>o</sup> 92.

§ 60. P. 129, l. 22 : des nues. — *Ms. d'Amiens* : Et tenoient grant estat et faisoient grans frèz, et donnoient biaux disners ens ès bonnes villes où il venoient, affin qu'il en fussent plus aloset, et li rois d'Engleterre mieux recommandés. Et faisoient semer parolles parmy le pays et les bonnes villez que, s'il estoient amic et acordant au roy d'Engleterre, il seroient très riches et paisieule, et aroient lanagez et drapperie à grant fuison. F<sup>o</sup> 23 v<sup>o</sup>.

P. 130, l. 1 : le Courtrisien. — *Ms. d'Amiens* : monseigneur Simon le Courtrissien, anchien homme et riche, et qui vollentiers faisoit feste, honneur et compaignie à toutes gens estraingiers, especialment as baronz et chevaliers d'onneur et de nom. F<sup>o</sup> 23 v<sup>o</sup>. — *Ms. B 6* : En che temps, fist justichier le conte de Flandres monseigneur Simon le Courtrisien, qui estoit de Gant; et le fist morir, sans cause de rayson, Et fut pour ce que il avoit compaigniet les Engles en Brabant et en Haynau, et ossi en Flandres. Dont ceulx de Gant furent durement courouchiés sur le conte, car chilz sires Simon Courtisien estoit bourgeois de grant linage, et durement vaillans et saiges homme, et de bonne renommée. F<sup>o</sup> 87.

P. 130, l. 19 : decolés. — *Ms. d'Amiens* : li comtes de Flandres le manda en ung certain lieu. Lui venit au mandement dou comte, il fu pris et saisis et delivrés au connestable de Flan-

drez, et depuis à celui de Franche; et fu assés tost apriès decolés. F<sup>o</sup> 23 v<sup>o</sup>. — *Ms. de Rome* : Li contes de Flandres, pour ce temps, se tenoit à Compiengne, et la contesse sa femme. Si entendî que li Englois, li evesques de Durem et grant baron d'Engleterre avoient esté à Gand et moult bellement recheu; et par la promotion et enort d'un bourgeois de Gant qui s'apelloit Jaquemart d'Artevelle, toutes gens, en Gant et en pluisseurs villes de Flandres, s'enclinoient assés à l'opinion des Englois; et tant que ses rentes et revenues en estoient esconsées, et çanceloient tous les jours. Et encores en oultre, li contes de Flandres fu enfourmés que uns chevaliers de Flandres, vaillans homs durement, et lequel li contes avoit toujours tenu à loial homme et prudent, qui se nonmoit le Courtrissien, avoit tousjours compaigniet et fait feste et honnour, en la ville de Gant où sa residense estoit, ces signeurs d'Engleterre. Desquelles choses, li contes de Flandres fu durement courouchiés sus le chevalier, tant que il li remoustra, et le manda couvertement en France où il se tenoit. Li sires Courtrissiens ala deviers li, qui nul mal n'i pensoit. Sitos que li contes le tint, il li fist remoustrer en la presence de li ce pourquoi il l'avoit mandet. Onques li chevaliers ne se peut esquser, mais le fist decoler. F<sup>o</sup> 40 v<sup>o</sup>.

P. 131, l. 16 : à Valencjènes. — *Ms. d'Amiens* : Depuis le mort dou seigneur Courtrissien, li chevalier d'Engleterre n'osèrent mies si plainement aller ne venir par le pays de Flandrez qu'il faisoient; car ils se doubterent que soudainement il ne fuissent pris ou de nuit à lors hostels, et mort par le puissanche du roy de Franche et dou comte, qui très loyaux Franchois estoit. Si se tinrent en avant en Haynnau dalléz le comte Guillaume, qui bonne chièrre leur faisoit. F<sup>o</sup> 23 v<sup>o</sup>.

P. 131, l. 22 : En ce temps. — *Ms. B 6* : En cel esté, entretant que les Englès estoient à Vallenchiènes. F<sup>o</sup> 84.

P. 131, l. 22 : trespasa. — *Mss. d'Amiens et ms. B 6* : en l'ostel de Hollandez, à Vallenchiennenez. F<sup>o</sup> 24.

P. 131, l. 23 : sept jours. — *Mss. A 23 à 29* : le sixième jour de juing. F<sup>o</sup> 41 v<sup>o</sup>. — *Ms. de Rome* : vingt jours ou mois de jun, le jour de la Pentecoste. F<sup>o</sup> 40 v<sup>o</sup>.

P. 131, l. 24 : trente sept. — *Mss. A 1 à 6, 20 à 22* : trente huit, F<sup>o</sup> 33 v<sup>o</sup>.

P. 131, l. 26 : obsèque. — *Ms. d'Amiens* : De le mort dou comte furent pluiser coer courouchié, car il fu larges, noblez.

preux, hardis, courtois, humbles, piteux et debonnairez à toutes gens. Si le plaindirent moult si enfans, messires Guillemaumez ses filz, li roynne d'Allemagne, li roynne d'Engleterre, li comtesse de Jullers, medamme Ysabel, se maisnee fille, qui depuis eut monseigneur de Namur esjouset. Et trop le plaindi et regreta messires Jehans de Haynnau ses biaux frèrez, car il y perdi grant confort et grant amour, car moult amoient l'un l'autre. F<sup>o</sup> 24 et 25.

*Ms. de Rome* : Quant li rois d'Engleterre et la roine furent seignefiet de la mort dou conte, lor signeur de père, si en furent grandement courouchié, mais passer lor couvint. Et s'en vestirent de noir; et li fissent faire son obsèque en Engleterre, ens ou chastiel de Windesore, là où il se tenoient. F<sup>o</sup> 41.

P. 131, l. 29 : de tous. — *Ms. B* 6 : Et avoit le conte ung filz que on nomoit Gillame, lequel fut conte de Flainau après son père et regna poissamment, tant qu'il vesquy. Et ot quatre filles, dont le conte en avoit mariée[s] les trois. Li aînée ot non Margrite, et estoit pour che tamps roynne d'Allemagne et empereis de Romme. Le seconde ot non Jehanne, qui estoit comtesse de Jullers. Le tierche ot non Phelippe, la bonne et noble roynne d'Engleterre, et le maisnée Yzabel qui estoit encores à marier, et fu ung grant tamps depuis le trespas son père; et de puis ot elle à marit messire Robert de Namur, et fu dame de Renais en Flandres et de Bieautort sur Meuse. F<sup>o</sup> 84 et 85.

P. 131, l. 32 : de Braibant. — *Ms. d'Amiens* : Et li fissent li noble des trois pays, li prelat et les bonnes villes, foy et sièrement et hoummaige; et il leur jura à tenir as us et as coustumes anciennes. F<sup>o</sup> 25.

P. 132, l. 4 : sus Escant. — *Ms. d'Amiens* : une abbaye de dammez dalléz Valenchiennes. F<sup>o</sup> 25.

§ 61. P. 132, l. 20 : Gagant. — *Ms. de Rome* : Vous savés comment li contes de Flandres avoit mis et establi garnison de gens d'armes en l'ille de Gagant, liquel fissent plusieurs destourbiors et grans anois à ceuls qui voloient par mer venir prendre port à l'Escluse, et tant que tous li pais de Flandres s'en contentoient malement. Car li pourfis de la marceandise en estoit ensi que tous perdus, et especiaulment la draperie, car nulles laines ne venoient ne issoient hors d'Engleterre. Jaquèmes d'Ar-

tevelle, liquels voloit aidier le roi d'Engleterre, et à che faire il estoit obligiés et avoit fait obligier generaument la ville de Gand, n'estoit pas courouchiés de ce que chil qui herioient la ville de Brugez et le pais de Flandres se tenoient à Gagant; et fist semer paroles à Brughes, à Ippre et à Courtrai et ou Franch de Bruges que, se on voloit entendre à ce que il conselleroit et tout acertes, on en deliveroit le pais. La ville de Bruges et la ville dou Dan et la ville de l'Escluse, qui trop grandement perdoient, car sans la marceandise de la mer il ne pueent avoir çavance ne sèvent vivre, s'enclinèrent à entendre à ses paroles. Et envoièrent çasque des dites villes de lors hommes par deviers li à Gant, en li priant que il i vosist pourveir et donner conseil comment li wagnages peüst retourner en Flandres. Il lor respondi que aussi feroit il bien et volentiers; et celle response raportèrent à lors gens, chil qui i furent envoiet. On s'apaisa pour veoir comment se feroit ce que d'Artevelle offroit.

Jaquèmes d'Artevelles, liquels fū moult soubtieus en son temps, envoia messages et lettres deviers le roi d'Engleterre et son conseil; et lor segnefia que, se il voloient avoir l'amour dou pais de Flandres et l'entrée generaument, il envoiasent delivrer le pas et l'ille de Gagant, que les gens dou conte tenoient à l'encontre de euls et des Alemans, et qui là roboient la mer; et n'osoit nuls aler ne venir, ne ariver à l'Escluse. Li rois d'Engleterre et ses consauls regardèrent à ce, et sentirent assés que tout ce estoit raisonnable, et que voirement i pourveroient il. Si fu ordonnés li contes Derbi à estre chiés de ceste armée à tout six cens lances, chevaliers et esquiers, et deus mille archiers. Et li fu dit que il s'en venist par la Tamise à toute sa charge à Gagant, et delivrast l'ille et le pas de ceuls qui le tenoient. F<sup>o</sup> 41.

P. 132, l. 21 : garnison. — *Ms. de Valenciennes* : jusques au nombre de deux cens chevaliers et escuiers et bien quatre mille combatans; lesquels se misrent en l'ille de Gagant, où la ville et toute l'ille leur obeissoit. Et sachiés qu'ilz firent mains mauz et mainte destrousse sur les Engls. Et bien tenoient en cremeur toute le coste d'Engleterre, en monstrant qu'il estoient bonne gent de guerre; et tinrent grant temps le pays en grant subjeccion. F<sup>o</sup> 58 v<sup>o</sup>.

P. 132, l. 23 : de le Trief. — *Le ms. d'Amiens ajoute* : messire Guis, bastars de Flandres, frères au conte, messires Gilles

de le Trief<sup>1</sup>, messires Jehans et messires Simons de Bruquedent<sup>2</sup>.  
F<sup>o</sup> 28 v<sup>o</sup>.

§ 62. P. 133, l. 17 et 18 : durement. — *Ms. d'Amiens* : et bien enlangagiet. F<sup>o</sup> 30.

P. 134, l. 3 : Et quant. — *Ms. B 6* : Quant ces seigneurs d'Engleterre furent retournés arière en leur pais devers le roy, il luy recordèrent de point en point comment ilz avoient es-ploiet; et se escusèrent de che que il avoient tant demouret, car en alant et en venant il avoient bien sejourné neuf mois, mais trop sejournerent : les raisons y sont et longues à demener, car vous les avés oyés. Mais à ung grant parlement qui se fist à Londres, le roy fut consilliés que il envoïast gens d'armes en Flandres pour combatre aucuns chevaliers et escuiers qui gardoient l'ille de Quagant, les quelz avoient rués jus pluseurs Englès. F<sup>o</sup> 83 et 84.

*Ms. d'Amiens* : Quant li prelat et li baron d'Engleterre furent retournet en leur pays, il trouvèrent le roy leur seigneur qui les rechupt à joie, monseigneur Robert d'Artois, le comte de Lancastre et les autres barons et seigneurs d'Engleterre, à qui il recordèrent toutes les avenues qui avenu leur estoient et coumment il avoient sejournet à Vallenchiennes, atendants le conseil le roy de Franche, qui point n'estoit venus, et coumment et par prière il envoïèrent monseigneur Jehan de Haynnau et madamme de Valois parler au roy Phelippe, et les responsces telles qu'il eurent del roy, et si comme il leur raportèrent : « Apriès, quant nous veimes que li roys de Franche s'escusoit et que il n'envoieroit point son conseil ne de ses hommes deviers nous, nous eumes advis de mander les seigneurs d'Allemagne, chiaux qui par bonne alianche se sont mis et acordé à vous. Et vinrent bien et liement; et nous ont juret qu'il vous aideront et conforteront en tous kas, si avant ossi que vous leur tenrés leur couvens. Et vous prient que vous voeilliés ordonner vos besoingnes et passer le mer, par quoi il vous puissent veoir et oir. Si en exploiteréz, che dient, le miés en toutes vos besoingnes. Encoires, sirez, vous disons nous et segnefions que li comtes de Flandres tient couvertement garnison en l'ille de Gaiant, cheva-

1. *Ms. de Valenciennes* : Gille de le Triest. F<sup>o</sup> 58 v<sup>o</sup>.

2. *Ibid.* : les deux frères de Brugdem



liers et escuiers et gens d'armes qui gardent le pays de ce costet; et ont jà fait pluseurs despis et contraires à vos gens, dont bien il vous doit desplaire. »

Quant li roys d'Engleterre oy ces nouvelles, si fut moult pensieux, et n'en y eult nulles qui le peussent resjoir, fors celles des Allemans qui li prioient que il volsist passer le mer. Si demanda consseil sus ces besoingnes. Dont respondirent si plus especial amy que, seloncq ce que il pooient entendre et oïr, li roys de France ne quidoit mies que jà il l'osast gerier : « Si vous conseil lionz et mettons avant pour vostre honneur que vous voeillies faire ung parlement, et que nuls parmy vostre royaume ne s'escuze qu'il ne soit à ceste Saint Michiel à Londrez, prelas, chevaliers et li conssaux des bonnes villez. Et adonc, seloncq ce qu'il vous conseilleront, vous vous ordonneréz. » Li roys s'accorda à che et manda et coummanda à tous comtes, barons et chevaliers, prelas et consaux des bonnes villes, qu'il fuissent à ceste Saint Michiel à Londres, c'om comptera l'an mil trois cens trente sept<sup>1</sup>. Tout obeirent au coummandement dou roy, car ce fu raisons. Et pour ce que riens je n'oublie, car j'ay dit et mis en terme ou coummenchement dou livre que je feray mention de toutes les avenues petites et grandes qui sont avenues où que soit, si vous en paray d'unes qui advinrent en Gascoigne auez en ce tamps que je vous compte....

A le Saint Michiel, comme dit est, furent li grant parlement à Wesmoustier dehors Londrez, et durèrent troix sepmainnes. Et là furent tout li plus grant et plus sage d'Engleterre, prelat, comte, baron, chevalier et li conssaux des bonnes villez. Là remoustrèrent li doi evesque, c'est assavoir de Lincelle et de Durham, et li baron et chil qui à Valenchiennes avoient estet, comment li s'estoient maintenu, atendants le conseil de Franche qui oncques ne vot venir, et tout ensi de point en point com vous avés chy dessus oy. Et quant li prelat eurent proposet toutes leurs parollez, li roys se leva en estant, et requist que on le volsist consseillier si à point que ce fust à l'honneur de lui et de son royaume. Adonc respondirent li plus saige par avis et disent que, tout consideret et imaginet les requests, les voies, les offrez, lez pourkas, les treties et lez parlemens que li roys avoit fais et representéz, dont li Francois ne faisoient nul compte, il ne

1. *Ms. de Valenciennes* : l'an vingt sept. F<sup>o</sup> 50 v<sup>o</sup>. *Mauvaise leçon.*

pooit nullement y estre ne demourer que il ne rendesist son hommage au roy de Franche et le deffiaist de lui et de tous ses aidans. Chilx conssaux fu tenus et arestés, et li evesques de Lin-celle priés que de passer le mer et porter les deffianches, liquelx, à le prière et ordounnanche dou roy et des seigneurs, dist que il feroit ce vollentiers.

Encoires fu il dit et arestet que, pour aidier le roy à avoir finance et ses gherres à parmaintenir, chacuns sas de lainne paieroit double imposition, et à durer tant que les gherrez du-[re]roient. Et fu là regardé de quel somme on li remforcheroit se mise. Si en respondirent six bourgeois, li doi de Londres, li doi de Evruich et li autre doy de Conventre, que on li remforch[er]oit ceste coustumme de trois cens mille nobles par an, et que six cens mille noblez en renderoient il chacun an à trois paiemens.

Encoires fu il conseiliet et arestet que on deffendesist, et sus le teste, parmy le royaumme d'Engleterre, que nuls ne jeuast ne s'esbaniast fors que de l'arch à main et des saiettez, et que tout ouvrier ouvrant ars et saiettes fuissent francq et quittez de toutes debittez.

Encorres fu il ordounnet et aresté que tout chevalier et escuyer et compaignons, servans le roy en se gherre, aroient les saudées dou roy et chacun presist de son paiement seloncq se quantité de demi an; et que tout prisonnier et conquest qu'il poroient faire ne prendre, ce leur demourast à leur prouffit.

Encorres fu ordonné que, sus lez yllez telz que de Cornuaille, de Gernesie, de Wisk, de Hantonne et de Copée, nulles gens d'armes ne de deffensce ne se meuissent, pour semonsce ne mandement que li roys fesist, mais gardaissent leurs marchez et leurs frontières, et presissent et abilitassent leurs enfans à manier armes et à traire de l'arch, parmy chacun deus estrelinz le jour qu'il aroient de pencion sus lez coustummez des lainnez demorans en leurs marchiés.

Encorres fu il ordonné et aresté que tout seigneur, baron, chevalier et honnestes hommes de bonnes villes mesissent cure et dilligence de estruire et aprendre leurs enfans le langhe françoise, par quoy il en fuissent plus able et plus coustummier ens leurs gherres.

Encoires fu il ordonné et deffendu que on ne laisast passer nul cheval outre mer à nulz des lés d'Engleterre, sans le congiet dou cancelier, sus à estre en le indignation dou roy.

Encorres fu il ordonnet que de envoier gens d'armes et archiers en l'ille de Gaiant à l'encontre des Flamens, qui là se tenoient en garnison de par le comte de Flandrez, de quoy messires Guis, bastars de Flandrez, frères au comte, messires Ducrez de Halluin, messires Jehans de Rodés, messires Gillez de le Trief, messires Jehans et messires Simons de Bruquedent estoient chief avoecq pluseurs autrez. Si en fu priés messires Henris de Lancastre li jones, qui fu là fès comtes Derbi, cousins germain dou roy, et li comtez de Sufforch, li sires de Bercler, messires Guillaumes Fils Warine, messires Loeis de Biaucamp, messires Richars de Stanfort, messires Gautiers de Mauni qui nouvellement estoit revenus d'Escoce, où pluseurs bellez baceleries et appertisses d'armes y avoit fait tant qu'il en avoit le grace et l'onnoir dou roy et de tous les seigneurs d'Engleterre. Et lé retint là li comtez Henris Derbi pour son chevalier et le plus prochain de lui, et fu mis et escrips à estre dou conseil dou roy.

Encoirres fu là ordonnés et confirmés li mariaiges de monseigneur Guillaume de Montagut, qui loyaument avoit servi le roy ens ès gherres d'Escoche et tellement reboutet les Escos avoecq l'ayde de monseigneur Gautier de Mauni, que il ne s'osoient mès apparoir clerement fors en fuant et en cachant. Et pour lui remunerer ses bons services, li rois li donna le jone contesse de Sassebrin, madamme Aelis, dont il tenoit la terre en se main et en garde, et estoit li une des plus belles jones dammes del monde.

Encoirez y eut pluseurs ordonnances faittez, devisées et acordées, le parlement seant, qui toutes ne puevent pas estre registrées ne escriptez, et qui furent bien tenues, avoec celles dessus-dittez. Fins de parlemens fu que tout seigneur, comte, prelat, baron, chevalier et bonnes villez se departirent sur l'estat que de yaux pourvoir et appareillier, quant requis et semons de par le roy en seroient. Si se parti li évesques de Lincelle pour porter les defiances par lettrez seellées au roy de Franche, et [fu] enfourmés quel cose il devoit dire....

Or paurons de l'evesque de Lincelle, comment il vint deffier le roy de Franche de par le roy d'Engleterre; et puis retournons encore à le matère des Flamens, pour mieux ataindre nostre histoire. Tant exploita li évesques de Lincelle par ses journées que il passa le mer, et chevaucha parmy le royaume de Franche, et vint à Paris. Et trouva le roy Phelippe bien accompagniés

dou roy de Behaygne, dou roy de Navare, de ducs, de comtez et de baron grant fuison, car che fu à une solempnité de le Toussains, l'an mil trois cens trente sept. Et n'atendoit li roys de France de jour en jour autre cose que de oyr telz nouvellez, seloncq le relation que il avoit oy d'aucuns de ses amis de l'Empire. Et entra li dis evesques de Lincelle en le cambre dou roy, car on li fist voie. Si salua le roy et l'enclina, et tous lez autrez rois ensuiwant; et bailla ses lettrez au roy de France, liquels les rechupt et brisa ung petit signet qui estoit deseure en avant. Elles estoient à ung grant seel pendant, et en parchemin, toutes ouvrez. Si lez regarda li rois ung petit et puis lez bailla à ung sien clercq secretaire; et le fist là lire, lesquelles faisoient mention ensi ou assés priés, si comme j'ay oy recorder depuis chiaux qui aucune cose en devoient savoir, et especialment le seigneur de Saint Venant qui y fu presens :

« Edouars, par le grace de Dieu roy d'Engleterre et d'Irlande, à Phelippe de Vallois escripsons. Comme ensi soit que par le sucession de nostre chier oncle monseigneur Charlon, roy de France, nous solions hiretier de l'hiretaige et couronne de France par trop plus prochain degré que vous ne soiés, qui en le possession de nostre hiretaige vous estes mis et le tenés et tenir voulléz de force, si le vous avons nous par pluseurs fois moustret et fet remoustrer par si digne et si especial avis comme celui de l'Eglise et le saint collège de Romme, et à l'entente del noble Empereour, chief de toutes juriditions; asquelx choses et demandez vous n'avés mies vollut entendre, mais vous estes tenu et tenés en vostre oppinion fondée sus tort. Pour quoy, nous vous certefions que le nostre hiretaige de France nous requerrons et conquerrons par le puissance de nous et des nostrez; et de ce jour en avant deffions vous et les vostrez de nous et des nostrez, et vous rendons foy et hoummaige que sans raison vous avons fait; et remetons le terre de Pontieu avoecq nostre autre hiretaige en le garde de Dieu, non en le vostre, qui ennemy et adverssaire vous tenons. Donné à nostre palais à Weismoustier, present nostre general conseil, le dix neuvième jour dou mois de octobre. »

Et quant li rois Phelippes eut oy lire ces lettrez, si se retourna vers l'evesque de Lincelle; et n'en fist par samblant mies trop grant compte, et coummença à sourire et dist : « Evesque, vous avés bien fet che pour quoy vous estiéz chy venus. A ces

lettres ne couvient point rescripre. Vous vous povés partir quant vous voulléz. » — « Sire, dist li evesque, grans merchis! » Dont prist congiet et retourna à son hostel, et se tint là tout le jour. Sus le soir, li roys li envoya ung bon sauf conduit pour lui et pour tous lez siens, sus lequel sauf conduit il rapassa parmy le royaume de Franche sans peril; et revint en Engleterre deviers le roy et les barons, à qui il recorda comment il avoit exploitié. Si en eurent li Englès grant joie.

Or vous dirons dou roy de Franche. Quant il eut veut lez deffianches dou roy d'Engleterre, il les fist coppiier et les envoya en pluseurs lieux par son royaume et hors de son royaume, affin que li seigneur ewissent advis et consideration sus, et especialment au comte de Haynnau, son nevelt, et au duch de Braibant. Et leur manda estreitement que il n'ewissent nulle alianche au roy d'Engleterre; et se il l'avoient ou faisoient, il leur arderoit leur pays, ensi au comte de Bar et au duch de Lorraine; mès de cheux n'estoit il nulle doubte, car il estoient bon Franchois et loyal. Et envoya tantost li roix pourveir et regarder en ses garnisons, sus lez frontières de l'Empire, car des Allemans n'estoit il mies trop aseuret. Et manda à chiaux de Tournay, de Lille, de Bietune, d'Arras et de Douay qu'il fuisse sus leur garde, et pourveissent et fortéfiassent les villez, pour atendre siège ou assaut, se mestier faisoit; et ossi que il presissent garde as castiaus et ens ès casteleries d'entour yaux, et renouvellassent officiers, et les rafresquissent de toutes coses necessaires pour le gherre.

Et envoya li roys à Saint Ommer, à Gines, à Kalais, à Boulongne et là environ gens d'armes, pour garder les frontières, ossi à Abeville<sup>1</sup>, au Crotoi, à Saint Waleri, à Eus, à Dieppe, à Harflues, à Honneflues et en toute le Normendie, jusques en Bretagne et Pontorson et mouvant de le Bretaingne jusques en le Rocelle, et [de] le Rocelle à Saintongle et tout le Poitou en revenant en Limozin, en Roherge, en Aginois et en Thoulousain et tout le Nerbonnois, le Charcasonnois, Bedarioiz, Aigemortes, Biaukaire, Montpellier et Nimes, et jusques as portes d'Avignon

1. *Ms. de Valenciennes* : Et aussi envoia il amont en Bretagne en revenant jusques à Harfleu, et en le Rocelle, ralongant tout autour jusques en Avignon et toute la rivière du Rosne. Et pour bien abregier ce compte, il fist pourveir à tous costez. F<sup>o</sup> 59 v<sup>o</sup>.

et toute le rivière de Rosne, le Pont Saint Esperit, Viviers, Tournon, Salière, le bourch d'Argental, Viane, Lions et toute le comté de Foriest, le terre le seigneur de Biaugeu, le comté de Mascons, Tournus et tout jusqu'à Chalon sus le Sone, et toute le comté et le duchié de Bourgoingne, costiant l'Alemaigne, l'Ausay et le terre de Montbliart jusques en l'evesquet de Lengres, et toute le Campaigne costiant le Lorraine; l'evesquet de Thoul et l'evesquet de Mièz, revenans jusques à Rains et à Chaalons et toute le comté de Rethers, Doncheri et Massièrez et cez fors castiaux sour le rivière de Meuse, costiant l'Ardenne, l'evesquet de Liège et Flimain et le Haynnau et le terre monseigneur Jehan de Haynnau et toute le comté de Roussi, de Porsien, de Brainne et l'evesquet de Laon.

Et escripsi ammiablement et fiablement à ciaux de Cambray que il li fuissent amic et bon voisin en tous cas, et il leur seroit, se mestiers en avoient; et envoya messire Godemar dou Fai à Tournay demourer et sejourner, pour regarder à le chité et ou pays d'environ; et mist le seigneur de Biaugeu en Mortaigne sus estant, pour garder che passaige. Et mist encoires sour mer grant cantitet de Normans et de Geneuois, de quoy messires Hues Kierés, messires Pières Bahucés et Barbevaire estoient cappitaine; et leur coummanda et enjoindi que il ardisent en Engleterre, au plus tost qu'il poroient. Et donna à son chier cousin monseigneur Jaquemont<sup>1</sup> de Bourbon, le comté de Ponthieu et toutes les appendances, en foi et en hommaige et à tenir de lui; liquelx en prist le possession, et y amena medamme sa femme.

Quant li rois de France eut ensi ordonnet et fet pourveir, rapareillier et rafrescir toutes les frontières de son royaume, tant sur mer comme par terre, si escripsi il et manda fiablement au comte de Flandre sen cousin que il ratresist et tenist à amour ses gens, par quoy li Englès n'ewissent pule aliance à yaux; et y envoya de par lui le comte de Vendome et le seigneur de Montmorensi, pour tretier à yaux qu'il fuissent amic et bon voisin au royaume de Franche, et il leur tenroit toudis les pas ouviens de Tournay, de Bietune, d'Aire, de Saint Omer et dou Warneston sus le Lis<sup>2</sup>, et aroient à leur vollenté bleds et tous grains pour

1. *Ms. de Valenciennes*: Jaque de Bourbon. Fo 60.

2. *Ibid.*: et par toute la rivière de l'Escault.

comforter leur pays. Et allèrent chil seigneur de bonne ville en bonne ville remoustrer toutes ces choses, de par le roy de Franche. Li aucun s'i asentoient, mès li plus non; car li waingages de le drapperie leur touchoit plus au ravoir avoecq les laines d'Engleterre, que il ne fesissent adonc bleds ne avainnes<sup>1</sup>, car de tout ce avoient il assés et à grant marchiet. Toutes fois fissent tant chil seigneur de Franche que, quant il se partirent de Flandres, il laièrent le comte Loeys à Gand assés amiablement dalés Jakemon d'Artevelle et chiaux de Gand; mès depuis n'y demoura il mies longement, ensi comme vous oréz. F<sup>o</sup> 24, 27 et 28.

P. 134, l. 5 : Valenciènes. — *Ms. de Rome* : Chil seigneur d'Engleterre sejournoient en Valenchiennes si honnourablement que vous avés oy. Et qant il veirent que il avoient en partie acheié ce pour quoi il estoit venu à Valenchiennes, car il ne faisoient riens que ce ne fust par le conseil dou comte et de son frère, qant il orent esté à Valenchiennes plus de demi an et despendut biau cop d'argent, tant en dons pour avoir l'amour des signeurs de l'Empire que en lors menus frès, il prissent congiet au comte et à son frère, et se missent au retour et vinrent à Louvain. Et là trouvèrent le duch [de Braibant] qui lor fist très bonne chière, et les tint ung jour tout aise dalés li; et parlèrent ensamble de biau cop de choses. Et puis s'en partirent, et vinrent en Anvers; et trouvèrent vassiaus d'Engleterre tous près pour euls, qui là les atendoient. Li pluz de ces signeurs laissièrent lors cevaus au sejour en Anwiers, car bien savoient que il en aueroient encores à faire; et li aucun passèrent les lours, et li aultre les vendirent. Si entrèrent tout ens ès vassiaus, qui estoient ordonné pour euls; et retournèrent sanz peril et sans damage en Engleterre, et trouvèrent le roi à Windesore et la roïne. Si lor recordèrent comment il avoient exploitié, et les bons amis que il avoient delà la mer.

A toutes ces paroles et remoustrances estoit et fu toutdis messires Robers d'Artois, qui trop grandement fu resjois de ces nouvelles, et dist ensi au roi : « Monsieur, je le vous ai bien tous jours dit : vous troverés plus d'amis et de bon confort delà la mer que vous ne quidiés, car onques Alemant ne peuvent amer

1. *Ms. de Valenciennes* : car il amoient mieulx la marchandise d'Engleterre. Si ne les pooit on rapaisier; et osey Jaquemon d'Artevelle ne s'i acordoit point. F<sup>o</sup> 60.

les François; il vous feront roi de France, car chils qui l'est, n'i a nulle juste cause. Et les poins et les articles com prochains vous estes de la couronne, je vous ai pluisseurs fois remoustré : se les calengiés et mettés oultre. Puis que on vous voelt aidier à esclarcir vostre droit, ne soiiés pas negligens, mais diligens à demander ce qui est vostre; si en serés prisiés et amés de vostre peuple, car il demandent la guerre. A ce que je puis veoir et percevoir, en Engleterre il ne desirent que la gerre. Et vous avés biau et grant commencement pour vous, car jà avés vous si soumis les Escoçois que il ne se poront aidier ne relever en grant temps. Ce sont segnefiances de tous biens, et que les bonnes fortunes seront pour vous. F° 39 v°.

P. 134, l. 12 : disoit. — *Ms. de Valenciennes* : pour doubte d'estre ruez jus des escumeurs, qui estoient là de par le conte de Flandres. F° 50.

P. 135, l. 4 : Si ordonna. — *Ms. d'Amiens* : Si en fu priés messires Henris de Lancastre li jones, qui fu là sès contes Derbi, cousins germains dou roy, et li comtez de Sufforch, li sires de Bercler, messires Guillaumes Filz Warine, messires Loeis de Biaucamp, messires Richars de Stanfort, messires Gautiers de Mauni qui nouvellement estoit revenus d'Escoce où pluisseurs belez baceleries et appertisses d'armes y avoit fait, tant qu'il en avoit le grace et l'onnour dou roy et de tous les seigneurs d'Engleterre. Et le retint là li comtez Henris Derbi pour son chevalier et le plus prochain de lui; et fu mis et escripts à estre dou conseil dou roy. F° 27 v°. — *Le ms. de Rome ajoute à ces noms* : messires Renauls de Gobehen, messires Rogiers de Biaucamp. F° 41.

P. 135, l. 12 : à Londres. — *Ms. B 6* : Sy se partirent de Gravesaindes, sur le Tamise, là où il avoient fait toute leur pourveanche et leur assemblée. F° 85.

P. 135, l. 15 : cinq cens. — *Ms. de Valenciennes* : huit cens. F° 60 v°. — *Ms. B 6* : mille hommes d'armes. F° 85. — *Ms. de Rome* : six cens. F° 41.

P. 135, l. 18 : Gravesaindes. — *Ms. d'Amiens* : devant Gravesande<sup>1</sup>, bien pourvus et abillés de naves, de vaissiaus, de bourses, de scutes et de hokebos armées et fretées. F° 28 v°.

P. 135, l. 19 : devant Mergate. — *Ms. d'Amiens* : De le se-

1. *Ms. de Valenciennes* : Gavres. F° 60 v°.



conde marée, il vinrent devant Mergate et furent là un soir; et, le nuit et environ mienuit, il se desancrèrent et tendirent leurs voilles au plain, car il avoient vent à souhet; et se boutèrent en mer et singlèrent tout jour, et vinrent assés priès de Gaiant à heure de nonne. F° 28 v°. — *Ms. de Rome* : A l'endemain, il s'en departirent qant la mer fu revenue, et vinrent devant Mergate et là ancrèrent et furent deus jours, car il avoient vent trop contraire pour entrer en la mer. Au tierch jour, li vens lor revint; si desancrèrent et se boutèrent en la mer et prissent le chemin de Flandres. F° 41.

P. 135, l. 25 : trente sept. — *Ms. A 1* : trente huit. F° 34 v°. — *Mss. A 20 à 22* : trente neuf. F° 58 v°.

§ 63. P. 136, l. 4 et 5 : en Gagant. — *Ms. d'Amiens* : et sur le mer estoient. F° 28 v°.

P. 136, l. 10 : jusques à seize. — *Ms. de Valenciennes* : bien dix huit. F° 60 v°.

P. 136, l. 10 et 11 : cinq mil. — *Ms. de Valenciennes et ms. B 6* : quatre mille. F° 60 v°.

P. 136, l. 16 : de Halluin. — *Ms. de Rome* : messires Jehans nommés Duces de Halluin. F° 41 v°.

P. 136, l. 20 : Pières. — *Mss. A 20 à 22* : Jehans. F° 59. — *Le ms. de Rome ajoute à ces noms* : messire Pière d'Ippre, messires Lois Vilains, messire Bauduin Barnage, mesire Robert Marescal, messire Ernoul de Vors. F° 41 v°.

P. 136, l. 25 : des Englès. — *Ms. de Rome* : Evous venus les Englois en ordenance de bataille, les archiers tous devant. Qant li vassiel aprochièrent, li chevalier qui dedens Gagant se tenoient, conneurent que chil qui les venoient combatre, c'estoient Englois, car il veirent les banières, les pennons et les estramières des lupars d'Engleterre qui voloient amout sus ces nefs et baulioient au vent. Qant li Englès aprochièrent, il i ot grant noise de troupètes et de claronchiaux. Donc commenchièrent archier à traire de grant randon et ensonniiier gens, et gens d'armes entre euls à aprochier pour prendre terre. Là ot fort hustin et dur, et traioient arbalestrier à pooir, mès Englès n'en faisoient compte, car archier sont trop plus isniel au traire ne sont arbalestrier. Et furent en cel estat un grant temps, et tant que la mer fu toute retraite, et que les vassiaux d'Engleterre demorèrent tout aresté sus le sabelon. F° 41 v°.

§ 64. P. 137, l. 31 : filz Warine. — *Mss.* A 11 à 14 : fil Vastier. F° 34. — *Editions de Vêrard et de D. Sauvage* : fils au comte de Warwich. *Ed. de Sauvage de 1559*, p. 41.

P. 138, l. 5 : main à main. — *Ms. de Rome* : Au voir dire, li archier ensonnoient trop grandement les asallans et desfendans Flamens; et furent en cel estat bien quatre heures, tous-jours desfendans et asallans. F° 41 v°.

P. 138, l. 8 et 9 : plus de trois mille. — *Ms. de Valenciennes* : de deux à trois mille. F° 61. — *Mss.* A 20 à 22 et *ms.* B 6 : trois mille. F° 59 v°. — *Mss.* A 8 et 9, 15 à 17 : plus de quatre mille. F° 33.

P. 138, l. 13 : Gilles de le Trief. — *Mss.* A 11 à 14 : Guillaume de Lestrief. F° 34. — *Mss.* A 15 à 17 : Jehan de le Trief. F° 36. — *Ms. de Valenciennes* : Gille de le Triest. F° 61.

P. 138, l. 14 : vingt six. — *Ms.* B 6 : dix huit. F° 86. — *Ms. de Rome* : jusques à douse chevaliers et bien trente esquiers, tous gentils hommes, que de Flandres, que d'Artois. Et i ot grande occision des aultres hommes; et les caçoient les Englois jusques à la mer et les faisoient sallir dedens, et plus chier ils avoient à noier que à morir de glave. F° 41 v°.

P. 138, l. 18 : Et retournèrent. — *Ms. de Rome* : Qant les Englois furent signeur de l'ille et de la ville de Gagant, il le fustèrent et coururent toute et puis boutèrent le feu dedens, qant il s'en deurent partir; et rentrèrent en lors vassiaus, et dormirent là à l'ancre tant et si longement que vens lor revint. Et bien le savoient chil de Bruges, dou Dan et de l'Escluse, mais il estoient tout resjoy de che que on lor avoit delivré le pasage de ceuls qui trop longement l'avoient tenu. Qant li Englois orent vent pour ceminer, il se desancrèrent de là et retournèrent viers Engleterre, et enmenèrent lor butin et lors prisonniers. Et fissent tant par l'exploit dou vent que il entrèrent en la rivière de la Tamise, et prissent terre au kai à Londrez. Et acquist li jones contes Henri Derbi en sa nouvelle chevalerie grant grasce et grant renommée de celle besongne. Et aussi fissent tout chil qui avoecques li avoient esté, et par especial messirez Gautelés de Mauni. F° 42.

P. 138, l. 19 : en Engleterre. — *Ms. de Valenciennes* : à tout leur gaignage, nonobstant que ce ne fu point sans perdre de leur gens. F° 61.

P. 138, l. 20 : au roy. — *Ms. B 6* : en ou palais de Westmouster. F<sup>o</sup> 86.

P. 138, l. 23 : prison. — *Ms. B 6* : et l'onnoira assés selonc son estat, et le laissa aler parmy Londres recreu sur sa foy. F<sup>o</sup> 86.

P. 138, l. 23 : li quels. — *Ms. de Valenciennes* : par les promesses que les Engles lni firent. F<sup>o</sup> 61.

P. 138, l. 24 et 25 : d'Engleterre. — *Ms. de Valenciennes* : par convoitise. F<sup>o</sup> 61.

§ 65. P. 138, l. 27 : Apriès. — *Ms. d'Amiens* : Apriès le desconfiture de Gaiant, ces nouvellez s'espardirent en plusieurs lieux. Si en furent chil de le partie le comte courouchiet, et chil de le partie le roy d'Engleterre tout joiant. Et disoient bien [cil de Flandres] que, sans raison ne leur volenté, li comtes les avoit là mis. Et eurent advis en Flandrez li consaulx des bonnes villez, par le pourkac et enort de Jaquemon d'Artevelle, que il envoieroit douze bourgeois des six meilleurs villez de Flandrez deviers le roy d'Engleterre, escûzer le pays de ceste besoingne de Gaiant, et que nullement il ne se consentirent oncques que là il se tenissent de leur acord. Et plus avant, se il plect au roy d'Engleterre ariver en Flandrez, où que soit, il en seront tout joiant; et il presteront et ouveront le pays pour passer, sejourner, demourer, partir et retourner par païier toutes choses, dont il en seront servi et aisiet. Chil douze bourgeois partirent enformet et adviset sus le manière que j'ay dit: et vinrent en Engleterre et trouvèrent le roy adonc à Elteim, liquelz les rechupt assés liement, car il en quidoit grandement mieux valloir, ensi qu'il fist. Et li dissent comment Jacquèmes d'Artevelle et tous li especialz consaulx de Flandres se recommandoient à lui, et s'escusoient de le ville de Gaiant et des gens d'armes qui trouvet y avoient estet, que ce n'avoit estet point li fais nê li acors dou pays de Flandrez, mès dou comte seullement et dou roy de Franche.

Que vous feroie je loing compte? Tant parlèrent, et si bellement et si sagement remoustrèrent leur messaige, que li rois s'en contenta. Et leur respondi que, dedens le jour dou Noel prochain venant, il seroit en Anwers, car là faisoit on ses pourveanches; si y amenaissent le comte leur seigneur deviers lui, pour savoir quel cose il volloit faire; ou que li pays de Flandrez fust telle-

ment advisés et conseilliez, se li comtes n'y volloit estre, que jà pour ce ne demorast que il ne fuist leurs boins amis. Et il donnoit parmy tant respit à tous allans et à tous venans, jusques au premier jour de jenvier. Ensi le raportèrent li douze bourgeois à Jaquemon d'Artevelle, et au conseil des bonnes villez de Flandres, en le ville de Gand. Si en furent tout liet, quant il seurent que li roys d'Engleterre passeroit, et supposèrent assés que il le trouveroient trefable et aimable; mès, qui qui en fuist liés, li comtes de Flandres n'en eult point de joie. F<sup>o</sup> 29.

*Ms. B 6 :* Tantost après (l'affaire de Cadzand), le roy d'Engleterre fist clore tous les pas de mer, afin que nulles laines ne venissent en Flandres. Adonc le pais de Flandres fut en grant tribulacion, et la draperie toute perdue.... F<sup>o</sup> 86 et 87.

Cheluy Jaques d'Artevelle avoit le cuer plus englès que francois, et pressa tant la querelle du roy d'Engleterre par my Flandres que tout le pais fut englez. Et manda et escripsy au roy d'Engleterre, par my grans consauls et traitiers qui furent entre les Flamens et les Englès, que il venist seurement en Flandres ensy que il luy plaisoit : les Flamens le verroient moult vollen-tiers, et moult le desiroient à veoir. Le roy d'Engleterre, qui moult desiroit que par moien de aquerre en Flandres, en Haynau, en Brabant des amis, adonc fut moult resjois de l'aliance que il avoit en Flandres; et tint Jaques de Hartevelle en grant amour, car bien savoit que c'estoit par le dit Hartevelle. Sy fist le roy d'Engleteterre rendre à Flamens tout les droitures de mer, et laissa courir toute marchandise par my leur pays, et remist l'estaple de laignes à Bruges quy eslongiet leur estoit. Dont les Flamens en eurent grant joie.

Assés tos après, le dit roy d'Engleterre s'avisa, par my le consail et enhort qu'il eut de messire Robert d'Artois, que il vendroient prendre port en Flandres ou en Brabant, auquel lés il plairoit au duc de Brabant son cousin, au duc de Gherdres, au conte de Mons, au marquis de Julers, au seigneur de Faulquemont et à Jaques de Hartevelle et à ceux qui devoient ay-dier à faire sa guerre. F<sup>os</sup> 92 et 93.

*Ms. de Rome :* Or s'espardirent ces nouvelles en Flandres, en France et ailleurs, que chil qui en garnison s'estoient tenu un grant temps en l'ille de Gaant, estoient tout desconfi, et la ville tellement arse que on ne savoit où retraire : li contes de Flan-

dres en fu durement courouchiés, et Jaquèmes d'Artevelle et tout chil de sa sexstresjoy.

Pour ce, se l'ille de Gaant fu delivrée des Flamens, chevaliers et esquiers, qui gardé l'avoient un lonch temps au commandement dou comte de Flandres, ne se retourna pas si tos li wagnages ne la marceandise ou pais de Flandres, car Jaquèmes d'Artevelle i mist empecement, je vous dirai comment. Voirs est que li englois marceant, liquel avoient sus le qai à Londres et ailleurs plusieurs nombres de sas de laines, en desiroient à avoir lor delivranche, pour atraire à euls les deniers. Aussi li marceant de Flandres et de Braibant et li drapier lez desiroient à avoir et à acater, pour faire ouvrer et mettre en la draperie, ensi que usages est que tout pais vivent et s'estofent et gouvernent l'un de l'autre. Et tout ce sentoit et savoit bien de la ncessité Jaquèmes d'Artevelle. Et tantos apriès la bataille de Gaiant, il escripsi au roi d'Engleterre et son conseil que point ne se hastassent de envoier en Flandres ne à l'Escluse les marceandises d'Engleterre; et les tenist encores closes, jusques à tant que on aueroit aultres nouvelles de li. Li rois d'Engleterre et ses consauls, qui se voloient rieuler de tous poins par sen ordenance, entendirent à ces lettres et segnefiances dou dit d'Artevelle, pour veoir quel cose il vodroit dire et faire.

Quant chil de Bruges, dou Dan, de l'Escluse, d'Ipre et de Courtrai et dou tieroit dou Franc veirent que la mer n'estoit non plus ouverte apriès la bataille de Gaiant comme en devant, si commenchièrent à murmurer generaulment, et à dire li uns à l'autre, ens ès villes : « Jaques d'Artevelle nous donnoit anten à entendre que il avoit le wagne de la draperie en la main, et le nous feroit avoir toutes fois qantes fois que il vodroit. Nous quidions que la maladie iessist dou lés deviers Gaiant, et par ceulz qui là se tenoient en garnison. Or en est li pas delivrés, et se ne retourne point la marceandise en Flandres. Ce seroit bon que on alast à Gaiind parler à lui, et savoir à quoi il perist. »

Sus cel estat, tout s'acordèrent. Et se quellièrent des bonnes villes de Flandres aucuns notables hommes, et vièrent à Gaiind; et parlèrent à d'Artevelle, et proposèrent toutes les paroles desus dittes. Il respondi à celles et dist : « Il est verité que je di ensi et encores le dis je. Se vous volez que li proufis et li wagnages vous retourne, il fault que vous aiiés aliances grandes et fortes au roi d'Engleterre, dont li proufis vous puet venir, et qui vous

a, des ennemis de la mer qui ce tenoient à Gaiant, delivré le pais. Par celle voie, l'ai je toutdis ensi entendu et non aultrement. Et se vous, qui chi estes envoiet de par la grignour partie des bonnez villes de Flandres, volés venir avoecques moi en Engleterre parler au roi et à son conseil, nous exploiterons tellement que nous remeterons le wagnage et le pourfit ou pais de Flandres. » Donc respondirent li plus sage de la compagnie et disent : « Sire, nous ne sommes pas cargiet si avant que nous vous acordons le voiage. Nous retournerons casquns en sa ville, et meterons les bonnes gens ensamble, et leur recorderons ce que nous avons oy de vous ; et ce que il en vodront faire, on le vous segnefiera et bien briefment. » — « A la bonne heure, » respondi d'Artevelle.

Il prissent congiet ; il se departirent de Gaiid, et retournerent casquns en lors lieux. Et missent les consauls des bonnes villes ensamble, et remoustrèrent tout ce que vous avés oy. Euls consilliés bien et par grande deliberation et pour le commun pourfit de Flandres, avoecques ce que li contes estoit trop grandement haïs ou pais, tant pour l'amour dou signeur Courtrissien lequel il avoit fait decoler que pour aultrez souffissans hommes, ens ès bonnes villes acordé et ordonné fu que, avoecques Jaquemon d'Artevelle, de toutes les bonnes villes de Flandres, iroient en Engleterre deus hommes ; et chil qui là seroient envoiet prioient au roi d'Engleterre que les marceandises des laines, les quelles lor sont moult necessaires, il vossist consentir que elles retourmassent en Flandres, tant que il en fuissent aisiet et servi, ensi que dou temps passé avoient esté ; et il tenroient generalement par toute Flandres l'ordenance et le trettié que chil de Gaiid avoient juret à tenir et proumis par lettres et seelés à l'evesque de Durem et à ses commis, qant darrainement il furent à Gaiid.

Sus cel estat, s'ordonnèrent chil qui esleu furent, d'aler en Engleterre avoecques Jaquemon d'Artevelle. Et li dis d'Artevelle estoit jà tous pourveus de son estat, grant et estofé aussi bien comme uns contes ; et s'en vint à Bruges, et fu là requelliés ensi comme uns sires dou pais. Tout li aultre bourgeois des bonnes villes de Flandres vinrent à Bruges, et là s'asablèrent. Et qant tout furent venu, il vinrent à l'Escluse ; et trouvèrent deus vassiaus tous près, pour euls porter, et deus hoquebos pour lors pourveances. Si entrèrent ens ès dis vassiaus, et se desan-

crèrent et se departirent de l'Escluse; et exploitèrent tant, à l'aide de Dieu et dou vent, que il entrèrent en la Tamise, et vinrent à Londres. Et issirent sus le qai hors de lors vassiaus, et se logièrent tout à lor aise en la rue de la Riolo.

Pour ces jours, se tenoient li rois et la roine à Eltem, à sept lieues englesces de Londres, liquel furent tantos enfourmé de la venue des Flamens. Li rois, qui desiroit à savoir lor entente et pourquoi il estoient venu, leur segnefia que il venissent parler à lui; et si escripsi et envia ses lettres et ses messages deviers son conseil, et lor manda que tantos et sans delai il venissent à Londres. Jaquèmes d'Artevelle et li Flamench vinrent à Eltem tout premierement veoir le roi et la roine, liquel les requellièrent moult courtoisement. Et là lor remoustra li dis Jaques, en la presence de tous ses compagnons, ce pour quoi il estoient venu et là envoiet. Et prioient les communautés des bonnes villes de Flandres que ce fust la plaisance et l'acort dou roi que l'estaple et la marceandise des laines peüst venir en Flandres, ensi que aultre fois avoit fait. Li rois respondi à ce et dist que il en aueroit avis et conseil, et en seroient de lor demande et requeste respondu dedens un jour que il lor nonma, et seroit la response faite ens ou palais de Wesmoustier. De cez paroles il se contentèrent assés.

Si disnèrent ce jour tout chil Flamenc en la cambre dou roi et de la roine. Et lor fu moustrée la plus grant amour comme on pot, et par especial à Jaquemon d'Artevelle, car bien sentoient li rois et la roine que il estoit tous souverains des aultres, et aussi que de bonne amour il les amoit. Et parla aussi li rois à li, à part, de pluisseurs coses. Et d'Artevelle, qui voloit l'augmentation dou roi d'Engleterre, li remoustra tout bellement la voie et la manière comment il poroit entrer en la grasce dou pais de Flandres, avoech ce que il i rendoit et renderoit grant painne. Quant il orent assés parlé ensamble, li Flamenc prièrent congiet pour celle heure; et retournèrent à Londres, et atendirent que li rois vint à Wesmoustier, et que tous ses consauls fu venus à Londres.

Adonc furent li Flamenc mandé au palais; il vinrent. Là furent oy de tout ce que il vodrent dire; il furent respondu si courtoisement que il s'en contentèrent, car il empetrèrent tout ce que il vodrent avoir. Et aussi il proumissent au roi là, ou cas que il vodroit passer la mer à une quantité de gens d'armes et

d'archiers, il seroit requelliés en Flandres bellement et doucement. Et se li dus de Braibant, son cousin, et li contes de Gerlles son serouge et li marquis de Jullers et les Alemans qui avoecques lui s'estoient aliiet, voloient desfier le roy de France, il trouveroit les comunautés de Flandres tout apparilliet pour aler, fust devant Tournai ou Cambrai, là où il les vodroit mener. Li rois d'Engleterre, qui très grant desir avoit de faire sen emprise, les oy volentiers parler, et les remercia; et lor dist que sans faute, dedens la Saint Jehan Baptiste, il seroit oultre la mer.

Ensi se portèrent ces ordenances. Li Flamenc eurent dou roi tout ce que ils desiroient à avoir, et retournèrent arrière en Flandres et i raportèrent le wagnage, car la mer fu ouverte. Et vinrent les laines en Flandres, à l'Escluse, au Dam et à Bruges; et là les venoient querre et acater li marceant drapier de Braibant, et tout chil qui les voloient avoir, F° 42.

P. 139, l. 17 : grosses. — *Ms. d'Amiens* : Et jà estoient ses pourveances faitez en Anwiers, car il desiroit à là venir pour savoir bien parfaitement l'entention dou duch de Braibant, son cousin, dou duch de Gerlles et de celi de Jullers et des Allemans. F° 29. — *Ms. de Rome* : Tout cel ivier, ordonna li rois d'Engleterre ses pourveances grandes et grosses. Et, qant ce vint à l'esté que on compta en l'an de grasce Nostre Seigneur mil trois cens trente et huit, environ la Saint Jehan Baptiste, il prist congiet à la roine Phelippe sa fenme; et li ot en couvenant par sa foi que, se il veoit que sejourner le couvenist longement par deçà la mer, que il le remanderoit. La bonne dame s'appaissa sur ce et demora à Windesore, et là tint son hostel, et jà avoit son fil qui portoit le nom dou père, Edouwart, et fu puis princes de Galles. Et demora la roine ençainte et priès que sus ses jours : ce fu de une fille, qui ot nom Issabiel, et puis fu dame de Couci, ensi que vous orés recorder avant en l'istore.

Qant tout chil que li rois voloit mener avoecquez lui furent venu à Londres, et la navie toute preste, et chil ordonné qui garderoient le pais et la frontière d'Escoce, li rois entra en son vassiel; et tout li aultre entrèrent ens ès vassiaux, qui estoient ordonné pour euls, sus la rivière de la Tamise. Si levèrent li maronnier les voillez, et sachièrent les ancras à mont, et se departirent dou havene de Londres; et entrèrent dedens la mer, et avoient le vent et la merée pour euls. F° 43.

P. 139, l. 19 : acompagniés. — *Ms. d'Amiens* : le royne



avecq lui, qui toute enchainte estoit, messires Robiers d'Artois, li comtez Derbi, li comtez de Warvich, li comtez de Pennebrucq, li comtez de Sufforch, li comtez d'Arondiel, li comtez de Kent, li evesques de Lincolle<sup>1</sup>, li evesques de Durem, messires Regnart de Gobehen, messires Richars de Stamford, li sirez de le Ware, messires Guillaummes Filz Warine, li sirez de Biaucamp, messires Gautiers de Mauni, li sirez de Ferrières, messires Phelippes de Hastinge, li sirez de Basset, li sirez de Willebi, li sirez de Brasseton et pluseur autres; et eurent vent à souhet et arrivèrent ou havene de Anwiers, environ le Saint Obert et Sainte Luce. F<sup>o</sup> 29. — *Ms. B 6* : En sa compaignie fu madamme sa femme, avecques luy messire Robert d'Artois, quy s'appelloit conte de Richemont. F<sup>o</sup> 94. — *Ms. de Rome* : En la compaignie dou roi, avoit grant fuison de barons et de chevaliers d'Engleterre. Et i estoit messires Robers d'Artois, qui toutes ces choses avoit atisies et eslevées. Et exploita tant ceste navie que, sans peril et damage, il arivèrent en Anwiers, la nuit Saint Jaque et Saint Cristofle. F<sup>o</sup> 43.

P. 139, l. 23 : gens vinrent. — *Ms. d'Amiens* : Ensi se dotria ceste cose ung grant temps, et tant que li roys d'Engleterre assambla ung grant parlement à estre à Anwers. Et y furent li dus de Braibant, li comtez<sup>2</sup> de Gerllez, ses serourges, li marchis de Jullers, li comtez de Clèves, li comtez de Saumes, li marchis de Blanquebourc, li sirez de Fauquemont<sup>3</sup>, messires Jehans de Haynnau; mès li comtez de Haynnau n'i fu point, car il dist que il n'y avoit que faire, de quoy li roys de Franche li seult grant gret de ceste excusanche. F<sup>o</sup> 30.

*Ms. B 6* : Quant le duc de Brabant sceut la venue de son cousin le roy d'Engleterre, sy envoya devers luy de ses chevaliers, à cause de les bien vignier. Et ly jones conte de Haynnau, ses serourges, le vint veoir. Et osy fist Jaques de Hartevelle. Entre les quelz et le roy il eult grans alianches et aprochemens d'amours. Depuis, vinrent ces seigneurs d'Alemaignes les uns après les autres, qui moult le desiroient à veoir. Sy eult là grant parlement ensamble, as quelz le jone conte de Haynnau ne volloit point estre; mais disoit à che commencement qu'il demourroit franchois et delés le roy son oncle. F<sup>o</sup> 94.

1. *Ms. de Valenciennes* : Nicolle. F<sup>o</sup> 62.

2. *Ibid.* : le duo de Guerles. F<sup>o</sup> 64. — 3. *Ibid.* : Franquemont.

*Ms. de Rome* : Et chils qui premierement i vint, ce fu messires Jehans de Hainnau, dont li rois li sceut grant gret, car par li et par son conseil en partie il se voloit ordonner. Apriès, vint li dus de Braibant, son cousin germain, et puis li contes de Gerlez et li marchis de Juliers. F<sup>o</sup> 43.

P. 140, l. 4 : Anwiers. — *Ms. d'Amiens* : Assés tost apriès che que li roys englès fu arivéz en Anwiers, la roinne sa femme ajat d'un fil qui fu appeléz Lions<sup>1</sup>, et y eut grant feste à le relever. Et y fut li comtez de Haynnau, frères à le roynne, messires Jehans de Haynnau, onclez de la damme et que li roys en ce tamps amoit mout, et grant plenté de chevalerie de Haynnau qui estoient alé veoir le roy et le roynne et qu'il n'avoient veut, trop grant temps avoit.

Endementroes, tretoit Jaquèmes d'Artevelle enviers le conte de Flandrez que il se volsist aviser et aler avoec son plus especial conseil deviers le roy d'Engleterre, et fesist tant que il demourast ses amis. Mais li comtes n'y avoit nulle plaisanche ne affection de venir ne d'aller, et disoit bien que, pour aperdre toute le revenue de Flandrez, il ne s'acouvenencherait jà ne aloieroit au roy d'Engleterre, pour gherier le roy de Franche son cousin ne le royaume. Et se doubta li comtez que de forche on ne l'i menast, et li fesist on faire cose dont il fuist courouciés apriès. Si se parti<sup>2</sup> de Flandrez, et enmena le comtesse madamme Margherite sa femme et Loeis leur fil; et s'en vint en France<sup>3</sup> dalléz le roy Phelippe, qui très vollentiers le rechupt, et le<sup>4</sup> asigna d'une somme de florins tous les mois à recepvoir, pour son estat tenir et aidier à parmaintenir.

Quant chil de Flandrez virent que li comtez leurs sirez estoit secretement partis et widiéz le comtet et tréz deviers le roy de Franche, et que il n'avoit nulle volenté de y estre de l'alianche des Englès, si se conseillièrent ensamble coumment il poroient parseverer. Et eurent conseil par l'acord de d'Artevelle, qui au voir dire estoit plus favourables au roy englès que il ne fuist au roy de Franche, que il s'en yroit, bien acompaigniés des plus

1. *Ms. B 6* : et fu de puis dus de Clarence, sy comme vous orés chy avant en ces croniques. F<sup>o</sup> 96.

2. *Ms. de Valenciennes* : de nuyt. F<sup>o</sup> 62 v<sup>o</sup>

3. *Ibid.* : à Paris.

4. *Ibid.* : et leur assena leur ilz prenderoient finances, pour leur estat maintenir.

riches et honnorablez bourgeois de Flandrez, deviers le roy d'Engleterre qui estoit en Anwiers, et saroient une partie de sen entente.

Et s'en vint adonc d'Artevelle, lui acompaigniés de soissante bourgeois des plus grans de Flandrez, en Anwiers deviers le roy, qui liement rechupt d'Artevelle et tous les autres pour l'amour de lui, car on li avoit bien dit qu'il estoit souverains en Flandres, et que deseure lui n'y avoit nul plus grant. Pour ce le festia et requelli li roys amiablement; et li dist que, pour l'amour de lui, toute Flandrez en vauroit mieux. Et rendi là adonc li roys d'Engleterre as Flammens l'estaple et le marchandise des lainnez que jà leur avoit tolut plus de troix ans, parmy tant que il pooit et tout li sien aller, armet et desarmet, parmy le comté de Flandre, et ariver où qu'il li plairoit. Et de ce furent faittez lettrez seellées dou roy et des bonnes villes de Flandres.

Encorres requist li roys as Flammens que il volsissent avoecq lui gheriier le royaume, et entrer en Tournesis et en le castellerie de Lille et de Douay et ardoir; mès li Flammens s'escusèrent à ce donc au roy d'Engleterre. Et dissent que il estoient si fortement obligiet enviers le roy de Franche que il ne le pooient grever, ne entrer de fet en son royaume, que il ne fuissent ataint d'une si grant somme de florins que à malaise en poroient il finer. Et li prièrent que ce li volsist souffire, jusques à une autre fois, qu'il y aroient mieux cause. Et li roys s'en appaisa, et leur donna au partir grans dons et biaux jeuiaux; et ossi fist li roine.

Si se partirent li Flammencq, et s'en rallèrent chascuns en leurs lieux. Et Jaquèmes d'Artevelle revint à Gand, qui souvent alloit et venoit jusquez en Anwiers viseter le roy Edouwart; et li proummetoit qu'il le feroit seigneur de Flandrez. Et quoyque li Flammencq desissent maintenant, se l'en feroit il avoir cent mille tous armés, quant il vorroit, pour ardoir sus le royaume auquel lés qu'il li plairoit. De quoy li rois d'Engleterre avoit grant joie; et atendoit de lui grant confort, et ossi de tout le pays de Flandres.

Moult estoit chilz Jaquèmes d'Artevelle prochains et amis dou roy d'Engleterre, cremus et doutés par toute Flandrez. Car, depuis que li comtez en fu partis, enssi comme vous avés oyt, il y resgna comme sires; et n'y avoit avant lui nul plus grant seigneur, et tenoit grant estat et puissant entre le ville de Gand....

Vous avés oy chy dessus recorder coumment li roys de Franche avoit mandet et escript au comte de Haynnau et au duch de Braibant que nulles alianches il n'eussent au roy d'Engleterre; et se il les y avoient, il leur arderoit leur pays. Nonobstant ce que cil seigneur s'escusaissent deviers le roy de Franche, si estoient il as parlemens le roy d'Engleterre, et par especial li ducs de Braibant, car il s'estoit jà acouvenenchiés au roy d'Engleterre, mais li jones contes de Haynnau non, et disoit bien que il ne gheriroit jà le roy de Franche son cher oncle, se il ne li faisoit desplaisir devant. F<sup>o</sup> 29 v<sup>o</sup> et 30.

P. 140, l. 5 : humlement. — *Ms. de Valenciennes* : doulement. F<sup>o</sup> 64.

P. 140, l. 14 : par samblant. — *Ms. d'Amiens* : Si estoit che (li dus de Braibant) li ungs de ciaux pour quoy li roys d'Engleterre avoit adonc le plus assamblé sen parlement. F<sup>o</sup> 30.

P. 141, l. 3 : Saint Bernard. — *Ms. d'Amiens* : Li roys d'Engleterre demoura tous quoyz en Anwers, en l'abbie Saint Bernart<sup>1</sup>, et la roynne sa femme avoecq lui, qui nouvellement estoit relevée d'enfant d'un biau fil, que on clamoit Lion; et fu puisedi ducs de Clarence et mariés en Lombardie, ensi comme vous orés avant en l'istiore. Li comtez Guillaumes de Haynnau et messires Jehans de Haynnau venoient à le foix veoir le roy et la roynne; et se tenoient dalléz lui deux jours ou trois, et puis s'en retournoient. F<sup>o</sup> 30.

P. 141, l. 9 : bonnes villes. — *Ms. d'Amiens* : à Brouxelles, à Malinnez, à Gand, à Brugez et partout où il leur plaisoit à aler. F<sup>o</sup> 30.

P. 141, l. 10 : de Braibant. — *Ms. d'Amiens* : Vous avés bien oy aucunes fois dire et compter que on sant bien si avant dont on ne poelt reculler. Ossi on se oblège bien et acouvenenche tellement que par honneur on ne s'en poet partir. A ce pourpos, li dus Jehans de Braibant s'estoit acouvenenchiés, jurés et obligiés si avant et si expressement au roy d'Engleterre que il ne pooit reculler, ne enfreindre ce que proummis li avoit; et, au voir dire, c'estoit ses cousins germains : si le devoit par lineaige aidier.

Or avoit à ce donc li dus de Braibant en son pays aucuns ba-

1. *Ms. de Valenciennes* : Et là demoura le roy et la roynne en l'abbie Saint Michiel en Ampvers. F<sup>o</sup> 64 v<sup>o</sup>.

rons et chevaliers qui estoient plus enclin, li ung as Englès, et li autre as Franchois, ensi que li coers sont de divierses conditions. Et toutes fois, li plus estoient favorable au roi d'Engleterre, et especialment les bonnes villes de Braibant. Et volsissent bien li plus que, sans arriest, li rois d'Engleterre fust autrement confortéz qu'il n'estoit. Mès li dus, qui estoit sages et avisés, ne se volloit mies mettre en gherre contre le roy de Franche, sans delibération de plus grant conseil, car il resongnoit les perils à quoy il en pooit venir; et disoit bien en son secret que il ne seroit jà Englès, se Haynuyers et Flamens ne l'estoient ossi avant comme il.

De legier, Flammencq' s'i accordoient, car, au voir dire, d'Artevelle, qui estoit adonc tout en Flandrez, estoit plus enclins et favorablez au roi englèz sans comparaison que il ne fust as Franchois. Si prechoit tous les jours chiaux de Gand, de Brugez, de Ippre, de Courtray et de Audenarde et des bonnes villez de Flandres; et leur remoustroit tant de si belles raisons que il estoient ensi que tout appareilliet, au coummandement d'Artevelle, que de servir le roy d'Engleterre en ceste besoingne.

Ossi ens ès bonnez villez de Haynnau, estoit li rois d'Engleterre trop plus recommandéz, loés, améz et honnouréz que ne fust li roys de France. Et volsissent bien les coumunaultéz que li comtes de Haynnau, leurs sirez, ewist alianche et faveur au roy d'Engleterre; mès il n'en avoit nul desir et disoit que li roys de France, ses biaux onclez, li estoit plus prochains, et li royaummez de Franche plus amis<sup>1</sup>, que li roys d'Engleterre ne ses pays. Et à che premiers li roys de Franche l'en savoit très bon gret, et disoit que il s'en portoit belement et sagement. F<sup>o</sup> 30 v<sup>o</sup>.

§ 66. P. 144, l. 17 : escuser. — *Ms. de Rome* : Li contes de Gerles, li marqis de Jullers, li sirez de Fauquemont, li arcevesques de Coulongne, messire Ernouls de Baquehem et li Alemand envoièrent, casquns endroit de soi, à la journée euls escuser souffissamment. F<sup>o</sup> 43.

1. *Ms. de Valenciennes* : Tant que de Flandres, avoit beau commencement le roy d'avoir l'accord, car tous li communs estoit pour luy; et aussi Artevelle les presçoit souvent, et remonstroit tant de belles raisons que il estoient auques tout prest. F<sup>o</sup> 65.

2. *Ibid.* : plus voisins et amis.

P. 141, l. 20 : plus prochains. — *Ms. d'Amiens* : de lineaige et de conseil dou roy, et à qui tout li autre se atendoient et regardoient. F° 30 v°.

P. 141, l. 26 : responses. — *Ms. d'Amiens* : Et quant li roys englès oy ces nouvelles, si fu plus penssieux que devant. Si s'en conseilla à monseigneur Robert d'Artois son cousin et au comte Derbi quel cose il estoit bon à faire de ceste besoingne. Il li disent que il mandaist le duc de Braibant et li remoustrast toutes ces escusances. Adonc le manda li rois : il vint en Anwiers parler à lui. F° 30 v°.

P. 142, l. 6 : consillies. — *Ms. de Valenciennes* : il dist au roy : « Sire, je n'ay mie conseil que, ainchois que je vous en aye plus avant en convent, je feray ainchois reparler à ces seigneurs d'Alemaigne, et adonc je vous feray response finable. » — *Ms. de Rome* : Li dus de Braibant respondi et dist : « Sires et biaux cousins, il ne sont que faire d'esquer par mi, car je sui tout près; et faites que une journée de parlement soit à Halle, et que tout i viengnent. Et je serai là; et, qant nous serons tout l'un devant l'autre, et vous nous requerrés que nous façons ce en quoi nous soumes obligiet deviers vous, vous verés adonc ceuls qui ont la plus grande affection à la besongne. » F° 43.

P. 142, l. 8 ; signeurs. — *Ms. de Valenciennes* : d'Alemaigne. F° 63 v°.

P. 142, l. 15 : qu'il fuissent. — *Ms. d'Amiens* : à Halle ou à Destre<sup>1</sup> rencontre lui, au jour de Nostre Damme my aoust, s'il ne velloient venir plus priés de lui pour acorder avant de leur emprise, et pria au duch que il y volsist y estre et que il se pourveist et appareillast dedens ce jour si souffissamment que chil seigneur ne se pewissent excuzer parmy lui. F° 30 v°.

P. 142, l. 21 : à Halle. — *Ms. d'Amiens* : à Diestre, le jour Nostre Dame mi aoust, l'an mil trois cens trente et huit. F° 30 v°. — *Ms. de Rome* : à Halle, à un parlement qui là se tenroit. Tout obeirent et i vinrent, et se logièrent dedens la ville ou ens es fourbours. Qant tout furent venu, li rois d'Engleterre les remerchia de lor diligense. Et estoit li dis rois d'Engleterre logiés

1. *Ms. de Valenciennes* : à Diest, à l'encontre de lui et du duc de Brabant. F° 65 v°.

ou chastiel de Halle que li jones contes de Hainnau, son serourge, li avoit presté. F° 43 v°.

§ 67. P. 142, l. 26 : Halle. — *Ms. B 6* : Entreuls que madame la royne d'Engleterre gisoit, s'en ala le roy de Engleterre à Gant, et fu là environ quinze jours. Et là eult ung parlement. Se i fu le duc de Brabant, le conte de Haynau, ses oncles, le duc de Gueldres, le marquis de Julers, le seigneur de Fauquemont et messires Wallerans de Ligny. Là ne savoient les seigneurs tant consillier ne trouver voie ne manière comment il peussent avoir cause de guerrier le roy de France ne aydier le roy d'Engleterre, quant uns clers du duc de Brabant, quy s'appelloit Jehan de le Maiière, y trouva voie.

Et fu ses consail creus et ols, car il dist ensy : « Mes seigneurs, je vous voy trestous arester et abuser sur ung estat que je vous escl[r]chiray vollentiers, se vous vollés, et je vous le declarray. Vechy le roy d'Engleterre, qui chy est en vostre presenche, et demande avoir le confort et ayde de vous. Et vous ne luy povés bonnement donner ne acorder pour guerrier le roy de Franche, se che n'est par ung point que je vous diray : il s'en voist par devers le roy d'Allemaigne, lequel est empereur de Romme, et faiche tant envers luy qu'il le establis es parties de chà vicaire ou envioiez. Son vicaire [a] par deça et devers vous, ou non de l'Empereur, toute obeissance, et il vous menra là où il luy plaira. » Les seigneurs regardèrent adonc l'un l'autre, et puis dirent : « Il dist verité. »

Ensy fut l'avis et consail de Jehan le Maiière. Alors s'arestèrent tout ces seigneurs de l'Empire qui là estoient ; et ordonnèrent que le roy d'Engleterre s'en yroit devers le roy d'Allemaigne et espleteroit tant que, par dechà le Rin, seroit vicaires de l'Empereur. F° 96 et 97.

P. 143, l. 7 : de par lui. — *Ms. de Valenciennes* : pour vostre cause. F° 66.

P. 143, l. 20 : Alues. — *Ms. d'Amiens* : et toute la terre et le chastiel de Aluez en Pailluel. F° 31.

P. 143, l. 23 : France. — *Ms. A 2* : et l'Empereur ne l'a mie attribuée au royaume de France. F° 38.

P. 144, l. 2 : detriemens. — *Mss. A 1 à 6, 11 à 14, 18, 19* : ung detriement pourpensé et venu du duc de Braibant plus que de nul autre. F° 36 v°.

P. 144, l. 8 : signeur. — *Mss. A 11 à 14* : quant je vins ci. F° 33 v°.

§ 68. P. 144, l. 19 : de Jullers. — *Ms. d'Amiens* : Li marchis de Jullers s'esmeut o toute se compaignie pour aller vers l'empereur de Romme. Si le trouvèrent à Norenbergh<sup>1</sup>, et li comptèrent tout ce pour quoy il estoient là venu. Li Emperères, qui mout estoit amis au roy d'Engleterre, les rechupt liement et les festia, et leur accorda toutes lors requestes. Et les fist demourer et sejourner li Emperères avoecq luy, ung grant temps. Endementroes, manda il les eslisseurs de l'Empire et plus haults barons, telx que le duc de Sassoingne, le marchis de Blancquebourch, le marchis de Misse et d'Eurient, l'arcevesque de Couloingne, l'arcevesque de Trèves et l'arcevesque de Maiencé. Encorrez manda il le comte de Gerllez et le ducq de Braibant, mès il s'escuza et y envoya le seigneur de Kuk en son lieu. F° 31.

*Ms. de Rome* : Donc furent là esleu et ordonné li contes de Gerles et li marquis de Jullers, de par ceuls de l'Empire; et li evesque de Lincolle et messires Renauls de Gobehen et messire Richart de Stanfort, de par le roi d'Engleterre. Et furent cargiet chil signeur esleu de tant exploitier et faire deviers l'Empereur, par prière et par tretiez, que li Emperères ordonneroit le roi Edouwart d'Engleterre à estre son vicair; et chils vicaires à l'Empereour requerroit ces signours de l'Empire, sus la foi et honmage que il ont à l'Empereour, que tout li fesissent service. F° 43 v°.

P. 144, l. 23 et 24 : envoïer. — *Ms. d'Amiens* : Mais li ducs de Braibant n'y devoit point envoïer, car il souffissoit assés des dessus dis. F° 31.

P. 144, l. 25 : l'estet. — *Ms. d'Amiens* : l'ivier enssuivant. F° 31.

P. 144, l. 27 : en Engleterre. — *Ms. d'Amiens* : si aroit fait aucune chevauchie en Franche. F° 31.

P. 145, l. 13 : Floreberg. — *Chronique de Jehan le Bel* : Norumberch. *Ed. Polain*, t. I, p. 144. — *Ms. B 6* : Le roy d'Engleterre s'en ala devers l'Empereur, et pria son serouge, le

1. On peut lire aussi . Woreborgh



marquis de Jullers, qu'il volsist aller en sa compaignie, et il luy acorda vollentiers. Sy se party le roy d'Engleterre de Gant, et en mena aucuns barons d'Engleterre avec luy et messire Robert d'Artois; et passa tout parmy Brabant et Hazebain, et vint à Tret et à Jullers; là trouva le marquis qui se mist en sa route. Et s'y exploitèrent tant par leur journées que il vinrent à Convalenche, là où l'Empereur estoit, qui le rechut liement. F° 98.

P. 143, l. 21 : Jullers. — *Mss.* A 1 à 6, 11 à 14, 20 à 29 : Et furent adoncques le marquis de Julliers, et le duc de Guerles, qui adonc estoit conte, fait duc de Guerles; et le marquis, qui paravant estoit marquis, fut fait conte. F° 36 v°.

P. 145, l. 26 : commission. — *Ms. d'Amiens* : Quant chil seigneur furent venit et assamblé à Norenbergh au mandement de l'Empereur, il fist une feste moult solempnelle, et tint court ouverte par troix jours. Et sist en siège imperial, vestis de draps imperialz; et là renouvela il les estatus de l'Empire, et lesquels on doit tenir. Et là ordonna il et fist le roy d'Engleterre son vicaire; et li donna puissance imperial et congiet de forgier parmy l'Empire toutes mannières de florins et de autres mounnoies. Et commanda à tous ses subgès que il obeysent à lui comme à son propre corps meysmez, et que tout fussent appareilliet à se semonse sans delay, et pour deffier le roy de France. Et fist de ce certains procureurs et commissairez, pour renouveler le roy d'Engleterre ces estatus, et lui assir en siège imperial. De quoy li dus de Gerlles, qui devant ce jour estoit noummés comtes, fu li uns, et li comtes de Jullers, qui devant ce estoit noummés marchis, fu li seconds, et li comtes de Warvich et messires Richars de Stanford et doy clerq de droit. Et avoient chil six coumission, par instrument publicque, de faire et aemplier tout ce qui dessus est dit. Et ensi se departirent il de l'Empereur, et revinrent au roy d'Engleterre qui les rechupt à joie. Or vous conterons d'aucunes choses qui avinrent sus mer en Franche et ailleurs, entroex que cil parlement et pourkas se faisoient, qui durèrent plus d'un an, afin que riens je n'y oublie. F° 34.

*Ms. de Valenciennes* : En l'an dessus dit, le samedi devant le Nostre Dame en septembre, comme empereur de Romme, Loys de Baivière, en cel jour assis en Convelence en siège imperial, sur ung escafait de douze piés de hault, vestis de drap de soie

cangant, par dessus ces draps d'un daumatique, en ses bras phanons, et estolle devant croisie, à manière de prestre, tout estoffié des armes de l'Empire; et avoit ses piés d'otel drap comme le corps, et avoit son chief atourné de mettre reonde; et sur celle mitre il avoit couronne d'or moult riche; en ses mains avoit deux blancs wans de soie, et en ses dois aneaux moult riches. Si tenoit en sa main destre une pomme d'or, une crois vermeille dessus. En l'autre main, tenoit il le septre. Dalez l'Empereur, à destre, seoit le marquis de Misse, auquel l'Empereur bailla à tenir le pomme d'or. Et assez près seoit le roy d'Engleterre, vestis d'un drap vermeil d'esquerlatte, à ung chastel de broudure en le poitrine. Et au senestre des empereurs, seoit le marquis de Jullers, à qui l'Empereur bailla à tenir le septre. Et environ deux degrez plus bas de l'Empereur, seioient li esliseur. Et deseur de l'Empereur seoit le sire de Cuk, ou lieu du duc de Brabant, en preseece de tous, en se main une espée toute nue.

Donc parla l'Empereur ensi : « Je demande à vous se ung roy d'Alemaingne, esleus et promeus à Empereur, peut amenistrer aucuns des biens de l'Empire sans le confirmacion du pappe. » Ce jugement fu tournez sur l'arcevesque de Coulongne. Lui conseillié de ses pers dist par jugement que oyl. Le seconde demande fu : se ung fievé d'Alemaingne fourfaisoit en l'Empire en amenissant l'Empire, à quelle amende il doit estre. Ce jugement fu tournez sur le duc de Sasongne. Lui conseillié respondi que celui estoit en le volenté de l'Empereur, de corps et d'avoir. Le tierce demande si fu que : se robeurs estoient sur chemins d'Alemaingne, à quelle amende et à quelle penance il doivent estre. Ce jugement fu tournez sur l'arcevesque de Trièves. Lui conseillié dist qu'ilz estoient à le volenté de l'Empereur, de corps et d'avoir, et tous ceulx qui les soustenoient. Le quarte demande fu : comment tous ceulx qui tenoient de l'Empire, le devoient servir. Ce jugement fu tournez sur l'arcevesque de Maience. Lui conseillet de ses pers dist que tous les hommes de l'Empire doivent servir l'Empereur de leurs corps et de leurs biens, et doivent aler partout où l'Empereur les vorra mener, ou ses lieutenans, pour les drois de l'Empire garder. Et la quinte demande fu : comment le tenable de l'Empire doivent deffier l'un l'autre en cas de guerre. Ce jugement fu tournez sur le marquis de Brandebourc. Lui conseillet dist que celui qui deffie, ne peut ne doit porter dommage au deffié dedens trois jours; et

où il feroit du contraire, il doit estre deshonorez et mis hors de toutes lois.

Après ces choses ainsi faictes, tantost l'Empereur dist, oyant tous : « J'ay esté couronnez roy d'Alemaigne grant temps, et à Empereur, comme vous savez. Et croy que je n'ay sur nulles de mes gens mespris, ne envers sainte Eglise ne ses menistres; et se nulx pooit faire apparoir que fait l'euisse, je le volroie rendre jusques raison. Si vous dy que je me sui aloiez avec plusieurs prelas et barons d'Alemaigne au roy d'Engleterre qui cy est, et l'ay fait pour le mieulx faire que laisser. Et cy, en vostre presence, je fay et establi le roy d'Engleterre mon vicaire et lieutenant, partout et en toutes causes. Si veul que tous tenans voient, aydent et confortent ce roy comme vicaire, partout où mener les volra. » Après ces jugemens ainsi fais, l'Empereur appella tabellions publiques, et leur commanda à faire instrumens, et que toutes ces choses fussent mises ès drois des Empereurs, tenues fermes et estables en temps advenir. Et aussi lui donna puissance impereal de forgier parmi l'Empire toutes manières de florins et aultres monnoies; et commanda à tous subgès qu'ilz y obeyssent comme à son propre corps, et que tous fussent apparilliés, à sa sommonsse, sans delay, de deffier le roy de France. Et fist de ce certains procureurs et comissaires, pour renouveler le roy d'Engleterre tous estas, et lui i assir en siège imperial. De quoy le duc de Guerles, que paravant on appelloit conte, fu nommez et fais duc, et le conte de Jullers, qui paravant estoit nommez marquis. Ainsi ces choses faictes, prinrent congiet, et en rala chascun en son lieu; et le roy d'Engleterre revint en Brabant. F<sup>m</sup> 67 et 68.

*Ms. de Rome* : Li rois d'Engleterre s'en revint à Anwiers dalés ses gens, et là atendi tant que chil qui furent envoïet deviers l'Empereour retournèrent, liquel le trouvèrent en Alemaigne en une ville que on appelle Florenberghe. Lesquels signeurs il requella moult liement, et fist à tous feste et honnour, tant pour l'amour dou roy d'Engleterre que pour ce que chil de l'Empire estoient si honme. Il exploitièrent sus ce voiage si bien que mesires Lois de Baivière, rois d'Alemaigne et emperadour de Ronme, ordonna et institua à estre son vicaire le roi Edouwart d'Engleterre par tout l'Empire; et comanda à tous signeurs, soubjès à lui, que tout obeisissent à lui comme à son vicaire. Et de ceste ordenance et institution furent ordonnées et levées let-

tres autentiques, seelées des seauls dou roi d'Alemagne et des esliseurs de l'Empire qui là furent present, et avoech tout ce instrument publique tabellionnet si fort et si bien conme faire se pooient. Et retournèrent avoech toutes ces choses, chil signeur qui en legation avoient esté envoiiet, deviers le roi d'Engleterre qui se tenoit pour ces jours à Malignez; et moustrèrent comment il avoient exploitié. Li rois d'Engleterre, messires Robert d'Artois, messires Jehans de Hainnau et tous li consauls en furent grandement resjoy, et disent que il avoient bien exploitié.

Or s'espardirent ces nouvelles partout que li rois d'Alemagne instituoit et ordonnoit le roi d'Engleterre à estre son vicaire. Qant chil de la chité de Cambrai entendirent ce, pour tant que Cambrai est la cambre à l'Empereour et est terre de l'Empire, il furent tout abus; et envoiièrent de lors hommes deviers le roi de France pour recorder ces nouvelles. Pour ces jours, estoit li evesques de Cambrai à Paris, liquels s'apelloit Guillaume d'Aussonne; et estoit de nation de Berri et de la Salongne, et bons françois. Si se representa et ces hommes de Cambrai au roi; et recorderent les besongnes, ensi que par renommée elles se portoient en l'Empire, et dou roi d'Engleterre que li rois d'Alemagne avoit ordonné à estre son vicaire; et faisoient doubte que, par ceste institution, il ne vosist venir à Cambrai et saisir la chité, pour faire ent frontière et garnison sus le roiaulme de France. Donc lor fu demandé, en la presence dou roi, se il avoient bonne volenté de requellier en lor ville le roi d'Engleterre comme vicaire à l'Empereur. Il respondirent que nennil, et que, se il vosissent ou se il voloient faire ce tretié, il ne fussent point là venus; mais il remoustroient ce au roi comme loial et bon François que il sont et voellent estre; et aussi, se li cas cheoit que il fussent oppresset des Englois et Alemans, que il fussent secouru et conforté des François. Li rois de France lor ot en couvenant et bien lor tint, ensi que vous orés recorder avant en l'istore.

Quant li signeur de l'Empire furent retourné deviers le roi d'Engleterre qui pour ces jours se tenoit en la ville de Malignes, uns parlemens fu convoqués à estre là en la dite ville, de tous les signeurs qui couvenance et aliance avoient au roi d'Engleterre. Et tout i vinrent, et aussi Jaquèmes d'Artevelle ne s'i oubliia point à estre, tant pour veoir le roi d'Engleterre, que point il n'avoit encores veu par deça la mer, que pour sçavoir de l'or-

denance des signeurs, ne quelle la conclusion dou parlement seroit. F<sup>o</sup> 43 v<sup>o</sup> et 44.

§ 69. P. 146, l. 3 : En ce. — *Ms. d'Amiens* : Or vous parlerons dou roy David d'Escoche et de son conseil coumment il se maintinrent en celle meysme saison. Vous avés bien oy chy devant coumment li rois d'Engleterre avoit tellement menet et ghuerriet Escoche et les Escos que ars et perdut toutte le plainne Escoce et pris et saisi toutes les fortrées; et encoires les faisoit il de jour en jour guerrier. Et leur portoit messires Guillaummez de Montagut, contez de Sallebrin, trop de contraires et de dammaige, et se tenoit en Haindebourcq. Et quant il sentoito les Escos chevauchier, il assambloit chiaux des garnisons environ, dont li Englès estoient signeur, et reboutoient trop durement lez Escos. Si se tenoient li roys d'Escoce, li comtez de Moret, messires Guillaummez de Douglas, messires Robers de Verssi, messires Simons Fresiel, messires Alixandres de Ramessay et pluseurs autrez ens ès foriès de Gedours; et estoit leur souverainne garnison et resors, li fors castiaux de Dubretan. Là estoit li roys d'Escoce ouniement et le roynne d'Escoce sa femme avoecq lui.

Or seurent chil seigneur que li roys englès avoit defiet le roy de Franche et le volloit guerrier. Si eurent avis et conseil l'un par l'autre que messires Guillaume de Douglas, li comtez de Surlant<sup>1</sup> et messire Robiers de Versi amcnroient le roy leur seigneur en France deviers le roy, et remousteroient la guerre que li Englès leur font; et s'aloieroient à lui et li roys de Franche à yaux, parmy tant qu'il en seroient aidiet et confortet. Chils conssaux fu tenus, nefz furent appareillies. Et vinrent li roys d'Escoce et la roynne et li seigneur dessus dit à Abredanne. Et là pourveirent il et cargièrent leurs vaissiaux, et entrèrent en mer; et singlèrent tant, par l'ayde de Dieu et dou vent, que il vinrent à l'Escluse. Mès point ne se nommèrent; ains disent que il estoient pellerin, qui s'en alloient à Saint Jaquème de Galisce, et marchans de Norvèghe avoecq yaux. Sur ce, il ne furent nient plentet examinet. Ossi il ne descendirent point à terre, ains se partirent, quant il se furent rafresqui, et la marée leur re-

1. *Ms. de Valenciennes* : le conte de Mouret. F<sup>o</sup> 69 v<sup>o</sup>.

vint; et singlèrent, et prisent le parfont, pour aller deviers Bouloingne<sup>1</sup>.

Ensi comme li Escocois nagoient par mer, uns vens d'amont si fors et si ounis les prist et les bouta, volsissent ou non, à l'entrée de le Tamisse, encontre Mergate en Engleterre; et ad ce dont estoient li Normant et li Geneuois, waucrant par mer, à savoir se il trouveroient nul Englès; et quant il virent les nefes escoçoisses, si furent tout joiant, et quidièrent que ce fuissent nefes englesses. Si misent hors leurs bannièrez et leurs pignons, et coummenchièrent à cachier forment vers yaux. Et quant li Escot les virent, si furent tout esbahi, car il quidièrent que ce fuissent Englès. Si ne seurent que dire, et n'y avoit si hardi qui ne volsist estre en Jherusalem. Et demandèrent conseil li ungs à l'autre qu'il feroient; car il n'estoient que quatre vaissiaux, et il en veoient bien soissante et quinze. Si n'y avoit nulle parchon, fors que d'iaux bien vendre. Lors s'armèrent il vistement et disaient que il n'y aroit nul d'iaus qui jà se rendesist prisonniers, mais du[re]roient tant que durer poroient; et ensi l'eut là li roys en courvent. Lors se misent à l'ancre, car fuir ne leur valloit noient; et boutèrent hors, comme bonnes gens, les bannierrez d'Escoce et leurs pignons.

Evous les Normans venus qui demandent quel gens. Che respondi messires Guillaumes de Douglas : « Nous sommes Escocois et au roy d'Escoce; et vous, qui estes, qui le demandéz? » Adonc vint avant messires Hue Kierés et dist : « Et quelx gens estes vous d'Escoce? Noummés vous : autrement vous estes tout mort, car nous mescreons que vous ne soiés Englès. » Et quant li seigneur d'Escoce oïrent ceste parolle, si furent auques aseuret, car il congrurent bien, par le langaige et à leurs bannierres, qu'il n'estoient mies Englès. Si disent : « Nous sommes telz et telz et li roys meymes, et en allons en France veoir le roy de Franche. Si nous avés fait grant esmay, car nous quidions ores que vous fuissiés li Englès, nostre ennemy. »

Et quant messires Hues Kierés et si compaignon entendirent et congrurent qu'il disoient voir, si furent moult joyant, et les fissent desancrer; et disent que il les conduiroient jusques à Calais ou à Bouloingne, car il estoient leur amy, et saudoier au roy de Franche. Lors se desancrèrent et singlèrent tout ensamble, et

1. *Ms. de Valenciennes* : ou à Calaix. F<sup>o</sup> 89 v<sup>o</sup>.

vinrent ce soir ou havene de Calais. Là ancrèrent li Escot, et li Normant non. Si entra li roys d'Escoche en le ville de Callais et toute se routte, et y fu rechupt à joie, et s'i rafresci par deus jours; et au tierch, il s'en parti, et prist le chemin pour venir à Tieruanne. Si passa à Tieruanne, Arras, Bapaumes, Peronne en Vermendois; et fist tant par ses journées qu'il vint à Paris, où il trouva le roy de Franche et grant fuison de dus, de contes et de barons avoec lui, car il y avoit ung grant parlement. Pour ce, y avoit estet faite ceste asssemblée.

Moult fu li rois de le venue le roy David d'Escoce resjoys, et envoya contre lui des barons et des chevaliers qui l'amenèrent au palais là où li roys se tenoit adonc et li dist : « A bien viègne li rois d'Escoce et toute sa compaignie pour l'amour de lui. » Li roys d'Escoce li respondi : « Chiers sires, vostre bonne merchy. » Lors parlementèrent ensamble de pluseurs coses, et furent moult tost aquinté et privet l'un de l'autre. Car li roys de France desiroit bien à avoir l'amour et l'aquintance de lui, pour ce qu'il se veoit deffiés dou roy d'Engleterre et le sentoit dechà le mer en l'Empire, procurans et acquerans seigneurs et amis à tous lés; et entendoit bien que il enteroit temprement en son royaume. Se li sambloit grans [con]fors, se li roys d'Escoce et li seigneur d'Escoce qui marcièrent à Engleterre, le volloient tellement aidier que ensonnier les Englès et ardoir leur pays : se gherre en seroit plus belle. Si offri et delivra li roys de France au roy d'Escoce chastiaux<sup>1</sup> et argent, pour son estat parmaintenir, à celle fin que il n'ewist nulle pès ne triewes ne respit au roy englès, fors que par lui et par sa vollenté. Ensi li jura li roys d'Escoce, presens ducs, comtes, prelas, barons et chevaliers. Se le retint li roys de Franche de ses draps et son compaignon, et ses chevaliers de son hostel; et la roynne de France, ensi la roynne d'Escoce, qui estoit soer germaine au roy englès. Et leur fist li roys delivrer tout quant qu'il leur besugnoit.

Et fu renvoyéz assés briefment apriès ce, de par ces deux rois, messires Robiers de Versi, en Escoce. Chils y reporta les alianches comfremmées et seellées des roys dessus dis. De quoy li seigneur d'Escoce et tous li pays fu moult joyant; et commencèrent à guerrier plus fort et plus asprement que devant. Et quant li roys

1. *Ms. de Valenciennes* : forteresses sur marches. F<sup>o</sup> 69 v<sup>o</sup>

d'Engleterre le seut, si renvoya l'evesque de Durem et le seigneur de Lussi et le seigneur de Moutbray; et leur pria que il desissent au comte de Sallesebrin, au seigneur de Persi, au seigneur de Noefville, au seigneur de Grisop, à messire Edouward de Bailloel, cappitaine de Bervich<sup>1</sup>, que il entendesissent bien à garder lez frontières contre les Escos et le pays conquis. Chil seigneur dessus dit revinrent en Engleterre et chevaucièrent deviers Iorch, pour faire ce que li roys leur avoit enjoint. F<sup>o</sup> 32.

*Ms. de Rome* : Apriès ce que li rois d'Engleterre eust couru tout ou en partie le roiaulme d'Escoce et pris et saisis dedens le pais pluisseurs chastiaus et mis en garnisons pour guerrier le demorant, et que il se fu partis de la chité de Bervich, laquelle il avoit conquis par lonch siège, et que il l'ot rafresquie et ravitallee de gens d'armes et de pourveances, et que il fu retrais en Engleterre, li rois David d'Escoce, qui se tenoit en la chité d'Abredane et là sus la sauvage Escoce, demora tous esbahis et considera que de sa poissance singulière il ne poroit amender les damages que li Englois li avoient fais. Et jà avoit il entendu, ensi que renomée court et vole moult tos de pais en aultre, que messires Robers d'Artois enortoit le roi d'Engleterre à calengier la couronne de France, et li metoit en l'orelle par ses informations que li roiaulmes de France li estoit devolus par la mort dou son chier oncle le roi Carle darraïn trespasset, et que Phelippes de Valois qui en tenoit la possession, n'avoit pas juste cause à l'iretag de France, selonc ce que messires Robers d'Artois disoit. Si n'estoit pas cose pour le roi d'Engleterre et les Englois legière à esclarcir, car jamais li rois Phelippes, pour lors paroles, demandes ne menaces, ne s'en delairoit dou non tenir et remetre arrière; ne li per et baron de France, qui couronné l'avoient et qui estoient si homme devenu, ne le soufferoient point. Li rois d'Escoce, imaginans ces choses, pensoit bien que, ou temps à venir, se li rois d'Engleterre voloit proceder en ces demandes, guerre s'esmouveroit entre France et Engleterre : pour quoi, de li et de son roiaulme, se bonnes aliances estoient faites entre les Escos et les François, ils et ses pais en seroient grandement reconfortés; et aussi ceste ordenance venroit bien à point au roi de France et as François, car par le roiaulme d'Es-

1. *Ms. de Valenciennes* : Ewruich. F<sup>o</sup> 70.



coce poroient li François aisiement entrer en Engleterre et faire lor gerre.

Sus ceste imagination, li rois d'Escoce, com jones que il fust, fist asambler auquns prelas et barons d'Escoce et venir en Abredane, là où il se tenoit et sa fenme; et lor remoustra, qant chil furent venu lesquels il avoit mandés, moult sagement de point en point, les articles de ses imaginations. Qant il l'eurent oï et entendu, euls, qui sont de nature et ont esté tousjours plus enclins à estre François que Englois, respondirent et dissent au roi : « Sire, à toutes vos paroles nous ne veons que tout bien; car, ou cas que les Englois nous voellent suspediter par la manière et fourme qu'il moustrent, il nous fault pourveir à l'encontre de euls. Et creons proprement que Dieu vous a envoiet ceste inspiration pour nous oster dou dangier des Englois; car jà n'avenra, pour retourner toute Escoce ce que desus est au desous, que nous aions roi qui soit hommes au roi d'Engleterre, ne le tiengne à signeur souverain, ne relieve de li; car la couronne d'Escoce et li roiaulmes est de si noble condition que il est tenus de Dieu et de l'Eglise saint Pierre. Si ne vous volons pas brisier vostre imagination et pourpos de aler en France veoir le roi et les estas. Vous estes jones et à venir. Si vous aquointérés des barons et chevaliers de France, et euls de vous; et tousjours ferons nous, à nostre pooir, gerre as Englois. Il ne tenront jà journée paisieusement, en ce pais, ce qu'il i tiennent. Se nous l'avons perdu onques, nous le recouvrerons, uns temps venra. Onques nous ne pusmes amer les Englois, ne euls, nous; et ont tousjours esté les terres en different, et les hommes, l'un contre l'autre, très le premier temps que elles furent abitées. »

Moult fu pour ces jours li rois d'Escoce resjois, qant il vei ses hommes concordans à son pourpos. Et ordonna ses besongnes au plus bellement et quoitement qu'il peut; et fist au port de Morois en Escoce cargier et apparillier ung vassiel de ce que besongnier lor pooit à lui et à sa fenme et à lor estat. Et qant il furent tout près, il vinrent là et entrèrent dedens, ila et la roine et messires Guillaumes Douglas, neveux au bon messire Guillaume. Et enmena avoecques lui vingt siis chevaliers et esquiers, tout de son eage; et la roine aussi, des jones dames et damoiselles d'Escoce. Et demorèrent ou pais pour le garder, messires Arcebaus Douglas, messires Robers de Versi, messires Alixandres de Ramesai et messires Simons Fressiel. Et nagièrement

li rois et la roine et lor compaignie, et orent vent à volenté, et costiièrent Frise et Hollandes; et eslongièrent toutdis de Engleterre, dou plus qu'il porent. Et s'en vinrent ferir ou havene de l'Escluse, et là issirent de lor vassiel; et ne dissent pas que ce fust li rois d'Escoce ne la roine, mais pelerins et pelerines qui aloient à Saint Mor des Fossés. Et ne sejournerent pas longement à l'Escluse, mais vinrent à Bruges et tout par aigue; et furent là tant que lors chevaus furent amené, car il les avoient esqipés avoecques euls en lor vassiel, tous ou en partie; et ce que il lor besongna, tant de monteures que d'abis, il s'en pourveirent à Bruges. Et puis si s'en departirent, et vinrent à Lille et de là à Arras, et puis à Esclusiers et à Lihons en Santhers et à Roie et à Qanni et à Reson, et puis à Crai et à Luserches, et là s'arestèrent. Et envoa li rois d'Escoce deus de ses chevaliers, pour segnefiür sa venue au roi de France, et pour sçavoir et veoir quel samblant li rois en feroit. Li chevalier furent messires Guillaume Douglas et messires David de Lindesée; et s'en vinrent à Paris, et passèrent oultre jusques au bois de Vicènes, car pour ces jours s'i tenoient li rois et la roine et li dus de Normendie leur fils. Et trouvèrent des chevaliers dou roi qui les requellièrent moult doucement, pour tant que il les veirent estrangers; et les menèrent deviers le roi, auquel il comptèrent tout l'afaire, et comment li rois d'Escoce et la roine le venoient veoir, et avoient pris ombre et escusance de vemir à Saint Mor.

De ces nouvelles fu li rois de France trop grandement resjois; et dist as chevaliers d'Escoce que il fuissent li bien venu, et que moult volentiers les veroit et tenroit avoecques li. Li chevalier d'Escoce disnèrent à l'ostel dou Bois. Et tantos apriés disner, il fist monter le signeur de Montmorensi et le signeur de Garenrières, et dist : « Chevauchiés avoecques ces chevaliers d'Escoce, et alés à Luserces querre le roi et la roine d'Escoce qui nous viennent veoir; et les amenés ichi, sans entrer en Paris. » Li chevalier respondirent : « Volentiers. » Si se departirent tout quatre dou Bois, et oevauchièrent ensamble, et vinrent à Luserces. Et trouvèrent là le roi d'Escoce et toute lor compaignie, laquelle n'estoit pas trop grande; et leur dissent ce que li rois de France avoit ordonné. Sus les paroles des chevaliers de France, li rois et la roine d'Escoce se partirent de Luserces et cevauchièrent; et vinrent ce jour jesir à Saint Denis. Et à l'endemain, devant la messe dou roi, il furent venu au Bois, et

mené deviers le roi et puis deviers la roine, qui grandement furent resjoï de lor venue. Là furent les aquointances de ces deus rois et de ces deus roines moult grandes. Et depuis, demorèrent en France, sus le point de neuf ans. Et leur fist li rois delivrer la ville et le chastiel de Nemouses, pour tenir lor estat. Et estoit ordonné de par le roi de France que, de mois en mois, il auroient mille esqus et bien paiiés, pour paiier lors menus frès. Et venoit à le fois li rois d'Escoce veoir le roi Phelippe, fust à Paris ou aillours; et se tenoit dalés li trois ou quatre jours, et se devoient de lors besongnes. Et s'enamoura li rois de France dou roi d'Escoce, et li rois d'Escoce de lui. Encores n'estoit il nulles nouvelles en France que li rois d'Engleterre vosist renvoyer son homage au roi de France ne li desfiier, pour faire calenge de la couronne de France. F<sup>o</sup> 34 et 35.

§ 70. P. 148, l. 10 : parlement. — *Ms. de Valenciennes* : l'Empereur. F<sup>o</sup> 70 v<sup>o</sup>.

P. 148, l. 12 : manda. — *Ms. d'Amiens* : et y fist venir la roynne et tout son hostel. F<sup>o</sup> 32 v<sup>o</sup>.

P. 149, l. 4 : de Jullers. — *Ms. d'Amiens* : li ducs de Gerlez, li comtez de Jullers et chil que li roys avoit envoiiés deviers l'Empereur. F<sup>o</sup> 32 v<sup>o</sup>.

P. 149, l. 9 : Saint Martin. — *Ms. d'Amiens* : en yvier, en Braibant. F<sup>o</sup> 32 v<sup>o</sup>.

P. 149, l. 15 : à Tret. — *Ms. d'Amiens* : Tret sur Meuse, où li Allemant l'avoient adviset. F<sup>o</sup> 32 v<sup>o</sup>.

P. 149, l. 18 : à Herkes<sup>1</sup>. — *Ms. de Rome* : En la ville de Malignes vinrent biau cop de signeurs, pour tant que li rois d'Engleterre i estoit. Or s'avisa li dus de Braibant, qui se voloit dissimuler de ces besongnes, et ordonna et i trouva une cantelle nouvelle; et dist que li parlemens ne se pooit tenir, pour celle fois, à Malignes ne à Trec. Se eüst il esté là moult bien, et pour l'aise des signeurs de l'Empire. Il li fu demandé dou roi et dou conte de Gerles où il voloit donc que il se tenist. Il respondi : à Herkes en Hasbain, qui sciet priès de son pais. F<sup>o</sup> 44.

P. 149, l. 24 : vinrent. — *Ms. de Rome* : Et vinrent là tout li signeur, tant de l'Empire comme d'autre pais, qui aliance

1. *Ms. de Valenciennes* : Horles en le conté de Los. F<sup>o</sup> 70 v<sup>o</sup>.

avoient au roi d'Engleterre, et pluisseur de la conté de Hainnau qui n'i avoient que faire, fors que pour veoir l'estat. F<sup>o</sup> 44.

P. 149, l. 27 : plainne de signeurs. — *Ms. de Rome* : et se logièrent moult de signeurs à nu chiel, ou desous fuellies, et contre les haies et les buissons et ens ès jardins au dehors de la ville. F<sup>o</sup> 44.

P. 149, l. 29 : halle. — *Ms. de Valenciennes* : grande vielle halle. F<sup>o</sup> 70 v<sup>o</sup>.

P. 150, l. 4 : cinq piés. — *Ms. d'Amiens* : plus hauls ung piet que nuls dez autres. F<sup>o</sup> 32 v<sup>o</sup>.

P. 150, l. 29 : li signeur. — *Ms. de Rome* : en aucgmentacion de tite et de nom le conte de Gerles fu transmués en duc, et li marquis de Jullers en conte, et puis grant temps apriès fu il nonnés dus de Jullers. Donc descendi li dis rois d'Engleterre, nonnés vicaires à l'Empereour. Et aussi fissent tout li signeur, et issirent de la halle; et vinrent en une aultre place moult grande, laquelle on avoit apparillie pour euls, et là disnèrent ensamble. Et fu ordonné que de là on se departiroit casquens en son lieu; et, cel ivier passet, sus l'estet, quant li vicaires de l'Empereour semondroit ses hommes, tout se remeteroient ensamble et le venroient servir, et iroient partout où il les menroit. F<sup>o</sup> 44.

P. 150, l. 30 : creautèrent. — *Ms. de Valenciennes* : là où ilz se traieroient à l'esté pour guerroier. F<sup>o</sup> 70 v<sup>o</sup>.

§ 71. P. 151, l. 5 : à Louvaing. — *Ms. d'Amiens* : Adono s'en revint li roys englès à Louvaing dalés le roynne se femme; et se tint là tout l'ivier, et à grant fret; et se faisoit partout appeller vicaire de l'Empereur. Et manda au comte de Haynnau que ses pays li fuist ouvers et appareilliés, pour recevoir lui et ses gens, et passer parmy comme vicairez de l'Empire. Li comtez, qui bien volloit obeir à l'Empereur si avant que tenus y estoit, et garder ossi sen honneur au roy de Franche, respondi qu'il en aroit avis. Si mist en Mons en Haynnau ung grant parlement ensamble des barons et des chevaliers et des hommes de se terre. Et fu trouvet que il ne pooit contredire à l'Empereur, ne à son vicaire, que<sup>1</sup> il ne le servesist et ouvresist se pays, pour lui et ses gens recevoir. Et ensi le raportèrent au roy d'Engleterre chil qui par lui chargiet en estoient, liquelx roys en fu

1. *Ms. de Valenciennes* : qu'il ne meffesist. F<sup>o</sup> 71.

tous joians et se tint à Louvaing, ensi que je vous ay dit, toudis acquerans amis en l'Empire. F<sup>o</sup> 32 v<sup>o</sup>.

P. 151, l. 6 : venue. — *Ms. de Rome* : Si se departirent chil signeur et prissent congiet au roi d'Engleterre, et li rois à euls, sus l'estat et ordenance que de retourner à l'estet. Et vint li rois d'Engleterre à Louvaing et se loga ou chastiel, car li dus son cousin li presta. Et manda li dis rois d'Engleterre la roine Phelippe sa fenme en Engleterre, laquelle fu moult resjoie de ces nouvelles; et se apparilla dou plus tos conme elle pot. Et se mist en la mer, et monta ens son vassiel au palais de Westmoustier, et tout chil et toutes celles qui de sa route furent. Et estoit la roine bien acompagnie de dames et de damoiselles d'Engleterre, de chevaliers et d'esquiers. Et nagièrement tant li maronnier, à l'aide de Dieu et dou vent, que il vinrent en Anwiers; et là issirent des vassiaus, et se missent en la ville. Si fu la roine requelloite moult honorablement de ceuls de la ville.

Les nouvelles s'espardirent tantos sus le pais que la roine d'Engleterre estoit venue. Si vinrent contre li, et pour acompagner et amener à Louvaing deviers le roi, pluisseurs barons et chevaliers d'Engleterre qui estoient espars sus le pais de Braibant; et entra la roine en Louvaing à plus de deus mille chevaux. Se vint li rois contre li et le rechut liement. Si furent moult belles et moult amoureuses les aquintances dou roi et de la roine; et se logièrent ou chastiel de Louvaing tout cel ivier, et tinrent lor estat. Assés tos apriès ce que la roine fu venue à Louvaing, le vinrent veoir li jones contes Guillaume de Hainnau son frère, et la jone contesse sa fenme. Et aussi fist madame de Valois sa mère, car elle l'amoit de tout son coer plus tenrement que nulles de ses filles. Si fu la roine visetée des chevaliers et des dames de Hainnau et de Braibant; et elle qui estoit pourveue toute sus, les requelloit liement et doucement, et les remercioit de lor bonne visitation. Vous devés sçavoir et croire legierement que li rois d'Engleterre gissoit à grans frès et as grans coustages deça la mer; car il tenoit plus de deus mille chevaliers et esquiers, et environ huit mille archiers. Et tous les mois estoient paiiet de lors gages, sans les grans coustages et frès qui li venoient de costé, à tenir ces signeurs d'Alemagne à amour, car il n'en fesissent riens, ne pour linage ne aultrement, se li denier n'alaisent toudis devant. F<sup>o</sup> 44 v<sup>o</sup>.

P. 151, l. 13 : de Cranehen. — *Ms. B 6* : Le roy d'Engle-

terre gisoit en la ville d'Anvers à grant frait et y fu plus d'un an, car le duc de Brabant son cousin le deffreoit che qu'il povoit, et nooit entre deus yawe, car il donnoit à entendre bien souvent au roy d'Engleterre qu'il luy aideroit, et au roy de France que jà ne seroit fors que bon Francois. Et pour luy escuser et tenir en amour le roy de Franche, il envoia en Franche ung sien chevalier, le plus secret qu'il eust, messire Loys de Granchon, et l'ordonna là demourer et estre tous quoy delés le roy de Franche : lequel chevalier s'en aquita lealment. Car, quant il venoit nouvelles en la court, et le roy Phelippes estoit enfourmés que le duc de Braibant son cousin estoit à tous les parlemens du roy d'Engleterre, et qu'il volloit soustenir la querelle du roy d'Engleterre, le dit chevalier Loys l'escusoit et aloit au devant et disoit : « Ha! chier sire et nobles roy, ne creés nulles parolles, car le duc de Brabant vous est leal, car jà ne sera Englès, quel samblant que il moustre au roy d'Engleterre. Et se il se tient delez luy, c'est pour brisier son opinion; et se luy est sy prochain de sanc et de linage qu'il couvient à le fois que il luy faiche compaignie. » F<sup>o</sup> 95 et 96.

*Ms. de Rome* : Renommée couroit en Flandres et ailleurs, quoique li dus Jehans de Braibant fust cousins germains au roi d'Engleterre, si se faindoit ils de li aidier, ensi que faire deuist, et estoit moult pesans à esmouvoir. Et disoient auquenez gens que les secrès de ces parlemens estoient par lui sceu en France, car il avoit un sien chevalier le plus secré de tous les aultres et que le plus il amoit, lequel on nonmoit messire Lois de Cranehen, envoïet à Paris, et là se tenoit tous quois dalés le roi et les signeurs. Et estoit li dis messires Loys cargiés de par le duc, que de li esquer au roi de toute[s] informations senestres qui poroient venir. Et grandement bien s'en aquita li chevaliers. Et tous les jours venoient lettres et nouvelles dou duch de Braibant au chevalier, par quoi il sçavoit tous les secrès qui se faisoient en Braibant.....

Encores se dissimuloit ce qu'il pooit li dus de Braibant, quel amour ne compaignie que il fesist ne moustrast au roi d'Engleterre son cousin. Et faisoit tout quoi tenir son chevalier, messire Lois de Cranehen, à Paris, dalés le roi, qui tousjours esquisoit le duch de toutes imformations senestres qui venoient en la presence dou roi, et disoit au roi : « Sire, n'en creez riens, car monsieur de Braibant, quel samblant que il moustre ne face

à son cousin le roi d'Engleterre, ne vous fera jà guerre pour lui. » Et li rois de France le creoit, et crei tant que on en vei tout le contraire. De quoi li dis chevaliers prist si très grande merancolie, qant li rois Phelippes li dist que il estoit mençonnable, et li dus de Braibant ses mestres aussi, que il en morut d'anoi; ne onques depuis ne retourna en Braibant. F<sup>o</sup> 44 r<sup>o</sup> et v<sup>o</sup>.

§ 72. P. 152, l. 10 : à Vilvort. — *Ms. d'Amiens* : Or revenons au roy d'Engleterre, qui très grant desir avoit que li saisons venist que il pewist faire se emprise. Et se tenoit à Louvaing, et parloit souvent de son voiaige au duc de Braibant son cousin, au duc de Guerles son serourge, au comte de Jullers et à monseigneur Jehan de Haynnau, qui le visetoient. Et quant li estés fu venus, li Pasques et li Pentecouste passée et li Sains Jehans Baptiste ossi, et li aoust aprocha, il s'en vint à Vilvort et se loga en la ville. Et là s'asambloient li Engles, qui le mer avoient rappasset; et se logoient en le ville, qui logier s'i pooient, ou ens ès marès sour le rivierre. F<sup>o</sup> 33.

*Ms. de Rome* : Li rois d'Engleterre, toute celle saison, petit à petit, fist par deçà la mer et par de delà apparillier ses pourveances. Et qant la Pentecouste fu passée, il se departi de Louvaing; et laissa là la roine sa fenme. Et s'en vint logier à Villevort, à une lieue priès de Brousselles; et remanda toutes ses gens, qui estoient espars en Hainnau et en Braibant. Et là furent tendu, en ces biaux prés qui sont grant et large, au lonc de la rivière, tentes, trefs, auques et pavillons, et toutes ordenances de logeis. Et escripsi deviers ces signeurs d'Alemagne; et leur manda comme vicaires de l'Empire, et les semonst, sus lors fois, que tout venissent. Chil signeur s'ordonnoient tout par grant loisir, et ne se delivroient point ensi que li rois d'Engleterre vosist; et prenoient piet sus le duch de Braibant. Et de ces detriances li rois d'Engleterre estoit tous merancolieux, et couvenoit que il portast ce dangier. F<sup>o</sup> 44 v<sup>o</sup> et 45.

P. 152, l. 19 : s'attendoient. — *Ms. d'Amiens* : Lors manda il estreitement à tous ces seigneurs d'Allemaigne que il venissent et avalaissent, ensi que juret et proummis li avoient; et il li remandèrent que il estoient tout appareilliet, mès que li dus de Braibant s'esmeuist. Encorrez detria li dus de Braibant, de le Madelainne à li mouvoir jusque en septembre; et avoit renvoiet en France monseigneur Loeys de Cranehen, le plus secret che-

valier qu'il ewist, liquelz chevaliers escuzoit toudis le duc de Braibant envers le roy contre toutes infourmations qui pooient venir. Nonobstant ce, si faisoit li dus de Braibant son mandement, et retenoit chevaliers et escuiers là où il les pooit avoir. Et le detriance qu'il y metoit, elle estoit assés raisonnable, car il veist vollentiers que entre ces deux roys aucuns bons treties d'acort se fust fais, ainchois que gherre ne arsins s'en fust esmeus ne commenchiés. Et bien disoit que, se li comtez Guillaumes de Haynnau, qui nouvellement estoit trespasés, vesquesist, il les ewist appaisiés et mis à acord. Et se li estoient chil doy roy si prochain que à envis s'en mesloit et à envis s'en demoroit; mès il s'estoit jà si avant acouvenenchiés que par honneur il ne pooit reculler. Ossi li plus grant partie de tous ses chevaliers estoient en coer Englês, qui bien avanchoient et aidoint le roy englês en ses besoignes. F° 33.

P. 132, l. 29 : seize cens. — *Mss. A 11 à 14* : dix huit cens. F° 38. — *Ms. B 6* : deux mille. F° 104.

P. 132, l. 31 : dix mille. — *Ms. d'Amiens* : huit mille. F° 33. — *Ms. B 6* : quatre mille. F° 104.

P. 133, l. 9 : les passages. — *Mss. A 11 à 14* : contre les Anglois qu'ilz n'apassassent d'Angleterre par deça la mer pour venir en France. F° 38.

P. 133, l. 13 : France. — *Mss. A 11 à 14* : avecques ses aliez d'Allemaigne. F° 38.

**§ 73.** P. 133, l. 16 : Quant cil signeur. — *Ms. de Rome* : Bien sentoient et congnoissoient li signeur d'Alemagne que li dus de Braibant se dissimuloit et se portoit de ces besongnes assés froidement. Et se savoient bien li pluisseur que il avoit envoïet son chevalier, mesure Lois de Cranehen, à Paris, deviers le roi de France, et le faisoit là tenir tout quoi, pour li escuser de toutes informations senestres qui pooient venir. Nequedent, toutes ces choses mises avant, il se departirent de lors lieux, qant il orent pourveu lors gens; et s'en vinrent à Villevort deviers le roi d'Angleterre et vicaire à l'Empereour. Et ensi que il venoient, il se logioient sus celles belles prairies qui sont entre Brouselles et Villevort; et s'estendoient lors logeis et comprendoient bien avant joindant Brouselles. Et vinrent tout premierement li dus de Gerlles, serouges dou dit roi, li contes de Jullers, li contes des Mons, li contes de Saumes en Saumoïs, li archevesques de Cou-



longne et messires Gallerans ses frères, li sires de Fauquemont, messires Ernouls de Baquehen, et pluisseur chevalier et tout ruste d'Alemagne. Messires Jehans de Hainnau estoit tous jours dalés le roi et son conseil.

Quant il furent venu, li rois d'Engleterre lor requist que il voissent escrire et seeler avoecques lui lettres de desfiances à Philippe de Valois, qui se nonmoit rois de France. Chil signeur d'Alemagne respondirent generaument que il estoient tout prest, mais que li dus de Braibant vosist ce faire; et bien apertenoit que il le fesist, car il estoit li plus proçains de sanc et de linage qui fust là au roi d'Engleterre. Adonc requist li rois d'Engleterre au duch de Braibant, par honmage et par linage, que il vosist seeler. Li dus de Braibant fu consilliés de respondre : si respondi et dist que point pour l'eure il ne escriroit ne secleroit nulles desfiances avoecques euls, et pas ne s'escusoit que il ne le deuist faire; mais ce que fait en seroit, il le feroit de soi meismes, sans nului mettre en sa lettre.

Donc regarda li rois d'Engleterre sus les signeurs d'Alemagne, et leur dist : « Biau signeur, je me tieng assés contens de ce que mon cousin de Braibant en fera. Nous sommes en son pais; et quant nous serons dehors, il auera mieuls cause de escrire et seeler les desfiances que il n'ait presentement. Si vous pri chierement que vous ne vos voelliés pas arester sus ce, et seelés avoecques moi. » Il regardèrent tout l'un l'autre. Donc dist li dus de Gerles : « Contes de Jullers, et vous, contes des Mons, biaux cousins, nous i metons trop de detris sans raison : il le nous fault faire, et à ce nous sommes aloüet et obligiet de trop grant temps. » Donc respondirent li Alemant tout de une vois : « Dus de Gerles, vous dittes verité. »

Là fu conclu et acordé que tout secleroient avoecques le roi d'Engleterre les desfiances à Phelippe de Valois, ensi que il fissent. Li rois d'Engleterre en chief escripsi et seela, pour lui et pour tous ses tenaules d'Engleterre; et puis seclèrent tout li aultre, reservé le duch de Braibant. Chils volt faire son fait à par lui. Les desfiances escriptes et seelées, li evesques de Lincole fu cargiés de la porter et faire le message. Il l'emprist avoecques un hiraute d'Engleterre, liquels cevauça tout devant pour impetrer un sauf conduit pour le dit evesque alant et retournant, et l'atendi à Valenchiennes. Li hiraute qui chevauça devant, exploita si bien que il ot le sauf conduit pour l'evesque de Lincole et toute

sa famille alans et retournans, et l'aporta à Valenchiennes là où li evesques l'atendoit.

Quant li dis evesques l'ot, il se departi de Valenchiennes et vint au Chastiel en Cambresis et puis à Saint Quentin et à Hem et puis à Noion; et fist tant par ses journées que il vint à Paris et se loga au Chastiel Festu, en la rue dou Tiroi, derrière les Innocens. Pour ces jours, estoit li rois Phelippes à l'ostel c'on dist de Neelle, oultre la rivière de Sainne. Et là ala li evesques de Lincolle faire son message et parla au roi, car on li fist voie, et li rois le volt veoir et oïr. Si mist les desfiances avant: adonc regarda li rois la lettre et les seauls qui i pendoient. Si fist dire à l'evesque que il pooit bien partir quant il voloit, car il se tenoit pour tous desfiés. Et aussi li evesques de Lincole, pour plus deuement faire les desfiances, avoit rendu au roi de France, avant ce que il moustrast ses lettres, l'onmage tout entier et tel que il le tenoit de li, et li rois l'avoit repris. C'estoit la conté de Pontieu, et en Giane auqunes terres, qui s'estendent entre la rivière de la Dourdonne et la Geronde; car ce qui est par de delà, les rois d'Engleterre ont tous jours tenu quitement et liegement, et ensi comme l'iretage d'Engleterre.

Quant li evesques de Lincole ot fait ce pour quoi il estoit venus, il se departi et retourna arrière. Et tantos li rois Phelippes envoa saisir la conté de Pontieu et la conté de Monstruel et toutes les terres que li rois d'Engleterre avoit relevé de la couronne de France, et qu'il tenoit au jour que les desfiances vinrent. Et transmuerent li officier, qui conmis i furent de par le roi, tous officiers, et i remissent aultres selonch les ordenances des lieux; mais il ne tint pas longement la conté de Pontieu, quant il le donna à mesire Jaquème de Bourbon, un sien cousin moult proçain, et liquels estoit issus, et li dus Pières de Bourbon, ses frères, de la droite coste dou roi saint Lois de France. Et ne tenoit pas li dis messires Jaquèmes de Bourbon, au jour que li rois li donna la conté de Pontieu, trop grant terre, et pour ce li augmenta il son hiretage; et bien l'emploia, car li gentils chevaliers fu ausi pourvus de nobles conditions que nuls chevaliers peut estre. Or se tint li rois Phelippes pour destiés dou roi d'Engleterre et des conjoins et aliers avoecques li en celle gerre. F<sup>o</sup> 43.

P. 154, l. 8: Jehan de Braibant. — *Ms. B* 6: Quant toutes ces choses furent faites et du consail et consentement de l'Empereur, et osy des aliés qui là estoient presens et qui tout y fu-

rent appellés; alors le roy d'Engleterre prist congiet et s'en retourna arière en la ville d'Anvers où madamme sa femme estoit encore. De là eult de rechief à sa revenue ung grant parlement, et nus ne s'y oubliâ de y venir. Et Jaques de Hartevelle, qui sostenoit grandement le partie du roy d'Engleterre, là y fu, le duc de Brabant, le conte de Haynau, messire Jehan de Haynau, le duc de Gueldre, le conte de Jullers, le sire de Fauquemont et tout ly alliés. Et là remoustra le roy d'Engleterre ses lettres et tout che que il avoit enpietré devers l'Empereur. Et requist le dit roy à tous ses seigneurs que il le volsissent servir, ensy que ses lettres contenoient.

Là n'en y eult nul qui se peuist escuser ne volsist, fors le duc de Brabant: mais encore canchela il ung petit et dist: « Sire, nous serons tous aparellié pour aller là où il vous plaira en l'Empire au commandement de l'Empereur, mais només où vous vollés aller? » Et dit le roy de Engleterre: « Devant la cité de Cambray, car elle est de l'Empire, dont elle deuist obeir à l'Empereur; et elle est contraire et obeist au roy de France. Et là vous voel jou là mener, et le conquerrons, sy plect à Dieu, se nous poons. » Che fu bien l'acort de tous. Lors respondy le duc de Brabant et dist encores, qui envis se tournoit Englès et envis le laissoit; mais il avoit là parlet et agambé sy avant que il ne povoit reculler, et avoit tant recheu d'or et d'argent du roy d'Engleterre que il ne s'en povoit escuser; lor dist: « Chier cousin, puis que ensy est que là vous nous vollés mener, sy deffiés le roy de France bien hastivement et vous traiés celle part. Et sy trestost que je saray que vous serés devant Cambray, je vous y v[e]nray servir à douze cens lanches. » Le roy d'Engleterre, qui veist vollentiers que ses besoingnes fuissent avanchies, dist: « Je le feray vollentiers. »

Ensy se departy le parlement sur cest estat. Et s'en vint adonc le dit roy à Brouselles, avec le duc son cousin, où il fu recheus joieusement. Et s'acointa sy bien de Brusselois et des chevaliers et escuiers de Brabant que tout se mirent à son commandement, mais que leur syre le volsist. Quant le roy d'Engleterre eult là esté bien ung mois, il s'en departy et s'en retourna vers Gant, sur cel estat que pour esmouvoir ses gens et pour aller avant et venir devant Cambray, ensy que l'ordonnanche portoit. Lui venu à Gant, il y trouva la royne sa femme, en l'abeie de Saint Pière, que jà y estoit venue, et là tinrent leur ostel. Sy estoit souvent

vissetés de Jaques de Hartevelle et des bourgeois de Gant, et madame la royne des bourgoises.

En che temps, envia deffier le roy d'Engleterre le roy de France par l'evesque de Lincelle, qui fist bien son messaige en la ville de Paris, et fist que le roy de Franche se tint bien pour deffiet. Et retourna arière à Gant vers le roy son seigneur, qui le vey vollentiers, et ly demanda au retour quel samblant le roy Phelippe avoit dit ne fait. « Certes, dist l'evesque, il n'en fist que rire, et dist que vous avés songiet que cuidiés estre roy de Franche. » F<sup>o</sup> 99 à 102.

P. 154, l. 17 : à Malignes. — *Ms. B 6* : Or reviens au roy d'Engleterre qui se tenoit en la ville de Gant. Osy tost que il eult deffiet le roy Phelippe, et que le roy Phelippe se tint pour deffiet, et qu'il eult fait saysir le conté de Poitou par son connestable et le conte de Ghines, le dit roy d'Engleterre cuida tantost partir et venir devant Cambray; mais il n'eut mie ses gens sy tost prest, espesialment le duc de Brabant, et detria les Allemans à venir de le Saint Jehan Baptiste jusques en my aoust et plus avant. En che detriement, fist ung grant envaisement mesire Gautier de Mauny, car il se party de Gant du roy d'Engleterre.... F<sup>o</sup> 102 et 103.

P. 154, l. 19 : Gautiers de Mauni. — *Ms. d'Amiens* : qui avoecquez le roy d'Engleterre estoit apassés le mer par dechà et qui en Anwiers se tenoit. F<sup>o</sup> 31 v<sup>o</sup>. — *Ms. de Rome* : uns bace-lers et chevaliers de la conté de Hainnau et tousjours vrais et loiaus Englois. F<sup>o</sup> 43 v<sup>o</sup>.

P. 154, l. 20 : fu deffiés. — *Ms. de Valenciennes* : Or estoit le roy d'Engleterre revenus en Ampvers. Si vint messire Gautier de Maugny devant le roy; et prist congîé de luy et aucuns compaignons, d'aler faire aucune appertise. F<sup>o</sup> 69. — *Ms. de Rome* : le roi d'Engleterre et ses hoos estans à Ville-vort. F<sup>o</sup> 43 v<sup>o</sup>.

P. 154, l. 23 : quarante. — *Ms. d'Amiens* : environ soixante. F<sup>o</sup> 31 v<sup>o</sup>.

P. 154, l. 23 et 24 : compaignons. — *Ms. de Rome* : hain-nuiers et englois. F<sup>o</sup> 43 v<sup>o</sup>.

P. 154, l. 26 : Blaton. — *Ms. d'Amiens* : dallés Condet sus Escaut. F<sup>o</sup> 31 v<sup>o</sup>. — *Ms. de Rome* : et se boutèrent ens ès bos de Blaton. Li gentils chevaliers avoit voé en Engleterre, oant dames et seigneurs, et dit ensi : « Se la guerre s'esmuet entre le

roi d'Engleterre, mon signeur, et Phelippe de Valois qui se dist rois de Franche, je serai li premiers qui s'en armera et qui prendra chastiel ou ville sus le roiaume de France. » Et de ce veu point il n'en defalli, car il s'en vint de nuit bouter ens ès bois de Wières, moult priès de Mortagne. F<sup>o</sup> 45 v<sup>o</sup>.

P. 155, l. 7 : levant. — *Ms. B* 6 : à Mortaigne sus l'Escaut, à quatre lieues de Tournay. F<sup>o</sup> 103.

P. 155, l. 8 : à Mortagne. — *Ms. de Rome* : La ville de Mortagne sus la rivière d'Escaut, quoi que elle soit moult priès gardée, pour ce jour fu en très grande aventure de estre prise, car messires Gautiers de Mauni et sa route vint sus l'ajournée si priès que il se boutèrent en enbusque ens ès haies et buissons dalés Mortagne. Et orent pourveu cotes et abis de fenmes, les quelles il prissent en un village sus lor chemin, et grans cretins plas, là où ces fenmes qui vont au marchiet mettent bures, oefs et fromages. Et abituèrent quatre de lors hommes de l'abit de ces fenmes et loièrent entours lors testes belles blances loiures de toille; et prissent ces cretins couvers de blances napes, et moustroient que elles venissent au marchiet vendre lors bures et fromages. Et vinrent sus l'eure de solet levant à la porte, et la trouvèrent close et le guichet entre ouvert, et un homme qui le gardoit; et quida veritablement que ce fuissent fenmes d'un village là priès, qui venissent au marchiet, et ouvri le guichet tout arrière, pour elles entrer et lors cretins. Quant chil homme en abit de fenmes furent dedens, il se saisirent dou portier et traissent lons coutiaus que il portoient desous lors gonnes, et li dissent : « Se tu sonnes mot, tu seras mors. » L'ome fu moult effraé et doubta la mort, et se tint tous quois dalés euls.

Evous messire Gautier de Mauni venu et ses compagnons, qui les poursievoient de lonch; et avoient laissiet lors chevaux, en haies et en buissons, assés priès de Mortagne, en la garde de lors varlès. Et veirent que lor compagnon estoient signeur de la porte; si se hastèrent dou plus qu'il porent, et entrèrent dedens le guichet tout à lor aise. Et s'en vinrent deviers la tour et le dongnon, et le quidièrent trouver mal gardée; mais non fissent, car elle estoit fremée. Adonc se tinrent euls tout quoi, et veirent bien que il avoient fali à leur entente, et que la ville, sans le chastiel, ne lor valloit noient à tenir. Si se retraissent tout le pas là par où il estoient venu, et ne portèrent aultre damage à la ville de Mortagne que il boutèrent le feu en deus ou trois mai-

sons; et puis issirent et montèrent sus leurs chevaux, et se departirent sans autre chose faire. Moult de gens de la ville de Mortagne estoient encores en lors lis, et ne sceurent riens de celle aventure. F<sup>o</sup> 45 v<sup>o</sup> et 46.

P. 155, l. 8 : guicet. — *Ms. de Valenciennes* . le wiquet de la porte ouvert. Si rompirent le flaiel, et en furent maistre. F<sup>o</sup> 69.

P. 155, l. 26 : bouter le feu. — *Ms. d'Amiens* : afin que il souvenist chiaux de le ville que il y avoit estet, et que une autre fois il fuissent plus songneux de garder leur ville. F<sup>o</sup> 31 v<sup>o</sup>.

P. 156, l. 12 : Thun l'Evesque. — *Ms. d'Amiens* : Dont se parti messires Gautiers et toute se route, et vint passer l'Escault et le Haynne à Condet; et cevaucha encorres plus avant deviers Cambresis, ensi comme vous orés. Encorres ne se doubtoit on de riens, ens ou pays de Cambresis. Bien supposoit li evesques de Cambrai que li roys d'Engleterre feroit en France se premier voiaige par là; mais il leur estoit encorrez si lointains que ses pays n'en estoit de riens effraés ne pourvus. Or chevaucha li sires de Mauni en celle entente que pour faire y aucune envaye, car bien savoit que li pays de Cambresis estoit et seroit ennemis à yaux. Touttesfois en ceste chevauchie, il s'avisa que il enverroit deffier souffissamment l'evesque de Cambray, afin que il ne fuist repris de villain fet. Li evesques n'en fist nul compte, car il ne le cuidoit mie si priés de lui qu'il estoit. Ossi chilz qui porta les deffianches ne li dist mies. Si chevaucha li sirez de Mauni, à le couverte, deseure Valenchiennes; et vint à Denaing où il disna, car l'abesse estoit sa cousinne. Et vint à Bouchain et passa là l'Escout, et ne dist mies à chiaux de Bouchain quel chose il volloit faire; et vint une matinée si à point à Thun l'Evesque, ung castiel seant sour l'Escout, qui se tient de Cambresis, que de venue, parmy l'ayde de ses gens, il prist le pont, le porte et le castiel et le castelain dedens. F<sup>o</sup> 31 v<sup>o</sup>.

*Ms. de Rome* : Messires Gautiers de Mauni, pour accomplir son emprise, il et si compagnon, chevauchièrent et rentrèrent en Hainnau; et passèrent l'Escout à un ponton au desous de Condet. Et vinrent ce jour disner en l'abeie de Vicongne; et là rafresquirent lors chevaux, et s'i tinrent jusques à la nuit. Encores n'estoit li pais de riens effraés. Et montèrent sus lors cevaus à la vesprée, et cevauchièrent amont; et passèrent les bois de Walers, et entrèrent en Ostrevant. Et avoient gides qui les me-

noient; et vinrent, entre Douai et Cambrai, passer la rivière de la Sensée, qui rentre en l'Escaut à Bouchain. Et cevauchièrent tant que, sus l'eure de soleil levant, il vinrent à un chastiel, que on dist Thun l'Evesque, seant sus la rivière d'Escaut; et si à point que les mesnies dou dit chastiel mettoient hors le bestail, pour pasturer ens ès prées qui sont priès de là, et encores estoit li chastellains en son lit. F<sup>o</sup> 46.

P. 156, l. 19 : Gilles. — *Ms. de Valenciennes* : Willane. F<sup>o</sup> 69.

P. 156, l. 21 : destourbiers. — *Mss. A 11 à 14* : Et faisoit ses courses, trois ou quatre fois la sepmaine, jusques devant la bonne cité de Cambray; et venoit escarmouchier jusques aux barrières, où il faisoit moult grandes et belles appertises d'armes. F<sup>o</sup> 39. — *Ms. d'Amiens* : Or furent chil de Cambray courouchiet et especialment li evesques; et manda au roy de Franche le fet, et coumment ses castiaus li estoit tolus et emblés. Si en fu li roys courouchiés, et bien y eut cause. F<sup>o</sup> 31 v<sup>o</sup>.

P. 156, l. 24 et 25 : en Braibant. — *Ms. B 6* : Et puis s'en retourna le dit Gautier à Gant devers le roy son seigneur, qui le vey vollentier et qui jà avoit oit parler de ses adventures : se luy en savoit bon gré, et le tenoit pour ung des plus aventureus de son ostel et vaillans. F<sup>o</sup> 104.

P. 156, l. 25 : le roy englês. — *Ms. d'Amiens* : qui encorres estoit en Anwiers. F<sup>o</sup> 31.

P. 156, l. 26 : à Malignes. — *Ms. de Rome* : et i avoit un parlement. F<sup>o</sup> 46.

§ 74. P. 157, l. 8 : et envoia. — *Ms. d'Amiens* : Si y envoya grans pourveanches de gens d'armes pour le garder et deffendre contre tous venans, premiers monseigneur Loeys de Savoie, monseigneur le Galois de le Baume, le seigneur de Groulée, le seigneur de Biaugeu, messire [Mille<sup>1</sup>] de Noyers; le seigneur de Saint Venant, le seigneur d'Aubegnny, le seigneur de Basentun et le seigneur de Roye, et avoecq cheux bonne bachelerie et grant fuison de Geneuois et d'autres saudoiiiers. Chil y fissent tous vivres d'environ amener et akariier, et emplir les greniers de bleds et d'avainnes. Et fisent chil seigneur entierer trois des portes de Cambray, qui point n'estoient necessaires à

1. *Ms. de Valenciennes*, f<sup>o</sup> 72 v<sup>o</sup>. — *Ms. d'Amiens* : Gille.

l'ouvrir. Encorres envoya li roys de France au Castel en Cambresis messire Thieubaut de Moreil, le marescal de Mirepois et le seigneur de Rainneval. Et fist li roys bien garnir Bohaing, le Male Maison, Crievecoer, Aloes et Oizi en Cambresis; et fist son mandement par tout le royaume de Franche à estre à Peronne en Vermendois, à Bapaumes<sup>1</sup> et à Arras. F<sup>o</sup> 33.

P. 157, l. 11 : de Roie. — *Le ms. B 6 ajoute* : le sire de Neufchastel,... le sire de Coucy, le sire de Rainneval. F<sup>o</sup> 102.

P. 157, l. 12 : deux cens. — *Ms. B 6* : cinq cens. F<sup>o</sup> 102.

P. 157, l. 13 : manda. — *Ms. B 6* : Or avint que, quant le roy Phelippe se vit deffiet du roy d'Engleterre, il n'en fist mie grant conte. Et fist coppiier tantost les lettres de deffianche, et les envoya par tout les hauls seigneurs qu'il pensoit avoir à ende et confort, est à savoir devers le roy de Behaigne, l'evesque de Liège, le duc de Lorraine, le conte de Bar et ensy deviers les autres. F<sup>o</sup> 102.

§ 73. P. 158, l. 26 : Li rois. — *Ms. de Rome* : Li rois d'Engleterre estoit venus à Malignes à un parlement qui ià se tint, car li Alemant, qui le roi d'Engleterre voloient servir, et qui deffiet avoient le roi de France, s'esmerilloient grandement entre euls, de ce que li dus de Braibant ne se apparilloit aultrement pour aidier son cousin germain, le roi d'Engleterre. Et fu là dit, a-resté et consellié que tout se departiroient de Villevort, où logiet il estoient, et cemineroient oultre et passeroient parmi Hainnau. Tout ce ne pooit deveer li contes de Hainnau : puis que il en estoit requis dou vicair à l'Empereour, il couvenoit que il fust en obeissance. Et fu remoustré au roi d'Engleterre que il s'adresseroit parmi Brousselles et iroit parler au duch son cousin, puis que il n'estoit venus au parlement à Malignes, et li remousteroit ces desfautes et aultres, desquelles on estoit tout esmerveilliet.

Ensi se conclut li parlemens. Et retournèrent li signeur à Villevort, et se commenchièrent à deslogier et à tourser tentes et très, auqubes et pavillons et toutes manières de logeis portatis, et à metre sus chars et sus charettes. Tout fu deslogiet et mis à voie et à chemin; et passèrent au dehors de Brousselles. Li rois d'Engleterre, li dus de Gerlles, li contes de Jullers, li arcevesques de Coulongne, li marquis de Misse et d'Eurient, mesires

1. *Ms. de Valenciennes* : Compiengne. F<sup>o</sup> 72 v.



Robers d'Artois, messires Jehans de Hainnau et li sires de Fauquemont entrèrent en Brousselles, et i disnèrent et jurent une nuit; et entrues lors gens passèrent oultre. F° 46 v°.

P. 158, l. 26 : de Malignes. — *Mss. A 11 à 14* : où il avoit longuement séjourné à grans fraiz et despens, en attendant de jour en jour ces grans seigneurs d'Allemaingne qui point ne venoient, ainsi que promis lui avoient, dont moult lui ennuioit, mais passer il lui en convenoit. F° 39. — *Ms. d'Amiens* : de Vilvort. F° 33.

P. 158, l. 27 : à Brousselles. — *Ms. B 6* : à Willevort. F° 104.

P. 158, l. 30 : marcis de Jullers. — *Ms. d'Amiens* : duc de Jullers. F° 33.

P. 159, l. 1 : de Saumes. — *Les mss. A 11 à 14 ajoutent* : le conte de Los. F° 39. — *Ms. A 1* : de Sannes. F° 40. — *Ms. de Valenciennes* : de Salmes. F° 72 v°.

P. 159, l. 2 : Bakehen. — *Ms. A 1* : Brakehen. F° 40. — *Ms. de Valenciennes* : Blanquenhem. F° 72 v°.

P. 159, l. 7 : son neveu. — *Ms. d'Amiens* : qui estoit semons que d'estre en celle chevauchie devant Cambray. F. 33. — *Ms. de Valenciennes* : qui faisoit son mandement à Valenchiennes. F° 72 v°.

P. 159, l. 14 : douze cens. — *Mss. A 11 à 14* : deux cens. F° 36 v°. — *Ms. de Rome* : douze cens hiaumes et vint mille hommes des villes de Braibant, F. 46.

P. 159, l. 23 : seize ou vint. — *Mss. A 8 et 9* : quinze ou vingt. F° 38 v°. — *Mss. A 1 à 6, 18 et 19* : seize. F° 40. — *Mss. A 11 à 14* : vingt. F° 39 v°.

P. 159, l. 30 : festiées. — *Ms. de Rome* : pour deux raisons : la première estoit pour che que il avoit sa serour espousée; et l'autre raison : faire li couvenoit, car li rois d'Engleterre estoit vicaires à l'Empereour, ensi que vous savés; se le devoit recevoir, puis que requis en estoit, comme son signeur et faire toute honnour, reverense et obeissance. Si se rafresquirent li rois d'Engleterre et li signeur qui avoecques lui estoient, deus jours en la ville de Mons; et entrues passèrent lors gens et li charois. Ce fu mois de septembre, et avoit on partout miessonné. Et s'avalèrent toutes ces gens d'armes en la marce de Valenchiennes; et se logièrent ens ces villages, et trouvoient des biens assés, Li aucun paioient moult volentiers ce que il prenoient, et li aultre non; car Alemant ne sont pas trop bon paieur, là où il le pueent amender.

Li rois d'Engleterre, lui trentime de signeurs d'Engleterre et d'Alemagne, entra en Valenchiennes; et avoit, la nuit devant, jeu à Saint Sauve en la priorie. Et là vinrent li contes de Hainnau et mesires Jehans de Hainnau, son oncle, et pluisseur baron et chevalier de Hainnau, en la compagnie dou conte. Et le jour encores que il entra à Valenchiennes, li rois avoit disné à Saint Sauve, à demi lieue de Valenchiennes. Et entrèrent li rois et li signeur en la ditte ville, par la porte Montoise. Et amena li contes le roi en son hostel que on dist en la Salle; laquelle Salle et hostel on avoit ordonnet et appareilliet très ricement, ensi que pour le corps le roi.

Et avint que, en montant les degrés de la Salle, li evesques de Lincole, qui là estoit presens, esleva sa vois et dist : « Guillaume d'Ausone, evesques de Cambrai, je vous amoneste, comme procureur de par le vicaire au roi d'Alemagne et à l'empereour de Ronme, que vous voellies ouvrir la chité de Cambrai, et requellier dedens le roi d'Engleterre, vicaire à l'empereour. » A ceste requeste et parole ne respondi nuls. Apriès, tourna li dis evesque sa parole sus le conte de Hainnau, et dist : « Contes de Hainnau, je evesques de Lincolles, procurères dou roi d'Engleterre, vous amoneste de par le vicaire de l'Empereour, que vous le venés servir, là partout sus l'Empire, là où il vous menra, pour lui aidier à corriger les rebelles. » Li contes respondi et dist : « Je obeirai volentiers si avant que je sui tenus. » Donc respondi li rois d'Engleterre qui estoit d'encoste li : « il nous soufist. »

Apriès ces monitions et requestes, il montèrent les degrés de la Salle. Et fu menés dou conte de Hainnau li rois d'Engleterre en sa cambre, et ensi tout li aultre signeur en lors cambres. Et fu li ostenx de la Salle de Valenchiennes ordonnés seulement pour le roi d'Engleterre et son tinel. Et li contes de Hainnau et la contesse furent logiet à l'ostel de Hollandes. Et vint la jone contesse de Hainnau, bien acompaignie de dames et de damoiselles de son pais, veoir le roi d'Engleterre; et li rois le rechut moult doucement, ensi que chils qui bien le sceut faire. Si fu li soupers grans et biaux et bien estofés, et li rois d'Engleterre grandement bien requellies et honnourés du conte, son serouge, et des chevaliers dou pais.

A l'endemain apriès disner, il se departi de Valenchiennes; et vint à Fontenelles l'abeie, veoir madame de Valois sa grande dame. Et fu avoecques lui li dis rois bien deus heures, et là aussi

estoit li contes de Hainnau. Si prist li rois d'Engleterre congiet à la bonne dame, et puis s'en departi; et vint ce soir, au souper et à la giste, à Haspre. Et li contes de Hainnau retourna à Valenchiennes; et jà avoit fait tous ses commandemens et semons ses hommes, pour venir au serviche le roi d'Engleterre devant Cambrai. F<sup>o</sup> 46 v<sup>o</sup> et 47.

P. 160, l. 7 : li douzime. — *Mss.* A 11 à 14 : à tout vint chevaliers et trente escuiers tant seulement. F<sup>o</sup> 39 v<sup>o</sup>. — *Ms.* B 6 : lui quarantième tant seulement. Et toute ses gens prirent le chemin de Haspre, et se logèrent sur la rivière d'Escaillon. F<sup>o</sup> 105.

P. 160, l. 17 : d'Ausonne. — *Ms.* B 6 : d'Ausoire. F<sup>o</sup> 105.

P. 160, l. 19 : vicaire. — *Ms.* B 6 : de par monseigneur Lois de Baivière, roy d'Alemaigne et empereur de Romme. F<sup>o</sup> 105.

P. 160, l. 23 : presens. — *Ms.* B 6 : Ensy fu il requis et amonesté par trois fois. F<sup>o</sup> 106.

P. 160, l. 27 : Cambrai. — *Ms.* B 6 : comme homs de l'Empereur, pour aydier et contraindre le dit evesque, qui est en desobeissance, et tous les rebelles d'icelluy pays. F<sup>o</sup> 106.

P. 160, l. 32 : ordonnés. — *Ms.* d'Amiens : et passèrent le nuit en joie. F<sup>o</sup> 33 — *Ms.* B 6 : et soupa le roy che soir en la Salle du Conte, et y jut celle nuit. Et l'endemain s'en party, et fu aconvoiiés jusques à Haspres où ses gens l'atendoient. Adonc prist congiet le conte de Haynau au roy et de son oncle; et au prendre congiet luy dirent que il fust tout prest, dedens trois jours, et venist devers luy à tout cinq cens lanches. F<sup>o</sup> 106.

P. 161, l. 4 : grant fuison. — *Ms.* d'Amiens : Et devés savoir que tout chil signeur de l'Empire avoient fait suffisamment deffier le roy de Franche, horsmis li dus de Braibant, qui encorrez estoit derière, et li comtez de Haynau qui disoit que il serviroit le roy englèz à cinq cens armurez de fier tant qu'il seroit en l'Empire; mais si tost qu'il passeroit sus le royaume, il yroit deviers le roy de Franche, son oncle, pour lui servir. F<sup>o</sup> 33.

P. 161, l. 5 : d'Alemagne. — *Mss.* A 11 à 14 : de Hainault et Braibant. F<sup>o</sup> 40.

§ 76. P. 161, l. 6 : Quant. — *Ms.* de Rome : Vous savés, si comme il est contenu ichi desus en nostre histoire, que chil de la chité de Cambrai avoient esté deviers le roi Phelippe, pou li

remoustrer comment il avoient entendu que li rois d'Engleterre, conme vicaires à Loys de Baivière, roi d'Alemagne et empereour de Ronme, venroit à poissance mettre le siège devant lor ville ; et avoient priiet au dit roi, conme chil qui se voloient de tous poins tenir avoecques lui, pour tant que il ne se sentoient pas pourveu assés de gens d'armes, que ils lor en vosist envoïer. Li rois estoit descendus à ceste priière et avoit envoïet en garnison en la chité de Cambrai messire Amé de Genève, le Galois de la Baume, savoïien, messire Jehan de Groulée, le signeur de Vinai, messire Loys de Chalon, mesire Tiebaut de Moruel, le signeur de Roie, le signeur de Fosseur, le signeur de Biauxaut, et bien deus cens lances de bonnes gens d'armes, chevaliers et esquiers ; et avoit fait pourveir et rafresqir tous les castiaus de Cambresis de bonnes gens d'armes, à la fin que il ne fuissent souspris de nulle male aventure. Li sires de Couci avoit envoïet à Oisi en Cambresis environ quarante lances de bons compagnons, desquels li sires de Clari estoit chiés. Li pais estoit tous pourvus sus les frontières d'Artois, de Cambresis et de Vermendois. Avocques tout ce, li rois Phelippes faisoit un mandement très grant par tout son roiaulme et hors, et prioit ses amis et conmandoit à ses subjets, car li intension de li estoit telle que il venroit combattre le roi d'Engleterre, fust devant Cambrai ou ailleurs, et que jamais ne retourneroit à Paris, si l'auroit combatu, car pour lors il se tenoit à Compiengne et faisoit là son mandement. F<sup>o</sup> 47.

P. 161, l. 7 : Haspre. — *Ms. d'Amiens* : et que moult de ses gens furent passé et venu à Avenne et là environ. F<sup>o</sup> 33 v<sup>o</sup>.

P. 161, l. 8 : à Nave. — *Le ms. de Rome ajoute* : à Cacongle F<sup>o</sup> 47.

P. 161, l. 9 : à Yvuis. — *Ms. de Rome* : à Iwis en Cambresis. Tout chil signeur d'Alemagne par ordenance passèrent oultre, et vinrent mettre le siège devant Cambrai. F<sup>o</sup> 47.

P. 161, l. 11 : Là vint. — *Ms. de Rome* : Le second jour apriès. F<sup>o</sup> 47.

P. 161, l. 12 : arroy. — *Ms. de Rome* : à grant compagnie et belle de Hainnuiers. Et estoient plus de cinq cens lances, chevaliers et esquiers, et s'en vinrent logier devant Cambrai. F<sup>o</sup> 47.

P. 161, l. 13 : apriès. — *Les mss. A 11 à 14 omettent* : li contes des Mons, *et ils ajoutent* : les comtes de Vaudemont et de Los.

F° 40. — *Le ms. B 6 omet* : li marcis de Blankebourch, li contes de Saumes, *et il ajoute* : le sire Duvort. F° 107.

P. 161, l. 14 : marchis de Jullers. *Mss. d'Amiens et B 6* : comtez de Jullers. F° 33 v°.

P. 161, l. 22 : de Braibant. — *Ms. B 6* : Et encores n'estoit point le duc de Brabant, de quoy tous les autres seigneurs s'esmer-villoient pour quoy il demouroit tant, quant il avoit jurés et en convenent par sa foy que il y v[e]nroit sy tost que les seigneurs seroient venus devant Cambray. Adonc renvoia le roi d'Engleterre devers luy, et luy mandant qu'il tenist che qu'il avoit promis et juré. Quant le duc de Brabant vey que c'estoit acertes que aller devant Cambray luy convenoit, ou aultrement il seroit trop repro-chiés de son honneur, lors fist son mandement que tous chevaliers et escuiers de son pais venissent à Brouselles; et envoya devant son compaignon le sire de Kuck, pour aviser plache devant Cam-bray et là où le duc se traitroit et ossy ses gens. F° 107 et 108.

P. 161, l. 23 : neuf cens. — *Ms. de Valenciennes* : huit cens. F° 73. — *Ms. B 6* : douze cens. F° 108.

P. 161, l. 27 : defflier. — *Ms. de Rome* : Si environnèrent ces gens d'armes englois, alemans, hainnuiers, tiessons, la chité de Cambrai. Assés tos apriès ce que li dus de Braibant fu venus à hoost devant Cambrai, il fu priés et requis dou roi d'Engle-terre que il envoiait defflier le roi de France. Li dus respondi à ce et dist que il le feroit tout à temps; et n'en volt encores pour lors riens faire, jusques adonc que il veroit que on vodroit chevauchier sus le roiaume de France. Et demora la cose en cel estat, mais li intension dou roi d'Engleterre estoit bien telle que jamais ne retourneroit arrière si aueroit ars et brui ou roiaume de France. F° 47.

P. 161, l. 28 : à Compiègne. — *Ms. d'Amiens* : à Peronne. F° 33 v°.

P. 161, l. 29 : Cranehen. — *Ms. de Valenciennes* : Caren-nem. F° 73.

P. 162, l. 2 : et paletis. — *Ms. de Rome* : Et avoient chil de l'oost fait un pont sus la rivière d'Esqut, pour aler de l'un en l'autre. Et couroient tous les jours les Englois et les Alemans ens ou Cambresis et jusques à Bapaumes. Tous li pais estoit avi-sés, avant ce que li sièges venist devant Cambrai. Si avoient retrait li plus dou peuple lors biens ens ès forterèces, et lor bestail cachiet devant euls bien avant en Artois et en Vermen-

dois, car ce qui estoit trouvé sus le plat pais estoit perdu. F<sup>o</sup> 47 v<sup>o</sup>.

P. 162, l. 4 : Fauquemont. — *Le ms. d'Amiens ajoute* : li sirez de Mauni. F<sup>o</sup> 33 v<sup>o</sup>. — *Ms. de Rome* : et auquns chevaliers de Gerles et de Jullers. F<sup>o</sup> 47 v<sup>o</sup>.

P. 162, l. 12 : damage. — *Ms. de Valenciennes* : mais si bien fu deffendus par les gens le seigneur de Couchy qui dedens estoient qu'ilz n'y gaingnèrent c'un pau ; mais y perdirent assez de bonne gent, car on ne peut assalir et retraire sans perte. F<sup>o</sup> 73 v<sup>o</sup>.

§ 77. P. 162, l. 16 : samedi. — *Ms. de Valenciennes* : bien matin. F<sup>o</sup> 73 v<sup>o</sup>.

P. 162, l. 19 : porte de Saint Quentin. — *Ms. de Rome* : et descendirent ils et ses gens à piet. La porte desus nommée estoit gardée des Savoiens, desquels messires Amé de Genève et li Galois de la Baume estoient souverain. F<sup>o</sup> 47 v<sup>o</sup>.

P. 162, l. 24 et 25 : Jehans de Saint Digier. — *Ms. d'Amiens* : et se combati vallamment au seigneur de Biaugeu.

P. 162, l. 29 : Gerars de Wercin. — *Ms. d'Amiens* ; et li sirez de Ligne, li sires de Gommignies, li sirez de Briffueil, li sirez de le Hamnaide, li sirez de Mastain, li sirez de Roysin, messires Henris de Hufalise, li sirez de Berlaimont. F<sup>o</sup> 33 v<sup>o</sup>. — *Mss. A 1 à 6, 11 à 14, 18 à 19* : aussi estoient ses mareschaux appelez messire Erart de Werchin et messire Henry d'Antoing. F<sup>o</sup> 41.

P. 163, l. 1 : estoient. — *Ms. de Rome* : aussi en armes li dus de Jullers et li dus de Gerles et lors gens. En la garde de la porte, estoient li sires de Vinai et messires Lois de Chalon et lors gens, et fissent contre ces Alemans à la deffense tamainte appertisse d'armes. A la porte de Douay, estoient li sires de Roie et messires Tiebaus de Moruel ; et eurent l'asaut de mesure Jehan de Hainnau et dou seigneur de Fauquemont et de messire Weri de Wallecourt. Et furent ce jour trez vaillans gens li assalant et li desfendant, et tant que point ne prissent de damage. Li hoos dou roi d'Engleterre et des signeurs qui là estoient, n'avoient nulle defaute de vivres ne de pourveances ; car il lor en venoit grant fuison pour euls rafresquir, et tous les jours, de la conté de Hainnau et de Braibant, car chil pas là lor estoient ouvert. F<sup>o</sup> 47 v<sup>o</sup>.

P. 163, l. 3 : Gautiers de Mauni. — *Les mss. A ajoutent* : li sires d'Anghien. — *Le ms. d'Amiens ajoute* : li sirez d'Enghien et messires Ernouls de Bakehen<sup>1</sup>. F° 33 v°.

P. 163, l. 6 : envoiés. — *Ms. d'Amiens* : Et endementroes c'on asailloit, vint li comtez Raoux d'Eux à tout deux cens<sup>2</sup> lanches, et entra en le chité par le porte deviers Bapaumez, et recomforta et rafreschi durement chiaux de Cambray. Si dura chilz assaux jusques à basses vespres<sup>3</sup>, que li assallant se retrayrent à leur logeis. F° 33 v°.

P. 163, l. 12 : par prière. — *Mss. A 11 à 14* : sanz prière qui lui en eust esté faicte, mais seulement par la grant amour qu'il avoit à lui. F° 40 v°. — *Ms. d'Amiens* : à deux cens lanches. F° 33 v°.

P. 163, l. 19 : France. — *Ms. d'Amiens* : et s'envoya excuzer par le seigneur d'Antoing et le seigneur de Faignuellez au roy de France sen oncle, qui estoit à Peronne en Vermendois, li quelx roys prist bien en gré l'escuzanche et oy volleniers les messaigez. F° 33 v°.

P. 163, l. 21 : à bien quarante mille. — *Ms. de Valenciennes* : à plus de quarante mille hommes bien armez. F° 74.

§ 78. P. 163, l. 30 : consilla. — *Ms. d'Amiens* : Or euli li roys englès conseil de chyaux où plus il s'afioit, de monseigneur Robiert d'Artois, de monseigneur Jehan de Haynnau, dou comte Derbi son cousin et des barons d'Engleterre. F° 33 v°.

P. 164, l. 6 : Li signeur. — *Ms. de Rome* : Qant li signeur veirent que riens il ne faisoient devant Cambrai et que li iviers aproçoit et les longes nuis, si se avisèrent que il se departiroient de là et cevauceroient en France, et bouteroient le duch de Braibant en la guerre qui encores n'avoit desfiet le roi de France; et puis que il estoit si avant venus, blame trop grant li seroit, se il ne faisoit ensi que li aultre. Toutes ces choses furent remoustrées à part au roi d'Engleterre et à mesire Robert d'Artois et à mesire Jehan de Hainnau, par lesquels consauls il s'ordonnoit le plus. Et tout respondirent que ce seroit bon de faire ensi; mais tout considéré, il apertenoit que li dus de Braibant en fust segnefiés,

1. *Ms. de Valenciennes* : Blanquenhem. F° 74.

2. *Ibid.* : à deux mille armures de fer.

3. *Ibid.* : du matin jusques à le nuyt.

afin que il eüst pourveance de desfier le roi : à tout le mains on oroït sa response, et veroit on quelle chièrè il en feroit.

Si manda li rois d'Engleterre en sa tente tous les chiés des signeurs, et leur fist dire que il voloit avoir parlement à euls. Tout i vinrent. Qant tout furent venu, li dis rois d'Engleterre les remercia des services que il li faisoient; et puis entra en la matèrè moult sagement, et leur dist : « Biau signeur, je ne sui pas venus en ce pais et faire les frès et les coustages si grans que vous veés que je fac et ai fais jusques à chi, pour tenir le siège devant Cambrai. C'est li intension de moi et de ceuls qui ont desfiet le roi de France que nous nos departirons de chi dedens quatre jours, et chevaucherons en France, et verons se nostre adversaire Phelippe de Valois venra sus les camps à l'encontre de nous; si ques, biau cousins de Braibant, vous n'avés pas encore desfiet le roi de France, et tous jours avés vous dit que vous le desfierés tout à temps. Je le vous remoustre, car il est heure que vous le desfiés, se le desfier le devés. » Li dus de Braibant se vei pris en parole; et couvenoit que il respondesist, ne plus ne pooit requier, ne faire nulle disimulation; te si estoit li plus proçains que li rois d'Engleterre eüst là. Et li fu avis trop grant blame li seroit de dire non; si respondi et dist si hault que tout l'otrent : « Che que je me sui sousfers jusques à chi à non deffier le roi de France, la cause principaus estoit tèle que je quidoie et supposioie tous les jours que auquns bons moiens se deüssent ensonniier de ceste guerre apparant entre France et Engleterre, par quoi casquns des rois eüst eu son droit. Et puis que li contraires est, et que vous, biaux cousins d'Engleterre, volés proceder en la guerre, je escrirai et penderai à mes lettres mon seel et ferai pendre les seaus de tous les barons de ma tère, certefians la desfiance qui s'adrecera à Phelippe de Valois qui se dist rois de France. » Tout respondirent : « C'est bien dit et bien parlé, et nous demorrons tout avecques vous. »

Ensi s'espardi chils parlemens, liquels fu en la tente dou roi d'Engleterre devant Cambrai. Et escripsi li dus de Braibant unes lettres de desfiances au roi de France, et seela et fist seeler avecques lui le signeur de Quq, le signeur de Berghes, le signeur de Baudresen, le signeur de Pietresen et tous les barons de son pais. Et furent ces lettres, escriptes et données devant Cambrai, aportées à Pieronne en Vermendois où li rois de France



se tenoit, et faisoit là son mandement de toutes parties de son roiaulme.

Quant la congnaissance des desfiances vinrent au roi de France, il n'en fist nulle compte et dist que il n'en atendoit aultre cose; mez il demanda : « Où est li chevaliers de mon cousin de Braibant qui tous jours l'a si loiaument escusé, Loys de Cranehen ? » On li dist : « Sire, il est demorés à Paris. » Adonc ordonna li rois un de ses cevauceours et dist : « Va à Paris et porte ces lettres à Lois de Cranehen. » Li varlés les prist et monta à cheval et ne cessa, si vint à Paris et trouva le chevalier à son hostel. Si fist son mesage bien et à point, ensi que cargiet li estoit. Quant mesires Lois de Cranehen vei che, si fu si confus que il en entra en merancolie et maladie et en morut. En si grant virgongne prist il ce que son signeur li dus de Braibant l'avoit fait mençonnable.

Or retournons au siège de Cambrai et comptons comment, depuis les desfiances faites et envoiées au duc de Braibant, le troisieme jour apriès, tout se deslogièrent et requellièrent tentes et trefs, et mist on tout à charoi et à voiture. Et s'en vint li rois d'Engleterre logier au Mont Saint Martin, une abbeie de blans monnes, laquelle est moult belle et moult bien edefie. F<sup>o</sup> 47 v<sup>o</sup> et 48.

P. 164, l. 15 : frait. — *Ms. B 6* : Sy fu là le siège devant Cambray environ cinq sepmaines, et près que tous les jours il y avoit escarmuche ou assault. Et travilloient les Haynuiers plus cheulx de Cambray que tous les autres. F<sup>o</sup> 109.

P. 164, l. 17 : royaume. — *Ms. B 6* : en requérant bataille, se avoir le povoit, à son adversaire le roy Phelippe. Sy se deslogèrent de devant Cambray. Et donna à Jaques de Hartevelle congiet et as Flamens de retourner en Flandres. Et les remerchya grandement de che que tant s'estoient travilliet de là venir à sa prière. F<sup>o</sup> 110.

§ 79. P. 165, l. 4 : congiet. — *Ms. B 6* : Le jone conte de Haynau dit au roy d'Engleterre que, sy avant que l'Empire le porteroit, il yroit. Et quant il deut entrer en Franche, il luy dist : « Sire roy d'Engleterre et bieu freres, je croy que je me suis bien acquités devers vous du commandement de l'Empereur. Vechy delà ceste rivière le royaume de Franche, et le roy est mes oncles, et est à neuf lieues près de chy, et a fait son man-

dement, et m'a jà mandet et escript que je luy doy serviche et homage : se l'yray servir. » — « Bieau frère, respondy le roy d'Engleterre, vostre compaignie me plaisoit grandement ; mais je ne voel pas que vous vos desloyautés pour mon serviche : adieu vous dy jusques au revoir. » Ensy se departirent li uns de l'autre. Le conte de Haynau prist congiet et prist le chemin de Peronne en Vermendois, et le roy d'Engleterre cheluy du Mont Saint Martin. Et osy tost que il furent passez la rivière, ilz entrèrent en Franche. F° 110 et 111.

P. 163, l. 9 : l'Empire. — *Ms. de Rome* : car il estoit homs au roi de France, voirement estoit de la terre d'Ostrevant, de laquelle madame sa mère estoit doée, se ne li voloit faire point de gerre. F° 48.

P. 163, l. 13 : congiet. — *Ms. de Rome* : et rentra en sou pais et s'en vint à Valenchiennes dalés madame sa fenme. F° 48.

P. 163, l. 21 : de Flandres. — *Ms. B 6* : de Mauny. F° 111.

P. 163, l. 24 : en Engleterre. — *Ms. B 6* : en Flandres. F° 111.

P. 163, l. 26 : deux. — *Ms. B 6* : quatre. F° 111.

P. 163, l. 26 : jours. : *Ms. d'Amiens* : et li dus de Braibant dallés lui, penssans et ymaginans le quel chemin il tenroient pour entrer en Franche. F° 34.

P. 166, l. 2 : à Saint Quentin. — *Ms. d'Amiens* : Quant chil de Cambray se sentirent dessegiet, si en furent tout joiant et remercièrent grandement le comte Raoul [d'Eu<sup>1</sup>] et de Ghinnes qui confortés les avoit. Liqueix comtez, assés tost apriès le deslogement, s'en parti et toute se route, et s'en vint à Peronne, et compta au roy de France des nouvelles, et coumment Englèz et Allemans estoient entré el royaume et prenoient leur cemin pour entrer en Vermendois. Adonc envoya li roys de France le comte de Blois, sen neveu, à deux cens lanches, à Saint Quentin, pour garder le ville et le frontière contre les Englès ; et envoya monseigneur Carlon de Blois à Laon, pour garder le cité et le pays d'environ, et le terre de Guise qui est de leur hiretaige. F° 34.

P. 166, l. 4 : terre. — *Ms. d'Amiens* : pour regarder à ses fortrèches. F° 34.

1. *Ms. de Valenciennes*, f° 75. — *Ms. d'Amiens* : de Deus. *Mauvaise leçon*

P. 166, l. 4 : de Hen. — *Ms. d'Amiens* : et envoya le sire de Roye à Hem, en Vermendois, à tout quarante lanches, pour garder le ville. F° 34.

P. 166, l. 6 : à Bohain. — *Ms. d'Amiens* : et envoya monseigneur Moreau de Fiennes à Bohain, pour garder le fortrèche ; et renvoya monseigneur Ustasse de Ribeumont à Ribeumont, pour garder le fortrèche. F° 34.

§ 80. P. 166, l. 24 : de Berghes. — *Le ms. d'Amiens omet* : li sires de Berghes, *et il ajoute* : messires Gautiers de Mauni et li sires de Vauselare<sup>1</sup>. F° 34.

P. 166, l. 25 : Baudresen. — *Ms. d'Amiens* : Bodresse. — *Ms. de Valenciennes* : Bodrehem. — *Ms. de Rome* : messires Gerars de Baudresem. F° 48.

P. 166, l. 26 : combatans. — *Mss. d'Amiens et B 6* : lanches. F° 34. — *Ms. de Rome* : armeures de fier. F° 48.

P. 166, l. 27 et 28 : Honnecourt. — *Ms. B 6* : Honnencourt, une ville non pas trop grande, mais bien frumée.\*F° 112. — *Ms. d'Amiens* : Et là eut ung très fort et très grant assault, et dura priès ung jour toute jour. [Là estoient<sup>2</sup>] li sirez de Honnecourt et li sires de Jocourt<sup>3</sup> et li sirez de Wallaincourt et li sires d'Estrumiel et mout bonne bachelerie avoecq yaux, qui trop bien le deffendirent et trop vassaument. Et bien leur estoit mestier, car il furent si dur et si roit assallit qu'il pardirent leurs bailles et furent [ramponnet]<sup>4</sup> jusques as portes et as murs. F° 34. — *Ms. de Rome* : c'est une abbeie, mais il i a une petite ville bien fremée de portes, de murs et de fossés ; et dedens la ville de Honnecourt estoient requelliet mout de gens dou plat pais, et avoient mis et bouté le leur. F° 48.

P. 167, l. 7 et 8 : apparut. — *Ms. de Rome* : Li abbes avoit fait armer tous ses honmes, voirez ceuls dont on se pooit aidier ; et avoit mandé à Saint Quentin des arbalestriers à ses deniers, pour aidier à garder la ville. F° 48 r° et v°.

P. 168, l. 31 : trettai. — *Mss. A* : escriisi. — *Ms. A 7*, f° 39 v°.

1. *Ms. de Valenciennes* : le sire de Voldlore. F° 75.

2. *Ibid.*, f° 75. — *Ms. d'Amiens* (lacune).

3. *Ms. de Valenciennes* : le sire d'Alaincourt.

4. *Ibid.* : rampoient.

§ 81. P. 169, l. 3 : Ce jour. — *Ms. d'Amiens* : Enssi toute jour dura li assaux à Honnecourt. Et vous di, se ce n'eüssent estet li gentil homme qui dedens estoient, li ville ewist estet prise. Si y avoit dedens grant avoir, car tous li pays d'environ s'i estoit requueilliez. Et quant che vint au soir, li assallant s'en partirent tout lasset et pluseurs navrés, et s'en revinrent arrière logier vers Goy en Aruaise. Et l'endemain, se desloga li roys englès dou Mont Saint Martin, et prist le chemin deviers l'abeie de Vaucelles<sup>1</sup>, et pour venir sus le Mont Saint Quentin. Et messires Jehans de Haynnau et li dessus noummet qui faisoient leur routte à par yaux, chevauchioient le pays et vinrent bouter les feux jusques bien priès de Saint Quentin, tant que les flamescez en volloient en le ville. Et vinrent passer le Somme desous l'abeie de Vermans de blans moinez, et ardirent mout de pays de delà, qui estoit cras et drus; et se logièrent ung soir sus celle meysme rivierre. Et l'endemain vinrent à Oregni, et y livrèrent grant assault et mout felenès. Chil de dedens se deffendirent ce qu'il peurent; mais ce ne fu gairez, car il n'y avoit que vilains et hommes nient acoustumméz de combattre. Dont che fu leur dammaiges, car la ville fu prise d'assault et toute robée et l'abeie mout amenrée et violée<sup>2</sup> par les Alemans et lez gens le seigneur de Fauquemont. De quoy messire Jehan de Haynnau fu mout courouchiez; mès il ne le peult amender, car il deffendoit et gardoit les eglisez à son pooir.

Après la destruction de Oregny Sainte Benoite, li Englès chevauchièrent le chemin de le Tieraisse. Et s'en vint li roys englès logier à Behories<sup>3</sup>, attendans que il ewist nouvelles dou roy de Franche quel part il se traïroit, car il avoit entention que dou combattre. Liqueux roys de Franche se parti de Peronne et s'en vint à Saint Quentin, à si grant gent que li douzième partie des seigneurs ne se peurent mies logier en le ville. Et toudis li venoient gens; et disoit que, se il plaisoit à Dieu, il combateroit le roy englès. Dont se desloga li roys englès de Behories, et vint à Farvaques et vers Moustroeil les Dammes, et li evesquez de Lincolle et messires Renaus de Gobehehem et messires Guillaume Filz-Warine et li sirez de le Ware et li sires de Felleton et messires

1. *Ms. de Valenciennes* : Vacelles l'abbaye. F<sup>o</sup> 75.

2. *Ibid.* : et les femmes violées par les Almans.

3. *Ibid.* : Borgnies. F<sup>o</sup> 76.

Richars de Stanfort, à deus cens lanchez et trois cens<sup>1</sup> archiers. Et tout à ceval passèrent Oise, et entrèrent en le terre le seigneur de Couchy; et ardirent Saint Goubain, hors mis le fortrèce, et tous li ammiaux d'environ. Et vinrent vers Nisi et vers Saint Lambert, et passèrent outre jusques desoubs Laon; et fissent en Laonnois moult de destourbiers. Et vinrent à Cresci sus Selle<sup>2</sup>, qui estoit une bonne grosse ville sans fremure; et le prissent et pillièrent de tout ce qu'il y trouvèrent, et puis l'ardirent. F<sup>o</sup> 34 v<sup>o</sup>.

*Ms. de Rome* : Chils assaus dura bien trois heures, et n'i fissent riens li assallant fors euls travailier. Quant il veirent ce, il sonnèrent la retriète, et se departirent de l'assaut; et retournèrent à lors chevaux et montèrent sus, et s'en vinrent en lors logeis.

Aussi ot en ce jour un grant assaut au chastiel de Ronsoit, li-  
quels est à l'entrée de Vermendois et sus le passage de Saint  
Quentin en biau plain pais, dou conte de Warvich, connestable  
d'Engleterre. Et est li dis chastiaus au seigneur de Fosseur,  
voires estoit pour le temps; et i eut des bleciés des Englois asal-  
lans, et aussi ot de chiaus de dedens. Et s'en departirent li En-  
glois, sans riens faire, et retournèrent à lors logeis.

Tous les jours ooit nouvelles li rois de France, qui se tenoit à  
Pieronne en Vermendois, dou couvenant des Englois; et avoit in-  
tension très grande et affection que il les combateroit, ne jamais  
ne retourneroient sans estre combatu. Et sus cel espoir, li rois  
avoit fait estendre ses mandemens par tout son roialme, et  
asambloit grant gens d'armes. Et en estoient li camp tout cargiet  
entre Saint Quentin et Pieronne, et entre Bapaumes et Lihoms  
en Santhers; et tout au lonch de la rivière de Sonme, li rois  
d'Engleterre. Se deslogièrent dou Mont Saint Martin ils et toutes  
ses gens et de là environ, et cevauchièrent en trois batailles  
moult ordonneement, la bataille des mareschaus première, et  
puis le roi et le duch de Braibant et messire Robert d'Artois,  
après, le duch de Gerlles, le conte de Juliers, l'arcevesque de  
Coulongne et mesire Gallerant son frère. En l'arrière garde es-  
toient li marquis de Misse et d'Eurient, li marquis de Blaque-  
bourc, li contes de Mons, li contes des Èles, li contes de Mours,  
li contez de Saumes, messires Jehans de Hainnau, li sires de

1. *Ms. de Valenciennes* : quatre cens. F<sup>o</sup> 76.

2. *Ibid.* : Crespy.

Fauquemont, li sires de Quq, messires Ernouls de Baquehem, messires Guillaume de Duvort. Et estoient bien en l'aide dou roi d'Engleterre quarante mille hommes, toutes gens de fait et d'emprise, à ce que il moustroient. Et ardoient li coureur le pais, et vinrent chil de l'avant garde courir devant les portes de Saint Quentin. Et pour tant que li François savoient bien que li voiaiges des Englois se tailloit et ordonnoit à passer par là, la ditte ville estoit pourveue de bonnes gens d'armes. Et s'i tenoient li sires de Couchi, li contes de Danmartin, li sires de Montmorensi, li sires de Hangiers, li sires de Qanni, li sires de Saucourt, et tant que il estoient bien chinq cens armeures de fier. Et passèrent les batailles dou roi d'Engleterre à Font Sonme, et costièrent Saint Quentin; et s'avalèrent à Oregni Sainte Benoite, pour venir sus la rivière d'Oise.

Ces nouvelles vinrent à Pieronne à Vermendois, où li rois Phelippes se tenoit et tous li mondes de gens d'armes avoecques lui, que li Englois, à ce que il moustroient, s'en raloient, et que point il ne se logoient ne logeroient devant Saint Quentin, et ne faisoient autre esplot que de ardoir le plat pais. Donc dist li rois Phelippes : « On face commandement de par nous que tout homme soient prest, car nous volons aler combatre ces Englois. » Chils commandemens s'estendi partout les lieux où li Englois estoient logiet; si s'ordonnèrent tantos pour mettre au chemin. Et se departi li rois de Pieronne en grant arroi, et cevauca viers Saint Quentin.

Et li rois d'Engleterre s'avala sus la rivière d'Oise, et vint passer à un village que on dist Brenot; et li avant garde et messires Jehans de Hainnau et li sires de Fauquemont et lors routes, ou bien avoit deus mille armeures de fier, s'en vinrent à Oregni Sainte Benoite. L'abesse d'Oregni et les dames, qui sentoient la venue des Englois, estoient retraites en la forte ville de Ribeumont qui sciet à une lieue de là; et avoient fait mener et charrier tout lor reliquiaire et les biens de l'abeie; autrement il eussent esté tout perdu. Li avant garde dou roi d'Engleterre entrèrent en Oregni et passèrent oultre, mais à lor departement elle fu toute arse; et par le grant feu qui fu en la ville, li abeie d'Oregni et la mantion des dames prist grant damages, et fu priès li moustiers tous ars. Chil de l'avant garde passèrent oultre et cevauchièrent jusques à Ribeumont, et l'aprochièrent de si priès que li signeur vinrent devant les barrières; mais point

n'i arestèrent ne asallirent, car il veirent bien que il perderoient lor painne, car là dedens s'estoient requelliet auqun chevaliers et esquiers dou pais, pour garder la ville et la tour et lors corps meismes. Si furent tous les foursbours de Ribeumont ars. Il n'i prisent aultre damage, et ne passèrent point oultre Ribeumont li Englois; mais retournèrent viers Behories où li rois d'Engleterre estoit logiés en l'abeie proprement, et li dus de Braibant à Wandaincourt, et tout li seigneur là environ selonch la rivière d'Oise.

Li sires de Fauquemont, messires Ernouls de Baquhem, messires Guillaumes de Duvort, et une route d'Alemans où il i avoit bien chinq cens armeures de fier, s'en alèrent à Tupegni, et livrèrent un grant assaut au chastiel. Mais li sires estoit dedens et avoit des bons compagnons avecques lui, qui li aidèrent à desfendre et à garder, si bien que il n'i prisent point de damage. Et n'i fissent aultre cose li asalant fors que travillier lors corps, car li chastiaus est biaux et fors, mais la basse cours fu toute arse et la ville osi. Si s'en departirent li desus dit Alemant, qant il orent fait lor envaie; et s'en vinrent à une ville assés priès de là que on dist Esquielles, seans sus la rivière d'Oise.

Et encores se tenoit li rois d'Engleterre à Behories, car ses gens avoient trouvé l'abeie garnie et pourveue de tous vivres, vins et chars, assés fains et avainnes pour lors chevaus batus et à batre, car ceste cevauchie se fist en la plus plentieueuse saison de l'an, ou mois de octenbre. F<sup>o</sup> 48 et 49.

P. 169, l. 4 : vespre. — *Ms. B 6* : Sy dura cel assaut toute jour ajournée. F<sup>o</sup> 113.

P. 169, l. 7 : Hamans. — *Ms. de Valenciennes* : ung bon chevalier almant, qui estoit de le route monseigneur de Beaumont, appelé monseigneur Bernard. F<sup>o</sup> 75. — *Ms. B 6* : Herman Bisses. F<sup>o</sup> 113.

P. 170, l. 29 : de Bakehen. — *Le ms. B 6 ajoute* : monseigneur Henry de Flandres. F<sup>o</sup> 114.

P. 171, l. 7 : Guise. — *Ms. B 6* : Sy chevauchèrent tout bellement devers Femy et devers Farvacque, pour venir à Lesquelles et à Guise. F<sup>o</sup> 114 et 115.

P. 171, l. 17 : de Lincolle. — *Le ms. B 6 ajoute* : messire Renault de Gobehen et mesire Gautier de Mauny. F<sup>o</sup> 114.

P. 171, l. 28 : Creci sus Selle. — *Ms. B 6* : où bien avoit trois cens hostelz. F<sup>o</sup> 114. — *Mss. A 11 à 14* : Crecy sur Delle. F<sup>o</sup> 43.

§ 82. P. 172, l. 1 : Jehan de Haynau. — *Ms. d'Amiens* : Et d'autre part, messires Jehans de Haynnau, à tout deus cens lanches, couroit le pays; et avoit pris un autre chemin, et vint à Marle et ardi le ville et tout, hors mis les fortrêces, et ardi les villiaus d'environ sus le rivierre d'Oise. Et prist son tour, et rapassa Oize à Guize, où madamme de Blois sa fille estoit; mès pour ce ne laissa il mies la ville à ardoir, et les moulins à abatre. Et d'autre part, li sirez de Fauquemont chevauchoit à six vingt<sup>1</sup> lanches, et autres compaignons, qui environ Ribeumont fissent moult de doummaiges; et s'en vint autour, costiant leur grosse ost qui aprochoit Buironfosse. Et entendit que li homme<sup>2</sup> dou Louvion en Tieraisse estoient retret ens ès bois, et i avoient là mis et atrait le leur, et s'estoient assés bien fortifiés, en tant que de rouillies et de bois. Si chevaucièrent li Alemant celle part. Et y sourvint messires Ernous de Bakehem chiaux dou Louvion<sup>3</sup> qui en le forest dou Louvion s'estoient boutet, liquel se deffendirent ce qu'il peurent. Che ne fu nient gramment, car il ne peurent à le longhe durer contre tant de bonnes gent d'armes. Si furent cuvers, et leurs fors concquis et mis à cache; et en y eut bien mors que navrés quarante, et perdirent tout ce que là aporté avoient.

Ensi estoit et fu chils pays adonc courus et sans deport. Et li roys d'Engleterre et toute se grosse os, où bien avoit plus de quarante mil<sup>4</sup> hommes, estoient parti de Farvaques et venu logier à Moustroel les Dames; et l'endemain il chevauchièrent tout souef, et vinrent à le Flammengherie. Et là eut li roys englès conseil qu'il se logeroit et atenderoit le roy Phelippe, qui vistement et de grant volenté le sieuwoit à plus<sup>5</sup> de cent mil hommes; et toudis li croissoient gens à forche. F° 34 v°.

*Ms. de Rome* : Le roi d'Engleterre estant à Behories, li avant garde estoit logie oultre le roi une grande lieue; si s'en vinrent à Guise. Et là en celle cevauchie estoient messires Jehans de Hainnau, li sires de Fauquemont, li sires de Quq et mesires Ernouls de Baquehem. Pour lors la ville de Guisse, reservé le chastiel,

1. *Ms. de Valenciennes* : deux cens lances. F° 76.

2. *Ibid.* : les bons hommes.

3. *Ibid.* : Nouvion, grosse ville sans frumure, fors qu'ils l'avoient fortifié de barrières et de hayes.

4. *Ibid.* : à quarante mille hommes armez. F° 76 v°.

5. *Ibid.* : à bien cent mille hommes.



n'estoit fremée que de palis et de bailles. Et se confioient chil de la ville sus lor dame la contese de Blois, pour tant que elle estoit fille à messire Jehan de Hainnau, que il ne deuissent point estre assalli, mais si furent. Car qant chil de l'avant garde et li chevalier desus nonmé furent venu devant les barrières, il missent tout piet à terre et prissent les lances, et s'en vinrent asallir à ceuls qui as barrières estoient; et tantos furent conquisses, car la force des desfendans n'estoit point parelle as allans; et toutes fois il s'i portèrent assés bien, et se retraissent petit à petit dedens le fort, et ne prissent point trop grant damage. Tant que de lors hommes, femmes, enfans et tous lors meubles, il avoient tout retrait ou fort, et tout le bestail cachiet oultre viers Saint Goubain et en la terre de Couchi.

La contesse de Blois entendi que son signeur de père estoit en celle cevauchie; si quida trop bien besongnier, et que pour l'amour de li, son père deuist respiter de non ardoir la ville de Guise. Si descendi aval dou chastiel, et vint à la première porte; et fist tant par prières et par paroles que messires Jehans de Hainnau son père vint parler à lui, et li demanda tout ireusement: « Que voes tu, monsieur, que ceste ville soit deportée de non estre arse? cela poés vous bien faire, et tout pour l'amour de moi qui sui vostre fille. » — « Et pour ce que tu es ma fille, respondi mesires Jehans de Hainnau, sera elle arse; et remonte là sus ou dongnon, que la fumière ne te face mal. » La contesse de Blois n'en pot aultre cose avoir, car la ville de Guise fu arse.

D'autre part, li evesques de Lincolle et li marescal d'Engleterre et messires Gautiers de Mauni, à bien cinq cens lances, entrues que li rois d'Engleterre estoit à Behories, cevauchièrent oultre viers Venduel et ardirent Clari, sus la rivière d'Oise, Moy et Venduel, le Fère et un grant mout de villages là environ, et la ville de Saint Goubain, mais au chastiel ne portèrent il nul damage. Et s'en vinrent corir jusques à Vaus desous Laon, et l'ardirent et Bruières, car pour lors il n'i avoit nulle fremeté, et s'en retournèrent par Cresci sus Sèle et l'ardirent, et le Pont au Nouvion, et tous les hamiaus de là environ, et la ville de Marle. Et li rois d'Engleterre et toute li hoos, celle cevauchie faisant, se departirent de Waudaincourt et de Behories et de l'Esquille, et s'en vinrent viers Femi l'Abeie et viers la Capielle en la Tierasse et la Flamengrie. F<sup>o</sup> 49.

P. 172, l. 2 : à Guise. — *Ms. B 6* : Et s'en revinrent à Guise.

et là trouverent il monseigneur Jehan de Haynau et le seigneur de Fauquemont à tout ses gens. Et alors se combatioient à aucuns Franchois qui gardoient le pont et la riviere de par monseigneur Charles de Blois à qui la ville estoit : si ques, quant ces Engles vinrent de l'autre costé, les François se retrairent ou castel. Et passèrent adonc l'evesques de Lincolle et leur route au pont. F<sup>o</sup> 114 et 115.

P. 172, l. 4 : sa fille. — *Ms. B* 6 : qui seur estoit à messire Jehan de Haynau, qui là estoit present. F<sup>o</sup> 115.

P. 172, l. 13 : Femi. — *Mss. A* 1 à 7, 11 à 14, 18 à 39, et *ms. B* 6 : Farvaques. F<sup>o</sup> 43. — *Mss. A* 8 et 9, 15 à 17 : Femy. F<sup>o</sup> 41.

P. 172, l. 15 : d'Alemans. — *Ms. de Rome* : Une route d'Alemans, desquels li sures de Fauquemont estoit chiés et conduisies, chevauchierent devant hors de l'avant garde, car il ne trouvoient nului qui lor contredesiât lor cemin ; et vinrent sus un vilage que on apelle Irçon, et le pillièrent et ardirent, et puis Bonwes. Et chevauchièrent outre jusques au Louvion en Tierasse, car on lor avoit dit que il i avoit un gros village et rice, liquels estoit hiretages au conte de Blois. Qant il furent venu jusques à là, il ne trouverent à qui parler, car toutes gens estoient retrait en la haie dou Louvion et avoient là mené à sauveté, et copé et haïet le bois de tel manière que on ne pooit venir à euls fors à grant malaise ; mais quoi que il se fuissent ensi fortiefiet, pour ce ne se abstinrent pas les Alemans que il ne les alaissent veoir, ensi que gens convoiteus qui sont tous jours enclin au gaegnier.

Messires Ernouls de Baquehem et sa route avoient chevauchiet d'un aultre les. Si trouverent le seigneur de Fauquemont et ses gens en la ville dou Louvion qui mengoient et buvoient, car des vins et des pourveances il avoient trouvé assés ; si ques par acord il dissent que il iroient ens ou bois, et escarmuceroient cheuls qui i estoient retrait, et lor torroient ce que il i avoient porté. Tant fissent que il trouverent le trace et vinrent jusques à euls ; et costüièrent tant le bois haïet et abatu, que il trouverent la voie par quoi il vinrent à euls. Qant il furent là venu, il assallirent ces hommes dou Louvion qui se missent à desfense tant que il porent, mais plenté ne fu ce pas. Si en i ot biau cop de navrés et de bieciés, et s'enfuirent et s'espardirent parmi le bois, li uns chà et li aultres là. Ch'il Alemant ne les poursievièrent point plenté, mais prisent et toursèrent tout ce de bon que

dou lour il trouvèrent; et retournèrent arriere et poursievrent l'oost le roi d'Engleterre qui estoit logiés à la Flamengrie. F<sup>o</sup> 49 v<sup>o</sup>.

P. 172, l. 29 : quarante. — *Mss. A 11 à 14* : quarante quatre. F<sup>o</sup> 43.

P. 173, l. 4 : le Flamengrie. — *Ms. d'Amiens* : à le Chapelle en Tierasse et à le Flamengherie. F<sup>o</sup> 34 v<sup>o</sup>. — *Ms. de Valenciennes* : à le Cappelle et à le Flamengerie en Teraice. F<sup>o</sup> 76 v<sup>o</sup>.

P. 173, l. 5 : quarante mille. — *Mss. A 11 à 14* : quarante quatre mille. F<sup>o</sup> 43.

§ 83. P. 173, l. 12 : effort. — *Ms. de Rome* : et avoit plus de cent mille hommes. F<sup>o</sup> 49 v<sup>o</sup>.

P. 173, l. 18 : deus liewes. — *Ms. d'Amiens* : deux petitez lieuvez. F<sup>o</sup> 34 v<sup>o</sup>.

P. 173, l. 19 : Si tretost. — *Ms. d'Amiens* : ce meysme soir (que le roi de France vint à Buironfosse), vint en l'ost de Franche li comtez Guillaume de Haynnau. F<sup>o</sup> 34 v<sup>o</sup>.

P. 173, l. 24 : lances<sup>1</sup>. — *Ms. de Rome* : de Hainnuiers et de Hollandois. F<sup>o</sup> 49 v<sup>o</sup>.

§ 84. P. 174, l. 7 : Or sont. — *Ms. d'Amiens* : Mout desi-roit li roys englès à avoir le bataille, car messire Robert d'Artois et messires Jehans de Haynnau et li contez Derbi li conseilloient, ossi li dus de Braibant, li dus de Gerllez, li dus de Julle[r]s et li seigneur d'Allemagne. Et disoient bien entre yaux que ce seroit grans dammaigez et grans confusions que se si bellez gens d'armes, qui là estoient dez deux costéz, se departoient sans riens faire. Ossi li roys de Franche n'avoit autre entension que dou combattre et que de vengier l'arssin et le doummaige que li [rois] englès et li aloiiés avoec lui li avoient fait. Si demanda à son connestable Raous le comte d'Eu et de Gui[n]je et à ses marescaux, le marescal Bertran et le marescal de Trie, quel nombre de gens il pooit bien avoir; et il li respondirent que il en avoit bien six vingt mille, et tout adrechiet pour combattre. F<sup>o</sup> 34 v<sup>o</sup>.

*Ms. B 6* : Tant exploita le roy d'Engleterre et tout son ost où bien avoit quarante milie hommes, et s'en vint à la Cappelle

1. *Ms. de Valenciennes* : hommes d'armes, chevaliers et escuiers. F<sup>o</sup> 76 v<sup>o</sup>.

en Terrache; et ardirent ses gens toute la ville du Lovio[n], qui estoit au conte de Blois. Et osy ardirent la ville de la Cappelle, et puis s'en vinrent à le Flamengheric. Entre le Flamengrie et Buierfosse, s'en vint logier le roy d'Engleterre. Et dist que il n'y-roit plus avant, sy aroit veu ses ennemis et combatu le roy de Franche et sa puissance, qui le sievoient moult efforchiement. Et s'en vint che soir logier le roy de France entre le Cappelle en Terrasse et Buironfosse. F° 115 et 116.

P. 174, l. 16 : nombre. — *Ms. de Rome* : J'ai rois Phelippes de France avoit là tout le monde de gentils homes; et furent nombrés les banières en son hoost à deus cens et soissante barons. F° 50.

P. 174, l. 18 : le Capelle. — *Ms. de Rome* : à la Flamengrie et à la Capelle en Tierasse. F° 50.

P. 174, l. 21 : petites lieues. — *Ms. de Rome* : et tout plain pais. F° 50. — *Ms. B 6* : à mains de deus lieuwes. F° 116.

P. 174, l. 24 : de Jullers. — *Le ms. d'Amiens ajoute* : le marquis de Misse et d'Eurient..., le comte Derbi,... le seigneur de Fauquemont, messire Guillaume de Duvoort, le comte de Saumes. F° 34 v°. — *Les mss. A 11 à 14 ajoutent* : le conte de Los. F° 43 v°.

P. 174, l. 26 : Robert d'Artois. — *Mss. A 11 à 14* : conte de Richemont en Angleterre, que le roy Edouart lui avoit donnée. F° 43 v°.

§ 85. P. 175, l. 29 : doi chevalier. — *Ms. de Rome* : deus jones chevaliers et de grant volenté. F° 50.

P. 176, l. 14 : prisonniers. — *Ms. d'Amiens* : et le retint li sirez de Horsteberch<sup>4</sup> comme sen prisonnier. F° 35.

P. 176, l. 14 : sis. — *Ms. de Rome* : et fu prisonniers à euls siis; çasquns i clama part. F° 50.

P. 176, l. 15 : rançonnèrent. — *Ms. d'Amiens* : Dont furent il d'acort qu'il se mist à finanche parmy mil viés escus que il devoit porter ou envoyer, dedens le jour dou Noel prochain venant, à Tret sus Meuse, ou là venir tenir prison. Ensi le jura li sirez de Faiguellez. F° 35. — *Ms. de Rome* : et se rançonna à douse cens florins et le cheval perdu. F° 50.

1. *Ms. de Valenciennes* : de Hoteberch. F° 77 v°.

P. 176, l. 16 et 17 : de Haynau. *Ms. de Rome* : de France et de Hainnau. F° 50.

P. 176, l. 24 : messe. — *Ms. de Rome* : et le trouvèrent que il s'aparilloit pour aler deviers le roi d'Engleterre. F° 50.

P. 176, l. 28 : Byaumont. — *Ms. d'Amiens* : Si fist disner le seigneur de Faignuellez et le chevalier allemant dallés lui; et apriès disner encores parlèrent il de la raenchon. Et dist li sirez de Biaumont à l'Alemant : « Sire, sire de Hosteberch, soiiés ung petit plus doulz au seigneur de Faignuelles, car vous savés en quel convention vous l'avés pris, » Adonc fu li chevaliers d'Alemaigne tous honteux et dist : « Monseigneur, se Dieux le m'amena, j'en avoie bien mestier; car er soir j'avoie perdu tout mon argent as déz. » Dont coumenchièrent li chevalier à rire, et meysmement messires de Biaumont. Lors coumenchièrent li chevalier à aller entre deux, et à brisier le premierre marchandise; et tellement amoiènèrent le besoingne que il le dubt quiter de foy et de prison parmy six cens viés escus que messires de Biaumont li devoit paiier tantost, lesquels il li fist delivrer dedens le viespre, et les presta au seigneur de Faignuellez. F° 35.

P. 177, l. 4 : courouciet. — *Ms. d'Amiens* : et especialment li comtes, car moult l'amoit. F° 35.

P. 177, l. 8 : renvoiet. — *Ms. de Rome* : et le fist raconvoier par ses gens meismes jusques bien priès de l'ost as François. F° 50.

P. 177, l. 10 : coursiers. — *Ms. de Rome* : le quel li Alemant ne li voloient rendre; et disoient que il l'avoient gaegnié. F° 50.

§ 86. P. 177, l. 23 : contes de Jullers. — *Ms. de Valenciennes* : duc de Jullers. F° 78 v°

P. 177, l. 26 : Blankebourch. — *Mss. A 11 à 14* : Frankebourc. F° 44.

P. 177, l. 27 : des Mons. — *Les mss. A 11 à 14 ajoutent* : li contes de Los. F° 44.

P. 177, l. 28 et 29 : Guillaumes. — *Ms. de Valenciennes* : Gilles. F° 78 v°.

P. 177, l. 29 : de Duvort. — *Mss. A 11 à 14* : du North. F° 44.

P. 177, l. 29 : Ernoulz de Bakehen. — *Mss. A 11 à 14* : Guillaume de Kakehan. F° 44.

P. 177, l. 30 : bataille. — *Ms. d'Amiens* : et avoit en cèle route vingt cinq bannières et quinze pignons, et estoient bien huit mille hommes et de bonne estoffe. F° 35.

P. 177, l. 31 : soissante. — *Mss. A 1 à 6* : quarante. F° 44 v°. — *Mss. A 15 à 17* : soissante deus. F° 46 v°.

P. 178, l. 5 : son pays. — *Le ms. d'Amiens ajoute* : li comtes des Mons. F° 35.

P. 178, l. 5 : Kuk. — *Ms. de Valenciennes* : Buck. F° 78.

P. 178, l. 6 : Berghes. — *Mss. A 11 à 14* : Bergnettes. F° 44.

P. 178, l. 7 : Vauselare. — *Ms. d'Amiens* : Wasenare. F° 35. — *Ms. de Valenciennes* : Voscler. F° 78 v°.

P. 178, l. 8 : Sconnevort. — *Mss. A 11 à 14* : Stonnenorth. F° 44.

P. 178, l. 9 : Boukehort. — *Mss. A 11 à 14* : Bourquenbourch. F° 44. — *Mss. A 1 à 6, 20 à 29* : Boukebourc. F° 44 v°.

P. 178, l. 12 : Gilles. — *Mss. A 11 à 14* : Jehan. F° 44.

P. 178, l. 14 : Gautiers. — *Mss. A 11 à 14* : Jehan. F° 44.

P. 178, l. 18 et 19 : Halluin. — *Mss. A 11 à 14* : Jehan de Halluin. F° 44.

P. 178, l. 21 : Strates. — *Mss. A 11 à 14* : Trascres. F° 44 v°.

P. 178, l. 23 : vint et quatre. — *Ms. d'Amiens* : vingt et deux. F° 35.

P. 178, l. 24 : quatre vint. — *Ms. d'Amiens* : dix sept. F° 35.

P. 178, l. 24 : sept mille. — *Mss. A 1 à 6, 11 à 14, 20 à 22 et ms. d'Amiens* : huit mille. F° 44 v°.

P. 178, l. 30 : Lincolle. — *Le ms. d'Amiens omet* : li evesques de Durem,... li sires de Persi,... li sires de Monthrai,... li sires de Lantonne,... li sires de Basset,... messires Jehans de Lille; — *et il ajoute* : li coens de Warvich..., li comtes de le Marche, li comtes de Pennebrucq, monseigneur Richart de Stanford, messires Jehans viscontez de Biaumont..., li sirez de Salich<sup>1</sup>, li sirez de Felleton<sup>2</sup>..., li sires de Ferrierres<sup>3</sup>, li sirez de Brasseton<sup>4</sup>..., li sires de Multonne. F° 35.

1. *Ms. de Valenciennes* : Salmel. F° 79. — 2. *Ibid.* : Falencon.

3. *Ibid.* : Strier. — 4. *Ibid.* : Brasenton.

P. 178, l. 31 : Sallebrin. — *Ms. d'Amiens* : qui estoit marescaux de l'ost. F° 35.

P. 178, l. 32 : Clocestre. — *Mss. A 1 à 6, 20 à 22* : le conte de Norhantonne et de Lancastre. F° 44 v°.

P. 179, l. 1 : Kenfort. — *Mss. A 11 à 14* : Kainforth. F° 44 v°. — *Ms. A 2* : Kerfort F° 46 v°. — *Mss. d'Amiens et de Valenciennes* : Herfort. F° 35.

P. 179, l. 2 : Ricemont. — *Mss. A 11 à 14* : en Angleterre, car voirement la lui avoit le roy anglois donnée. F° 44 v°.

P. 179, l. 3 : de Ros. — *Ms. d'Amiens* : de Northonbrelant qui fu là fès chevalier et leva bannière. F° 35.

P. 179, l. 5 : Lantonne. — *Mss. A 11 à 14, 20 à 22* : Hantonne. F° 44 v°.

P. 179, l. 6 : li si es d Filwatier. — *Ms. d'Amiens* : Guillaumes Filz Warine<sup>1</sup>. F° 35.

P. 179, l. 10 : rouviaus — *Ms. c Rome* Mais je Froissars et act`res de ces croniques, ot dire plus de une fois le gentil chevalier messire Jean Cairdos que il fu fais novviaus chevaliers de la main le roi Edouwart d Engleterre ce venredi que li assablée fu à Buironfosse; et pour tant que il fu plus vaillans que nuls aultres quiconques s'armast de la partie des Englois, j'en fac enarration. F° 50.

P. 179, l. 11 : Chandos. — *Ms. de Valenciennes* : qui fu l'un des bons hommes d'armes des deux royaumes. F° 79.

P. 179, l. 15 : vint et huit banières. — *Ms. d'Amiens* : Et avoit li roys trente deux bannierrez et bien otant de pignons. F° 35 v°.

P. 179, l. 15 : quatre vint et dix. — *Mss. A 15 à 17* : quatre vint et douze. F° 46 v°.

P. 179, l. 16 : six mille. — *Mss. A 1 à 6, 20 à 22* : environ huit mille. F° 45. — *Ms. de Valenciennes* : dix mille. F° 79.

P. 179, l. 17 : six mille. — *Mss. A 20 à 22* : huit mille. F° 73 v°.

P. 179, l. 18 : bataille. — *Ms. d'Amiens* : Et fu là ordounnés à tenir sus destre en une bataille, pour reconforter sus elle lez plus lasséz, messires Robiers d'Artois. Et avoit dalléz lui monseigneur Gautier de Mauny<sup>2</sup>, monseigneur de Bercler, le seigneur

1 *Ms. de Valenciennes* : Fil Warnier. F° 79

2. *Le ms. de Valenciennes ajoute* : monseigneur Henri de Flandres, ... le sire de Neufville.

de Clifort, messire Richart de Pennebruge<sup>1</sup>, messire Bietremies de Bruech<sup>2</sup>. Et estoient<sup>3</sup> trois mil hommes d'armes, douze bannières et deus mille archiers. F° 35 v°.

P. 179, l. 23 : trois mille. — *Mss.* A 11 à 14 : environ quatre mille hommes d'armes et deux mille archiers. F° 44 v°. — *Mss.* A 15 à 17 : environ deux mille. F° 46 v°.

§ 87. P. 180, l. 5 : honneur. — *Ms. d'Amiens* : car il rete-noit sus sen ame que il se combatoit sus son droit. F° 35 v°.

P. 180, l. 8 : apertenoit. — *Ms. d'Amiens* : ainsi se tinrent il toute le matinée, attendant les Franchois. F° 35 v°.

P. 180, l. 15 : avisèrent. — *Ms. d'Amiens* : les hiraux qui eurent en escript tous les bannerèz. F° 35 v°.

P. 180, l. 16 : il y eut. — *Ms. d'Amiens* : onze vingt et sept banièrez, quatre roys, cinq dus, trente six comtes et vingt sept cens et cinq<sup>4</sup> chevaliers, quatre vingt mil hommes d'armes, sans les communes dont il y avoit plus de soixante mille F° 35 v°.

P. 180, l. 16 et 17 : onze vint et sept. — *Mss.* A 8 et 9, 23 à 33 : onze vingt bannières. F° 43. — *Mss.* A 11 à 14 : onze vingt et dix huit. F° 45. — *Mss.* A 1 à 6 : six vingt et sept. F° 45. — *Ms. B* 6 : onze vingt et quinze. F° 118.

P. 180, l. 17 : cinq cens. — *Mss.* A 1 à 6, 11 à 14, 18 à 22 : six cens. F° 45.

P. 180, l. 17 : et soissante. — *Mss.* A 11 à 14 : et quatorze. F° 45.

P. 180, l. 19 : quatre mille. — *Mss.* A 1 à 6, 20 à 22 : quatre cens. F° 45. — *Ms. B* 6 : dix sept cens. F° 118.

P. 180, l. 20 : plus de soixante mille. — *Ms. B* 6 : Le roy de Franche, à ce que on disoit, avoit bien deus cent mille hommes, que à piet, que à cheval. F° 117.

P. 180, l. 27 : de Bar. — *Le ms. d'Amiens omet* : li contes de Valentinois, ... li contes de Genève, li contes de Dreux ; — *et il ajoute* : li comtez de Pontieu, .... li comtez de Tankarville, li comtez de Waudimont, .... li contes de Jeni<sup>5</sup>, .... li comtez de Porsien<sup>6</sup>, li comtez de Brainne, .... li comtez de Biaumont, li

1. *Ms. de Valenciennes* : Penebrouch. F° 79.

2. *Ibid.* : Bertremien de Bruves — 3. *Ibid.* : environ.

4. *Ibid.* : six. — 5. *Ibid.* : Joigny. F. 79 v°.

6. *Ibid.* : de Poitiers.



comtes de Montfort, li comtez de Nerbonne, li comtes de Pieregort, li comtes de Villemur, li comtes de Connignes, .... li comtez de Murendon<sup>1</sup>, li comtez Douglas d'Escoce et li comtez de Moret.... F° 35 v°. — *Les mss. A 11 à 14 ajoutent* : le conte de Namur, ... le conte de Joigny. F° 45.

P. 181, l. 5 : à recorder. — *Ms. d'Amiens* : Environ heure de tierche, vint li dus Oedes de Bourgoingne à plus de cinq cens lanches<sup>2</sup>, et se mist d'un léz sour les camps; et avoit dix neuf bannerèz, tous de Bourgoingne et de le comtet de Bourgoingne. Là estoient li jonez comtez Guillaummes de Haynnau en très bon arroy et forche, et faisoit se bataille à par lui; et avoit dix huit bannerès, tous à bannierre de son pays dallés lui. F° 35 v°.

P. 181, l. 5 et 6 : biautés. — *Ms. d'Amiens* : Moult fu ceste journée belle et clerre et sans bruine; et resplendisoit li solaux en ces armoiriez, tant que c'estoit grans depors de l'imaginer et veoir. F° 35 v°.

P. 181, l. 7 : couvers. — *Ms. d'Amiens* : jusqu'au fallon.

P. 181, l. 10 : quinze mille. — *Mss. A 1 à 6* : seize mille. F° 45 v°. — *Mss. A 20 à 22* : seize mille hommes à cheval et trente mille hommes à pié. F° 74.

P. 182, l. 11 : dou lièvre. — *Ms. d'Amiens* : Apriès ceste avenue, les nouvelles vinrent au roy de France comment uns lièvres avoit estourmy ses gens et estoit passés parmy sen ost. Dont li pluseur eurent sus grant ymagination et dissent que ce n'estoit pas ungs bons signes quant uns lièvres, qui est encontréz de povre estrinne, les avoit ensi estourmis et courut par devant yaux; et quoy que fust dou samedi, che venredi on ne li conseilloit niens à lui combattre. Ensi parlans et ymaginans pluseurs paroles et diviers opinions, s'avancha mout li jours tant que nonne fu passée. F° 36.

P. 183, l. 8 : detriés. — *Ms. B. 6* : Ensy furent ches seigneurs tant englès comme franchois, et aloient l'un devant l'autre par ung venredy, et point ne se combatirent. Dont on s'en peult moult esmervillier pour quoy il le laissèrent, car il y avoit de toutes parties grans foison de gens d'armes. Et à che que j'ay depuis ouit recorder, il tint plus en la partie du roy de Franche que en chelui du roy d'Engleterre, car il y avoit tant de fouré

1. *Ms. de Valenciennes* : Mirendon.

2. *Ibid.* : hommes d'armes. F° 80.

chapprons qui estoient du conseil du roy de Franche, les quels brissèrent la journée. Car qui eüst crut le roi Phelippe, on se fust combatus sans faulte, et ne desiroit aultre chose. Sy se departy ensy celle journée sans riens faire, qui fu à Buironfosse l'an mil trois cens trente neuf, le vingt cinquième jour du mois d'octobre. F<sup>os</sup> 118 et 119.

P. 183, l. 10 : Haynnau. — *Ms. d'Amiens* : Quant li comtes Guillaume de Haynnau, qui estoit sus les camps en bon arroy et friche, vit que nonne passoit et que nulx ne s'aprochoit pour combattre, si appella le seigneur d'Enghien et monseigneur Henry d'Antoing et leur dist : « Alléz deviers monseigneur mon oncle, et li demandéz quel cose il voelt que je fache. » Il respondirent : « Vollentiers. » Dont partirent li doy baron et vinrent deviers le roy de France qui jà se retraioit, et i avoit une si espesse route de seigneurs que jammais ne l'ewissent briset. Si trouvèrent monseigneur d'Alencon à qui il adrechèrent leur messaige. Et il respondi : « Ditez à mon nepveut qu'il s'en voist, de par Dieu, car nous n'arons point de bataille. » Ensi le raporterent li seigneur dessus dit au comte de Haynnau qui se parti de le place et toute se route, si tost qu'il oy ces nouvelles ; et s'en revint cevauchier<sup>1</sup> vers le Kesnoy. F<sup>o</sup> 36.

P. 183, l. 12 : englès. — *Ms. d'Amiens* : Quant li roys d'Engleterre et si aloïet, qui avoient estat rengiéz enemy les camps tout à piet, dou matin jusques à nonne, sans boire et sans mengier, veyrent bien que li roys de Franche ne ses gens ne descenderoient point jusqu'à yaux pour combattre, si se traissent enssamble pour avoir avis et conseil coumment il se maintenaient. Pluiseurs oppinions et grant estoient eut entre yaulx aussi bien comme entre les Franchois. Et volloient li roys et li baron d'Engleterre, messires Robers d'Artois, messires Jehans de Haynnau et li sires de Fauquemont, chevauchier encorres avant sour le royaume et nient partir sans combattre. Li ducs de Braibant et pluiseurs de son accord disoient ensi que il ne pooient avoir blasme ne reprochement del partir à tous bons entendeurs ; car il avoient offert, à l'entrée del royaume, le bataille au roy de Franche qui leur avoit acordé. Avoecq tout ce, il s'estoient là tenu, enssi que gens d'armes se doient tenir, attendans leurs ennemis qui point n'estoient venus ; et se passoit li heure et li tier-

1. *Ms. de Valenciennes* : jusques en Haynnau. F<sup>o</sup> 81.

mes de combattre ossi. D'autre part, vitaille leur coummenchièrent à defallir; et ne savoient mies bonnement, s'il chevauchioient plus avant, coumment il en seroient pourveu : si ques d'iaux enclore ne bouter trop avant et sus l'ivier ou royaume de Franche, il n'y veoient point de bon, car mieux leur en valloit partir à honneur que d'atendre nulle aventure à leur deshonneur. Tout comsideret et regardet l'un contre l'autre, li darrains acors fu que d'iaux departir. Si se deslogièrent et vinrent la nuit gesir bien tart environ Avesnes à tout leur caroy et leur conqûes. F<sup>o</sup> 36.

*Ms. de Rome* : Ce venredi au soir, il fu ordonné en l'oost le roi d'Engleterre que on se deslogeroit sus le point de mie nuit, et se retrairoit on tout bellement en Hainnau et en Braibant, et que pour celle saison on en avoit fait assés; car au voir dire, tant que pour la bataille, la pareçon n'estoit pas parelle, car li François estoient trop plus fort et plus poissant sus les camps ne fuissent les Englois. Celle doubte et nulle aultre, ensi que il fu supposé et considéré depuis, i missent li dus de Braibant, li dus de Gerles et li contes de Jullers et auquns aultres de lor aliance; non li rois d'Engleterre et les Englois, car il se fuissent volentiers combatu et pris l'aventure et se tenoient à tout conforté, mais là pour celle fois il les couvint croire conseil, car il n'estoient pas signeur des Alemans et des estrangers. Sus le point de mienuit, sans faire trop grant noise, toutes gens en l'ost le roi d'Engleterre se deslogièrent, et cargièrent chars et charètes, tentes, très, auques et pavillons. F<sup>o</sup> 50 v<sup>o</sup>.

P. 183, l. 13 : de Braibant. — *Ms. B 6* : A minuit, le roy d'Engleterre mist tout son conseil ensamble pour savoir quel chose il feroit, et comment il se maintendroit. Le duc de Braibant, qui estoit là ses cousins germains, et qui estoit le plus grant de tout son conseil, dist et conseilla que on se retrairoit, et que pour celle saison on avoit assés ghuerriet, car l'yvier aprochoit, et que le roy d'Engleterre avoit fait bien son devoir, et allé et chevauchiet ou royaume de Franche et ars et moult gasté le pais et attendu ses ennemis, et puis avoir esté tous rengiés et ordonnés et mis en bataille, l'un devant l'autre; et point ne furent ses ennemis sy hardis de les venir combatre. Pour laquelle cose, on doit tenir à grant honneur l'emprise d'un roy d'Engleterre. Adonc fut creut le conseil du duc de Brabant. F<sup>o</sup> 119 et 120.

P. 183, l. 15 : ce venredi, — *Ms. B 6 et ms. de Rome* : le semmedi au matin. F<sup>o</sup> 120.

P. 183, l. 15 : d'Avesnes. — *Ms. B. 6* : Le roy d'Engleterre et toute sa compaignie passerent devers Avennes, et tout à travers le pays de Haynau, et desoubz Bieaumont et le Sambre, et au pont à Avesne. F<sup>o</sup> 120.

P. 183, l. 19 : en Braibant. — *Ms. B. 6* : à Brouselles d'enprès son cousin le duc de Brabant, et là sejourna quinze jours. F<sup>o</sup> 120. — *Ms. de Rome* : Et s'en vint li rois à Lotvaing, et là trouva la roine sa fenme; et s'espardirent chil signeur d'Engleterre aval Braibant, ensi que fait avoient en devant celle cevauchie. Et murmuroient li auqun Englois l'un à l'autre et disoient : « On fait bien le roi nostre sire despendre et alever son argent pour noient et perdre le temps : il nous fault faire moult de tèles cevauchies avant que nous aions conquis le roiaulme de France. » F<sup>o</sup> 30 v<sup>o</sup>.

§ 88. P. 183, l. 22 : venredi. — *Ms. A. 7* : samedi. F<sup>o</sup> 43.

P. 183, l. 24 : Phelippes. — *Ms. d'Amiens* : Quant li roys de Franche, ensi que vous avés oy, se fu tenus tout le jour jusquez à basse nonne sus lez camps en diverses oppinions, parlans et devisans à ses plus haus et grans amis et barous, et il vit que on ne lui consseilloit nient de combattre, tous mautalens et enflammés d'air, il retourna vers Buironfosse; et avoit entention que l'endemain, coumment qu'il fust, il se combateroit. Si appella ses deux marescaux, monseigneur Robert Bertran et le seigneur de Trie, et leur dist : « Ordonnés et coummandés de par nous que nulz ne se parte, et que chacuns se loge, car demain nous nos combaterons, coumment qu'il soit. » Et li marescal le fissent ensi. Et quant il ne trouvèrent le comte de Haynnau, se le disent au roy, affin que il ne fussent repris.

Adonc regarda li roys sus le comte d'Allenchon son frère et li dist : « De nostre nepveut de Haynnau savés nulles nouvelles ? » — « En nom Dieu, monseigneur, oyl, che respondi li comtes d'Allenchon, [car] il [envoia<sup>1</sup>] orains le seigneur d'Enghien et le seigneur d'Antoing assavoir quel cose volliéz qu'il fesist. Il ne peurent parler à vous; si me trouvèrent d'aventure. Et quant je les euch ois, je leur dis que il n'estoit appairant de combattre, et qu'il s'en allast de par Dieu. » Adonc penssa li rois ung petit et puis dist : « Or le mandéz apertement, car demain nous nos

1 *Ms. de Valenciennes*, f<sup>o</sup> 81 v<sup>o</sup>. — *Ms. d'Amiens* : envoicoit.

combaterons. » Lors fist on monter ung sergant d'armes et venir vers le Kesnoy, et y vint si à point que li comtes se desarmoït. Et jà estoient tout li baron et li chevalier retrait as hostelx, et li autre partit et rallet vers leurs maisons. Si vint li messaiges dou roy deviers le comte, qui estoit ou castiel, et li dist : « Sire, li roys vous sallue et vous mande que, demain à soleil levant, vous soiiés à Buironfosse, car on se combatera as Englèz. »

Et quant li comtes oy ces nouvelles, si fist sounner ses trompettes et reuvillier chevaliers, et renseller chevaux, et mander apriès chiaux que il cuidoit le mieux ravoir. Et se parti en grant haste dou Quesnoy environ mienuit, et chevaucha tant avoecq ses gens que, le samedi au matin, il fu sus les camps et ou lieu ou auques priès dont il estoit partis le venredi. Et quidoit bien li comtes que on se dewist combattre; mais li roys ses oncles et li Franchois avoient oy autres nouvelles, car le venredi au soir li coureur et li fourreur de Franche estoient revenus en leur ost et avoient dit pour certain que li Englès estoient party et jà retret en l'Empire et en le comté de Haynnau, et s'en ralloyent arrière; et n'estoit mies apparans que il en fesissent plus ceste saison. Dont disent li baron de France au roy : « Sire, il faudra le roy d'Engleterre faire mout de telx chevauchies, ainchois qu'il ait conquis le royaume de Franche » : si ques li roys avoit jà ordonné et coummandé à deslogier et de raller chacun en son lieu.

Ces nouvelles vinrent jusques au comte de Haynnau qui se tenoit sour les camps, que li roys de Franche se devoit partir, et jà avoit dounnet congiet à toutes mannières de gens, car li Englès estoient esloingiet. Adonc s'en vint li comtes de Haynnau et toute se routte où bien avoit quatre cens lanches<sup>1</sup>, sus ung certain pas où li roys de Franche devoit passer. Et quant li roys vint là et il le vit ensi ordonnet, il demanda à chiaux d'entours lui dou comte qui c'estoit, et on li dist que c'estoit li comtes de Haynnau. Lors l'enclina li comtes en passant, et li roys li dist : « Biaux niés, rallés vous ent; vous vous estes bien acquitéz. » Dont se parti li comtes et prist congiet au roy et à sen oncle d'Allençon et au roy de Behaingne, et à ses cousins germains monseigneur le comte de Blois et monseigneur Charlon de Blois; et retourna arriere avoecq se cevaucie, et s'en revint disner à Landrechies et jesir au Kesnoy. Or paurons dou roy d'Engleterre et

1. *Ms. de Valenciennes* : armures de fer. F<sup>o</sup> 82.

des aloies qu'il fissent et qu'il devinrent; car li roys de Franche ne les sieurwi plus avant; ains s'en revint à Saint Quentin, et la donna toutes ses os congiet. Si s'en rallerent chacuns en leurs lieux et en leur garnisons, ensi que ordonné estoient.

Le samedi au matin, se misent li seigneur ensamble et se conseilèrent quel cose il feroient, car il leur sambloit que ceste cevauchie estoit parfaite. Si trouvèrent en conseil que il donnaissent toutes leur gens congiet, et il s'en alassent avoecq le roy d'Engleterre jusquer à Brouxelles. Ensi le fissent. F<sup>o</sup> 36.

*Ms. de Rome :* Quant ce vint le samedi au matin, nouvelles vinrent en l'oost le roi de France que les Englois estoient departi et fuioit lor voie; ne on ne savoit que il estoient devenu. De ces nouvelles fu li rois Phelippes trop durement courouchiés; et dist que on l'avoit trahi, quant il n'avoit combatus ses ennemis, et que tout volentiers on lor avoit fait voie. Li plus hault baron et seigneur de l'oost le rapaisièrent et li dissent : « Sire, sousfrés vous : on fera ce povre roi d'Engleterre outrequidiet tout despendre et alever le sien, et li tellement endebter devièrs ces Alemans, que jamais n'en se vera delivrés. Li dus de Braibant en scet bien jusque à la, et outre il le mainne et pourmainne, et suesfre que ses gens amendent trop grandement de ce roi d'Engleterre. Il ne le soustient pour aultre cose que pour le pourfit. Il fault ce roi d'Engleterre faire moult de tels cevauchies, avant que il ait conquis le roiaulme de France. Le quide il donc conquerre par feus et par fumières? mès Dieus! nennil. Mais que il soit retournés outre la mer, vous ne le verés mès en grant temps revenir. Où, diable, prenderoit il la finance pour seeler ces Alemans? Il a esté mauconsiliés de vous avoir desfiuet et de renvoïier son hommage. Jà a il plus perdu que il ne gagnera en toute sa vie. Les terres que il tenoit deçà la mer li estoient bien apertenans; elles sont fourfaites à tous jours mais. Jamais n'i retournera, ne hoirs qui de li isse. »

Ensi apaisoient li seigneur de France le roi Phelippe. Mais, nonobstant toutes ces paroles, il vosist bien avoir combatu le roi d'Engleterre et ses Alemans; car, ensi que il disoit, il avoit gens assés pour ce faire. Quant il vei que il n'en aueroit aultre cose, il donna toutes ses gens congiet de retourner casqun en son lieu. Li contes de Hainnau, son neveu, vint prendre congiet à lui sus

1. *Ms. de Valenciennes :* L'endemain, au matin. F<sup>o</sup> 82 v<sup>o</sup>.

les camps, et li rois li donna; et aussi fist li contes d'Alençon, son oncle : si s'en retourna li contes en son pais. Et li rois de France prist le chemin de Saint Quentin. Ensi se desrompirent ces grandes cevauchies et ces assamblées. F<sup>os</sup> 50 v<sup>o</sup> et 51.

P. 183, l. 25 : courouciés. — *Ms. B 6* : et dist, sy comme je oy compter depuis, que il solleroit tous ses amis pour ung denier de pain, F<sup>os</sup> 120 et 121.

P. 184, l. 8 : Saint Quentin. — *Mss. A 1 à 7, 11 à 14, 18 à 33* : Saint Omer. F<sup>o</sup> 46. — *Ms. B 6* : et là se tint plus de quinze jours. F<sup>o</sup> 121.

P. 184, l. 13 : dou Fay. — *Ms. B 6* : ung moult saige chevalier, devers la cité de Tournay, pour garder le pais; car très adonc se doubtoit il des Flamens. F<sup>o</sup> 121.

P. 184, l. 15 : Mortagne. — *Ms. B 6* : dedens le castel et ville de Mortaigne sur l'Escault. F<sup>o</sup> 121.

P. 184, l. 18 : Paris. — *Mss. A 11 à 14* : où il trouva la roïne sa femme qui adonc le receipt à moult grant joie. F<sup>o</sup> 46.

P. 184, l. 21 : en Braibant. — *Ms. de Rome* : Tous jours avoit il dalés li messire Robert d'Artois et l'evesque de Lincole et son conseil. Consideré fu et avisé entre euls que, se li rois d'Engleterre pooit tant faire et exploier que il eust plainnement l'aide et le confort des Flamens pour mener là où il les vodroit avoir, sa gerre en seroit plus forte et plus belle, et jà avoit il l'amour et la grace de Jaquemon d'Artevelle et de ceuls de Gaiind; si ques, pour amoier toutes ces besongnes et sçavoir la pure intention de ceuls de Bruges, d'Ippre, de Courtrai, dou Dan, de l'Escluse et dou tieroit dou Franch, uns parlemens fu assis et ordonnés à estre à Brouselles devant le duch de Braibant en son hostel à Colleberghe. Et ot li dus en couvent au roi d'Engleterre, pour tant que il estoit grans tretières et bien enlangagiés, que de euls remoustrer et attraire il feroit son plain pooir.

Chils parlemens fu escrips et mandés à estre à Brouselles et priés Jaquèmes d'Artevelle que il i voist venir et estre; et aussi en furent priet les consauls des bonnes villes de Flandres. Jaquèmes d'Artevelle, qui jamais n'i eust defalli, i rendi grant painne que les consauls des bonnes villes de Flandres i fussent; et i vinrent et ils meismes tout premiers avoecques ceuls de Granmont et de Gant en grant arroi. F<sup>o</sup> 51.

P. 184, l. 22 : Brouselles. — *Ms. d'Amiens*. Dont se departirent les oe; et s'en rallèrent li Allemant, li Braibenchon, li

Guerlois e tout li autre, chacun en leurs lieux. Et li roys d'Engleterre, li dus de Braibant et li chief des seigneurs chevauchierent à petites journées et rappassèrent la rivière de Sambre; et exploitièrent tant qu'il vinrent en Braibant et à Brouxelles où il furent bien requueilliet. F<sup>o</sup> 36 v<sup>o</sup>.

P. 184, l. 22 : raconvoiièrent. — *Les mss.* A 1 à 6, 13 à 17, 20 à 22 ajoutent : le duc de Braibant. F<sup>o</sup> 46.

P. 184, l. 23 : li comtes. — *Mss.* A 1 à 6, 11 à 14, 18 à 22 : le marquis. F<sup>o</sup> 46.

P. 184, l. 23 : Jullers. — *Les mss.* A 11 à 14 ajoutent : le conte de Los. F<sup>o</sup> 46.

P. 184, l. 30 : Brousscles. — *Ms.* B 6 : Après ce que le roy d'Engleterre eult fait celle armée en Franche, sy comme chy dessus est dit, et que toutes ses gens se furent departy et chacun ralé à son lieu, il s'en vint en la ville de Gant où madamme sa femme se tenoit, et là eult plusieurs consaulx et parlemens as Flamens. Et toudis contoit i[1] ses afaires à Jaques de Hartevelle quy estoit son compère et grans amis, et qui avoit en la main tous les Flamens pour faire sa voienté. Le roy d'Engleterre avoit intencion de retourner chel yver en son pais, et sur l'esté retourner à tout grant foison de gens d'armes et d'archiés, et de venir asegier la cité de Tournay. Et tout che dist il à Jaques d'Artevelle qui bien estoit de son acort. F<sup>o</sup> 123.

P. 184, l. 31 : d'Artevelle. — *Ms.* d'Amiens : Et y furent li consaulx de Flandres des bonnes villes, especialment Jaquèmes d'Artevelle; et puisqu'il y estoit, c'estoit assés. F<sup>o</sup> 36 v<sup>o</sup>.

P. 185, l. 10 : Bietune. — *Ms.* d'Amiens : qui jadis furent de Flandres. F<sup>o</sup> 36 v<sup>o</sup>.

P. 185, l. 11 : li Flamench. — *Ms.* B 6 : qui par samblant amoient moult le roy d'Engleterre. F<sup>o</sup> 123.

§ 89. P. 186, l. 5 : avis. — *Ms.* B 6 : et dit que dedens trois jours il en responderoit. F<sup>o</sup> 124.

P. 186, l. 12 : conte de Jullers. — *Mss.* A 1 à 6, 11 à 14, 18 à 22 : marquis de Juilliers. F<sup>o</sup> 46 v<sup>o</sup>.

P. 186, l. 23 : d'Engleterre. — *Ms.* d'Amiens : li duca de Gerlles, li dus de Braibant<sup>1</sup>, li comtes de Jullers, li marquis de

1. *Ms.* de Valenciennes : et tous les prinches et les seigneurs almans qui estoient ses aliez. F<sup>o</sup> 83.



Misse et d'Eurient, li marquis de Blancquebourg, messires Jehans de Haynnau, li sires de Fauquemont, messires Robiers d'Artois et mout d'autres seigneurs. Et d'autre part, là fu tous li plus especialx conseils de Flandres de toutes les bonnes villes et dou Francq de Bruges. F° 36 v°. — *Le ms. de Rome ajoute à ces noms* : li contes des Mons, li archevesques de Coulongne. F° 51 v°.

P. 186, l. 26 : de Flandres. — *Mss. A* 11 à 14, 18 et 19 : d'Angleterre. F° 46 v°.

P. 186, l. 29 et 30 : les armes. — *Ms. B* 6 : les fleur[s] de lis. Adonc furent les Flamens tous resjois et dirent que il yroient par tout avec luy, là où il volroit. F° 124.

§ 90. P. 187, l. 6 : seigneurs. — *Mss. A* : que sur l'esté qui revendroit, ilz feroient très grande guerre en France. *Ms. A* 1, f° 46 v°.

P. 187, l. 17 : acord. — *Ms. d'Amiens* : Ossi li Flammencq et li Braibenchon, qui estoient tout aloiïet et acordé enssamble, tiroient trop fort que il ewissent le pays de Haynnau d'acord avoecq yaux : si en seroit leur guerre plus belle. F° 37.

P. 187, l. 19 : s'escusa. — *Ms. d'Amiens* : s'escuzoit et disoit que jà il ne feroit cose qui fust contraire au roy de Franche son oncle, se li Franchois ne coummenchoient premiers. F° 37.

P. 187, l. 25 : Anwiers. — *Ms. d'Amiens* : Encorres depuis ces departemens, se tint li rois d'Engleterre en Flandres ung grant terme, chevauchans de bonne ville en bonne ville, pour aprendre les gens et congnoistre, et yaux lui. Et fist venir à Gand, par le conseil Jaquemon d'Artevelle et le prière de chiaux de Gand, madamme la roynne Phelippe sa femme, et tinrent leur hostel en l'abbie de Saint Pière. Et là estoit souvent visitée dez dammes et des bourgoises de Gand....

Quant li roys d'Engleterre eut ensi ordonnet toutes ses besoignes, il prist congiet à d'Artevelle et as Flamens et à le roynne sa femme, et laissa dallés lui monseigneur Robert d'Artois; et se mist en mer pour revenir en Engleterre et prendre garde à son pays où il n'avoit estet bien par l'espasse de priès de deus ans, et especialment pour regarder sus lez marches d'Escoce, car il doubtoit plus ce costet là que nulz des autres. Si rapassa le mer li comtes Derbi avoecq lui, li comtes de Norhantonne et de Clocestre, li comtes de Warvich, li comtes de Pennebrucq, li comtes de Herfort, messires Renaux de Gobeheim, le

baron de Stamford, l'evesque de Lincolle, messires Gautiers de Mauny, messires Jehans Camdos et tout li autre. Et passèrent le mer et arivèrent à Londres où il furent recheu à joie, en le vegille Saint Andrieu l'apostle, l'an mil trois cens trente neuf. F<sup>o</sup> 37.

*Ms. de Rome* : Et là prist li rois d'Engleterre congiet à ces signeurs de retourner en son pais, car il n'i avoit esté puis priès d'un an. Si apertenoit que il i alast, pour veoir comment les coses s'i portoient, et pour remoustrer ses besongnes et empetrer de la finance. Tout che li acordèrent li signeur legierement, et dissent que ce seroit bien fait. Donc li requissent li Flamenc que il establesist en Flandres, de par lui et ou nom de li, deus ou trois vaillans hommes et gens d'armes et archiers, qui li aidassent à garder la frontière et euls consillier, se il besongnoit. Et li rois d'Engleterre leur respondi que aussi feroit il. Et en oultre il dist à Jaquemon d'Artevelle et à ceuls de Gand comme ses bons amis, que il lor lairoit la roine sa fenme, jusques à son retour, et tout son hostel. De ce furent li Gantois tout resjoy.

Donc se departirent chil signeur et s'en retournèrent çascuns en lors lieux. Et la roine d'Engleterre vint à Gant, et estoit pour ces jours ençainte; et avoit un fil, liquels avoit esté nés en Anwiers, que on nonmoit Lion. Qant li rois d'Engleterre se departi de Gand, à la requeste des Flamens, il institua le conte de Sasleberi et le conte de Sufforch à demorer en Flandres, à deus cens lances et cinq cens archiers. Et puis prist congiet à la roine sa fenme, et s'en vint en Anwiers; et trouva tous près ses hommes, les quels il en voloit mener, et sa navie toute preste. Si entrèrent en lors vassiaus, et issirent dou havene d'Anwiers, et entrèrent dedens la mer; et nagèrent tant viers Engleterre que il vinrent à Orvelle, et là issirent des vassiaus. Et fissent tant li signeur, par haguenées et chevaus, que il vinrent en la chité de Londres. Si furent li Englès par toutes les parties d'Engleterre moult grandement resjoy de la venue dou roi, car moult li desiroient. Et ensi que prelat, signeur et consauls des chités et bonnes villes le venoient veoir et conjoir, ensi que on doit faire son signeur, il leur recordoit doucement et bellement toutes ses aventures, et comment ils avoit exploitié, et les amis et aliés que il avoit acquis oultre la mer; et par especial des Flamens il faisoit très grant compte, et aussi faisoient ses gens. F<sup>o</sup> 51 v<sup>o</sup>.

P. 187, l. 26 : à Gand. — *Ms. B 6* : de lés les Flamens et Jaques de Hartevelde qui souvent la visetoit. Aussy faisoit le

conte de Hainau son frère et ma damme la contesse sa femme, fille au duc de Brabant, et madame de Vallois sa mère qui se tenoit en l'abeie de Fontenelles de lés Valenchiènes. Et ossy faisoient les dammes et demoyselles et bourgoises de Gand. Sy advint que la dite royne d'Engleterre, en celle saison, s'ajut d'un biau fil en l'abbeye de Saint Pièrre de Gant qui ot à non Jehan. Contre (*sic*) le duc de Brabant le leva; et fut de puis duc de Lenclastre, pour che qu'il eut à mariage le fille au bon duc Henry de Lenclastre et de madame Blanche. F<sup>o</sup> 125.

P. 188, l. 12 et 13 : à Londres. — *Ms. B 6* : au quay sur le Tamise. F<sup>o</sup> 124.

§ 91. P. 188, l. 29 : souverain. — *Ms. de Rome* : car il avoit entendu que li rois ses adversaires estoit retrais en Engleterre. Et fist li rois de France moult fort garder la mer, car il voloit donner et mettre empecement sus le retour dou roi d'Engleterre. Et se rafresquissoient chil esqumeur de mer normant, geneuois et piqart, qant il voloient, une fois à Calais, l'autre à Visan, et puis à Boulogne, au Crotoi, à Saint Walleri, à Dièpe, à Harflues, et là partout où il voloient. F<sup>o</sup> 51 v<sup>o</sup> et 52.

P. 189, l. 3 : là environ. — *Ms. B 6* : Et alèrent ung jour courir en Engleterre et prirent [terre] ou havre de Hantoue, et furent seigneurs de la ville ung jour, et le coururent toute et ardirent; et ochirent grant fuison d'ommes et de femmes et d'enfans, et puis se retrairent en la mer. F<sup>o</sup> 122. — *Ms. de Rome* : devant Plumude, Wesmude, Dardemude. Et ne lor aloit encores nuls au devant, mais on gardoit par tout les pors et les havenes d'Engleterre. Et ardirent chil esqumeur en l'ille de Wisque. F<sup>o</sup> 52.

P. 189, l. 4 : li Englès. — *Ms. d'Amiens* : une heure perdoient, et l'autre gaegnoient. En ce meysme temps, rapassèrent le mer en Escoce li comtes de Moret et messires Guillaumes de Douglas, pour tant qu'il savoient que li roys englès estoit rapassés. Se ne savoient qu'il avoient enpensset. Et passèrent avoecq yaux deus cens compaignons franchoix, pour querre lez aventures et par le congiet dou roy de France, de quoy li sires d'Aubegnay et messires Ernouls d'Andrehen estoient cappittainne. F<sup>o</sup> 37.

P. 189, l. 5 : quarante mille. — *Ms. B 6* : soixante mille. F<sup>o</sup> 122.

P. 189, l. 8 : à bort. — *Ms. de Rome* : et amenèrent les lainnes à Calais. Là estoit lors souverains retours. F<sup>o</sup> 52.

P. 189, l. 10 : pillage. — *Ms. B 6* : Et firent moult de destourbiez à marchans allans et venans en Flandres. F° 122.

P. 189, l. 13 : Normans. — *Mss. A 11 à 14* : et fut prinse par les Normans, Picars et Espaignols : dont les François firent depuis assez de parlement. F° 47.

P. 189, l. 15 : à bort. — *Ms. A 24* : à mort. F° 59 v°.

P. 189, l. 19 : Encores. — *Ms. de Rome* : Qant li cevalier, voisin à celle Tierasse, sceurent et entendirent que ces gens d'armes englois et alemans estoient retrait, tels que li sires de Couchi, li sires de Vervins, li visdames de Caalons, li sires de Presegni, li sires de Lore, li sires de Clari, li sires de la Bove, li sires de Loques, et chil liquel avoient eu lors villes arses des Englois et des Alemans; et messires Jehans de Hainau avoit aussi esté en aunes de ces cevauchies, il nen s'en pooit escuser ne voloit, car il li couvenoit servir le roi d'Engleterre, puis que il prenoit ses deniers : ces gens d'armes fissent lor quelloite de compagnons, et tant que il furent environ mille armeures de fier. Et plus en euissent eu, se il vosissent; mais il lor sambla que il estoient gens assés, pour brisier la terre mesure Jehan de Hainau. Li sires de Couchi i envia aunes de ses hommes, mais il n'i volt point estre pour une si petite contreven-gance.

Ces gens d'armes fissent lor asssemblée secretement, et passerent de nuit les bos que on dist la Tierasse; et vinrent, sus le point de soiel levant, ou sart de Chimai. Les bonnes gens n'estoient encores de riens en doubte, et ne quidoient point comparer les chevauchies que lors sires, messires Jehans de Hainau, avoit fait en France, en servant le roi d'Engleterre; mès si fissent. Car, qant il orent passé les bois de Tierasse et la haie de Cimai, il entrèrent ou plain pais, et s'en vinrent courir devant Chimai. Tantos la ville fu esfraée. Si cloient les bonnes gens lors portes, et monterent as desfenses. Pour le temps d'adonc, les fourbours de Cemai estoient grant; et moult de rices gens et de grans nou-reqiers i demoroient : il furent pris en lors lis, ewireus qui se peut sauver. Ces gens d'armes françois aquellierent grant proie, tant que ens ès fourbours de Cimai que ailleurs environ Chimai, ens ès villages de là priès; et levèrent ce jour plus de douse mille blances bestes, mille pors et cinq cens vaces et buefs, car c'est une marce moult raemplie de bestail et de noureçons.

Et qant il orent tout levet et requelliet et mis ensamble, il con-

menchièrent à ardoir. Et premierement il ardirent tous les fourbours de Chimai; et abatirent les moulins, qui lors estoient hors de la fremeté. Et coururent tout le pais de environ, et ardirent Virelle, Loncpret, Vaus, Bailleus, Bourliers, Forges, Pos, Villers, Biaurie, Saint Remi, Sainte Genevière, Salles, Ballèvres, Walers, Ebrètres et Montmegnies, et toutes les villes dou sart de Chimai; et se requellèrent à Selongne. Et qant il s'en departirent, il boutèrent le feu dedens; riens n'i ot deporté. Et en menèrent, avoecques la proie, biaucop de prisonniers, que depuis il rançonnèrent bien et acertes. Ce despit et contrevengance fissent il à messire Jehan de Hainnau, et s'en retournèrent à Aubenton. Et là departirent il lor butin, et puis s'en rala çascuns en son lieu.

Messires Jehans de Hainnau se tenoit pour lors à Mons en Hainnau, dalés son cousin le conte. Qant ces nouvelles li vinrent que les François avoient ars[e] et robée toute sa terre de Chimai, reservé la forterèce, si en fu durement courouchiés, et à bonne cause. Et en parla à son cousin le conte, liquels li respondi et consilla que son damage il le portast au plus bellement que il peuist, car pour lors il n'en aueroit autre cose. F° 52.

P. 189, l. 20 et 21 : ennemis. — *Ms. d'Amiens* : telz que le duc de Braibant et monseigneur Jehan de Haynnau. F° 37.

P. 189, l. 26 : de Beaumont. — *Mss.* A 1, 4, 5, 6, 11 à 14, 20 à 22 : à monseigneur de Brennes. F° 47 v°. — *Mss.* A 2 et 3 : au conte de Brennes. F° 49 v°.

P. 189, l. 28 : de Lore. — *Mss.* A 7, 8, 9 : à monseigneur Jehan et à monseigneur Gerart de Lore. F° 44 v°.

P. 190, l. 6 : de Chymay. — *Ms. d'Amiens* : tant que les flammaisses en volloient en le ville. Et dont chil de Chimay furent mout effraet, et sonnèrent leur cloche<sup>1</sup>; et s'armèrent vistement et vinrent as portes et à gharittes, et moustrèrent bonne vollenté de yaux desfendre. Mès li Franchois n'avoient nul talent de l'assaillir; et se retournèrent arrière, quant il eurent fet leur emprise. F° 37.

P. 190, l. 14 : se retraisent. — *Ms. d'Amiens* : sans dammaige et sans nul encontre, à Vrevins et à Aubenton. F° 37. — *Ms. de Valenciennes* : jusques à Vreving en Therasse. F° 84.

P. 190, l. 17 : en Mons. — *Ms. d'Amiens* : à Vallenchiennes. F° 37.

1. *Ms. de Valenciennes* : leurs cloques. F° 84.

P. 190, l. 19 : li contes. — *Ms. B 6* : Adonc se party le conte de son pais, et s'en ala en Brabant. Et conta au duc, son grant seigneur, les despis que les Franchois luy avoient fait. Le duc luy dist : « Bieau filz, quant vous volrés, je vous presteray gens assés pour vous aydier à contrevengier. » Le conte diat : « Grant merchy. » Et tout ensy luy dist Jaques de Hartevelle que le duc de Brabant avoit fait. F° 130.

P. 190, l. 20 : de lui. — *Ms. d'Amiens* : en foy et en hounmage. F° 37.

P. 190, l. 20 : Nompourquant. — *Ms. d'Amiens* : à le prière dou conte, li sires de Biaumont s'en souffri tant que à cèle fois, et s'en vint à Biaumont et puis à Chimay reconforter ses gens, et leur proumist bien que chils fourfès seroit temprement amendés. F° 37.

P. 190, l. 23 : saudoïier. — *Ms. de Rome* : françois. F° 52.

P. 190, l. 26 : Relenghes. — *Ms. de Rome* : le castelet de Relenghes. F° 52.

P. 190, l. 29 : le Bastart. — *Ms. de Rome* : et estoit chevaliers. F° 52.

P. 191, l. 1 : vint et cinq. — *Ms. d'Amiens* : environ trente armures de fier. F° 37 v°. — *Ms. de Rome* : quarante compagnons. F° 52.

P. 191, l. 5 : disent bien. — *Ms. d'Amiens* : que l'endemain il revenroient si fort qu'il lez aroient. F° 37 v°.

P. 191, l. 8 : le nuit. — *Ms. B 6* : quant che vint à minuit. F° 127.

P. 191, l. 9 : contre. — *Ms. de Valenciennes* : une telle bonne ville. F° 84 v°.

P. 191, l. 14 : toursèrent. — *Ms. de Valenciennes* : et prirent leurs baghes. F° 84 v°.

P. 191, l. 17 : abatre. — *Ms. d'Amiens* : et en fissent mener le pière à Cambray. F° 37 v°.

P. 191, l. 19 : vinrent. — *Ms. d'Amiens* : à Bouchain où il furent requueilliet, et l'endemain à Vallengiennes. F° 37 v°.

P. 191, l. 20 : en son lieu. — *Mss. A 11 à 14* : Et ensi ala il de la maison monseigneur Jehan de Hainault qui en fut durement courroucié. F° 47 v°. — *Ms. de Rome* : Et de tous ces damages fu enfourmés mesires Jehans de Hainnau, et les porta une espasse au plus bellement qu'il pot, ensi que il fault faire à le fois. F° 52 v°.

§ 92. *Ce paragraphe commence ainsi dans le ms. B 6* : Nous retournerons à aucunes besongnes et incidenses que il advinrent en Haynau cel ivier et l'estet ensievant, entreus que le roy d'Engleterre estoit en son pays. F° 125.

P. 191, l. 22 : de Mauni. — *Ms. d'Amiens* : et Jehan et Thieri de Mauny, ses deux autres frères, car li roys d'Engleterre li avoit donnet le castiel et les appendances, comme vicaires de l'Empire. F° 32 v°. — *Mss. A 11 à 14* : et certain nombre de bons compaignons aventureux avecques lui. F° 47 v°.

P. 192, l. 5 : s'armèrent. — *Ms. d'Amiens* : car il y avoit layens des saudoiiers franchoix et autres. F° 32 v°. — *Ms. de Rome* : Pour ce jour, estoit renforchie la garnison des Cambrissiens, si ques, qant il veirent ces compaignons, les quels il nonmoient les Hainnuiers, qui si fort les adaioient et herioient, il se quellièrent et se trouvèrent environ deus cens armeures de fier. Si se armèrent et monterent as chevaus, et fissent ouvrir la porte c'on dist Robert et avaler le pont, et se missent sus les camps. F° 52 v°.

P. 192, l. 11 : jone. — *Ms. de Rome* : baceler gentilhomme et chanonne de Cambrai. F° 52 v°.

P. 192, l. 13 : Gascons. — *Ms. d'Amiens* : et conseil<sup>1</sup> de l'evesque de Cambray. F° 32 v°. — *Ms. B 6* : neveu de l'evesque. F° 126.

P. 192, l. 14 : Marchant. — *Ms. B 6* : Rollans. F° 126.

P. 192, l. 24 : le targe. — *Ms. d'Amiens* : fendi le targe et rompi les plattes et passa l'auqueton. F° 32 v°. — *Ms. de Rome* : percha l'esqut et le cote de fier et la plate d'achier. F° 52 v°.

P. 193, l. 3 : cacièrent. — *Ms. de Rome* : et en i eut des pris et des retenus jusques à neuf; et li aultre se sauvèrent et se boutèrent dedens Thun l'Evesque. F° 52 v°.

P. 193, l. 12 : ses deus frères. — *Ms. d'Amiens* : Ces nouvelles vinrent au seigneur de Mauni son frère, qui trop durement en fu courouchiés, mes il ne le peult amender tant qu'adonc; et ossi fu li roys d'Engleterre et y envoya ung très bon chevalier englès, qui s'appielloit messires Richars de Limosin, qui vaillamment tint le forterèce puisedi. F° 33. — *Ms. de Rome* : Si doi frère Jehans et Terris tretièrent viers ceuls de Cambrai pour ravoier le corps. Il furent consillié dou renvoïier; et l'alèrent querre en Cambrai doi frère cordelier de Valenciennes. On lor

1. *Ms. de Valenciennes* : cousin. F° 71 v°.

delivra. Si fu li corps mis sus un kar vesti de noir, et aportés à Valenchiennes, et ensepvelis en l'église de Saint François, et là gist. Ensi vont les aventures d'armes. F<sup>o</sup> 52 v<sup>o</sup>.

§ 93. P. 193, l. 26 : Vous devés. — *Ms. de Rome* : Chil de la garnison de Cambrai procurèrent tant deviers le baillieu de Vermandois que il orent congiet d'entrer et ardoir en Hainnau, et de faire bonne gerre. Et avoient proposet ensi li Cambrisien que li Hainnuier leur avoient fait et porté plus de damages que li Englois ne Alemant n'eussent; et s'esmerilloient pourquoi on les deportoit à non estre en la gerre.

Et fu ce remoustré au conseil dou roi de France que li contes de Hainnau, li pères et li fils, avoient tous jours fait partie à l'encontre dou roiaulme de Franche, et porté à lor pooir contraire et damage, et avoient soustenu tous jours couvertement les Englois; et, se il eussent abatu otant les errederies, demandes, requestes, calenges et oppinions dou roi d'Engleterre que il les ont eslevé, de la gerre n'eust riens esté; et estoient tenu en Hainnau de comparer tous ces cas, car trop bien l'avoient li Hainnuier acquis. Tant fu parlé, proposé et remoustré à l'encontre dou conte de Hainnau et de son pais, sans ce que li dis contes fust mandés, pour oïr sēs escusances, que il fu acordé et ordonné que li compagnon saudoïier François, qui en la chité de Cambrai se tenoient, venroient en Hainnau et i bouteroient le feu, et commenceroient la gerre, car il ne desiroient aultre cose.

Si se ordonnèrent à ce faire, et issirent de la chité de Cambrai un samedi, par nuit, environ soissante lances. Et les conduisoient mesires Tiebauz de Moruel, messires Renauls de Trie, mesires Drués de Roie et li sires de Mellincourt. Et grant gent ne lor couvenoit point pour faire lor emprise, car li pais de Hainnau n'estoit en nulle doubte, ne point desfiiés. Et vinrent ces gens d'armes et biau cop de campagnons de piet de Cambrai, environ deus heures en la nuit, en la ville de Haspre, laquelle estoit tout desfremée et est encores; et prissent les gens en lors lis. Et, pour esbahir ceuls de la ville, il fissent bouter, par ces hommes de piet qui les sievoient, en cinq ou en siis lieux, le feu en la ville.

Li haros et li cris s'esleva. Tantos gens, hommes, femmes et enfans s'esfreèrent, et veirent bien que il estoient atrapé; et que c'estoient lor voisin, li saudoïier de Cambrai, qui les resvilloient,



et qui ce damage lor portoient. Si se conmenchièrent toutes gens à demuchier et à fuir chà et là. Toutes fois il en i eut grant fuisson de pris et de ocis, et encores en i eüst plus eu, se il vosissent; mais il entendirent au pillier la ville, et à rompre escrins, et à cargier chars et charètes et chevaus que il avoient fait venir avecques euls; et meismes chil de piet estoient si cargiet de draps et de jeuiaus que plus ne pooient.

En l'église de Haspre, on aoure de saint Aquire, liquels est uns moult crueuls sains, et que on doit resongnier; et dou dit saint il ont là dedens l'église, qui est une prouvosté, et gouvernée par les monnes de Saint Vast d'Arras. Li dis provos, pour ces jours, n'i estoit point; et avoit esté si avisés que la fiertre de saint Aquire et le reliquaire et les plus rices aournemens de l'église, il avoit fait venir et amener avecques li à Valenchiennes. Cela fu sauvé; aultrement tout eüst esté perdu, car la ville et l'abeie et tout fu si netement pilliet et robet que riens n'i demora, dont on peüst faire argent, et la ville toute arse, et les moulins ars et abatus. F<sup>o</sup> 53.

P. 194, l. 2 : li sires de Villars. — *Mss.* A 1 à 6, 9 à 14, 20 à 22 : le seigneur de Villiers. F<sup>o</sup> 48 v<sup>o</sup>.

P. 194, l. 3 : Maruel. — *Ms. de Valenciennes* : Martel. F<sup>o</sup> 85.

P. 194, l. 4 : Cambray. — *Ms. B* 6 : et de la cité de Cambray messire Mille de Mirepois, le Gallois de le Baume, savoiiens, et le sire de Villers et de Rousillon et ossy messire Tibau de Moruel. F<sup>o</sup> 128.

P. 194, l. 4 et 5 : saudoier. — *Ms. B* 6 : de Cambray et chil dou Castiel en Cambresis. F<sup>o</sup> 37 v<sup>o</sup>. — *Ms. de Valenciennes* : de Cambray et de Cambresis. F<sup>o</sup> 85.

P. 194, l. 6 : pour pillier. — *Ms. B* 6 : pour contrevengier les despis que les Haynuiers, sy comme il disoient, leur avoient fait au siège de Cambray. F<sup>o</sup> 128.

P. 194, l. 7 : evesques. — *Ms. B* 6 : En che tamps estoit tous cois à Paris delés le roy de Franche le evesque de Cambray, qui rendoit grant paine au conseil du roy que on peüst de Cambresis courir en Haynau. Et se complendoit trop amerement du conte de Haynau, et disoit que c'estoit lui, du siège estant devant Cambray, qui pis les avoit fait et porté de damaiges. Encore plus avant il disoit que tout couvertement le conte de Haynau estoit bons englès, car il avoit esté au parlement du roy d'Engleterre en Brabant et Flandres, et savoit tout leurs secret, et avoit en-

cores grant alianches as Englez. Tant dist et tant procura et tant exploita che dit evesque que le conseil du roy se contourna à che que on fesist aucuns despis au conte de Haynau, non mie au nom du roy de Franche, mais soubz ombre du duc de Normendie qui estoit bauls de Cambresis. F° 129.

P. 194, l. 22 : cinq cens. — *Mss. A* 1 à 10, 15 à 39 : six cens. F° 48 v°. — *Mss. A* 11 à 14 : sept cens. F° 48 v°.

P. 194, l. 22 et 23 : samedi. — *Ms. B* 6 : des Brandons. F° 129.

P. 194, l. 26 : vinrent. — *Ms. d'Amiens* : de nuit. F° 37 v°.

P. 193, l. 2 : ardirent. — *Ms. d'Amiens* : et violèrent l'abeie<sup>1</sup>. F° 37 v°.

P. 193, l. 4 : prevosté. — *Mss. A* 1 à 6, 11 à 14, 20 à 29 : prioré. F° 48 v°.

P. 193, l. 13 : vinrent. — *Ms. d'Amiens* : environ miennuit. F° 37 v°. — *Ms. de Rome* : dou plus tost c'on pot, à cours de chevaus. F° 53.

P. 193, l. 14 : se dormoit. — *Ms. de Rome* : et la contesse. F° 53.

P. 193, l. 18 : Wercin, — *Ms. de Valenciennes* : Vertain. F° 85.

P. 193, l. 21 : de Floion. — *Le ms. d'Amiens omet* : ... monseigneur Thiery de Wallecourt, ... le seigneur de Floion; *et il ajoute* : ... li sires de Roisin, li sires de Gommegnies..., li sires de Mastain, li sires de Vendegies, li sires de Hartain, li sires de Sars..., li sires de Berlaimont, li sires de Wargny, li sires de Boussut. F° 37 v°. — *Le ms. de Rome omet* : monseigneur Thiery de Wallecourt, le seigneur de Potielles, le seigneur de Floion; *et il ajoute* : ... li sires de Wargny, ... li sires de Gommegnies, li sires de Vertain. F° 53.

P. 195, l. 27 : Valenciènes. — *Ms. d'Amiens* : et dist à chiaux qui le bellefroite gardoient : « O vous male gent qui là estes, qui veés le dammaige de vos voisins, pourquoy ne sonnéz vous la cloce<sup>2</sup>? Si s'emouveront et esvilleront chil de la ville. » A le requeste dou comte fu la cloche sonnée. Lors s'esvillèrent toutes mannières de gens et s'armèrent, et s'en vinrent viers le marchiet.

1. *Ms. de Valenciennes* : l'eglise. F° 85.

2. *Ibid.* : « pour quoy ne sonnerez vous le clocque? Si s'esvilleront ceux de la ville. »

Mès li comtes ne vot pas atendre lez darrains; ains se parti et dist : « Qui m'aime, se me sieuwèce. » F° 37 v°.

P. 195, l. 29 : sievrent. — *Ms. d'Amiens* : Et li prevos pour le temps de Vallenchiennes, qui s'apelloit Jehan de Haussi, fist monter et ordonner pluiseurs de chiaux de le ville et sievir le comte. F° 37 v°.

P. 195, l. 30 : hors. — *Ms. de Rome* : par la porte cambrisienne. F° 53.

P. 195, l. 32 : chevauciet. — *Ms. d'Amiens* : jusquez à Main. F° 37 v°. — *Ms. de Rome* : et passa Fontenelles; et droit à Monchiaus nouvelles li vinrent. F° 53.

P. 196, l. 1 : lieuwe. — *Ms. A* 8 : une heure. F° 46 v°.

P. 196, l. 2 : li François. — *Ms. de Rome* : et li Cambrisien. F° 53.

P. 196, l. 2 : retrait. — *Ms. d'Amiens* : vers Cambray. F° 37 v°.

P. 196, l. 5 : rapaisier. — *Ms. d'Amiens* : et li dist que elle ne quidoit mies que ce fuist li fès dou roy de Franche, mès de l'evesque de Cambray et de chiaux de Cambresis : « Si vous pri, biaux filz, aiachois que vous esmouvés nulle gherre contre le roy de Franche vostre oncle, que vous vos voeilliés aviser et avoir bou conseil, car trop vous poroit couster et à vostre pays ossi. » F° 37 v°.

P. 196, l. 14 : une espasse. — *Ms. de Rome* : environ une heure. F° 53.

P. 196, l. 17 : lettres escrire. — *Ms. de Rome* : il mist clerks et messagiers en oeuvre. F° 53.

§ 94. P. 197, l. 12 : briefment. — *Ms. d'Amiens* : Là eut avis li comtes, par l'ordonnance de son oncle, dou senescal de Haynnau, de monseigneur Henry d'Antoing et d'aucuns chevaliers qui là estoient, que il assignast ung parlement à estre à Mons en Haynnau; et que là fuissent tout chil de son pays, qui tailliet y estoient de y estre, baron, abbet, chevalier et conssaux des bonnes villes. Lettres furent escriptes et seigneur mandet. Endemen-troes li comtes de Haynnau s'en ala en Braibant compter au duc de Braibant, qui fille il avoit, quel desplaisir les Francois li avoient fait. Se li respondi li dus que lui et ses pays estoient tout appareilliet pour lui aidier à contrevengier. Encoires chevaucha li comtes plus avant, et vint à Gand; et se complaindi à d'Artevelle dou despit que li Francois li avoient fait. Liqueux li

respondi que, dou despit estoit il courouchiés, mès non pas que pour ce en avant il seroit avoecq yaux des aloiiés, et li dist : « Comtes de Haynnau, soiiés tous reconfortés que, quant vous vorréz bien adcertes, je vous menray soixante mil Flammens as coustages de Flandres, là où vous nous manderés. » Et li comtes dist : « Grant merchis ! »

A che parlement, qui ordonnés et assignéz estoit en le ville de Mons, furent baron, abbet, chevalier et consseil des bonnes villes dez trois pays de Haynnau, de Hollande et de Zellande. Et là remoustra li comtes à tous le despit et le villonnie que li Franchois li avoient fait; et pria et requist que sour ce on le consillast si à point que il n'y ewist point de blamme en ses pays. Là ot mainte parolle retournée et maint proupos aviset, car li sires d'Enghien et li sires de Barbenchon et li sires de Ligne voloient que li comtes envoyast deux ou troix chevaliers et deux ou trois clercq de droit de son pays deviers le roi de Franche, assavoir de certain se de ceste fourfature li rois se voroit point excuser, ne amender le fourfet. Mès chilz conssaux ne chilz avis ne peut oncque estre oys, car li sires de Biaumont, qui le plus grans i estoit de trop apriès le comte, brisoit tout et disoit : « Ne plaise jà à Dieu que nous nos abaissons de tant que, sus deus grans despis que on a fait en nostre pays de Haynnau, nous requerons nul moïen. Nous sommes gens assés pour nous contrevengier; et si poons entrer el royaume, de quel lés qu'il nous plect. » Là estoit li comtes qui ooit tous ces debas, qui plus s'enclinoit à le gherre que à le pais, car li arssins de le terre de Chimay li touchoit moult et chilz de Haspre. F° 38.

P. 197, l. 27 : contrevengast. — *Ms. de Rome* : Et fu dit : « Nulle gerre couverte ne vault riens. Messires Jehans de Hainnau a desfié le roi de France, et li a fait gerre avoecques le roi d'Engleterre, et ausi ferés vous, sire. Vous le desfiérés, et nous tout qui sommes vostre homme; et puis li ferons bonne gerre, car nous ne volons point porter ce despit paisieuvle. » F° 53 v°.

P. 198, l. 8 : Crespin. — *Mss.* A 1 à 6, 8 à 10, 15 à 17, 20 à 22 : Saint Crespin. F° 49 v°. — *Mss.* A 23 à 33 : Thibault de Crespin. F° 59 v°. — *Mss.* A 11 à 14 : Crespy. F° 49 v°.

P. 198, l. 11 : dou pays. — *Mss.* A 11 à 14 : des trois pais dessus dicts. F° 49 v°. — *Ms.* B 6 : Et sellèrent tous les barons de la conté de Haynau et tous cheulx qui rien ne tenoient du roy de Franche. Et renvoïèrent leur hommages, excepté le

sire de Naste. Cheluy se party de eulx, et ne veult oncques defier le roy de Franche. De quoy le conte saisy toutes ses terres de Haynau, ne oncques de puis ne luy volt rendre. F° 131.

P. 198, l. 17 : n'en fist. — *Ms. B 6* : que rire. F° 131.

P. 198, l. 20 : son pays. — *Ms. B 6* : Le conte de Blois, qui estoit là present, et qui tenoit grant hiretaige en Haynau, la terre d'Avesne et de Landrechie, et qui cousins germains estoit au conte de Haynau deux fois de père et de mère, renvoya ses hommaiges au dit conte et demoura franchois et delés le roy Phelippe son oncle. Che fu rayson, car il estoit ung des pers de France. F° 131.

P. 198, l. 23 : faites. — *Ms. d'Amiens* : Apriès ces deffiances faittes dou roy de Franche et l'abbet de Crespin retournet, il ne demoura nient gramment que li comtes de Haynnau fist son mandement et semonse de tous barons chevaliers et hommes de fief, à estre à Mons en Haynnau. Et envoya saisir et prendre Avesnes et Landrechies, qui estoient dou comte de Blois, ossi le castiel de Sassoigne<sup>1</sup>; et y mist partout garnison pour lui et ou nom de lui. D'autre part, messires Jehans de Haynnau fist se semonsce à Biaumont et là environ, et eut bien trois cens lanches. Adonc se parti li comtes de le ville de Mons en grant arroy. Et fissent li marescal et li offisciier, qui à ce estoient ordonnet, le charroy arouter, et prendre le chemin de Merbes<sup>2</sup> le Castiel, pour passer le Sambre. Et passèrent là le rivière, et s'en vinrent à exploit vers Biaumont, et puis vers Chimay; car c'estoit leur entente que d'entrer en la Tieraisse, et de venir à Aubenton et en le terre le seigneur de Vrevins et de Bieumont, qui courut avoit le terre de Chimay. Et passèrent li Haynuier Fagne et les bos de Chimai, et se hebregièrent ung soir à Chimay et là environ; et l'endemain s'aroutèrent deviers Aubenton. F° 38.

P. 198, l. 26 : Flandres, — *Les mss. A 13 à 17 ajoutent* : et en Zellande et Hollande. F° 31 v°.

P. 198, l. 32 : Vrevins. — *Ms. de Rome* : et de mesire Jehan de Beumont qui avoient ars la terre de Chimai. F° 53 v°. — *Mss. A 11 à 14*: la terre du seigneur de Brenne. F° 49 v°.

§ 93. P. 199, l. 8 : palis. — *Ms. d'Amiens* : et de petis fossés. F° 38 v°.

1. *Ms. de Valenciennes* : qui estoit au comte de Blois. F° 87.

2. *Ibid.* : Mièbres.

P. 199, l. 11 : de Chaalons. — *Ms. B 6* : ung moult vaillant chevalier et ses deus filz, jones escuiers, et le sire de Vrevin. F° 132.

P. 199, l. 11 : de Beaumont. — *Le ms. de Rome ajoute* : au signeur de Craulé. F° 53 v°.

P. 199, l. 14 : trois cens. — *Ms. B 6* : Là avoit bien cinq cens lances de Brabant que le duc y avoit envoiet pour conforter son filz. Sy firent ces gens d'armes trois assauls grans de gens bien estoffés. F° 132.

P. 199, l. 16 : Haynuiers. — *Ms. d'Amiens* : Non pourquant il disoient et asseuroient bien à chiaux de le ville qu'il la deffenderoient bien et loyaument ce qu'il poroient<sup>1</sup>, ensi qu'il fissent; car vraiment il s'en acquitèrent à leur pooir. F° 38 v°.

P. 199, l. 21 : à Mons. — *Ms. de Rome* : Li contes de Hainnau fist son assamblée et son amas de gens d'armes à Mons en Hainnau; et escripsi et pria à auquns chevaliers, en Braibant et en Hábehain, que il le vosissent venir veoir et servir, pour contrevingier les despis que li François li avoieut fait. Pluiseurs chevaliers vinrent et ne se vodrent pas esquer. Et par especial li sires de Fauquemont, qui fu moult bacelereus, vint servir le conte à deus cens armeures de fier, li sires d'Augimont à grant gent, li sires de Montjardin et moult de aultres, et tant que il se trouvèrent, qant il furent tout assamblé, bien diis mille armeures de fier. Si cargièrent chars et charettes de pourveances et d'artellerie, de tentes et de trés et de ce que il lor besongnoit. Et se departirent de Mons en Hainnau, et cevauchièrent viers Maubuege; et exploitièrent tant que il passèrent les bos de la Tierasse, et entrèrent en France. Et ardirent li coureur, qui cevaudioient devant à destre et à senestre, Segni le Grant, Segni le Petit, Marcellies, Renierwès, Maubert Fontainnes et tout le plat pais de là environ, sans nul deport. Et s'en vinrent devant Aubenton, et l'environnèrent tout autour, car bien estoient gens pour ce faire. F° 53 v° et 54.

P. 199, l. 24 : un venredi. — *Ms. d'Amiens* : au matin. F° 38 v°.

P. 199, l. 26 et 27 : draperie. — *Ms. de Valenciennes* : grosse ville et bien drappière. F° 87 v°.

P. 200, l. 9 : aultre. — *Ms. d'Amiens* : Quant chil de dedens, chevalier et escuier, veirent le couvenant dez Haynuyers, et que

1. *Ms. de Valenciennes* : mais qu'ilz fussent bonnes gens avec eulx. F° 87.

en trois lieux il seroient assailli, il se partirent ossi en troix lieux. F° 38 v°.

P. 200, l. 32 : de la Bove. — *Ms. d'Amiens* : que il n'amoit mies gramment, car il leur estoit au devant et il li avoient ars se terre; si desiroit à avoir le bataille à yaux, et les assailli fierement et durement. A l'autre porte, estoient Alemant et Braibenson, dont li sires de Fauquemont estoit chiés. Et là estoient li sires de Lore<sup>1</sup> et pluisieur autre qui vassaument se deffendirent. Là fu tret, lanchié, ferut et fet mainte apertise d'armes. Là crioit on : « Haynnau ! » F° 38 v°.

P. 200, l. 32 : Là eut. — *Ms. de Rome* : Si ot à Aubenton, en cinq jours que li Hainnuier furent là, pluisseurs assaus et escarmuces, et des navrés et bleciés de une part et d'autre. Et se portèrent moult vaillamment à tous les assaus li chevalier et esquier françois qui dedens estoient; et se la ville d'Aubenton eüst esté fremée d'autre cose que de palis, elle n'eüst eu point de damage; mais contre tant de bonnes gens d'armes que li Hainnuier estoient, mervelles fut comment elle se peut tant tenir que elle fist. F° 54.

P. 201, l. 8 : paveschiet. — *Ms. d'Amiens* : Là en y avoit pluisieurs ens ès fosséz qui montoient et rampoient contremont, targe, pavais et escus sus leurs testes, et haches et cuignies en leurs mains, pour effondrer les palis. F° 38 v°.

P. 201, l. 11 : de Biaufort. — *Ms. de Rome* : Entre les assaus qui furent fait et livret à Aubenton, il en i ot un le samedi que on dist des Brandons, mallement grant; et i furent moult d'onmes bleciés de ceuls dedens par le tret des arbalestres. Et fu ce jour Bauduins de Biaufort, uns esquiers de Hainnau et de la terre de Binch, moult vaillans.... F° 54.

§ 96. P. 201, l. 19 : Aubenton. — *Mss. A 20 à 22* : Aubeton. F° 80 v°.

P. 202, l. 6 : moustier. — *Ms. d'Amiens* : Et là eut dure bataille et felenesse, car messires Jehans de Haynnau y vint très bien acompaigniet. Et là furent pris li sires de Lore et li sires de Vendoel et li sires de Saint Martin.... Li visdames se sauva, car il monta à cheval; et ossi fisent messires Jehans de Beumont et messires Jehans de la Bove F° 38 v°.

1. *Ms. de Valenciennes* : Loz. F° 87 v°.

P. 202, l. 6 : de Chaalons. — *Ms. de Rome* : et uns siens filz jones, qui fu là fais chevaliers. F° 54 v°.

P. 202, l. 7 : banières. — *Ms. B 6* : Et là fist le vidames de Chalon ses deux filz chevaliers. F° 132.

P. 202, l. 13 et 14 : raençon. — *Ms. B 6* : tant fort le hayoit, pour ce qu'il avoit ars ses terres. F° 133.

P. 202, l. 15 : les camps. — *Ms. B 6* : prist le chemin de Vervin, vint à son chastel.

P. 202, l. 18 : Adonc. — *Ms. d'Amiens* : Et quant li sires de Biaumont entendi que si ennemi s'enfuioient, chiaux qu'il desiroit le plus à avoir, si dist : « A cheval! à cheval! » et monta et feri chevaux dez esperons apriès, et toutes ses gens apriès lui, et chevaucha et cacha sez ennemis jusquez ès portes de Vrevins. F° 38 v°. — *Ms. B 6* : Entre Aubenton et Vrevin a deus lieus près. Sy vous dy que, sur le chemin de Vervin, avoit plusieurs gens d'Aubenton; mais tous ceulx qui furent trouvé sur les chemins eurent dur encontre, car les Haynuiers les abatoient et les ochioient sans pitié. Sy dura ceste chasse jusques as portes de Vervin. Et se sauva le sire de Vervin par le bonté de son coursier, ne oncques ne fu ratains. F° 133. — *Ms. de Rome* : Tantos messires Jehans de Hainnau demanda son coursier; on li amena dou plus tos que on pot. Qant il fu montés, il dist à ses gens : « Or tos, sievons ce chevalier : il le me fault à avoir mort ou vif. C'est cils qui plus a porté de contraire et de damage à ma terre de Cimai. » Donc veissies chevaliers et esquiers monter apertement et sievir lor signeur et sa banière, laquelle messires Thieris de Senselles portoit, et prissent les camps. Li sires de Vrevins estoit bien montés et sus flour de coursier, et avoit bien demi lieue d'avantage. Ses gens le sievoient à l'esperon, que mieuls, mieuls. Si en i avoit en la compagnie des mauls montés. Chil furent raint, qui ne peurent aler avant. Si en i ot des mors et des pris sus le chemin. F° 54 v°.

P. 202, l. 28 : troi. — *Mss. A 1 à 7, 11 à 14, 18, 19, 23 à 33* : deux. F° 50 v°.

P. 203, l. 11 : deus de ses neveux. — *Ms. d'Amiens* : et mort doi<sup>4</sup> nouvel chevalier, neveult au visdamme, et li tiers pris. F° 38 v°. — *Mss. A 1 à 22* : deux de ses filz. F° 50 v°.

1. *Ms. de Valenciennes* : Et y moururent deux des nouveaux chevaliers, nepveux au visdamme, et le tiers fu prins. F° 88.



— *Mss. A* 23 à 33 : ses deus filz. F° 61. — *Ms. B* 6 : et ses deus filz ochis et plus de deux cens d'autres. F° 133. — *Ms. de Rome* : le visdame de Chaalons pris et un sien fil jone chevalier, et deus ocis et moult d'autres. F° 54 v°.

P. 203, l. 16 : deux cens. — *Edit. de Verard et de D. Sauvage* : deux mille. — *Edit. de D. Sauvage* de 1559, p. 57.

P. 203, l. 16 : le ville. — *Ms. B* 6 : qui estoit grande et grosse et bien marchande et remplie de drapperie. F° 133 et 134.

P. 203, l. 17 : grans avoirs. — *Ms. d'Amiens* : li drap et les laines. F° 38 v°.

P. 203, l. 19 : arse. — *Ms. d'Amiens* : de chief en cor, que oncques n'y demoura maison, ne une seule, que toute ne fuist arse. F° 38 v°.

§ 97. P. 203, l. 22 et 23 : Aubenton. — *Ms. de Rome* : Ensi avint ce jour à Aubenton. La ville fu prise par la manière que je vous di, et toute pillie et robée et puis arse. Et quant li Hainnuier orent ensi exploitié, il s'en departirent et s'en retournèrent viers Chimai, et là demora messires Jehans de Hainnau. Li sires de Fauquemont et li sires d'Augimont s'en alèrent viers Dignant. Et li contes de Hainnau et li sires d'Enghien et li aultre chevalier retournèrent avecques le conte à Mons. F° 54 v°.

P. 203, l. 28 : le Petit. — *Ms. B* 6 : et livra au chastel ung assault. Et laiens Bauduin de Beaufort, ung escuiers d'onneur et appert homme d'armes durement, eult le bras rompus. Et le convint depuis chevauchier en litière. F° 134.

P. 203, l. 30 : quarante. — *Mss. A* 11 à 14 : quarante huit. F° 51. — *Ms. d'Amiens* : et puis s'en retournèrent en Haynnau, le charoi tout chargiet de draps, de jeuiaux et d'autre avoir. F° 39.

P. 204, l. 4 : Mons. — *Ms. B* 6 : chergiés pluseurs cars de draps et joyaulx. F° 134.

P. 204, l. 12 : sa guerre. — *Ms. d'Amiens* : pour aquerre amis à tous lés et pour faire une bonne gerre et forte en Franche, sus l'estet qui prochainement revenoit. F° 39.

P. 204, l. 15 : plus fors. — *Ms. de Rome* : Li contes de Hainnau fu consilliés que d'aler en Engleterre et remoustrer au roi son serouge ses besongnes, et de faire aliances à lui, et d'avoir comandement de par li, comme vicaires à l'Empereour, que li

seigneur d'Alemagne, qui tout li devoient obeissance et qui service li avoient fait devant Cambrai, fuissent apparilliet de aidier le dit conte à parmaintenir sa gerre, car il estoit en très bonne et grande volenté de gerrier le roiaume de France, sans li point refroidier. Sus ce pourpos et conseil il persevera, et fist une assemblée de nobles de son pais et des consauls des bonnes villes, à Mons en Hainnau. Et là institua il et ordonna, en la presence de tous, messire Jehan de Hainnau, son oncle, à estre bauls et regars en Hainnau et gouvrenères, jusques à tant que il retourne-roit; et pria à tous que çasquns vosist obeir à lui conme à soi meismes, se il estoit presens. Tout li orent en couvenant de bonne volenté, car il sentoient et congnoissoient le dit messire Jehan de Hainnau si vaillant et si prudent que il ne lor requerroit cose qui ne lor fust raisonnable.

Quant li jones contes de Hainnau ot ordonné toutes ses besongnes, et pris congiet à sa dame de mère et à la contesse sa fenme, il parti dou Kesnoi où il tenoit son hostel; et vint à Mons en Hainnau, et là trouva son oncle. Si fu encores un jour dalés li, pour mieuls estre avisés et enfourmés de ses besongnes; et puis s'en parti, et vint à Hale, et à Brousselles. Et là trouva le duch de Braibant qui fille il avoit à fenme, qui li fist très bonne chière; car li dus l'amoit de tout son coer, otant que nuls de ses enfans. Li contes se complaindi à lui des despis et damages que li François li avoient fais : « Aussi, biaux fils, respondi li dus, lor en avés vous fait; vous vos estes contrevengiés. La cose ne demorra pas en ce point, car li François sont grans et orgueilleus, et marcissent à vous. Tous les jours pueent il entrer en vostre pais et porter damage : il vous en fault attendre l'aventure. Si vous tieng pour bien consillié et avisé de ce que vous fortefiés à l'encontre de vostres ennemis; car plus grant et plus fort de li, on doit doubter. Soiiés tous confortés que je demorrai dalés vous. » Li contes respondi et dist : « Grant merchis ! »

Quant li contes de Hainnau ot esté avoecques le duch de Braibant un jour et plus, et li ot remoustré toutes ses besongnes et recargies, il prist congiet et se departi de li et de Brousselles; et se mist au cemin, et vint à Gaind veoir sa serour, la roine d'Engleterre. Se li remoustra le voiage que il avoit empris de faire, d'aler en Engleterre. La roine en fu grandement contente, et li dist que il faisoit bien. Si escripsi la ditte roine, par son frère le conte, à son seigneur le roi d'Engleterre. Avocques tout

ce, li contes de Hainnau parla à Jacquemon d'Artevelle, qui estoit pour lors en la conté de Flandres li plus grans qui i fust; et li remoustra toutes ses besongnes, ensi que il avoit fait au duch de Braibant, son grant signeur. Jaquèmes d'Artevelle i entendit de bon coer, et dist au conte : « Sire, tenés vous pour tous confortés que li pais de Flandres vous sera ouvers et apparilliés; et dites au roi d'Engleterre, vostre biau frère et mon compère, que il se delivre de mettre à point et ordonner ses besongnes par de delà la mer, et se mète au retour dou plus tos que il puet. Car li revenu par deçà, sus la fourme et estat que nous estions, et que nous, les Flamens, les Alemans et li, fumes d'acort, nous ferons une très belle et forte gerre, et tant que il nous devera bien sous-fire et à vous, à qui on a fait contraire et damage. »

Li contes de Hainnau respondi et dist : « Jacquemart, je ne li oublierai riens à dire. » Adonc prist il congiet et se departi de la roine, sa serour, de d'Artevelle et la ville de Gant; et s'en vint en la ville d'Anwers, et trouva sa navie toute preste et ses gens aussi. Si entra en son vassiel, et cesquns de ses hommes en ceuls où il devoient entrer par ordenance. Si se desancrèrent et passèrent le havene d'Anwiers, et entrèrent dedens la mer, et singlèrent viers Engleterre; et orent vent à volenté, et vinrent à Orvelte. F<sup>o</sup> 84 v<sup>o</sup> et 85.

P. 204, l. 21 : se parti. — *Ms. d'Amiens* : Assés tost apriès, se departi li comtes Guillaummes et s'en vint deviers l'Empereur qui se tenoit à Couloingne, qui le rechupt à grant joie; et ossi fist madamme Margherite, soer au dit comte, et femme à l'Empereur. F<sup>o</sup> 39.

P. 204, l. 25 : parlerons. — *Ms. B 6* : du duc de Normendie qui mist sus une grant armée pour venir en Haynau, en instance de ardoir tout le pais et asigier Vallenchiene et contrevengier les despis que les Haynuyers luy avoient fait en Terrasse. F<sup>o</sup> 135.

§ 98. P. 203, l. 5 : quatre chevaliers. — *Ms. d'Amiens* : Premièrement li comtes de Haynnau<sup>1</sup>, par l'avis de messire Jehan de Haynnau son oncle, mist en Vallenchieunes quatre chevaliers. F<sup>o</sup> 39.

1. *Ms. de Valenciennes* : Et ainchois qu'il se partist du pays, il ordonna et garni les fors et les bonnes villes. Et par especial il mist monseigneur Jehan de Haynnau, son oncle, alant et venant par le terre, avec quatre chevaliers. F<sup>o</sup> 88 v<sup>o</sup>.

P. 203, l. 8 : Wargni. — *Mss.* A 11 à 14 : Jehan de Wargni. F° 51 v°. — *Mss.* A 1 à 6, 20 à 22 : le sire de Wartaing. F° 51. — *Mss.* A 23 à 29 : le sire de Vergy. F° 61 v°.

P. 203, l. 8 : li sires de Gommegnies. — *Mss.* A 11 à 14 : Jehan de Gommegnies. F° 51 v°. — *Ms. d'Amiens* : le seigneur de Hartaing. F° 39.

P. 203, l. 11 : Maubuege. — *Ms. d'Amiens* : Apriès, il mist à Mauboege monseigneur Tieri de Walecourt, marescal de Haynau, et cent lances<sup>1</sup> de bonnes gens. F° 39.

P. 203, l. 13 : Kesnoi. — *Ms. d'Amiens* : il mist au Kesnoy le seigneur de Fauquemont à cent armures de fier. F° 39.

P. 203, l. 17 : Sassegnies. — *Mss.* A 11 à 14 : Fassegores. F° 51 v°. — *Mss.* A 18, 19 : Sassegoies. F° 54. — *Mss.* A 20 à 22 : Sassoingne. F° 82.

P. 203, l. 18 : Avesnes. — *Ms. d'Amiens* : le seigneur de Montegni Saint Christophle. F° 39.

P. 203, l. 19 : forterèces. — *Ms. d'Amiens* : Apriès, il mist en Thun l'Evesque monseigneur Richart de Limozin, ung bon chevalier englès, et avoecq lui lez deux frères de Mauni, Jehan et Thieri. Apriès, il mist ou castiel de Rieulay le seigneur de Remme<sup>2</sup> et le seigneur de Guelesin<sup>3</sup>. Apriès, il mist à Condet sus Escaut le seigneur de Blicqui et le seigneur de Buri, et les autres forterèches sus les frontières de Franche, as chevaliers et as compaignons de son pays. Il leur pria et enjoindi que il en fuissent songneux et pour leur honneur; et envoya son senescal monseigneur Gerart de Werchin en son castel de Werchin, pour faire frontière sur les Cambresiens. F° 39.

1. *Ms. de Valenciennes* : à cent hommes d'armes. F° 89.

2. *Ibid.* : Rousne. — 3. *Ibid.* : Goullesmes.

## ADDENDA.

P. 354, *ajoutez* : P. 116, l. 16 : li cardinaulz Blans.—*Mss. A*  
41 à 14 : le cardinal d'Albane.

P. 448, *ajoutez* : P. 138, l. 11 : Hantonne.—*Ms. d'Amiens* :  
Vous avez bien oy compter comment li roys de Franche avoit  
sus le mer mis et establi Geneuois, Normans et escumeurs pour  
gerrier les Englès qui le mer volloient passer ou repasser, des-  
quels messires Hues Kierès, Bahucès et Barbevaire estoient sou-  
verain. Si se tenoient chil sus mer et estoient souvent devant  
Douvres ou Winnescésée ou en la Tamise ou devant Mergate,  
et faisoient moult de contraires à toutes gens, especialment as  
Englès et as Flammens. Avint que chil escumeur, qui bien es-  
toient trente mille Geneuois, bidaus et Normans et Pickars, vin-  
rent par ung dimenche devant Hantonne, à heure de messe que  
les gens estoient au moustier. Et prisent le marée si à point que  
il entrèrent ou havène de Hantonne, et furent mestre et seigneur  
de toute le ville et des gens, et le prisent et robèrent; et moult  
de bonnes gens y tuèrent, de femmes et d'enfans, dont che fu  
pités. Et se tinrent là tout le jour, et chargièrent leurs vaissiaux  
de tout ce qu'il trouvèrent. Et envoièrent ardoir par aucuns de  
leurs courreurs aucuns hamiaux dallès Hantonne : de quoy  
tous li pays fu moult effraés et esmeus, et en vinrent les nou-  
velles à Wincester et à Saslebri et à Gilleforde et jusques à Lon-  
dres. Lors s'esmurent toutes manières de gens et vinrent à che-  
val au plus hastivement qu'il peurent en le conté de Hanthonne  
et en le ville; mès il trouvèrent que li Francois estoient retret,  
qui le ville avoient toute arse et reubée: dont il furent courrou-  
chiet et li roys de France tous joïans, et dist que Barbevaires  
et li sien avoient fait ung biel exploit à che coummenchement sour  
les Englès. Che fu environ le Nostre-Damme en septembre, l'an  
de grace mil CCCXXXVIII. F° 34.

## ERRATA.

### *Au lieu de :*

Englès, page 6, ligne 23,  
conservé, p. 7, l. 1,  
Valenchienes, p. 7, l. 13,  
avoeh, p. 10, l. 29,  
Valenchienes, p. 21, l. 12 et 13,  
avoien, p. 21, l. 28,  
e, p. 23, l. 29,  
Valencienes, p. 25, l. 12,  
Englesses, p. 58, l. 4,  
Valenchienes, p. 74, l. 6, 7, 30,  
Valencienes, p. 75, l. 23,  
a, p. 89, l. 10,  
ça mainte, p. 95, l. 18,  
Valencienes, p. 121, l. 1,  
Valencienes, p. 124, l. 4, 9, 10, 23, 24, 26, 27,  
Valencienes, p. 125, l. 18, 19, 24,  
noume, p. 219,  
noumé, p. 222,  
fuirs ne eslongiers, ne leur estoit, p. 242,  
  
Rosebouch, p. 321, au bas de la page,  
roïians, p. 359,  
estant, p. 406,  
d'Esqut, p. 453,  
ce, p. 456,

### *Lisez :*

englès.  
conservé.  
Valenchienes.  
avoeh.  
Valenchienes.  
avoient.  
et.  
Valenciènes.  
englesses.  
Valenchienes.  
Valenciènes.  
à.  
tamainte.  
Valenciènes.  
Valenciènes.  
Valenciènes.  
nonme  
nonmé.  
fuirs ne eslongiers ne  
lor estoit.  
[Bervich]  
roïiaus.  
Fscant.  
d'Esqaut.  
et.

*Ouvrages publiés par la SOCIÉTÉ DE L'HISTOIRE DE FRANCE  
depuis sa fondation en 1834.*

OUVRAGES IN-OCTAVO à 9 francs le volume.

- |   |   |
|---|---|
| <p>L'YSTOIRE DE LI NORMANT. 1 vol. <i>Épuisé.</i><br/>         GREGOIRE DE TOURS. HISTOIRE ECCLÉSIASTIQUE DES FRANCS. Texte et traduction. 4 vol. <i>Épuisés.</i><br/>         — Même ouvrage. <i>Texte latin.</i> 2 v.<br/>         — Même ouvrage. <i>Traduction.</i> 2 vol. <i>Épuisés.</i><br/>         LETTRES DE MAZARIN A LA REINE, etc. 1 vol. <i>Épuisé.</i><br/>         MÉMOIRES DE PIERRE DE FÉNIN. 1 v.<br/>         VILLEHARDOUIN. 1 vol.<br/>         ORDERIC VITAL. 5 vol.<br/>         CORRESPONDANCE DE L'EMPEREUR MAXIMILIEN ET DE MARGUERITE, SA FILLE. 2 vol.<br/>         HISTOIRE DES DUCS DE NORMANDIE. 1 vol. <i>Épuisé.</i><br/>         ŒUVRES D'EGINHARD. Texte et traduction. 2 vol.<br/>         MÉMOIRES DE PHILIPPE DE COMYNES. 3 vol. Tome I <i>épuisé.</i><br/>         LETTRES DE MARGUERITE D'ANGOUËME, sœur de François I<sup>er</sup>. 2 v.<br/>         PROCES DE JEANNE D'ARC. 5 vol.<br/>         BEAUMANOIR. Coutumes de Beauvoisis. 2 vol.<br/>         MÉMOIRES ET LETTRES DE MARGUERITE DE VALOIS. 1 vol.<br/>         CHRONIQUE LATINE DE GUILLAUME DE NANGIS. 2 vol.<br/>         MÉMOIRES DE COLIGNY SAVIGNY. 1 v.<br/>         RICHER. Histoire des Francs. Texte et traduction. 2 vol.<br/>         REGISTRES DE L'HÔTEL DE VILLE DE PARIS pendant la Fronde. 3 vol.<br/>         LE NAIN DE TILLEMONT. Vie de saint Louis. 6 vol.<br/>         BARBIER. JOURNAL DU RÈGNE DE LOUIS XI. 4 vol.<br/> <i>Les tomes I et II épuisés.</i><br/>         BIBLIOGRAPHIE DES MAZARINADES. 3 vol.<br/>         COMPTES DE L'ARGENTERIE DES ROIS DE FRANCE AU XIV<sup>e</sup> S. 1 v. <i>Épuisé.</i><br/>         MÉMOIRES DE DANIEL DE COSNAC. 2 vol. <i>Épuisés.</i></p> | <p>CHOIX DE MAZARINADES. 2 vol.<br/>         JOURNAL D'UN BOURGEOIS DE PARIS sous François I<sup>er</sup>. 1 vol. <i>Épuisé.</i><br/>         MÉMOIRES DE MATHIEU MOLÉ. 4 v.<br/>         HISTOIRE DE CHARLES VII ET DE LOUIS XI, par Thomas BASIN. 4 vol. Tome I <i>épuisé.</i><br/>         CHRONIQUES DES COMTES D'ANJOU. 1 vol.<br/>         GREGOIRE DE TOURS. ŒUVRES DIVERSES. Texte et traduction. 4 vol. Tome II <i>épuisé.</i><br/>         CHRONIQUES DE MONSTRELET. 6 vol. Tome I <i>épuisé.</i><br/>         CHRONIQUES DE J. DE WAYRIN. 3 v.<br/>         MIRACLES DE S. BENOÎT. 1 vol.<br/>         JOURNAL ET MÉMOIRES DU MARQUIS D'ARGENSON. 9 v. Tome I <i>épuisé.</i><br/>         MÉMOIRES DE BEAUVAIS-NANGIS. 1 vol.<br/>         CHRONIQUE DE MATHIEU D'ESCOUCHY. 3 vol.<br/>         COMMENTAIRES ET LETTRES DE BLAISE DE MONLUC. T. I à III.<br/>         ŒUVRES DE BRANTÔME. T. I à IV.<br/>         COMPTES DE L'HÔTEL DES ROIS DE FRANCE AU XIV<sup>e</sup> et XV<sup>e</sup> S. 1 v.<br/>         ROULEAUX DES MORTS. 1 vol.<br/>         ŒUVRES DE SUGER. 1 vol.<br/>         MÉMOIRES DE M<sup>re</sup> DU PLESSIS-MORNAY. Tome I.<br/>         JOINVILLE. HISTOIRE DE S. LOUIS. 1 vol.<br/>         CHRONIQUES DES EGLISES D'ANJOU. 1 vol.<br/>         CHRONIQUES DE J. FROISSART. T. I.</p> |
|---|---|

SOUS PRESSE :

- COMMENTAIRES ET LETTRES DE BLAISE DE MONLUC. Tome IV.  
 MÉMOIRES DE M<sup>re</sup> DU PLESSIS-MORNAY. Tome II.  
 ŒUVRES DE BRANTÔME. Tome V.  
 CHRONIQUES DE J. FROISSART. T. II.

BULLETINS ET ANNUAIRES.

- BULLETIN DE LA SOCIÉTÉ, années 1834 et 1835. 4 vol. in-8°. — 18 fr.  
 BULLETIN DE LA SOCIÉTÉ, années 1836-1856. *Épuisé.*  
 TABLE DU BULLETIN, 1834-1856. In 8°. — 3 fr.  
 BULLETIN DE LA SOCIÉTÉ, années 1857-1862. In-8°. — Chaque année, 3 fr.  
 ANNUAIRES DE LA SOCIÉTÉ, 1837 1863. In-18. — Chaque volume, de 1837 à 1844, 2 fr.; de 1848 à 1863, 3 fr. *Les années 1845, 1846, 1847, 1853, 1861 et 1862 épuisées.*  
 ANNUAIRE-BULLETIN, années 1863 à 1867. — Chaque année, 9 fr.